

邑志攷引



志安昉昉於春秋春秋者孔子
不得志於時所為作也今天下
郡邑皆有志秉筆者不惟其爵
惟其人它不具論令典四月淮
陽亦嘗舉先為廣文時所草而

彙之為淮陽志矣吾寧古鹽官
縣更而州州又更而縣代居海
國無虞播遷而近乃罹海患劇
守土者方日夜憔悴畚鍤紛紜
又奚暇弄不律圖不朽為當湖
趙無聲先生者其學博綜挾奧

逮

其下筆排山倒峽而其人則慷
慨木強自庚子逮今困公車三
十年研穿裘敝邑邑不得志乃
退而振鐸吾寧登壇之日凡士
之翹楚必拔不爽躍冶必創不
貸不斲諧俗而斲諧理遇公正

一發憤無避忌袒左右聽者解
顧心服五年於茲每恨邑志築
舍以忝文獻乃為作備攷其目
凡十有二其法詳古略今詳舊
畧新則吾因是而重有感於今
也自日用飲食以至衣冠言動

繩

自鍾鳴鼎食以至甕牖絕_上樞目
之所睹耳之所聞無一衷於古
而懷於舊者矣獨一郡一邑然
乎哉積妖釀灾遂至犬羊誑於
北魚龍吼於南所在不寧吾邑
倍遭其毒斯時也誠得志而志

之覽古傷今砥新還舊俾怒濤
息而匏歌興所保豈尠哉旣脫
藁為付廟氏將擊易水而遊曲
江廼以立晏屬典得無謂非吾
友者不欲得其語而唯典之友
也意典拙不逢年韞不諧世差

足武先生之後塵也乎先生不
得志而作備攷余不得志而為
備攷序其歸一而已矣維時偶
憩郡北別業赭葉盈眸綠蔬適
口時雨新霽種種快人正泚筆
而先生惠焚餘至亟讀問荅盡

吐肝膽皆言人所不能言不敢
言者一切知罪無所撻其慮又
何有於邑志之一變
崇禎庚午陽月第八洞天外臣
許令典識

邑誌攷引

史不得其官不傳不得其人不
傳不當散佚漫漶之時不傳古
今自龍門外作者寥寥非沈洋
不經則紕漏無當所謂其官是
其人其時非也天下郡邑山川

禮樂財賦政事人物之屬各有
紀載亥豕之訛隨時刊定則信
而傳傳而可久吾邑乘蕪廢踰
一甲子矣受事茲土者或手摘
簿書棘刺難脫或放情流浪說
鬼談神而於乘誌則棄如嚼蠟

所謂其時是其官是其人非也
吾無聲趙先生以端品績學振
鐸吾寧日與羣弟子冥摛逖覽
上自星緯雲石下自鳥獸草木
中及興亡成敗悔吝憂虞之故
靡不早夕殫究既彙快編作渡

朝

世津梁而更以其餘暇吊平原
睢陽之遺烈挹紫薇橫浦之流
風每俯仰滄桑次灤增慨時邑
使君有啟趨先生登壇橐筆為
邑乘計者先生也意廓落殊弗屑
喟然曰惡乎誌八駟雙戟雖盲

亦史屈首一經而不得志於時
縱使眼如箕口如河腹如笥穎
君子墨亦將匿咲於石田之側
乃退而作備考曷備乎文獻無
徵志士扼腕後世得知已足以
不憾亦曰備乎云爾則所謂其

時是其人是其官非也今
天子銳意文治群彥鱗集使先
生進而備中秘又進而備顧問
名山之業方駕子長庶幾官不
負人人不負時立言其有藉乎
予小子且得哉問字之酒與先

載

生上下千古焉茲因備致之成
而姑述其幽憤之槩如此若致
美文詞以為信且傳傳且久則
吾豈敢
崇禎庚午立冬日門人葛徵奇
頓首拜撰

寧邑誌攷序

古有良史才未必有良史品品
與才俱良而不能身任怨勞內
私其好憎外怵於威富將傳穢
傳寃為禍等烈即今實錄難成
成且屢遷改秉筆之際難可覩

矣予有平水土之責于寧間握符治寧事古昔嘉言懿行今日土性民風亦既遐覽而洞悉之洋洋大海洶渤沈洋非尋常一管城子所能傳信也有第一人趙無聲先生者為寧士師六年

以刪潤二十一史墨汁之餘撰寧誌備攷采詳鑿慎獨斷獨成比於舊誌倍十之五雖近事少所增入而耳目之前易為簡括後有秉筆者稍加採輯即是全書直命曰誌可耳惡乎備余受

讀卒業而知其造於寧者大也
爰捐俸錢以襄劖氏文出乎一
手而功竣於三旬更數十年時
移事換有民社之任者將文獻
乎斯編以續之則余實為之蒿
矢云

崇禎庚午十月之望攝杭州府
知府事古黔劉元瀚羽波父
序於子瞻堤畔

小引

周禮外史掌四方之志今郡若邑博士古外史秩也國初郡邑博士得參中秘之席百年來第飽首藉而嘆侏儒嗟乎博士不當史耶吾師無聲先生冥搜逖覽下上二千年間既已多所撰著廼頌來振鐸吾寧等壇之暇復讀寧志而喟然以諸生請輒操不律從事及成又遜謝不任志題曰備致嗟夫人禍天刑史往往有餘懼先生其凜昌黎之成與所載筆大較詳往昔而濶畧耳目之前蓋郭

登

秦不臧否人物庶幾近之雖然漢書成而雜記不廢於西京晉史出而世說終傳於江左有如明詔忽下分遣黃衣使者采蘭臺石渠之副不能遺寧寧又奚能置是編表東海之雄風也抑生有說寫太常博士叔孫通既綿蕞漢儀奏曰諸弟子儒生隨臣久與臣共為儀願陛下官之高帝悉以為郎先生亭亭孤節于霄直上度必不願為叔孫吾黨小子請以魯兩生服膺先生可乎海昌門人談以訓拜手謹識

干

凡例

一修志之說起自戊辰夏時諸生有嗜古者伎養呈縣縣令弗省已矣踰年己巳春余方襄試會城而令忽移牒理前事余亦姑置之迨夏五試竣始傳檄採故實廼未幾而居竒之議起余遂一意謝絕惟是離經譯史稽古證今自是吾輩讀書事志可不修書不訶讀則備攷所由作也一是編卷凡十二幾十五萬言而于邑志及談子外志戒弗敢掠美第間摘其一二之必不可缺

及

者余所主惟圖經郡志而參以歷代正史本朝
典則典故憲章通記旁郡邑志等書更習百家
雜說凡闕涉寧者一切不嫌獵取要以藏書甚
貧掛一漏萬亦曰聊以備攷云爾

列

一編中分門標款不盡摹古如儒官之不例縣屬
也名臣名儒諸目以易鄉賢也牧政流績以易
名宦也丈夫女子總彙為獨行也水利之別于
山水也祠廟之別于寺觀也此皆微以臆見評
定亦惟是一家之言不妨直任其愚以俟異時

之秉筆邑乘者

一編中詳古畧今其于今也又詳舊畧新懼古事
易湮信舊人論定也若嘉靖丁巳後為邑志所
未入者雖事堪垂則人足儀世槩不敢輕置品
題間或以天義相督不得盡謝亦必於本條之
下明註某某記令讀者知說所自來易于搜剔
簡證云

一志者記也猶里人言記取日記云耳義貴質貴
核雕繪無取焉矧備攷猶為記之記乎近古肥

程畸人令侯為余邑作志扁諸名士于局令士各獻竒以故文多異彩顧丹鉛太工識者不無諛墓美新之憾余老矣吹影鏤塵故非力所及朴而俚即日為里人無辭焉

一是編捐俸鳩工繫惟

明府劉公為政而始終拮据克襄厥成則太學陳梁庠士吳維熊實與有勞法得並書

崇禎庚午冬孟雪日當湖鈍叟趙維寰識于海昌之天濤閣

紀參校

余纂輯之始徧詢士論謂僉舊志頗多訛舛且疎畧甚是編必不可缺余遂為之屬筆茲既脫藁諸贊決者實與有力焉為識其名于左雖不盡識者半顧維桑之計度無異同云

參定

朱道行

以手錄故實參

許令瑜

以家藏雜籍參

郭濬

以家藏紀畧參

談以訓

以自纂外志參

吳維熊

以自纂志餘參

徐而薦

以家藏題名改參

歷科

王振先
以家藏圖經及先賢錄參

總校

沈端

查大韶

朱朝瑛

徐孟遠

徐鶴朋

朱一儒

俞元良

沈憲

沈國彥

查大緯

祝文襄

徐元榮

徐永平

葛定遠

陳兆勳

祝烱文

沈兆昌

曹元禔

沈兆輪

葛定鼎

查聖繼

徐林宗

朱朝琮

俞士鼎

曹單方

陳鼎實

祝守熙

朱福長

廷

朱之禔

陳象曾

茅齊泰

盧會祺

王民熙

沈胤璣

郭慎之

沈衡

沈長源

朱履穆

陳許庭

陳正學

查大經

祝君祚

吳麟祥

俞正君

張王助

崔長錄

羊化龍

陳錫周

查大宇

周明輔

徐君彥

吳啟熊

許丕禕

徐晉階

羊祥麟

董奕壕

梁鵬

徐弘策

羊世昌

吳鼎

蘇千秋

朱一是

分校

葛徵英

郭維城

查嗣馨

徐升

蔣周祚

查可繼

葉如璋

姚懋勳

張華

顧文炳

張鏡

朱朝珩

張象璧

姜曰俊

陳飛鳴

李星如

沈象彝

徐行

陳廷芝

章兆龍

查繼琦

郭宗儀

蔣薰

鄔明鏘

章尚默

陳生旭

金宗

陳士瓚

俞金鼎

黃瓊

陳煌

朱大常

董纘緒

祝錫文

曹明善

祝忠文

葛定策

周明保

董襄鉉

查繼佑

史宗城

張衡

談以璉

徐孟瑚

陸奇

許成龍

鄭輔明

孫琦

童傑

沈士元

查繼甲

葛孔昭

徐孟祺

陳維城

朱欽止

徐遴

張潮生

薰瓚嘉

唐鴻遇

陳思王

郭必遇

楊遇辰

史官

鍾灝

陳胤蘭

湯紀震

祝洵文

祝義文

蔡聯璵	陳鯤鯤	錢鍾芬	范仲陶	陳鯨	祝文垣	馬源孝	董奕壯	朱朝琦
丁祖慶	沈元荃	楊汝謨	蔡聯珩	徐鵬舉	朱廷璋	曹之豪	董奕培	史宗速
李文鼎	陳之采	沈懋華	沈令德	徐來	李長泰	祝守策	沈士魁	沈士秀
丁彬	徐林賢	范士瑜	陳閻	蔡聯駿	施志煥	徐元旂	李文鳳	董璿嘉

張純	董長吉	張元美	梁之騏	朱仲驤	俞夢龍	許銘鼎	查瑄	杜維垣
陳之英	高金鼎	沈貞亨	徐覲垣	葛定辰	密文昌	管清奏	陳謔珩	朱嘉徵
周應選	祝守泰	董璋嘉	徐孟璉	裴昌祐	董奕臺	浦士奇	陸銑	蘇彥方
王言	張元翔	查大紹	唐時欽	駱錫蕃	宋大受	梁之鶚	杜映芳	查繼美

李茂英 沈珪 沈兆可 周愈昌
周一俊 傅樹琦 張昭 周之彥
董貽玉 徐錫嘉 陳廷燿 徐賀瑞
徐孟珵 章金生 孫肖宗 沈令威
董闕生 葉體和 祝文苞 陳祥
李元衡 錢鍾英 許相朱 許丕祿
孫亢宗 曹承善 徐瑛 袁祿
周洪佐 張祈齡 王受鼎 陸應庚
賈治策 沈士恂 梁之珣 錢鍾芳

查大緒 許弘祖 許念祖 王嗣曾
戴仁行 徐元嘉 陳北辰 陳士芳
湯元纘 顧陳志 范鳴時 徐大英
周大典 顧立明 蔣燦如 俞竟成
陸宗宣 徐孟鑲 查繼臯 查繼昌
徐孟鑰 徐卿 居高華 金獻之
徐廷泰 金之麟 陳一擎 孫枝茂
葛定郊 張之瀚 吳嘉緒 潘鴻漸
祝守全 祝文繼 賈兆奎 查大燦

紀參校終	時難于徧憶非有軒輊也	是編之勒諸士度有同心其不盡列名者或一	李楷	周家禎	陳宗祧	朱徽仕	王公旦	蔣公亮	鄒振	徐錫初	王翼	陸士蘭	褚迪時	許啓鑑	陸舟還	屠龍錫	張仲翔	馬源遵	徐孟鎧	張萬程
------	------------	--------------------	----	-----	-----	-----	-----	-----	----	-----	----	-----	-----	-----	-----	-----	-----	-----	-----	-----

宣誌備攷目錄

卷一

橋梁	坊市	山水	疆域	沿革	紀名	叙文	凡例	星野	形勢	城池	衢巷	郵傳	牌坊附							
----	----	----	----	----	----	----	----	----	----	----	----	----	-----	--	--	--	--	--	--	--

卷二

壇壝

縣署制

鹽署附

祠廟

分土

編戶

風俗

土產

土貢

卷三

土賦

課程

鹽課

征徭

郵政

卷四

水利

海患及治海類

河坊及治河類

祥異

古蹟

邱墓附

卷五

縣官制

鹽監官制附

縣官題名

鹽監官題名附

牧政

流績

卷六

學官制

社學射團附

學田

學租附

學職

官制禮統題名官制績併

禮樂

宮

置志備文

錄

上

辟

卷七

典籍舊藏書目 邑先輩著述 日 績藏書目

選舉諸科特薦壘科 名科 日 明經科 賢良科 方正科

懷才抱德科鄉貢科 稅戶附武科 進士科

卷八

名賢後賢附 名臣良臣附

卷九

名儒文人附 逸民先民附

獨行懿行附 義俠

流寓 方伎

卷十

武衛官制 額 署制 民兵額 軍額 營寨

操練 世系

方外僧寺 道觀 禪宗 玄宗

佚事

卷十一

遺文類誌序銘 記 祝文 劄 贊

卷十二

遺文類誌序銘

目錄終

寧志 卷一



當湖鈍叟趙維寰輯



沿革

海寧縣屬杭州府周以前寧地介在吳楚越間未

知誰屬自秦代周罷封建置郡縣屬以吳越地置

會稽郡領縣凡二十四時在杭者曰錢塘曰餘杭

曰富春曰海鹽漢代秦高帝之十二年封劉濞為

吳王吳領縣二十六其在杭者五而海鹽仍與焉

東漢順帝永建四年分浙江以西為吳郡統縣凡

縣下同

而

鹽下同

十三其在杭者三而海鹽仍居其一班固漢書注曰海鹽縣故武原鄉有鹽官輿地廣志云鹽官本漢海鹽縣地吳王濞煮海為鹽設鹽官於此後因以為名是鹽官在秦漢時其地皆隸海鹽未名縣也嘉興志云三國時吳大帝黃武四年割由拳海鹽二縣地為鹽官縣唐書輿地志亦云三國吳置鹽官縣然則鹽官之名縣實始自孫吳矣晉太康元年分天下為十九州州統郡郡統縣時吳郡屬揚州統縣凡十一而在杭者三曰錢唐曰富春曰

鹽官見晉書自是歷宋齊梁鹽官皆屬吳郡陳武帝

永定二年割吳郡之海鹽前京鹽官三縣地置海

鹽郡治鹽官見陳書後主禎明元年割海鹽縣屬鹽

官見吳地記是年置錢唐郡尋改吳郡為吳州而以錢

唐郡屬焉鹽官仍屬吳隋文帝開皇元年罷吳州

及海鹽郡而改吳郡為蘇州陞錢唐郡為杭州廢

鹽官入錢唐屬杭州隋書云平陳置杭州舊置錢唐郡廢煬帝大業

三年復改杭州為餘杭郡仍置鹽官屬之廣輿志

云隋時鹽官屬餘杭疑此時也杭一日大業二年改

錢唐郡恐

非唐高祖武德元年四年日罷餘杭郡復為杭州領
縣四惟錢唐餘杭於潛新城而鹽官不與焉唐書
云武德中鹽官屬東武州七年省鹽官入錢唐貞
觀元年分天下為十道杭屬江南道杭時領縣四
而鹽官仍不與則以前省入錢唐也四年乃復分
錢唐置鹽官縣廣輿志云唐時鹽官屬杭州蓋在
貞觀四年後矣玄宗天寶元年復改杭州為餘杭
郡領縣九而鹽官居其一肅宗至德二載仍改餘
杭郡為杭州鹽官仍隸杭州武宗會昌四年陞鹽

官為緊縣五季朱梁初錢鏐為吳越王杭時為國
鹽官屬吳越國臨安志云朱梁龍德三年析錢唐
鹽官地置錢江縣今仁和即錢江也宋太宗太平
興國三年吳越國除杭復為州鹽官仍隸杭州建
炎三年高宗南渡都臨安陞杭州為臨安府領縣
九前此九縣有紫溪唐山而無仁和昌化建炎九
縣即今之九縣自是不復更矣紹興五年鹽官陞
上縣尋復與外六縣並陞畿縣元世祖至元十三
年仍改臨安府為杭州十五年又改名杭州路二

海寧州

十一年又改杭州路為浙江行省而鹽官之屬杭
俱如故成宗元貞二年以戶口繁盛陞為州文宗
天曆二年以海患寧息始改鹽官州為府入
明吳元年杭州行省內附仍改路為府洪武二年
仍改海寧州為海寧縣隸杭如故總之一海寧也
而其名凡六最初曰海昌府在三國吳曰鹽官縣
在六朝陳曰海寧郡在元曰鹽官州又曰海寧州
其曰海寧縣則定自本朝云○按三國志獻帝建
安八年陸遜以東西邊令史出為海昌屯田都尉

曹

兼領縣事夫漢晉間止有海鹽鹽官而三國時已
有海昌吳錄地理志云鹽官本名海昌吳時改名
鹽官而沈約宋志又云非也鹽官乃漢之舊縣葛
豐錢唐賦亦云於潛鹽官起自漢家然則海昌之
名始自何代無從攷矣
星野 一之二

星野之說頗屬荒渺似可存而不論顧據占攷驗
亦自有不盡誣者請摭述舊聞俟知星者測焉周禮
保章氏註星紀吳越斗牛分也漢地理志吳地斗

斗分越地牛女分陳卓范蠡諸人分星丹陽入斗
十六度會稽入牛一度由此觀之杭嘉在斗牛之
間而鹽官正在杭嘉之間大較可知矣粵稽春秋
以來魯昭公三十二年夏吳伐越史墨曰越得歲
而吳伐之必受其害不及四年越果滅吳漢孝景
二年七月丙子火與水震出東方因守斗占曰其
國絕祀斗吳也又為越三年吳連七國及吳王亡
走越越攻而殺之國除元鼎中熒惑守南斗占曰
熒惑所守為兵亂守之久其國絕南斗越分也其

晨

後越相呂嘉殺其王及太后漢兵之滅其國東漢
熹平元年十月熒惑入南斗中占曰熒惑所守為
兵亂斗中為吳是年十一月會稽賊許昭聚眾自
稱大將軍晉安帝隆安四年正月月犯填星在牽
牛五月孫恩破會稽復寇海鹽劉裕追擊破之宋
大明八年六月有流星大如五斗甌赤色有光照
見人面尾長一丈餘從參北東行直下經東井過
南河沒占曰民饑吳越有兵其後兵起殺傷甚衆
隋大業九年五月熒惑逆行入南斗色赤如血如

三斗器光芒震耀長七八尺于斗中句已而行占
曰有反臣兵大起斗吳越分反臣楊玄感父封于
越朱燮管崇亦于吳郡擁衆反唐建中十九年三
月熒惑入南斗色如血斗吳越分色如血者早祥
也大歷十年正月歲星熒惑合于南斗占曰饑旱
吳越分也光化三年十月太白鎮星合于南斗占
曰吳越有兵宋建炎元年秋斗牛間有紫氣冬十
月孝宗生于嘉興次年高宗移蹕錢塘定都百五
十餘年凡此皆占驗之歷歷著明者是安得以六

合之外而槩置之

疆域一之三

宋圖經云鹽官縣西北一百三十里舊二十二鄉
今九鄉本漢海鹽由拳二縣之境見太平寰宇記

縣志載此于沿革中
非是宜改入疆域其詳載縣志及外志
形勢一之四

錢唐屬邑鹽官為最在浙之朝陽為吳之右臂白
鋪江面青點海門蜃樓起而蟠練橫星漢低而枯
槎活潮生信大雷霆藏龍戰之聲潤下功深蜀井

徙

喪虎形之味

見僧贊寧會力寺記

江所輯畧云寧邑南有赭山實惟江門東有黃灣實通海港兩端相距百四十里而中無城守先年島夷屢犯首趨龕赭後據石墩人民死徙不可勝數苟有巖城扼其險要使賊無駐足之所東不得過袁花而窺硤石南不得浮錢唐而犯省會縣治得此兩翼庶不獨當風波之衝此亦經海之總要也餘詳邑志外志

山水 一之五

蟠

自寧邑西南望則有葛嶼山去葛嶼東一里為盤山盤山南去八里為赭山赭山西里許為禪機山東半里許為文堂山諸山皆瀕大海赭山與越之龕山南北對峙而海潮出沒其間是謂海門山有獐獾雉雀之屬

雷山在江心山形圓小雅稱翠鬱

巖門山穹窿峭拔疊嶂盤簿故號主山山有塔東

去十里為蜀山西一里為河莊山又東一里為

胡家山舊名黃山一日越山山無佳植獸有獐

靈志

卷一

六

獾狐兔鳥則文雉鴉雀

茗山植有竹松鳥有山鷄鳩鶴山在治西北

破石山二一日審山號東山一日紫薇山號西山

二山相對中隔河流而皆在破石鎮土人合稱

破石山云自破石山以下皆在治東北東南

花山坦夷盤薄如崗如陀山多白鵬火鳩亦茂松

竹

黃山巉巖峭拔其植有楊梅山茶

菩提山即靈泉山也山有靈泉井因以名山植多

桂竹鳥有鶴鷓文雉

錢山舊多水仙今所植多蒼松翠竹鳥有鶴鷓山

雀

小尖山去石墩里許登小尖西望石墩猶印阜耳

妙果山綿延共聳其尾鑿斷即為袁花山故袁花

一名龍尾

夾山卉有菊植有桃竹松檜禽多文雉鶴雀獸有

兔狸○嘉興志云以其居金粟金牛之間故名

夾海鹽金粟山

鹽下原刻
效一字

鹽下原刻

效一字

斑

尖山萃律崛起亞于金牛上有高峯可百丈許週
十里其巔置烽堠南臨大海島有白鷗文雉
黃灣山山形聳峻林木蒼鬱植有班竹鳥有白鷗
画眉獸則獐兔

金牛山高三百丈許望之蒼翠青鬱多雉兔獐獾
之屬○吳地記云海鹽縣西五里有會稽山是
陸華兄弟逐金牛處○按海鹽今無會稽山而
寧有金牛山則金牛即會稽也然金牛去海鹽
約數十里而記云西五里何與詳外志

自金牛稍北為廟山山形深宵洄曲其西為鳳凰
山下有烽堠其東為菘山又東里許為望夫山
山形峭拔亦置烽堠其上自廟山以下諸山皆
無竒花異植

烏龍山在談山東二里許山形壁立昂峙若翔若
翔水清能鑿毛髮

石棋山岩阻幽邃窳窳岑蔚

諸山之外尚有橫山蠓山管山箬帽山黃陀山白

鶴山葛嶺青陽山中亦有佳者具詳談子外志

其自葛嶼以下山形高下與在縣之某隅去縣道里遠近俱詳邑志不錄

寧之嶺一曰赤兔嶺一曰赤土詳邑志外志

寧之洞三曰蜀山洞曰紫薇洞曰金牛洞俱詳邑

志○圖經云金牛洞甚深曾有好事者遊焉入其中見蛇怪自是遊人遂絕

寧之石五曰望夫石曰怪石曰箭石曰盤蛇石曰

秦王磨劍石俱詳邑志

寧之水莫大于海海在縣南十里○按海去縣十

凡原刻亦誤作凡

卯百步而大海已偪凡硯間于觀濤甚壑至丁凡

里據縣志言也余自萬歷丁巳遊寧出城南望海無所見時吳亦臨令寧余問之曰沙漲三十里許去海遠矣及天啓乙丑余至寧出城南僅戊辰則沙復漲十里許及崇禎己巳秋十里沙隄不半月忽盪盡潮勢洶湧仍偪城百步而近脫海若未肯悔禍恐寧民未得安枕也然戊辰之七月廿三日海嘯殺人無算是時沙隄十里宛然無恙而卒無救于寧則沙之有無亦何闕

利害乎滄桑之說自古有然要在寧吏寧民修
人事以應之耳

寧之湖十有五曰臨平湖○圖經云臨平湖今大
半屬仁和縣沿革所謂析鹽官地為錢江縣者
即此是也

曰建興湖曰谷湖曰竹浦湖○圖經云舊有寫本
圖經載建興湖深五尺勝百斛舟谷湖竹浦湖
並深五尺勝八十斛舟今皆廢○按圖經考異
云寫本圖經作建興湖臨安志則云吳建寧中

開名建寧湖今故老相傳無建寧之稱當是臨
安志誤

曰淡塘湖○圖經云淡塘西至府九十里章瑋作
兒童塔記云直縣之西有水曰淡塘其派自錢
源來惜乎來脉雖遠而源流不深故未能有佳
驗苟浚之使深當富貴世世不絕往魏伯珣宰
邑邑入張少良嘗贊是役竟不果

曰郭店湖曰新江塘湖查二湖源流止是一水獨

郡志詳于郭店邑志詳于新江耳

寧志備五 卷一
日高湖曰月湖曰破石南湖曰茶湖曰縣市湖曰
二十五里塘湖曰洛塘河曰袁花塘湖曰彭墩
湖以上諸湖源流及去縣治方隅近遠俱詳邑
志

原刻作清

寧之浦凡二曰黃灣浦曰百尺浦○按邑志二浦
皆載入水利余謂浦即湖港之類今黃浦青浦
皆以水得名非論利害不得入水利
寧之港凡十三曰白彈港曰黃土港曰吳姚塘港
曰石棋港曰夾山港曰秋門涇港曰天門港曰

馮牧港曰褚家港曰赭山港曰東陳村港曰混
水港以上諸港其詳俱在邑志

寧之龍湫一在長安中閘號中閘龍潭載邑志

寧之泉四○一曰雪峯泉在縣東南五里壽聖院
元延祐間盪入海載郡志○一曰紫薇泉見縣
志○一曰靈泉縣志附見于井曰靈泉井余謂

井與泉不同井由人造泉自地溢當列之泉舊
傳有橫浦先生詩載圖經今佚○一曰烏龍泉
即烏龍井故老相傳謂臯蘇將軍黑馬跑地得

名下脫則名

泉因以為名泉近是

丹 寧之井七曰市邑十井日馬自然舟井曰葛仙翁

丹井曰吳井曰禪師井曰義井曰石井俱詳邑志

寧之池五曰泮池邑志不載曰放生池曰白洋池

曰磨劍池曰靈龜池○圖經云靈龜池舊有尼

寺今廢有顧况詩

按劍洞石皆生于山宜附山湫泉井池皆水宜

附水邑志外志或列之古蹟或列之水利皆非

嶺

係古蹟者不妨于古蹟詳見係水利者不妨于

水里詳見若但舉其名自當以類列也

城池 一之六

海寧舊城隋大業十三年築今在縣治西北四十

一里周六百步高八尺唐永徽六年改築今縣

治周四百六十步高二丈濠濶五丈深四尺圖見

經入元圮至正十九年江浙行省命左右司都

事陳元龍築高一丈五尺周七里九十步時有

城海寧詩戶部尚書宣城貢詩泰為之序序載邑志

師

邑人胡奎有築城謠載題八○國朝洪武永樂

嘉靖間信國公湯和都指揮谷祥知縣蔡完相

繼增築高廣鑿池濬濠屹為保障志見邑○余攷

郡志云至正十九年張士信城杭州遂城海寧

按此則邑志所謂陳元龍築者何據豈是時士

誠降元江浙行省即士信為之與

坊市一之七

邑坊今制十一具詳縣志○按宋坊亦十一其節

義安化曳裾仁賢狀元亞魁六名皆與今同今

坊原亦誤方

忠義坊則宋名忠孝若墨卿信義宣化善化四
坊今皆易名矣宋諸坊皆令魏伯珣建邑人張
少良書詳見圖經

寧牌坊十有九俱載縣志其建自嘉靖晚年及隆

歷以來者俱未備

邑市今制具詳縣志○宋圖經云縣市舊在縣西

北一百步唐貞觀四年置開元十一年令路宣

遠徙于治西南二百五十步鄉市二一日長安

市一日破石市

家

入鎮海門而北拱辰門以南橫計之其東為字民坊為醋坊橋為觀音庵街為酒坊橋街為城隍廟街為瓦石堰為養濟院巷其西為南寺巷為雙廟巷為錢街巷為醋坊巷為安國寺巷為北道宮巷為永安橋街○入春熙門而西安戍門以東從計之其南為勝安橋街為崇儒坊為雙仁巷為雙廟橋街為永平倉街為打鐵巷為八營巷其北為亭會坊為惠康橋街為回回巷為

豆腐巷為射圃亭街○出鎮海門而南百步許即海塘沿塘東西皆沙場鹽舍○出拱辰門而北為厲壇街為田鷄街為光華橋街為油車街為二十五里塘○出春熙門而東為放生街為教場街為張姬閔為道人塘為六十里塘為袁花塘其東南則海塘也○出安戍門而西為賣魚橋街為社壇橋街其西南則海塘橋梁一之九

寧之橋凡四十縣志脫簡可攷者僅九余據郡志

橋

補三十一新增一○曰清平橋在縣南八步與
 鼓樓相對舊名三思○曰中和橋○曰勝安橋
 在縣東六十二步舊名烏鵲宋嘉泰四年重建
 一名昇仙○曰嘉泰橋在縣西南六十餘步舊
 名善見圖經云橋側有唐咸通間所立經幢今
 不存○曰紀家橋縣西七十三步○曰雙廟橫
 縣西二百一十四步○行春橋縣西二百一十
 九步○曰醕坊橋縣西一百三十步○曰監橋
 縣西南二百四十步○曰傅家橋縣西北二百

坊

六十六步○曰帥姑橋縣東北一百二十二步
 ○曰惠康橋縣東北二百六步○曰永安橋縣
 西北二百八十五步○曰安國寺橋縣西北三
 百五十八步下跨放生池○曰延恩橋縣西北
 三百五十步○曰酒放橋縣北二百二十四步
 跨瓦石堰○曰海昌橋縣東南一里二百一十
 五步○曰環橋縣東一十里跨轉塘下北河○
 曰渾水石橋縣西二十五里跨轉塘下北河○
 曰崇教橋縣東四十八里○曰丁家石橋袁花

市鎮○曰王道橋袁花北鎮達嘉興○曰長安
橋縣西北二十五里俗呼虹橋跨運塘河○曰
盧家橋縣西北二十五里跨運塘河○曰莊婆
堰橋縣西北三十里跨新江河元至大二年建
○曰薛婆橋縣東北一十二里元至正二十一
年建○曰斜橋縣東北二十里明永樂五年建
○曰通浦堰橋縣北五里跨二十五里塘下東
河明永樂十五年建今塞○曰光華亭橋縣北
一里一百三十一步跨二十五里塘河舊建亭

斜
原亦誤斜

三間于橋上正德間火燬今止存橋葉籀有詩
載談志○曰環秀橋縣東北六十里洪武三十
五年建○曰狀元坊橋宋張九成所居處○新
建萬家渡橋長安南三里○以上三十二橋談
志載二十六凡郡志所不詳者俱詳談志若中
和渾水丁家王道狀元五橋則談志不載
郵傳一之十

宣之急遞鋪凡十有六以傳遞文移者詳縣志
國初因元之舊宣有長安驛今廢詳縣志○圖經

云唐時有賦亭驛在縣西南二十步開元中柳
遵為邑令置今廢○又有義亭驛在縣西北二
十五里地名長安西至臨平驛三十里北至石
門驛四十三里貞觀五年置舊名桑亭驛八年
改名義亭○又有迎候亭在縣北二里唐咸通
二年置今廢○在宋有光華亭去縣北一里宋
禧熙四年令魏伯均置○又有海昌館在縣缺
三百五十步舊名班宣後改宣化嘉定元年令
潘景夔重修改今名 又有海昌亭在縣西北

二十五里長安上閘之旁自杭循東道行上湖
必於此艤纜以需啓鑰閘亦有亭舊無名
按今之漕運及使節往來皆取道下河長安古
驛湮廢已久此條似亦可削但自崇德而南凡
取道上湖者信宿抵杭比下河實便故今之商
旅由上湖者往往十六七異時滄桑變易事固
難知仍存以備攷

誌

宣之備攷卷一終

宣志備攷卷二



壇壝 二之一



叟趙維寰輯



木

社稷壇○舊在縣城北白馬廟後莫知所自始宋

大觀中縣令歐陽珣即其舊新之元至正三年

改建於州治北一里大德五年議置南西郊州

守高愿易地如制更置水主稱海宣州社州稷

入國朝洪武十一年改建於縣西北三里

正德三年知縣丁儀為復建今處增置宰牲齋

宿等舍

右所載壇制沿革錄郡志合之邑志微有異同

按大德係

元成宗號至正係順帝號至正去大德幾七十年不應前後倒置乃爾蓋世祖滅宋在至元十三年更置社稷當在此時而舊志誤至元為至正誤十三年為三年又誤縣治為州治世祖時鹽官仍縣未改州即成宗時亦未有海寧名也曰海寧州社州稷俱誤一曰大德間知州高原非高原未詳孰是○按圖經云社稷壇制在縣北二里後遷縣北一里半莫詳歲月今縣學有

比歲

政和二年令歐陽珣修壇碑記嘉定元年令潘景夔重修增置更衣之次仍令守者環植松柏○圖經考異云壇在縣北二里舊有寫本圖經云則曰在西南北水縣西南之忠孝坊西十字巷口錢氏墳園因治地得舊甃皆有社氏坊側有

石橋邑人猶稱社壇橋意舊壇在其旁近云則

所云西南者良是按歐陽珣碑記今猶在聖殿前東廡之南北面碑上勒

圖制頗精細與今碑不同

風雲雷雨山川壇

邑厲壇

鄉厲壇

旗纛壇

壇原亦誤才旁

以上四壇俱詳邑志○按郡志壇攢雜見於祠

祠廟二之二

城隍廟今制詳邑志不重列○按宋圖經云廟在

縣治東三十八步邑人稱為永固王○圖經考

異云臨安志云父老相傳本府城隍舊額號永

固王紹興二十年別封保順通惠侯則邑人稱

王襲府號非也

雙廟○今制詳郡邑志不重列○宋圖經云廟在

縣治西一百三十步祀張許雷南姚五公鍾禮

部必萬作重修記云歲月失載不可攷新城縣

亦有許公廟乾道三年令耿秉聞於朝敕賜靈

惠廟額而鹽官則襲睢陽之稱至今號雙廟規

制卑隘紹熙二年令陳恕邑士曾伋卒邑人即

其故地新之郡公各有祭文及題咏○圖經考

率

群

耶

異云今殿後介福堂西梁題云雍熙四年建東
梁題云天聖八年令王可回重修上棟題云令
趙彥駿則瀋熙年也而鍾禮部記乃云歲月莫
考何也○按臨安志有許將軍廟在縣西一百
三十步梁大同二年建今邑中並無許將軍廟
意即雙廟是謂梁大同二年建恐非
雙仁祠○在縣西北安化坊吳越王錢鏐建祀顏
真卿而以其從兄杲卿配高元末燬明正德
九年知縣曹珪重建嘉靖二十八年知縣高向

志重修歲以八月望日致祭

張文忠公祠○在城南書院中祀宋狀元張無垢
先生于有成撰記

名宦祠○在學宮祀宋朱公綽 王 炳

臧 刁 靡 陳 恕 魯 誼 元 藏 夢 獬

王公輔 明方直 榻銘德 羅能

李芳 郭郊 蔡祐 李完

凡十四人

鄉賢祠○在學宮祀 梁 戚 袞 顧 歡

唐褚無量	許遠	顏真卿	宋郭知運
張九成	施德操	楊璿	楊由義
史徽	許明懋	沈升	李貞
孫子良	胡奎	姚哲	祝淇
徐寬	祝萃	陳珉	查益
許元奎	毛鵬	唐琳	查繪
董載	陳忠	漸凡	二十九人

三皇廟○郡志云宋有三皇廟八一在邵治七在海寧等各縣今廢

定丞

東嶽行祠○詳邑志宋圖經云祠舊在縣東北二里

紹興二年徙縣東二里

昭烈王祠○今廢載邑志○宋圖經云慶元三年主簿趙希楸建附葆真庵後載祀典嘉靖元年新宜興臣趙彥摺又立祠于安國寺東

烏龍大王廟○詳縣志○宋圖經云崇祐廟在縣東八十二里金牛山下舊係烏龍王廟紹興十一年以禱雨驗勅賜今額按此則烏龍大王廟即崇祐廟也

福濟廟○詳邑志○宋圖經云廟在金牛山下舊係

臯蘇將軍廟舊圖經云山下有臯小郎碑紹興

初碑尚存已不知何代人父老相傳昔臯蘇二

王逐黃巢至此不獲遂灰之因立廟國朝紹興

十年以禱雨驗勅賜今額此與邑志小異

白馬神廟○詳郡邑志○圖經考異云劉拱記曰郭西

大廟有白馬神者今廟乃在北且邑人以王稱

恐非

胡令公廟○詳談子外志○圖經考異云令公不知何

許神俗傳不一難信臨安志云孤山智果院彌

勒佛閣注云晉天福四年錢忠獻王遣令公胡

進思往婺州雙林發傳中士塔此豈是與○按

圖經作于宋而猶不能確以為是乃外志言之

鑿鑿何也必有所攷

朝宗王廟○有宋高宗祭文見郡志

翁使君廟○在縣南二里見圖經郡邑志俱不載

漢壽亭侯廟○在處有之其在邑之鎮海門者崇

禎二年秋八月燬邑人重建

致忠祠○在城祀副千戶呂忠歲以正月二十三

日致祭見郡志邑志不詳

秦王廟西楚霸王廟上二廟見邑志亦見圖經

驃騎將軍蘇公廟詳外志

靈順行祠五土廟

天妃宮朱將軍廟

巖峯曹將軍祠以上祠廟五

陸司空祠見郡志邑志閩少卿廟

徐偃王廟五郎廟上三郎廟郡邑志俱不載見圖經

龍祠崔府君廟廣福廟

周將軍廟郭店新廟以上祠廟五郡邑志俱不載止外志收

按郡志以先師廟啓聖祠並列之祠廟中大非

若名宦鄉賢二祠固不妨與顏許諸公並列也

元成宗大德三年加鹽官州海神曰靈感弘祐公

加吳大夫伍員曰忠孝威惠顯聖王二神皆以

海惠故加封然祠廟不知何在但據元史錄之

附府學鄉賢祠宣邑先達祀其中者凡七人曰顧

歡曰褚無量曰許遠曰張九成曰施德操曰楊

璿曰楊由義

忠烈祠 在郡城祀諸武臣之歿倭變者十人而
寧有其一曰姜楫

兩浙名賢祠 在孤山之陽祀兩浙先賢四十八
人而寧有其七即前顧歡以下七人也○按以
上諸祠俱在郡城以寧人與其中併記之
公署 二之三

諸已載邑志者不重列獨據郡志及宋圖經補
其未備以竢參攷

海寧縣署 ○建自宋太平興國四年蘇夢齡為之

記邑志政和七年令王昞重建陳昱為之記載

邑志淳熙十年令陳申重建獄屋莫淑光為之記載

邑志○元改縣為州○我明洪武二年仍改

縣署皆仍舊萬曆五年知縣蘇湖重建總記今

署之制中為正堂堂前為甬路甬路中為戒石

亭東西序為六房正堂東隅為架閣庫西隅為

耳房庫後為穿堂又後為知縣宅正堂西為二

縣丞宅折南為吏廨堂東為軍器庫為典史宅折

南為主簿宅儀門東為土地祠西為延賓館儀門外東為申明亭西為旌善亭有二亭各鄉鎮俱前有譙樓即大門也志見郡

按郡志所謂今制特就陳善修志時言善修府志在萬曆初年去今踰五十年矣中又不知幾更據余今所見正堂西二宅一居清軍丞一居典史東一宅居管糧丞而主簿宅在儀門內之東土地祠延賓館則俱在儀門外之東申明旌善二亭東西相對其架閣庫則從正堂之西隅

耳房庫從正堂之東隅穿堂之西別有小廳為令宴憇之所由穿堂而進有廳有實屋計四層以居令衙眷若堂前露臺俱用石版平鋪最為華整則新自天啓間鮑令觀光凡此皆郡志所未及也其他曲折未易縷數請以俟宅其中者縣署之東有東司○張寧海塘記云僉憲山錢公以塘工告成撤其羨材重建按察分司即所謂東司也其西舊有府館令改為安化王祠司署規制未詳

邑有二巡司一曰石墩巡檢司一曰赭山巡檢司
二司各有公署在其治所規制未詳
永平倉在縣治西南官署即在倉內已廢甚規制
未詳

間

常平倉即預備倉在北門外河西社壇之北中有
廳事兩旁為廩屋外有門正德建令曹珪建嘉
靖十二年令胡堯時重建修
邑有便民倉在長安鎮中有廳有宴憩處有吏書
房有庖福漕糧俱于此兌運本縣管糧丞自十

月開倉後恒駐劄其中上司之督糧者及縣令
亦時至焉規制未悉

寧有陰陽學在拱辰門內之西規制未詳

寧有惠民藥局在大街西規制未詳

邑中有稅課局在大街今革其署已為民佃

寧舊有硤石長安稅課局轉塘湯鎮稅課局又有

海寧硤石二河泊所長安驛長安壩等署今官
革署俱無可攷

寧有千戶所去縣治東百步許所署雖不及縣而

敬

比于東司宏敬倍之前後左右堂房門舍頗備
後有旗纛壇其中規制曲折不能悉

宣有接官亭在北門外中有廳事每詔至則迎

龍亭置其中而縣令率其屬行禮焉

宣有養濟院今在縣北二百五十步署制未詳○

按成化志宋建于縣西一百步後廢紹興二年

令陳恕重建于光華亭之北元徙于甘棠橋南

○圖經云故老相傳謂養濟院今新宜興丞趙彥

摺所建昭烈王祠即其故址紹熙二年令陳恕

重修

宣有鹽場二一日許村場署在城內北寺街一日

西路場署制未詳

宣城外之東西鄉各有鹽倉鹽使以查盤至間

往觀焉倉有廳有平屋有鹽廩一日官建一日

鹽商建

宋附朱公署制○圖經云縣治太平興國四年建以

鼓樓為門亦名勅書樓刻漏在焉仍置鉦鼓以

鳴夜漏初始不知歲月樓之側翼以二亭曰手

他

詔曰宣詔樓距中門十七步門之東為丞尉廨尉廨之前有隙地以演習弓兵因名教場令廨與丞尉廨相比以西為上簿廨則在縣治之西皆有便門以通往來兩廡列帑藏犴狴屬焉曹局各有區別令之堂曰清愛曰燕喜門曰延停以通後圃圃有堂曰平政曰綠繞有亭曰錦香曰仰高舊名曰梯雲西廳之後有便室曰讀書林其側曰進德齋花卉夾徑松檜參天可為公餘遊息之地若夫剏始增修間有記以識歲月

此頁在卷八第
十二頁

史評畧曰死事之臣何代無之即顏氏一門駢首遇害者三十餘人然皆激於一時之義未有凌頓挫折至久而不貳如公者公於虜營露刃以前坎庭以待積薪以脅濱死者百而卒以從容就義其所處更有難于朶卿者曾子固有言唐世名臣忤時且起且仆至七八死而不悔者惟公一人嗚呼其何以易斯言哉○郡人陳善曰魯公始見惡於楊國忠繼見擯于李輔國遇元載則貶遇楊炎則貶遇盧杞李希烈而死此

足以知公生平矣
或謂趙子曰許顏二公皆以忠死故邑志外志
皆載之忠烈而子獨賢之得無不倫乎余曰不
然魯論有言未知焉得仁未仁可得賢乎士固
有忠而未必仁未有賢而不忠者也試詳核二
公本末若許之位在巡上也輒授之柄而甘處
其下了無疑忌顏所歷者國忠輔國賢載盧杞
諸奸非必遇希烈而始見節也非其平日於守
死善道之旨確有實證能若是乎余故特表之

宋鹽課 ○買納場在縣南二百步舊號臨平監

太平興國四年置今雙廟介福堂有通直郎守
光祿寺丞知臨平監王克濬題識其官廨在鹽
倉之西榜曰鹽監 ○蜀山場在縣西二十七里
與虫門亭爨相接紹興初海岸圯移置邑南百
餘步 ○巖門場在縣西三十六里併隸蜀山催
煎 ○上管場在縣西南一里淳熙間以蜀山虫
門下管催煎兼監俗稱西四場其官廨以舊非
正官所寓無定今雖壁正猶寓獄祠 ○下管場

辟

有 扁

在縣東一十八里併隸蜀山岳門催煎其官廨
舊在蜀山場紹興初海岸北隨場移縣南○南
路場在縣東六十里有催煎官廨在黃灣廵司
南二里許○袁花場在縣東六十里併隸南路
催煎○黃灣場在縣東六十里併隸南路○新
興場在縣東三十五里亦併隸南路○運鹽官
廨在解即在買納官廨之西
圖經考異云故老相傳昔無訟堂即舊正廳後
別剏正廳堂遂為宴憩之所以無訟名之題篇

群

今不存今西廳是也以重建縣廳記攷之政和
八年令王昉別為治事之所而增大之旁翼修
廊以處郡吏以設帑藏前為大門又前為樓以
榜縣額為後則為燕休之室焉按此則知廳舍
至王令而畢備故老之言亦不為妄雖中更變
故而劫火弗及至紹熙元年令陳恕重修累政
必加營繕不可盡攷又以廳記攷之鼓樓係政
和八年王令建重修縣樓云樓極版題宣和五
年令金譽修則知今縣樓剏于政和而修于至

宣和令陳恕因其弊而又修之實紹熙元年也
令縣額牌之左題云崇寧丙戌建豈今之縣樓
非王令初始耶抑舊縣之牌始于崇寧王令初
今樓而不欲泯其年耶未詳○考異又云縣丞
陳昱作廳記謂縣有丞甫十年設官之初每事
草具解舍尤隘陋由是一新之時政和十年也
逆而計之舊解當初于大觀間○考異又云故
老相傳簿舊無解舍嘗寓安國寺紹興 年主
簿鄭烈徙于縣西五十四步即今地也意舊解

毀于兵火暫寄安國耳尉張諤作題名記云主
簿李掾欲初題名于廳左柱上得十三人前有
鄭君序今猶隱然可攷

撫原亦誤撫

外史氏曰蓋余讀圖經公署志而不能不為撫
然昔之丞簿尉猶今之丞簿尉也官非加於今
而署中所題識者曰挺立曰學古曰晞梅綽有
超然塵外之致焉官以錙銖升斗屑其慮哉沿
至于今同其官不同其趣至有不知挺立學古
為何說晞梅為何物者噫無言吏治矣

分土 二之四

宋土地額要領已載邑志若郡志所載雖詳以太
瑣碎不錄

元土地額無攷

國朝土地額邑志已載但據郡志補其未備

洪武十年田地山蕩共一萬二百八十八頃六十
一畝

內田六千八百六十七頃一十三畝○地二千
九百七十六頃九十九畝○山一百七十七頃

一十六畝○蕩二百六十七頃三十三畝

永樂二十年宣德七年正統七年景泰三年天順
六年成化八年上五冊官民田地山蕩池皆九千
四百六十五頃四十八畝八釐

內官田四百七十五頃五十八畝一分有奇○

官地一百九頃一十三畝二分有奇○官山三

十八頃六十九畝四分八釐有奇○官蕩四十

八頃四十三畝三分有奇○官池一畝九分

民田六千二百六十六頃五十八畝一分有奇

○民地二千六十四頃八十九畝三分有奇○
民山一百四十九頃八十一畝八分有奇○民
蕩三百一十頃三十七畝六分有奇○民池一
頃九十四畝九分有奇
成化十八年弘治五年弘治十五年上三冊官民
田地山蕩池皆一萬五百五十四頃四十二畝五
分有奇

內田七千四十五頃二十五畝五分有奇○地
二千九百三十二頃八十二畝一釐有奇○山
二百一十頃一十八畝六分有奇○蕩三百六
十四頃一畝二分有奇○池二頃一十四畝九
分有奇

正德七年嘉靖元年嘉靖十一年嘉靖二十一年
上四冊官民田地山蕩池皆九千四百六十七頃
二十六畝四分六釐有奇

內官田四百七十六頃一十六畝三分有奇○
官地一百九頃二十九畝八分有奇○官山三
十八頃六十九畝四分有奇○官蕩四十九頃

一畝九分○官池一畝九分

民田六千二百六十六頃六十九畝五分有奇
○民地二千六十五頃缺畝九分有奇○民

山一百四十九頃八十一畝八分有奇○民蕩
三百一十頃五十九畝六分有奇○民池一百

九十四畝九分有奇

嘉靖四十一年官民田地山蕩池共九千四百六

十七頃二十六畝四分有奇

內官田四百七十六頃一十六畝三分有奇○

官地一百九頃二十九畝八分有奇○官山三

十八頃六十九畝四分有奇○官蕩四十九頃

一畝八分有奇○官池一畝九分

民田六千二百六十六頃六十九畝五分有奇

○民地二千六十五頃缺畝九分有奇○民

山一百四十九頃八十一畝八分有奇○民蕩

三百一十頃五十九畝六分有奇○民池一頃

九十四畝九分有奇

隆慶六年田地山蕩塘基共九千三百二十七頃

置志蒲文

卷一

七

六畝九分有奇

內深村田地魚蕩八千七百五十七頃二十五

畝二分有奇○塘南地一百五十二頃九十七

畝八分有奇○草塘一百二十九頃缺缺畝九

分有奇○山水蕩淩二百八十七頃六十九畝

九分有奇○忠臣祠基地一十二畝九分有奇

以上俱錄郡志

編戶二之五

宋元戶口額已載縣志不重列獨元額郡志曰至

列

元縣志曰至正當是至元

國朝戶口額已載縣志者不重例レ獨補其未備

正統七年○戶七萬一千七百六十六口二十三

萬一千六百九十六

景泰三年○戶七萬一千一百口二十六萬八千

七百九

成化十八年○戶六萬六千五百一十一口二十

三萬六千一百五十一

弘治五年○戶六萬六千四百二十三口二十三

萬六千五十一

嘉靖四十一年○戶六萬六千二百九十八口二

十四萬二千七百九十三

隆慶六年○戶六萬六千二百九十八口二十四

萬二千七百九十三

以上六條縣志所不載今據郡志補之

嘉靖元年○戶六萬六千二百八十九口八萬八

千九百七十二

嘉靖十一年○戶六萬六千二百八十九口八萬

八千七百五十二

以上二條邑志已載但戶數與前後不甚懸而
口數差至十四五萬恐或亡流從未必若是甚
也乃郡邑志所載皆同何與或曰口字下當有
十字然以十八萬較二十四萬亦差六萬歷稽
前後累冊未有減至二萬外者且以累朝休養
而戶口徃徃日減偽增固不可偽減之所留餘
果在民間乎是不可不核毋為異時奸胥口實
也

未

風俗 二之六

寧邑風習如隋志及蘇夢齡所記已詳舊志
李洪記云風俗簡儉農夫深耕蠶婦織紉樂歲家
給人足斥其羸奉釋教惟謹緇褐塞路不耕蠶
而仰食于民者不知幾千指云
陳善云先達如許睢陽之節義張侍郎之理學許
黃門之高尚斯誠願為執鞭而不得者乃近世
景行前修之士雖亦不乏而沿流襲弊者往往
有之或廣貲產以相誇或報睚眦以自快或曰

因

饒

閱墻起鶯蝮之訟或緣嗜利恣漁獵之圖四境
鵬許之風以漸日甚耕夫蠶婦終歲勤動曾不
得宿飽而富者益繞貧者益瘠矣求如往歲之
斥其羸以奉釋教者恐亦不多見也挽頽復古
具在賢者乎○節物所尚附見于後
正月元旦日先夕汎掃堂室架松柴于爐中是日五
鼓興焚之大家則藝炭取旺相意也隨盛陳花
燭糕果于各神及祖先前貧富隨力又以糖豆
米團祀竈謂之接竈祀畢即分餉米團于家衆

取團圓意次則炳燭焚香拜各神祖先又次則
家衆聚立中堂卑幼拜賀尊長畢則男子出拜
其宗黨親友各致祝詞謂之賀節人家各設酒
筵客來拜者延坐設筵延客五行即辭出城皆然宣俗
則有之是早大小人家開門皆放炮謂之開門炮
各家挿栢枝于門大家則置之祠堂前亦有挿
梅花于瓶中者○立春前一日官府迎春于東
郊前陳鼓吹雜噓以導老神土牛時老幼相率
聚觀填塞街巷謂之看春其所歷人家有設香

芒

宵原亦誤霄
下同

燭者或包五穀拋擲芒神土牛中者以為佳兆
此後延客多用春餅是日亦有焚松柴藝炭者
○月之初八日年老佞佛者俱往附近寺院念
佛謂之頭百佛十八日亦然謂之二百佛時男
婦雜沓所在皆爾而東嶽廟尤盛○元宵前後
張燈五夜十五為最盛時簫鼓喧鬧往來觀燈
者至夜分始罷菊花燈獨盛于雙廟凡賽花筒
賽鼓板者于此畢集焉而菊花燈與元宵鼓遂
居宣邑三絕之二大小人家又各製米團供神

佛分食之謂之燈團亦取團圓意也○先是初三夜至十一夜鄉村婦女俱迎天姑以下一歲吉凶問田蚕豐歉亦有召廟姑者若燈夜卜則以為不靈驗

為
二月初一日唐宋時謂之中和節有挑菜之會今民間春分前後必輪年作會會首釀金具牲酒祀土穀神祀畢即會社會飲但無定期
更
三月初三日有雙廟會會首設優樂迎張許諸公于廟祀之諸家與會者以數十人計每歲耕耨

至蠶

輪直自唐宋之今不絕是夜養蚕之家各包裹蚕子置綿衣中寢于身下謂蚕得人氣始生也亦有全家避出不舉燈者謂可免鼠侵之患○清明節各家門簷徧插楊柳或戴之首家各設奠祀祖先又各備具祭掃墓所掛紙錢于樹杪家製青團供祀分食之亦古寒食遺意云

四月立夏日以諸果品雜置茗椀親鄰彼此餽遺

比

名曰七家茶亦古八家同井此隣相餽之意此郡城俗尚是日各相戒勿坐戶檻謂可不病夏

宣寧間有之

○是月為蚕月養蚕之家各閉戶即親鄰不得輕入尤忌馬取○月之十一日邑人皆齋戒往祀城隍神

五月五日相傳為天中節先于朔日縣五色花紙于門亦古五色絲辟兵避病之意庭下則以瓦盆雜植葵艾菖蒲至日先以角黍牲酒祀神高先畢則家眾聚飲雄黃蒲酒食石首魚又以雄黃酒噴洒四壁祛諸毒也家貼符于門堂中或懸天師像或刻艾作虎形画蛇蝎等物或書赤

口白舌盡消滅帖子粘之屋壁為禳禳或取益母稀簽諸草為藥物皆在午時先期親戚互相餽遺等于歲節僧道則以辟惡靈符分送檀越醫家則以雄黃及諸品香餽于所嘗往來者是日武弁率軍兵于演武場行射柳事○是月十三日相傳為漢壽亭侯誕生日往往釀金設會至有盛張臺閣徧迎街巷致男婦雜沓聚觀者于南廟尤獨盛云○芒種前後鄉村各具牲酒祀土神謂之發黃梅各相勸飲而後插青彼此

相助曰伴工○夏至日設奠祀先祖或曰惟鄉
村然城中則否○若午日競渡則寧以少水未
之見也

六月六日浴猫犬于水習俗相沿不知所謂○是
月廿九日安國寺有觀音會甚盛男婦禮佛者
動以千計有不遠數十里沿塗膜拜而來者先
一夕諸進香者皆雜坐殿中以待漏諸殿不能
容則名于露臺丹墀或于僧舍謂之宿山自廿
九日起至次月終每絡繹不絕是日前後有洗

集

階雨徃徃驗時諸商賈各以奇貨來稅房張肆
必半月餘始散謂之趕積

七月立秋日人各飲少水相傳謂飲之可無痢症
○七夕則設瓜果為乞巧會或細乞_乞茄絲和麵

切

為餅油煎食之○十五日用釋氏盂蘭盆法用
素饌素餛飩饗先或召僧道作法事施食放湖
燈以資冥福有喪之家于十三日五鼓即設茶
餅迎先靈晝則具奠至十七夜則具奠以送即
無喪之家先迎後送亦畧相同送時多用腥饗

八月中秋親友以月餅相餽遺是晚大家有設宴
玩月者然不若元宵端午之盛○是月自十三
至十八日男婦往海上觀潮者頗多里人則釀
金作社會如春社然○廿四日各家祀竈
九月九日名重陽節各家市蒸栗糕以供神及祖
先豪家亦有為登高宴者○是日有雙廟會與
三月三日同○霜降前一日閩帥揚兵大道以
迎旂纛民多往觀
十月朔俗謂之十月朝各家設祀饗先大家多出

郊拜祭于墓所畧仿清明禮○立冬日各家採
野菊煎湯澡浴
十一月冬至祀先高神交拜賀先期親友餽遺畧
仿元旦之一二

臘月十二日養蚕之家各以鹽鹵茄灰薰揉蚕子
藏之穀殼中至廿四則出之浴于川以待春至
○廿四日各家祀竈亦祀土神蓋歲終報禮意
也○丐者于是日前後裝竈公竈母親鳴鑼相
逐以乞錢物亦古逐疫意云○此日以後各家

拂塵換符桃門神更寫春聯貼合家歡圖于壁
諸酒果品物貧與富各隨力營辦街坊鼓吹之
聲從此直徹元宵矣親友之相餽遺者盒擔塞
道○除夕前之二三日內各家具羊豕酒果或
三牲報祀城隍百神其奠祖先多在除夕是夕
大家則懸掛影像然香燭于堂不設影像者即
潔拭祠堂陳列供具及夕則架松柴于門外焚
之或有焚于五鼓者有喪之家則熾炭于爐內
燈下舉家骨肉合坐歡飲或至夜分謂之守歲

各家以赤豆為飯留至元旦和新炊食之謂之
隔年飯亦有燃燈床下謂之照虛耗者亦有以
酒果祀床神祈兒女安寢者其禱竈抱鏡出聽
響卜者亦徃徃有之爆竹聲不絕幾達旦
土產 二之七

寧邑物產甚饒舊志頗悉茲特補其未備
穀之屬曰稻名色甚多大較不出粳糯二種然亦

有早晚不同山縣多早寧邑地近嘉湖種多晚
曰菽有斑豆有褐豆有寒豆有裙帶豆

蔬之屬曰冬菜俗稱為長梗白宜久藏曰蒿菜曰
山藥有紅白二種白者佳曰胡荽俗稱芫荽可
用點茶曰筍園筍邑地皆有茅筍出東南諸山
皆不廣曰芹曰茵俗名為蓋有可食有不可食
果之屬曰香圓曰香芋曰茅栗曰茨菰曰西瓜曰
甜瓜曰香瓜曰棗海寧棗名甚著核細而味佳
名鹽官棗俗訛為羊冠棗按此據郡志書之余
戊辰病覓之不得詰其故曰往時棗園已盪入
海種絕久矣為存其名云

耳

藥之屬曰百合曰芍藥曰貝母曰天門冬曰蓖麻
子曰茴香曰見腫消曰金銀花曰蒼兎子曰益
母草曰充蔚子即益母草子曰菊花曰稀荻草
曰山梔子曰地骨皮曰枳實曰枳殼曰枇杷葉
曰兔頭骨曰狸骨曰蟾酥曰蜂子曰蜜臘曰蜂
房曰龜甲曰桑螵蛸曰原蚕蛾曰蛇蛻曰蜈蚣
曰白頭蚧

蠟

織之屬曰木棉布曰苧布曰麻布曰兼絲布曰絲
曰棉曰綿細細出安國寺者佳出硤石寺者更

密

佳價亦倍往時一貪令取之無度于其售也且抽稅焉寺僧遂相約但官長問即日杼軸已空無復織者非重價蜜購之不可得

竹之屬曰鳳尾竹

花之屬曰臘梅檀心磬口者佳曰紅梅曰蜀葵有五色曰秋葵曰錦葵花小兒紫曰秋海棠曰長春曰酴醾曰木香曰紫荆曰紫薇曰千葉桃曰夾竹桃曰木筆曰玫瑰曰玉蘭曰茉莉曰蘆花曰蓼花

而

草之屬曰木棉曰孔麻曰青秧曰茅曰蒿曰辣蓼

曰酒藥草曰燈心曰芭蕉曰鷄脚草曰金絲荷葉曰老少年曰吉祥草曰萍曰荻草類甚繁已入藥品者俱不列

貨之屬曰茶邑東南諸山有之然不廣味亦薄曰菊花燈亦曰橘花燈以其圓也居寧三絕之一曰石舊硤石所採紅石粗甚近採鳳凰諸山石堅碧可用曰磚瓦

羽之屬曰戴勝

志

文

三

辦下同

本縣稅課局帶辦○翎毛三千四百六十根○魚

鰓七斤一兩

赭山湯鎮稅課局帶辦○翎毛一千八百四十根

○魚鰓四斤

長安稅課局帶辦○翎毛一千根○魚鰓二斤

本縣河泊所帶辦○翎毛三萬六千一百根○魚

鰓七十五斤

硤石河泊所帶辦○翎毛一萬二千一百三十根

○魚鰓二十五斤

按郡志本府各縣通貢其在成化十年者弓二千張箭一萬八千一百枝弦一萬條毛皮四千五百六十張翎毛五十萬而寧于其間獨居五之四彼八邑者分辦其六此其故何也豈寧產獨饒于他邑抑爾時當事者爭之不力耶或曰府自有府貢各縣各有有貢余不得其詳姑存以備攷

寧誌備攷卷三



土賦 三之一

宋賦額已載邑志不重列

元賦額已載邑志不重列

國朝賦額

洪武十年

夏稅 ○ 絲一萬九百五十二觔四兩 ○ 綿一千

二十九觔三兩 ○ 租錢五十五錠四貫七百

寧志備攷

卷三

一



叟

趙維震



八十七文○小麥一千九百六十一石
秋糧米七萬一千四百六十九石四斗○租荳
五百六石九斗

永樂二十年宣德七年正統七年景泰三年天順
六年成化八年凡六冊

夏稅○○官田麥四十石三斗四升有奇○絲
四千八百六十八兩有奇○○官地麥三百五
十石一斗一升有奇○絲一千二百一十
七兩有奇○綿五百九十兩有奇○租鈔二

有

百四貫五百三十五文奇奇○○官山絲一
百六十三兩有奇租鈔二百九十九文有奇
○○官蕩麥六升七合有奇○絲一百三十一
兩有奇○租鈔一十三貫六百四十一文
○○民田麥七百五十八石六斗有奇○絲
一十三萬一千四百二十五兩有奇○○民
地麥二百六十二石八升有奇○絲二萬九
千二十六兩有奇○綿一萬五千五百八十
一兩有奇○○民山絲七百一十四兩有奇

○民蕩麥二升八合有奇○絲一千二百
九十三兩有奇○綿二錢八分有奇○民
地麥一斗一升有奇○絲三兩四錢七分有
奇○綿二錢五分有奇

秋糧○官田米二萬二千四十九石一斗六
升有奇○荳八斗二升有奇○官地米二
千六石九升有奇○荳二百四十九石三斗
七升有奇○官山米一百五十九石七斗
一升有奇○官蕩米四百六十二石七斗

八升有奇○官池米一斗九升有奇○
民田米四萬七千六百三十九石一斗一升
有奇○民地米二千六石一斗八升有奇
○民山米六十七石五斗七升有奇○
民蕩米三百六十七石八斗七升有奇○
民池米九石一斗四升有奇

成化十八年弘治五年弘治十五年凡三冊

夏稅麥一千四百一十一石四斗一升有奇○

絲綿一十八萬五千二十二兩有奇○租鈔

寧詒備錄 卷三
十三錠三貫四百七十六文

秋糧米七萬五千一十八石一斗七升有奇

正德七年嘉靖元年嘉靖十一年嘉靖二十一年

凡四冊

夏稅麥一千四百一十一石四斗一升有奇○

絲綿一十八萬五千二十二兩有奇○租鈔

四十三錠三貫四百七十六文

秋糧米七萬五千二百八十四石五斗四升有

奇

嘉靖四十一年

夏稅麥一千四百一十一石四斗一升有奇○

絲綿一十八萬五千二十二兩有奇○租鈔

四十三錠三貫四百七十六文

秋糧米七萬五千二百八十四石五斗四升有

奇

隆慶六年

夏稅麥一千四百一十一石四斗一升有奇○

絲綿一十八萬五千七十二兩有奇○租鈔

四十三錠三貫四百七十六文

內起運京庫折銀麥九伯二十一石六斗二升
全折每石折銀二錢五分共銀二百三十兩
四錢五厘每兩外加解京路費銀二分五厘
○折捐絲綿一十二萬九千七百六十八兩
有奇每絲綿二十兩折絹一疋共絹六千四
百八十八疋一丈二尺有奇○存留本府織
染局絲五萬五千二百五十四兩有奇今本
縣適年新增會計併入局絲四十九兩有奇

絹

共絲五萬五千三百三兩有奇每兩折銀四
分三厘有奇共銀二千四百一十九兩五錢
三分有奇○資盈庫鈔四十三錠三貫四百
七十六文每貫折銀二厘共銀四錢三分六
厘有奇○本縣永平倉麥四百八十九石七
斗九升有奇每石加耗併船脚五升俱本色
聽給海寧所官庫月糧○農桑絲綿八百三
十八兩有奇折絹四十一疋二丈七尺有奇
秋糧正耗米一十萬七千八百三十二石九斗

八升有奇

內起運京庫折銀米二萬三千三百一十五石
八斗四升有奇全折每石折銀二錢五分共
銀五千八百二十八兩九錢六分有奇每兩
外加解京路費銀二分五厘京倉免運糟米
糧三萬四千二百三十石每石加耗七斗七
升內派本色免運漕糧每石加隨船耗米四
斗蘆蓆米一升交給官軍領運折色輕費每
石加耗二斗六升 耗米一萬二千三百二

糧米

耗上敘一字

三

十二石八斗全折每石折銀五錢解淮安府
收庫聽給官軍沿途剝淺併協濟補造船隻
等項支用○南京各衛倉秋米八千一百六
十石歷年本折坐派不等俱候派單至日會
計派徵○實運本折正米六千五百七十九
石一斗三升有奇內本色水兌米三千六百
六十一石九斗三升有奇每石加耗六斗五
升折色米二千八百七十七石每石連耗六
斗五升共折銀六錢俱解南京戶部交納二

項餘耗解府聽候司道明文取用○派剩正米一千六百二十石八斗六升有奇內一米二百三十一石四斗六升有奇每石連耗六斗五升折銀七錢一米三百八十九石三斗九升有奇每石連耗六斗五升折銀六錢二項俱解太倉銀庫交納每兩外加路費銀一分○徐州廣運倉改兌米一千八百九十三石每石加隨船耗米四斗二升蘆蓆米一升交給官軍領運○永福倉米九百四十七石

每石加耗併船脚米五斗俱本色願納折色者會計每石連耗折銀六錢○存留兌軍行糧米三千二百六十石每石加耗五升該耗米一百六十三石共正耗米三千四百二十三石全折每石折銀六錢以銀五錢抵石給軍餘一錢解府貯庫聽候司道明文撥給取用○本縣永平倉秋米三千四百七十八石六斗九升有奇加耗不等放給本縣官圓俸糧併官軍月糧支用

員

鹽糧 原續新增併遇^有閏年徵米五千一百八十九石九斗四升○存留本縣儒學倉鹽米三百五十石全折每石連耗併船脚米三升折銀八錢收貯縣庫給師生俸糧○永平倉鹽米三千三百八十石二斗六升有奇每石加耗併船脚米五升俱本色聽給海寧所官軍月糧○撥派兌軍項下楞木松板折銀米九十石七斗有奇每石折銀五錢共銀四十五兩三錢五分有奇內銀六兩八錢四分

六厘以銀四錢准楞木一根共准一十七根有奇餘銀三十八兩五錢八厘有奇以銀二錢五分准松板一片共准一百五十四片有奇給官軍領運○鹽餘米一千一百八十九石四斗四升有奇聽候明文解司充餉撥抵等用○鹽鈔折銀二十九兩八錢三分三厘有奇遇閏加銀二兩四錢八分有奇內派起存各半起運外加解京路費一分已上俱錄郡志

課程

三之二

洪武十年

酒醋課程錢鈔三百六十六萬八千六百四十二文○歷日工本錢鈔二伯九十七萬五千二百二十文○茶引由五百五十道工墨錢五十五萬文○房地役官賃錢二十萬八千五百四十七文○農桑絲四十二觔九兩四錢二分○黃麻五百二十觔○棉花一百二十觔

永樂十年

酒醋課程鈔九百六十三錠二貫八十文○油

榨冶鑄課鈔二伯一十錠四伯文○窰竈課鈔二十八錠三貫文○房地賃鈔六十三錠一貫七百六十文○樹株課鈔二貫四伯五十文○茶引由工墨鈔六十二錠三貫文○農桑歲徵絲八百三十八兩零折絹四十一疋二丈七尺九寸有奇○本縣稅課局商稅門攤等鈔二萬一千八百二十四錠二伯文○硤石稅課局商稅門攤等鈔七萬七千六十三錠五伯文○長安稅課局商稅門攤等鈔二萬三百二十四錠四

貫八伯文○赭山湯鎮稅課局商稅門攤等鈔
一萬七千九十五錠四伯文○本縣河泊所魚
船等課鈔二千八百八十四錠二貫五伯四十
文○硤石河泊所漁船等課鈔一千五十錠二
貫五伯三十文

成化十年

歲辦課程鈔三伯六十五錠六伯一十文此項疑即前油榨茶引額辦農桑絲八百三十八兩六錢諸件總計之
二分折絹四十一疋二丈七尺九寸三分○本

縣稅課局歲辦課程鈔二萬二千六伯三十二錠
一貫五百八十文○赭山湯鎮稅課局歲辦課
程鈔一萬六千一十四錠八百文○長安稅課
局歲辦課程鈔二萬二伯七十六錠三貫五伯
一十文○硤石稅課局歲辦課程鈔八千一伯
五十八錠一貫三百五十文○本縣河泊所歲
辦魚課鈔二千八百八十四錠八百三十文○
硤石河泊所歲辦魚課鈔一千二十錠一貫四
十文

隆慶六年

本縣歲辦油榨冶鑄課鈔三百六十五錠六百一十文折銀三兩六錢五分一厘遇閏加鈔二十三錠九百九十文折銀二錢三分一厘零係里甲均平銀內帶辦○本縣稅課局門攤酒醋等項課鈔共二萬二千六百三十二錠一貫五百八十文折銀二百二十六兩三錢三分三厘零遇閏加鈔二千四百八十錠四貫四百六十七文折銀二十四兩八錢八厘零內派縣市鎮該

銀一百二兩八分五厘零巡攔八名內存局一名催辦七名役銀五十六兩抵鈔餘銀四十六兩八分五厘零均派縣市鋪行出辦袁花鎮該銀一十四兩二分三厘零巡攔三名役銀一十二兩餘銀二兩二分三厘零本鎮鋪行出辦轉塘鎮該銀三十一兩八錢七分九厘零巡攔三名役銀二十四兩餘銀七兩八錢七分九厘零均派袁花鎮鋪行出辦郭店鎮該銀六十八兩七錢一分零巡攔二名役銀一十六兩本鎮鋪

行出辦銀一十八兩原撥硤石局差用巡攔一
名役銀一十二兩抵數之外尚欠銀二十二兩
七錢一分零均派硤石鎮鋪行出辦酒醋鈔銀
九兩六錢二分四厘零各鎮現在鋪行店戶出
辦有閏照額加派鋪行辦解○赭山稅課局巡
攔役銀抵辦課鈔一萬六千一百四錠八百文
折銀一百六十兩一錢四分一厘零過閏加鈔
一千六百九十錠二貫八百文折銀一十六兩
九錢五厘零係巡攔一十三名役銀抵辦○硤

石稅課局門攤巡攔役銀抵辦課鈔八千一百
五十八錠一貫三百五十文折銀八十一兩五
錢八分三厘零過閏加鈔七百七十三錠一貫
八百九十文折銀七兩七錢三分三厘零係巡
攔二名併鋪行出辦過閏加派鋪行辦解○長
安稅課局門攤巡役銀抵辦課鈔二萬二百七
十六錠三貫五百一十文折銀二百二兩七錢
六分七厘零過閏加派一千四百五十四錠一
貫三百八十八文折銀一十四兩五錢四分二厘

零係巡攔八名役銀併鋪行出辦遇閏加派鋪
行辦解○本縣河泊所魚船巡攔役銀抵辦課
鈔三千八百九十九錠五十文折銀三十八兩
九錢九分零遇閏加鈔五百四十七錠三貫二
百四十四文折銀五兩四錢九分六厘零係巡
攔二名役銀一十六兩併魚戶辦銀七兩二錢
七分一厘零長安埠頭生理船戶辦銀五兩五
錢六分九厘零新增船戶辦銀一十兩一錢四
分八厘零遇閏加派魚船戶辦解○硤石河泊

所魚船戶課鈔一千二十錠一貫四十文折銀
一十一兩二錢二厘零遇閏加鈔一百八十六
錠一貫一百文折銀一兩八錢六分二厘零係
魚船戶辦銀八兩埠頭船戶辦銀二兩二錢二
厘零遇閏加派魚船戶辦解○魚課本縣稅課
局魚膠七觔一兩熟鉄六十九觔三兩二錢二
項共價銀一兩九錢四分九厘零水脚銀三分
八厘零路費銀一錢九分四厘零遇閏加膠十
兩鉄五觔十二兩八錢價銀一錢六分六厘水

脚銀三厘三毫零路費銀一分六厘零巡攔役
銀抵納○長安稅課局魚線膠二觔熟鉄二十
觔二項共價銀五錢六分水脚銀一分二厘路
費銀五分六厘水過脚銀加膠四兩鉄一觔十二兩
八錢價銀五分六厘水脚銀一厘一毫零路費
銀五厘六毫巡攔銀抵納○赭山湯鎮稅課局
魚線膠四觔熟鉄三十六觔十八兩八錢二項
共價銀一兩五分六厘水脚銀二分一厘零路
費銀一錢五厘零過閘加膠六兩鉄三觔二兩

原刻無銀字

價銀九分二厘零水脚銀一厘八毫零路費銀
九厘二毫零巡攔銀抵納○本縣河泊所魚線膠
七十五觔熟鉄七伯二十二觔二項共價銀二
十兩四錢四分水脚銀四錢八厘零路費銀二
兩四分四厘過閘加膠六觔四兩鉄六十二觔
三兩二錢價銀一兩七錢四分四厘水脚銀三
分四厘零路費銀一錢七分四厘零里脚均平
銀內帶徵○硤石河泊所魚線膠二十五觔熟
鉄二百四十觔九兩六錢二項共價銀六兩八

錢五分三厘水脚銀一錢三分七厘零路費銀
六錢八分五厘零過閏加膠二觔一兩三錢零
加鈇二十觔三兩六錢零價銀五錢七分一厘
零水脚銀一分一厘零路費銀五分七厘零里
甲均平銀帶徵

按課程額已載邑志但與郡志所載詳畧甚
懸似多掛漏為備錄志郡以俟長吏之有心釐
別者其宋元額除已載郡邑志外餘多煩瑣
且不切本朝並削

征徭 三之三

征徭即徭役縣志甚畧郡志頗詳其間亦多參
差不合備錄之以俟夫留心民事者首尾二幅
微有缺文今亦缺之以存其實

里甲三辦銀共八千五百九十九兩一錢五厘有
奇

額派銀共一千三百三十六兩六錢五分五厘有
奇

內筆管料銀三十二兩一錢五分六厘零○銅

絲鉄線銀六十八兩四錢九分九厘零○猫紫
竹料銀一百八十兩八錢五分一厘零○缺銷
鹿皮銀九十八兩六錢六分六厘零○藥材銀
正料三十七兩二錢二分六厘津貼路費銀缺
八兩一錢八分缺厘○甘蔗銀二兩一錢六
分一厘零○弓箭絃條銀五百三十五兩四分
七厘零○胖襖褲鞋銀三百一十三兩八錢六
分七厘零
坐辦銀共四千 缺 伯三十六兩 缺 錢 缺 分七厘有

奇

內果品銀 缺二字 一 缺二字 兩○牲口銀年例三十
二兩五錢○蠟茶銀年三十四兩八錢一分九
厘零加派二伯六十九兩六錢四分零○策筭
銀年例七兩八錢加派一十兩三錢二分九厘
零○歷日紙料銀一百七兩八錢一厘零遇閏
加銀五錢八分零○淺船料銀五百七十七兩
八錢五分四厘零○漆料木銀一十一兩八錢
一分一厘零○四司工料銀一千二百一十四

兩四錢八分八厘零○段足銀一千七百五十
五兩缺錢五分二厘零過閏加銀一百五十五
兩三錢四分九厘有奇

雜辦銀共三千二百二十六兩一錢五分二厘有
奇

內科舉禮幣進士舉人牌坊銀二百四十四兩
九錢六分一厘零○軍器路費銀二十四兩四
錢二分八厘○武舉銀一兩九錢四分九厘○
戰船民六銀二百五十一兩一錢○上司各衙

門新官到任隨衙下道家伙祭品猪羊等物銀
一十四兩三錢八分五厘零○上司各衙門書手
工食銀四十六兩七錢四分四厘零過閏加銀
二兩一錢○本縣祭祀銀一伯四十兩四錢○
本縣鄉飲酒禮銀二十兩○羅匠路費銀六十
三兩六錢五分過閏加銀五兩三錢二分○匠
役路費銀一十一兩四錢六分八厘零過閏加
銀九錢六分二厘零○部運南北二京稅糧銀
絹委員水手銀一十兩七錢○膠鉄油榨鑄冶

課鈔銀三兩六錢五分一厘零過閏加銀二錢
三分一厘○膠鉄料價併水脚路費共銀三十
兩五錢六分七厘零過閏加銀二兩五錢九分
三厘○募夫工食銀三十六兩○三院兩關二
司各道本府年例冬夏紅紗紵絲桌幃等銀七
十五兩三錢八分八厘零○本縣卓幃坐褥銀
一十兩○三院考試生員試卷果餅花紅紙劄
府學銀一十兩○三院查盤委官駐劄合用心
紅紙劄油燭柴炭併吏書下程銀四兩五錢○

次

三院司道按臨併本縣朔望行香講書紙劄筆
墨銀五兩○上司併府縣公宴鄉飲酒席祭祀
新官到任齋宿幕此卓椅床帳器皿及公館家
伙什物使客轎乘等項修整銀三兩五錢○上
司本縣桃符門神銀一兩五錢○省城各衙門
修理料銀五百九十一兩三錢七分五厘○缺
箋綾函紙劄工食銀四兩四錢一分五厘○拜
賀萬壽正旦冬至令節習儀香燭銀四錢八
分○迎春芒神土牛春花春鞭酒席銀四兩○

孤老布花木柴銀四十三兩○歲考生員試卷
果餅花紅紙劄筆墨銀府學四十三兩二錢七
分三厘縣學七十六兩六錢六厘零○季考生
員激賞花紅併試卷等項銀八十兩○歲貢生
員旗匾花紅酒禮銀二兩八錢三分○起送科
舉生員卷資路費花紅酒禮銀二十八兩二分
六厘零○迎宴新舉人合用旗匾花紅酒席等
銀本府四兩本縣四兩起送會試舉人路費卷
資酒席銀五兩三錢三分三厘○會試舉人水

手銀七十二兩○賀新進士旗匾花紅酒禮銀
本府二兩三錢三分三厘本縣二兩三錢三分
三厘零○縣送過往使客下程油燭柴炭銀二
十二兩六錢○本縣操練軍兵民壯犒賞銀一
十兩○府縣應朝官員起程併復任祭門三牲
酒果香燭等銀本府三錢三分三厘零本縣二
兩○府縣新官到任祭門三牲猪羊酒果香燭
等銀本府一兩二錢五分本縣二兩六錢六分
六厘零○府縣陞遷給由官員酒席祭江猪羊

宣
銀本府一兩本縣二兩八錢○人夫工食銀二
百二兩馬八足連草料鞍轡併馬夫工食共銀
九十五兩五錢四分二厘○脩城民七料銀
二十五兩八錢七分二厘○脩理本縣新官衙
宇等處銀二十四兩○脩理本縣儒學教官衙
宇銀八兩○脩理分司公館銀四兩○脩理城
垣銀三十兩○心紅紙劄銀本府一百六兩六
錢本縣一百三十八兩○預備雜用銀三百兩
○交際公費銀本府三十兩本縣一百兩○附

載龍袍架杠路費銀一百三十九兩五錢○部
運袍服委官水手銀六兩
均徭銀共八千四百九十五兩七錢二分三厘有
奇

內力差共銀二百九十兩○內斗級一十八名
每名役銀一十五兩合一百七十兩遇閏每名
加銀一兩二錢五分本府廣豐倉六名廣積倉
八名本縣預備倉四名○又斗級二名每名役
銀一十兩合二十兩遇閏每名加銀八錢三分

三厘本縣永平倉

銀差共銀八千二百二十五兩七錢二分三厘

○內祇應白米庫役銀九百九十八兩武林驛

○祇應銀三百二十兩浙江驛○二百三十二

兩六錢一分五厘吳山驛○庫役銀一百六

十兩過閏加銀一十三兩三錢三分三厘本府

資盈庫○鋪陳銀五十兩武林驛○耳房庫役

銀四十二兩過閏加銀三錢五分本縣○缺二字

一名役銀四十兩本府織染局○缺七名半

每名役銀三十兩合二百二十五兩本府六名

布政司一名半○歲貢生路費銀三十兩本縣

○祇應銀二十五兩本府通運所○巡鹽應捕

一十名每名役銀二十兩六錢合二百六兩過

閏每名加銀一兩七錢一分六厘零○本縣新官

家仗銀缺三字兩五錢六分六厘本府缺二字兩

○本縣巡攔一十三名每名抵課銀一十二兩缺

缺錢一分八厘合一百六十兩一錢四分一厘

零過閏共加銀一十三兩三錢四分五厘○柴

原刻脫兩字

薪皂隸二十九名每名役銀一十二兩三錢合
三百五十缺兩七錢過閏每名加銀一兩○南
京額班直部門子一十四名每名一十二兩合
一百六十八兩過閏每名加銀一兩布政左堂一
名右堂一名管糧道一名金衢道一名寧紹台道
一名溫處道一名按察司提學道一名運司一
名本府六名○健步三名每名役銀一十一兩
合三十六兩過閏每名加銀一兩布政司杭嘉
湖道一名按察司水利道二名○柴薪皂隸四

十四名每名役銀一十二兩合五百二十八兩
過閏每名加銀一兩布政司一名織造府十二
名本府十一名運司三名都司經歷二名斷事
二名本縣十一名海寧所守領二名○皂隸三
十五名每名役銀一十二兩合四百二十兩過
閏每名加銀一兩撫院七名布政司三名右堂
一名管糧道一名杭嘉湖道一名溫處道一名
理問所二名按察司堂上十一名清軍道三名
金衢道一名溫處道一名經歷一名照磨一名

都司斷事一名○弓兵一名役銀一十二兩遇
閏加銀一兩按察司嘉湖道○獄卒二十五名
役銀十二兩合銀三百兩遇閏每名加銀一兩
本府二十三名布政司理問所一名都司斷事一
名○庫子四名役銀一十二兩合四十八兩遇
閏每名加銀一兩布政司廣濟庫二名架閣庫
二名○水手四名役銀一十二兩合四十八兩
遇閏每名加銀一兩運司○館夫三名役銀十
二兩合三十六兩遇閏每名加銀一兩織造府

○教官家仗銀一十二兩縣學○齋夫六名役
銀十二兩合七十二兩遇閏每名加銀一兩縣
學○抵鈔巡攔一名役銀一十二兩郭店稅課
局○又巡攔八名每名役銀十二兩合九十六
兩本縣長安稅課局○弓兵八十名每名役銀
十一兩五錢合九百二十兩遇閏每名加銀九
錢五分八厘零石墩赭山二巡司各四十名○
皂隸二十名每役銀十兩八錢合二百一十六
兩遇閏每名加銀九錢本府○甲首二名役銀

十兩八錢合二十一兩六錢遇閏每名加銀九錢布政司右堂○籠馬夫一名役銀十兩八錢遇閏加銀九錢布政司經歷○隸兵二十五名每名役銀十兩三錢合二百五十七兩五錢南京把門看倉看監○膳夫八名每名役銀十兩合八十兩遇閏每名加銀八錢三分三厘零縣學○掃殿夫一名役銀十兩遇閏加銀八錢三分三厘零府學○漕運衙門供應銀九兩○庖厨館夫一十七名每名役銀九兩合一百五十

三兩遇閏每名加銀七錢五分撫院二名武林驛十五名○獄卒十名每名役銀九兩合九十兩遇閏每名加銀七錢五分本縣○巡攔一十九名每役銀八兩合一百五十二兩本縣稅課局八名轉塘稅課局三名郭店稅設局二名碓石鎮稅課局三名本縣河泊所一名碓石河泊所二名○門子六名每役銀七兩二錢合四十三兩二錢遇閏每名加銀六錢本縣二名縣學四名○皂隸二十八名役銀七兩二錢合二百

一兩六錢過閏每名加銀六錢本縣○甲首六
名役銀七兩二錢合銀四十三兩二錢過閏每
名加銀六錢本府○鋪兵四十四名役銀七兩
二錢合三百一十六兩八錢過閏每名加銀六
錢夏村許村費村駱家四鋪各五名縣前定海
二鋪各三名陳橋談村諸村下管松林謝家邵
家蔡家談山九鋪各二名○庫子三名役銀七
兩二錢合二十一兩六錢過閏每名加銀六錢
理問所一名縣學二名○掃殿夫二名役銀七

兩二錢合十四兩四錢過閏每名加銀六錢縣
學○工腳二十六名役銀六兩合一百五十六
兩過閏每名加銀五錢本府批驗所六名許村
西路二場各十名○巡攔三名役銀四兩合一
十二兩表花稅課局○馬丁一百一十八名每
名役銀四兩合四百七十二兩布政司九名按
察司十四名本府三十七名運司八名本縣五
十名○門子三名役銀三兩合九兩布按分司
府館各一名○解京富戶二十三名役銀二兩

合四十六兩○海塘夫一百五十名役銀二兩
合三百兩

驛傳丁糧僉馬價水馬夫銀共八千九百一十兩
八錢一分八厘有奇

內糧僉馬價銀共一千五百七十四兩三錢一
分五厘○內給直隸鳳陽府宿州夾溝驛上馬
四足中馬三足下馬一足徐州桃山驛上馬六
足黃河東岸驛中馬二足利國驛下馬一足半
直隸順德府邢臺縣龍崗驛上馬二足 缺邱縣

延

中邱驛上馬一足下馬一足會同館中馬一足
缺馬一足河南開封府鈞州新鄭縣永興驛上
馬 足 缺八字 津縣廩縣驛下馬

一足南陽府裕州 缺四字 驛中馬一足山東

兗州府滕縣臨城驛上馬 缺足滕陽驛中馬四

丁僉馬價銀共七百二十八兩七錢五分三厘

零○內給薊州遵化縣遵化驛上馬三足順天

府豐潤縣永濟驛上馬五分四厘七絲六忽三

微九塵五渺九漠河南開封府鄭 缺七字

水馬銀一千三百七十五兩三錢九分三厘有奇

○解府給脩造遞運所座船併龍衣船

缺夫銀五千二百三十二兩三錢五分六厘有奇

○給遞運所龍袍船夫併走差船夫工食

兵餉銀額派 缺五字 三十一兩七錢五分二

厘有奇外防夫門子銀四十六兩八錢

以上總撤數亦多有不合處姑照郡志錄之

以俟當事者

余讀征徭一款而知胥役之所以獻媚縣官縣官之所以受制胥役其弊皆原於此志之宜詳而不宜畧也明甚十日所視十手所指其嚴乎

鹽課 三之四

許村場鹽課司

本場額派○本色鹽四千一百五十三引二百

二十二勛四兩零該給客銀一千六百六十一

兩四錢二分有奇○折色鹽四百三十九引二

伯二十一勛一十四兩零該給客銀一百七十

五兩八錢二分有奇

洪武初年實在辦鹽灶丁二千八百九十一丁
每丁辦納鹽價銀七錢一分一厘有奇○嘉靖
年間實在辦鹽灶丁三千七十六丁每丁辦納
鹽價銀六錢六分八厘有奇○萬歷年間實在
辦鹽灶丁三千八百二十九丁每丁辦納鹽價
銀五錢四分有奇○其攤蕩草蕩坍漲不常原
無定數

西路場鹽課司

鹽

本場額派○本色鹽四千五百九十引二十七
觔四兩零該給客銀二千七百五十四兩四分
有奇○折色銀五百七十四引二百七觔一十
一兩零該給客銀二百二十四兩七錢一分一
厘有奇

洪武年間本場實在辦鹽灶丁一千五百二十
丁每丁辦納鹽價銀一兩九錢五分九厘有奇
○嘉靖至萬歷實在辦鹽灶丁五千三百七十
十三丁每丁辦納鹽價銀五錢五分四分四厘有奇

其灘蕩無定數同前

以上俱錄郡志按縣志所載引數丁數頗多參差未詳孰是姑存以備考

附府課額

成化十年○本府坐派許村場鹽課司額鹽五千一百四十四引八十二觔○派西路場鹽課司額鹽五千一百四引三百九十二觔萬歷六年○本府坐派仁和場及許村西路二場鹽課司共辦額鹽二萬八百五十六引九百

五十七觔零折銀九千三百三十六兩二錢零

此見郡志三場止言共辦無分辦數

按縣志不載府課但事關本縣二場似不宜缺畧姑照郡志錄之以備參攷

附宋課額

太平興國中鹽官有買納場以總納八場鹽課

歲額一十三萬三千九百七十三石七斗六升

○內蜀山場歲額五千九百二十六石三斗一

升○崑門場歲額二千五百八十三石一升併

隸蜀山場催煎○上管場歲額四萬三千九百
七十三石七斗六升○下管場歲額二萬六百
七十七石九斗四升○南路場歲額二萬六千
二百八十二石五斗○袁花場歲額一萬五千
一十七石六斗八升○黃灣場歲額九千一百
二十一石六斗一升○新興場歲額一萬九千
二十九石六斗一升

按宋額俱見圖經查總撤數微不合以無關
本朝姑錄舊文云

郵政 三之五

寧有預備倉成化志云建自洪武初者凡五一
在黃崗寺一在硤石鎮一在安國寺一在十七
都一在長安鎮永樂初重建今止有一其法歲
豐則勸義出粟收貯其中荒則許下戶借貸秋
成抵斗還官著為令正統以後法漸弛乃令民
犯苔罪以上非流徒論死者並聽納穀贖罪以
備賑濟或曰今北門外之長平倉即是
寧有孤老院建自洪武五年收斂獨之無告者

處其中每口月給米三斗柴三十觔冬夏布各一疋小口給三分之二後又改孤老名為養濟詔月給分四等三十五年復詔存恤載之律令憲綱○按郡志云宋故有養濟院建自崇寧元年迨高宗定都臨安則置安濟院居諸無告者月給以常平米又置慈幼局收養人家遺棄小兒元世因之亦如宋例本朝所建仿宋元遺意也

按祖宗立法所為加惠甞民者德意甚盛顧法久弊生有司奉行鮮睹實事如預備倉雖設而賑貸無聞也戊辰海變亦嘗一議賑發而被賑者大半皆衙門積猾災民什不得二三焉孤老糧雖未嘗不給而食糧者未必真孤老其登籍也必有所費其支給也必有所扣回思立法初意果如是否有治人無治法旨哉言乎

寧有惠民藥局今官醫生住其中凡民之有病而貧不能延醫者官醫為定方療治藥材給自縣官其建置詳縣志

寧有厲壇以祭無祀鬼神始自洪武初各鄉俱
有今止邑厲存歲以清明七月望十月朔三舉
祀其詳載禮制
寧有漏澤園建自嘉靖八年在縣西一里外所
以瘞暴露遺骸者○附宋漏澤園○圖經云在
縣治西南三里戒壇院之側紹熙三年令陳恕
重脩築墻立門典民田三十畝以其利屬僧院
為棺木埋葬費仍以榜文刻石今在戒壇院又
云叢塚有二一在長安開之北紹熙元年令陳

恕易民地五畝作為大塚以瘞道亡及暴骸者
仍置屋居以守之又買田五十餘畝俾收其利
為埋葬工料等費一在硤石審山之北有山地
二十餘畝故老相傳謂舊有此○圖經考異云
按葉延年記云紹熙甲寅之明年春疫大作令
魯鯨訪其歿不能葬者得千骸悉火化之作三
叢塚以瘞其骨其二在硤石長安然不言在何
處及質之故老云硤石舊有叢塚不知剏自何
時長安者乃令陳恕所置且記謂有三而今止

二或漏澤園亦其一與如此則三塚皆舊有或

魯令重修之耳六年致縣令題名陳恕以淳熙十年

薄而魯一而魯即是以是年是月

一而魯一而魯即是以是年是月

一而魯一而魯即是以是年是月

一而魯一而魯即是以是年是月

歷代蠲卹併詳於後

唐

文宗太和六年浙西觀察使奏杭州八縣大疾詔

疫

發米二萬石賑之

宋

哲宗元祐六年浙西大水詔發米五十萬石錢十

萬緡以賑

高宗建炎三年定都臨安時以知府李光奏詔免

九縣逋稅詔曰朕遭時艱難遂為行國駐驛去

處小民理合優異寬卹其臨安人戶拖欠歲租

等物並與放免日後官吏如有復行催徵者以

沮格詔令論自後凡遇寒暑遇水火過諸慶禮

皇志首之

臨安之民時有賑卹○帝性慈惠用法每從寬
厚凡諸獄具詔有司依式檢校枷以乾木為之
輕重長短刻識其上笞杖不得留節目亦不得
釘飾加筋膠之類仍令官給火印紹興十三年
令御史臺檢點仁錢二縣獄具錢塘大杖一重
五錢一重半劬仁和枷一多一劬一重半劬縣
官俱降級有差自是各屬縣無不奉行惟謹又
詔囚之乏饋食者日支官錢二十文外路支十
五文毋令缺食

水滄及四郡時守臣上言鹽官舊去海三十餘里
無海患故鹽灶煩盛課利易登去年海水忽漲橫
衝沙岸每一潰裂輒數十丈日復一日蘆洲港瀆
蕩為一壑今潮勢深入逼近居民萬一春水驟發
怒濤奔湧海颶佐之呼吸桑滄百里之民寧不俱
葬魚腹乎况京畿赤縣密邇都城內有二十五里
塘道通長安牖上徹臨平下接崇德漕運往來客
船絡繹今海水入塘兩岸田畝皆被滄沒及今不
治恐裏河堤岸久之亦必潰裂乞下浙西諸司條

寧波府志卷四
具築捺之策務令捍堤堅壯土脉充實庶不復囑
前劇詔從之

嘉定十五年都省臣上言鹽官海塘衝決上命浙
西提舉劉厚專任其事厚上言鹽官東接海鹽西
距仁和北抵崇德德清境連平江嘉興湖州南瀕
大海原與縣治相去四十餘里數年以來水失故
道早晚兩潮奔衝南北遂至縣南四十餘里盡淪
入海近縣之南原有捍海古塘亘二十里今東西
兩段並以衝毀侵入縣治兩旁止存中間古塘十

餘里萬一水勢激盪不息不惟鹽官一縣不可復
存而向下地勢漸卑恐鹹流沿漫將蘇秀湖三州
等處田畝皆不可種植其為害非獨一邑也詳今
日之患大槩有二一曰平地陸沉一曰鹹潮泛溢
陸沉者固無力可施其泛溢者祗因捍海塘衝損
每遇大潮必盤越北注今亟宜築土塘以捍鹹潮
其所築塘基南北各有兩處在縣東近南則為六
十里鹹塘近北則為袁花塘在縣西近南亦曰鹹
塘近北則為淡塘嘗驗兩處土色虛實袁花塘淡

塘差勝鹹塘且各近裏末至與海潮為敵勢當東就袁花塘西就淡塘修築庶可禦鹹潮之盤溢其縣西一帶淡塘連縣治左右共五十餘里合先修築若縣南去海一里餘縣治民居盡在其中幸古塘尚存此何可棄之度外也今將現管樁石就古塘加工築壘一里許為防護縣治之計其縣東民戶日築六十里鹹塘萬一又為海潮衝損則前功盡棄當計用木石修築袁花塘以捍之上詔可元大德三年鹽官州海塘崩詔禮部尚書游中順

同本省官相視議修築會虛沙忽漲不能施力仁宗延祐元年鹽官州海溢已未庚申間陷地至三十餘里壞民居無算時議於州後添築土塘然後築石塘東西長四十三里後復以沙漲中止泰定帝元年十二月鹽官州海水大溢壞堤塹侵城郭有司以石圓木櫃捍之不能止二年八月鹽官州大風海溢捍海堤崩廣三十餘里袤二十里徙民居千二百五十餘家避之四年正月鹽官州海潮大溢捍海塘崩二千餘步

四月後崩十九里時發丁夫二萬餘人以木柵竹
絡磚石塞之不止詔天師張嗣成修醮禳之復不
驗乃命都水少監張仲仁往治沿海三十餘里下
石圍四十四萬三千三百有奇又木櫃四百七十
有奇工役萬人

致和元年三月鹽官州海岸崩詔遣使禱祀造浮
圖二百十六蓋用西僧法謂潮可鎮壓也不驗四
月海復溢詔發軍民塞之為置石圍二十九里
文宗天曆二年庸田司奏言鹽官海患已息民得

安堵乃詔改鹽官州為海寧州

元世修塘總紀○鹽官州治舊去海岸三十里有
捍海塘二後又添築鹹塘在宋時亦嘗崩陷至成
宗大德三年塘岸崩都省委禮部郎中游中順一
詔禮部暨本省官相視會虛沙漲難於施力議中
尚書游暨本省官相視會虛沙漲難於施力議中

寢至仁宗延祐之已未庚申間海汎失度累壞民

居陷地三十餘里時省憲官共議宜于州治之北

添築土塘然後築石塘東西長四十三里未幾沙

復漲議復寢至泰定卽位之四年二月風潮大作

衝捍海小塘壞州郭四里杭州路上言與都水庸田司議欲于北地築塘四十餘里而工費浩大莫若先修鹹塘增其高濶填塞溝港且濬深近北備塘濠塹用椿密釘庶可護禦江浙省准下本路修治都水營田司又言宜速撥丁夫堵閉水衝入處其不敷工役于錢塘仁和及嘉興等附近州縣諸色人戶內斟酌差倩不則淪沒不已旦夕誠為可慮工部議海岸崩摧重事也宜移文江浙行省督促庸田使司鹽運司及有司發丁夫修治毋致侵

犯城郭移害居民五月五日平章禿滿迭兒茶乃史叅政等奏言江浙省四月內潮水衝破鹽官州海岸令庸田司官徵夫修堵又令僧人誦經復差人令天師致祭臣等集議世祖時海岸嘗崩遣使命天師祈祀潮卽退今可令直省舍人伯顏奉御香令天師依前例祈祀制曰可旣而杭州路又言八月以來秋濤洶湧水勢愈大現築沙堤塘岸東西八十餘步造木櫃石囤以塞其要衝本省左丞相脫歡等議要置石囤四千九百六十抵禦衝嚙

以救其急擬比浙江之石塘庶可為久遠計其工料用鈔七十九萬四千餘錠糧四萬六千三百餘石接續興修致和元年三月省臣奏江浙省併庸田司修築海塘作竹籬篠內實以石鱗次壘疊以禦潮勢今又淪陷入海見圖修治倘得堅久之策移文具報臣等集議此重事也旦夕駕幸上都分官扈從不得圓議今差戶部尚書李家奴工部尚書李家賓樞密院屬衛指揮青山副使洪灝宣政院僉院南哥班與行省左丞相脫歡及行臺宣政院

庸田使司諸臣會議修治之方合用軍夫除戍守州縣關津外酌量差撥從便添支口糧合役丁力附近有田之家及僧道也里可溫答失蠻等戶內點情凡工役之時諸人毋或阻壞違者罪之合行事務提調官移文稟奏施行有旨從之四月二十八日朝廷所委官暨行省臺院及庸田司等官議昔大德延祐間欲建石塘未就泰定四年春潮水異常增築土塘不能抵禦議置板塘以水湧難於施工遂作籬篠木櫃間有漂沉欲踵前議壘石塘

以圖久遠為地脉虛浮比定海浙江海鹽地形水勢不同由是造石囤于其壞處壘之以救目前之急已置二十九里餘不曾崩陷畧見成效庸田司與各官同議東西接壘石囤十里其六十里塘下舊河就取土築塘鑿東山之石以備崩損文宗天曆元年十一月都水庸田司言八月十日至十九日正當大汎潮勢不高風平水穩十四日祈請天妃入廟自本州岳廟東海北護岸鱗鱗相接十五日至十九日海岸沙漲東西長七里南北廣或二

三十步或數十百步漸見南北相接西至石囤已及五都修築捍海塘與鹹塘相遠直抵崑門障禦石囤東至十一都六十里塘又東至大尖山嘉興等三路所修處海口自八月一日至二日探海二丈五尺至十九日二十日探之先二丈者今一丈五尺先一丈五尺者今一丈西自六都仁和縣界赭山雷山為首添漲沙塗已過四都五都鹽官州郭東西二都沙土流行水勢俱淺漲沙東過錢家橋海岸原下石囤石櫃並無頽圯水息民安于是

天曆二年遂改鹽官州曰海寧州

國朝永樂六年海寧縣海決陷沒赭山巡檢司○
九年秋詔修海寧海塘先是工部上言海寧仁和
二縣風潮溺死居民漂蕩廬舍坍塌城垣請發軍
民修築詔許之自是工役起是年冬十一月塘成
合仁寧二縣計修築者萬一千一百八十五丈○
十一年夏五月大風潮仁和縣十九都二十都皆
淪入海詔兵部侍郎張某往築海岸役軍民十萬
計浙東西諸郡俱為騷動死者載道三年間費不

啻十萬而患率如舊

按實錄是年止言仁和但仁

與烏觀十六年之遣祭于寧不于仁又云為屢被
潮患連年修治迄無成功則大較可知矣故併錄
○十六年冬十一月詔保定侯孟瑛禮部侍郎

易英祭海神于海寧時瀕海諸縣屢被潮衝連年
修治迄難底績故有是命既祭後患頗息○十八
年通政使岳福上言今歲仁和海寧二縣夏秋霖
雨海潮泛漲塘之淪入海者千五百餘丈赭山岳
門山舊有海道今皆淤塞故潮勢愈猛患滋大請
亟修築詔從之

成化七年閏九月工部侍郎李顯奉命來寧祭海神○十二年夏浙江守臣上言杭嘉紹三府海寧海鹽等縣海塘衝壞數多亟宜修治部議令各府先以在官物料支用不足則于附近無災處所移借協濟詔從之○十三年二月海寧縣海決時潮水橫衝一潰數仞徧盪城邑瀕海之祠廟廬舍器物淪漂畧盡縣官上其事于府府上之鎮巡因命採石臨平安吉諸山初用漢捷短法不就乃斲木為大櫃編竹為長絡引石下之汎濫乃定仍作副

堤十里以防泄鹵一時富民爭相賑施凡七越月

而役竣

按郡志云成化間海寧潮水直徧城下知府陳建議開支河築內堤予以洩水捍衝

疑卽此時也

萬曆三年夏五月颶風大作海嘯海鹽及海寧寧民溺死者百餘漂房屋二百餘間塘圯鹹水湧入內河壞田地八萬餘畝時縣官估計應修塘凡二千三百七十八丈計修築工料銀應五千二百二十八兩四年九月會知縣蘇湖新蒞任巡撫徐枋察其才可任事遂以塘什之湖定議以五年二月

十三日興工至四月而役竣計費纔一千九百七十六兩

崇禎元年七月廿三日海嘯海寧殺人無算是日午前風日清朗纔過午狂颶猝發雷雨如注申酉間忽報海嘯登城望之見潮頭直架樹杪廬舍蕩析瀕海居民有舉家斃者有一家十九口止存二者延至夜半風濤稍殺厥明縣官出勘城東西被災者凡四千餘戶橫尸路隅殆不忍見云事聞於朝議修築海塘時縣令謝紹芳屬衙官張瑞傑董

其役張弟以修河塘法從事未幾潮嚙之旋築旋圮踰年績弗成于是三臺畢臨相視議工費撫按會題寧邑履畝加賦一分合計之得九千餘金而道府捐助又各有差于是郡丞劉元瀚奉臺命來董其役

陳善海塘議曰海寧縣治南瀕海海之上卽塘塘距城僅伯武東抵海鹽西抵浙江延袤百里塘西南有赭山南與龕山對峙夾為海門是為海潮入江之口說者謂海濤浩瀚至此束不得

肆輒怒而東迴及其迴也又有石墩山以障之則益怒而于是東西盪激害乃中于寧查寧邑舊志塘之外有沙場二十餘里沙場之內有陸地草場桑柘棗園一百六七十頃有奇乃今悉盪入海孤城若塊萬姓如魚脫更內蝕滄桑之變在轉盼間凜乎危哉宋元以前勿論我明自洪武至萬曆海凡五變五修築矣永樂九年海大決保定侯孟瑛奉命徵九郡之物力歷十三年而始奏功嗣後成化甲午弘治壬子嘉靖

戊子迄今萬曆乙亥海或溢或決塘隨築隨圯雖勞費不如永樂之甚公私亦旣騷然夫海決寧邑而役及九郡者何也寧地于吳為陲于越為首地形最高故俗謗相傳謂吳江塔巔與長安壩址並有如寧海一決注之列郡如建瓚然則障寧者卽所以障列郡也萬曆五年春巡撫徐公按治寧海多潰闕為之駭詫因與水利陳公詔翕謀合慮察縣尹滇南蘇公可屬大事卽以其役委之蘇亦毅然身任閱三月而役竣修

圳塘一千六百六十三丈築新塘三百二十丈其費公帑止一千九百餘金亦可謂事半功倍矣然余更有說焉海寧之塘與海鹽異鹽塘有大患亦有大利寧塘似無顯患而實有隱憂蓋鹽塘有內河可開故潮勢至此既為分殺而引其流更能使草場悉為膏腴是大患弭而大利興也若寧塘逼近城郭無內河可開幸潮勢緩于鹽耳設一旦海嘯直薄邑治其為隱憂可勝道哉聞寧邑額設捍海塘夫乙百五十名每

歲編派役銀三百兩為之今者誠加意海防每遇潮汛卽遣官巡視稍有傾圮卽委廉能吏領銀修築毋令涓涓不止此亦撒桑之計也萬一天祐寧民塘十年無恙則銀之積益富縱興大役亦不必派及平民矣至如築塘之法余竊有取于海鹽乙亥之決海鹽為甚其修築也造完前圳石塘七百五十丈及原欠石塘八十三丈二尺修砌半圳石塘一千七百九十二丈築舊土塘二千二百一十六丈築新塘七百一十丈

五尺新開內河白洋三千三百九十五丈而其
為費也始計之謂非三十萬不可及撫臺徐公
親行海上命有司詳估價值曰十六萬足矣衆
乃譁然駭其太簡及工告成費止十萬餘金減
原估五萬四千有奇是徐公之施德于浙民大
也至其慮湍激之為害也有盪浪木椿以砥之
慮其直薄堤岍也為斜階以順之其累石也上
則五縱六橫下則一縱二橫石齒鈎連若絙貫
然卽百計撼之其能搖乎修寧塘者誠一準海

鹽新塘之式是則一勞永逸之計也安得任事
若徐蘇二公者與之籌海事哉

按陳先生議其言寧塘之利害與鹽異似也而
其所以異則非也寧城之徧海者在南而鹽城
之逼海在東餘三方皆實地皆有內河可開安
在海鹽之勢可殺而鹽獨不可殺哉余竊謂鹽
之患大寧之患小鹽東面距海塘自北而南潮
則自東而西濤頭直衝塘肋故塘易圯而為害
劇若寧則南面距海塘自東而西潮亦自東而

西濤頭直衝龕楮海門寧特其經行處耳當經過時遇旁有隙竇自然不免滲入蓋隙竇之引潮以入非潮之決塘以入也此寧患之所為小于鹽而其為力亦易于鹽者也乃當事者動憂金錢不繼夫寧自嚴尹寬建議後額設海塘夫一百五十名年儲役銀三百兩為修築費亦既著為令矣倘能以此三百金隨時補緝小有潰決卽圖斂塞亦何至一潰不可支者如有力者負而趨曾無分毫及塘何乃今一議工役非請

給上司則加派編戶蓋塘不修而民以海病塘修而民又以塘病此其故難言之矣而說者曰戊辰之變安見寧患之小于鹽夫戊辰之變雖十仞之塘弗能禦也是豈由人力哉

河患及治河類

寧邑諸內河無大利害凡水之能為利害者惟畜與洩寧諸河之所為畜洩者大要不出塘堰笕閘之類今第舉其名而利害之槩可具悉也縣志載入山水類非是

寧諸河塘載在縣志者八曰鹹塘曰淡塘曰新塘
曰運塘曰園花塘曰六十里塘曰二十五里塘曰
范蠡塘而郡志又有小塘湖塘云小塘在縣北五
里山水衝漲沙石壅塞湖塘在縣西北一百五十
步谷昌鄉古塘行路今查縣北無所謂小塘者惟
北門外一小河通郭店河約可十里其地非有山
水之衝特多沙土壅塞疑卽所謂小塘也若二十
五里塘在縣西北為郡邑往來古道此卽湖塘矣
郡志有湖塘無二十五里塘其為一塘可知又查

外志有南塘無六十里塘亦實一塘也而郡志又
有洛塘郭店塘新江塘縣志皆不載總之有一河
卽有一塘數難枚舉第紀其著者可耳

寧之堰載在縣志者九曰莊婆堰今改橋曰李六堰
曰黃家堰曰瓦石堰曰長安堰曰長安新堰曰通
浦堰曰凌家堰曰莫家堰查郡志無凌莫二堰而
有水沒堰在覓類外志無瓦石堰今當以縣志為
正

寧之為壩者六曰張飛壩曰楊灣壩曰上圩壩曰

張宅壩曰葉公壩曰楊家壩六壩皆載郡志而雜見於笕中余謂壩與堰類皆以堤水使不得通也笕以通水與壩不類宜另列之縣志皆不載

寧之十閘長安三閘曰上閘曰中閘曰下閘別有王

家閘石家現閘姚沈現閘寺涇現閘萬家閘洪範閘石家閘十閘俱詳縣志而郡志又有許村閘沈木閘黃灣閘范沈閘四閘雜見笕壩中其寺涇姚沈二閘則但言閘無現字王家閘則曰現閘萬家閘或云即范沈閘外志止載長安三閘○按寺涇

姚沈范沈石家石家現洪範王家現此七閘舊傳謂之伍公七閘余謂閘於水在畜洩之間而笕主通水混閘於笕非是另列之

寧之笕載縣志者凡三十四與外志同其名具詳於後而郡志則於三十四笕外猶有瑞谷笕嚴太師笕毛家笕鄔馬涇笕縣志有尹千六笕而郡志無尹千六有沈千六未知孰是笕所自起見縣志寧之為隄門者四曰濮家隄門曰朱家隄門曰俞家隄門曰馮家隄門隄門不知何狀而雜見於笕

閘中或卽其類也然嘉興郡治西亦有隄門乃大河行塘殊非笮閘類吾不知其解矣隄門或曰嘉興斗門乃地名非關水地

按以上堰壩閘笮隄門起十一都東盡一都分西北東南二區區分為三○一莫家堰二凌家堰三許村閘是為西北區第三分○四黃仲二笮張飛壩五尹十二笮楊灣壩六沈千六笮上圩壩七鄔馬涇笮張宅壩是為西北區第二分○八瑞谷笮九德洋涇笮葉公壩十朱涇笮濮

家隄門十一寺涇笮是為西北區第一分○十二蔡沈笮十三姚沈笮十四丁沈笮十五萬沈笮十六梁寬笮是為東南區第三分○十七嚴太師笮沈水閘十八周徐笮水沒堰十九方姚笮朱家隄門二十馮馬笮俞家隄門廿一戈家笮楊家壩廿二石家笮馮家隄門廿三毛家笮是為東南區第二分○廿四王家閘廿五尹家笮廿六鄭家笮廿七郭馬笮是為東南區第一分○梁廣笮源馬牧港嚴太師笮源淡塘河寺

涇蔡沈二笕會倉河丁沈萬沈梁廣三笕會孫
伯山陡門尹家鄭家郭馬三笕會郭店河黃仲
二笕別出司陡涇與諸笕河同達九曲新江下
河○此外尚有高家笕向家笕蔡家笕萬家笕
周涇笕沈家短笕何八笕朱八三笕趙玘笕陸
家笕吳涇笕惠因庄笕郭庵短笕是皆未詳何
區何方寧邑田疇所以備旱澇者大都不出此
宋神宗熙寧元年詔杭之長安秀之杉青常之望
亭三堰監護使臣並以管幹河塘系街常同所屬

令佐巡視修固以時啓閉從提舉兩浙河渠官胡
淮請也

長安三閘紹聖間提刑鮑公請築累沙櫓木為之
後壞于兵火紹興八年運使吳公請易以石迨紹
熙二年提舉張公重修設閘兵百二十人為額居
處有屋車注有具崇寧二年又于閘旁易民田以
濬兩澳環築以堤其後澳岸毀壞居民侵之兵額
亦復廢缺遂奏舊制嘉定元年歲饑邑令潘景夔
曾建議復澳之舊而費大役廣議卒中寢

經圖

失

孝宗淳熙二年兩浙漕臣趙磻老言臨安府自長安牌至許村巡檢司一帶漕河淺溢請官出錢米發兩岸居民開浚

光宗紹熙元年鹽官令陳恕修築二十五里塘塘在縣西北由縣治達長安鎮舊因河流決溢兩岸傾圮甚為民病恕募民浚河卽以其土築岸視舊加廣一丈加高二丈以石甃之遂無崩決民號為甘棠堤

宋 中浙部水溢詔賜緡錢議賑時兩浙轉運

使毛漸上言錢不可繼宜亟治水乃按錢氏有國

時故事起長安堰至鹽官徹清水浦決其水入於

海

按清水浦今不知何處浙亦不知宋何帝時人姑錄郡志附於宋末

元順帝至正十年海寧州達魯花赤當住知州張

光祖修長安三閘長安舊有兩澳環築以堤上澳

九十三畝下澳一百三十二畝水多則畜於兩澳

旱則瀉注於三閘入元澳為民所侵庸田司命住

與光祖修復之

國朝天順元年杭州知府胡濬興治水利時仁和

海寧二縣運河淤塞濬躬親督視一切覓壩堰閘
疏導一新其所開渠曰胡公渠閘曰胡公閘
西河灌田議曰杭州城北上塘瀕河田由仁和抵
鹽官昔稱千頃今益數十倍而地高水下常苦旱
自先賢放湖入河引河漑田而歲始登蘇先賢謂白
陳善治河議曰海昌父老嘗為余言邑中水利計
修治者在先審河之淺深塘之險易與覓閘之堅
瑕惟茲諸河硤石深九曲深園花之東長安郭店
之南皆半深運河淺二十五里河亦淺市河尤淺

故園花自轉塘以上長安自壩以下郭店自鎮以
下運河二十五里河皆田漕兩病是所宜亟復者
也其塘則園花固新塘固六十里塘亦固而運塘
旋築旋決其勢險淡塘鹹塘並海尤險更宜為之
計久遠撤桑之慮不可一日忘矣其覓則凌家尹
千二沈千六鄔馬瑞谷德洋蔡沈方姚戈家毛家
鄭家郭馬諸處勢皆完厚若莫家黃仲二若朱涇
寺涇姚沈丁沈若梁廣嚴太師周徐馮馬諸覓俱
低薄不堪瀦畜若石家一覓則其底水且嚙之穿

矣修治宜急甚于沃焦釜而莫家黃仲二以下亦
皆宜究弊源塞害孔勤為培築者也伍公七閘昔
稱美善今皆廢圯差強者許村閘耳夫視民利害
安坐而不為興革者怠也近者尹千二朱涇以東
歷梁廣方姚諸覓方謀改易建閘其議良是顧所
當圖詎止此乎白洋故池今居水無幾黃土港之
東西利賴匪細今皆涸轍矣是宜深瀦而廣漑也
長水以下河面浩渺是為倭道_上出沒之孔道通邑
所倚為吭背者設柵置守非衣衲之上計乎煮海

盜

販鹽之徒爬塘窀徑以自便蟻穴可畏其漸不當
杜乎運塘之盜決而陰壞者其奸不當察乎若乃
著為成規責旁近諸戶計所業多寡通力開塞毋
相規避俾早有溉潦無潰則昔者嚴尹寬鄭諭日
休之議可振舉也嚴寬水利論載縣志鄭日休議無攷
祥異 四之二

諸已載邑志及外志者不重列

漢蜀後主延熙十二年冬十一月寶鼎出臨平湖
即吳之赤烏十二年也一日二年杭地時屬吳

臨平屬鹽官詳郡邑志

吳天璽元年石函出臨平湖函內有小青石刻皇

帝字見郡志

晉武帝咸寧三年秋八月吳臨平湖開先是有謠湖塞天下亂湖開天下平遂有以謠獻媚于吳主皓者謂青蓋入洛之兆時都尉陳訓私謂其友人曰青蓋入洛啣璧之事耳未幾吳亡

安帝元興二年冬十月臨平湖水赤

劉宋文帝元嘉中鹽官民家產白雀吳郡太守劉

禎以獻雀邑志云十八年獲白雀二十四年產白

蕭齊武帝永明七年夏六月鹽官獲白雀○九年鹽官石浦有海魚乘潮上潮退不得去長三十餘丈色黑無鱗有聲如牛土人呼為海燕取食之

陳後主禎明元年冬十一月臨平湖開時後主惡之自鬻于佛寺為奴蓋厭之也未幾陳亡唐德宗貞元六年夏浙江大旱人病暍疫死者甚

文宗太和五年杭州大水傷稼○六年五月杭州八縣大疫

僖宗中和三年天有聲於浙西聲如轉磨又無雲而雨時謂為天泣

昭宗天復三年春三月浙西大雪平地三尺餘有氣如烟其味苦

宋真宗咸平二年杭州府箭竹生米如稻饑民採之充食

神宗熙寧八年鹽官縣饑

哲宗元祐六年浙西大水杭民死者幾五十萬人高宗紹興元年浙西枯槁生穗安撫使劉光世奏賀上曰朕在潛邸梁間生芝草手碎之其勿賀

○五年秋八月臨安府屬縣大水○二十九年雷震上管塲事詳邑志○三十二年飛蝗徧於杭之畿縣聲如風雨

孝宗淳熙九年臨安府屬縣蝗○十四年九縣皆

饑

寧宗慶元三年秋七月鹽官縣蝗○嘉定二年飛蝗入臨安府諸縣其來也若烟霧蔽天其墜也每亘十餘里時郡邑捕蝗多者至八千石○三年春臨安諸縣大水鹽官尤甚民溺死者甚眾○十二年鹽官海決衝平野二十餘里至侵縣治

理宗紹定三年浙西霖雨連四十日禾盡沒其不沒者又大風駕潮頃刻盪盡之是時杭民有渡楊子以就食江北者大半溺死

元仁宗延祐元年鹽官州海溢地陷

泰定帝四年春鹽官州海水大溢

順帝至正十二年十三年鹽官州海不揚波時○
○皇明啓運實應其兆

國朝永樂六年海寧縣海決陷赭山巡檢司○九年大風潮漂盪廬舍寧民溺死者甚眾○十一年颶風駕潮寧與仁和同被患頗劇

正統六年杭州九縣民皆饑○十二年秋八月海

寧海溢

成化八年七月杭州大風雨江海決溢

弘治四年浙西旱民大饑○十六年秋杭州大旱

正德十年冬杭州府大水○十四年大饑

嘉靖三年杭州府大饑○九年海寧海決逼城○

二十三年復大旱無麥○二十四年仍大饑時

連年荒米價騰涌每石至一兩八九錢富人止

食半菽貧人有食樹皮者因大疫死人載道○

四十年復水大無年民大饑

隆慶二年春正月民間訛言朝廷遣中使採良家

女入宮一時男女嫁娶畧盡浙西皆然號為霍

親時生女之家以得偶為幸去其女惟恐不速

遂多老稚失配者

萬曆三年五月海嘯寧民溺死者百許漂廬舍無

筭是時海鹽被害尤劇○十六七年連大旱米

價騰涌每石一兩七八錢餓莩載道如嘉靖時

天啓元年民間訛傳朝遣中使採良家女一時嫁

娶復如隆慶時

崇禎元年七月海寧海嘯濤頭駕屋拔樹瀕海居

民淹死無筭有一家十九人止存二人者縣官
出踏勘邑東西之被災者凡四千餘家○二年
六月海復溢水浸民居○三年七月八月海復
溢塘盡圯與內河通
以上俱見歷代史及郡志凡槩言浙西或杭州
者知鹽官必在其中併書之

古蹟 四之三

海昌府治周圍五里高六尺濶一丈見圖經詳郡邑志今失其處
悟空禪師塔名公來遊者多有鐫字見圖經詳郡邑志

古檜在悟空禪師塔所宣和間朱劭發之將津致

艮嶽遂沈於海為植今檜見圖經詳郡邑志

百尺樓在鹽官縣西百尺浦輿地志云越王起百
尺樓於浦上以望海因以為名見郡志

讀書林詳邑志郡志云讀書林有二一在縣治西廳

後一在昌化之百丈山下宋人唐閣理茅茨於
百丈溪讀書亦名讀書林今並廢

范蠡塘在縣西二十五里相傳云范蠡送西施入

吳道經於此邑志載入河塘類

錢王磨劍池邑志載之審山郡志云仁和之臨平山下有片石俗傳錢王磨劍於此

葛仙翁丹井郡志云各縣都有其在海寧者在紫

薇山邑志載入井類

審山之麓相傳有顧況讀書臺今廢志見郡按嘉興

志山川類云顧況讀書在橫山之下古蹟類云

顧況宅在橫山下禪寂寺側夫審山之與橫山

相去遠矣未知孰是

硤石有紫薇山山名紫薇者唐中書舍人白樂天

嘗遊其地中書故紫薇省因以為名也覘邑按

圖經云唐紫薇舍人劉禹錫作刺史時行縣至

是登山望硤石湖因以為名今半山有碑鐫紫

薇山三字下有詩據此則紫薇之名當以圖經

為正

寧邑之東七十里有烏龍井相傳昔有臯蘇將軍

將兵至此乏水所乘黑馬跑地得泉遂以為名

光明庵昔雪峯禪師結廬地也每見夜光燭天因

以名庵事詳壽聖院記

白馬神祠故老相傳云往歲金人犯境見田野間
白馬甚眾疑有兵不敢進竟去

兒童塔舊在邑西南郊今廢其林墅間夜嘗有光
烜天則塔之遺址也里老云下有黑蛇長數丈
蟠護不去間亦放光事詳章瑋塔記

真如院有泉在其旁相傳有道師操夜為鬼神講
佛書一日井涸神告之曰當有泉發於山頂之
一泉果竇於寺前之西因名靈泉詳靈泉記

馬自然墓在縣西九里覲郡

顏真卿墓在縣東十五里原告鄉咸淳成化二志

俱不載據里人所指如此覲郡 查葬所在二

十都八圖扇面橋楊慶湖二公合葬想衣冠也

唐吳公約墓在錢塘之新亭鄉扣山有羅隱志

銘載遺文

唐舒論墓在縣西南四里買裘氏地有銘碣經見圖

唐梅府君墓君梅慶子墓邑之昌亭鄉有銘碣經見圖

經

唐萬仁泰墓葬邑之蘭陵鄉有銘碣經見圖

唐鄔府君墓君故侍御元某之次孫墓在海昌里
之一墟南去古墟三十步有銘碣經圖
元尚書貢師秦墓邑志云在縣治東北黃岡之湖
塘村○嘉興志云在海鹽縣治西南三十六里
紫雲山下未知孰是

按寧邑古蹟尚有海寧舊城宋三先生祠清愛
堂綠繞堂晞梅堂仰高亭海山一覽樓褚無量
故居小桃源小桃園張無垢讀書臺黃岡書院
秦王磨劍石金牛洞鼓樓丹井樓五岳樓遐觀

樓天開圖畫樓聽潮軒環綠軒雙檜僧智標塔
惟尚禪師塔蜀山洞紫薇山洞望夫石怪石箭
石盤蛇石靈龜池放生池千佛閣大悲閣般若
臺三女堆審食其墓許遠墓張文忠公墓榮祭
酒歪頭墓何得舉知縣墓皆詳邑志不重列
按古蹟與丘墓邑志分為二余謂漢唐以來諸
墓陵谷遷改大半湮廢今亦止存其名耳古莫
尚焉應合之古蹟

補遺

元末萬戶馬廷舉墓在菩提山長生嶺之原劉伯
溫基擇兆徐大章一夔為作記垣砌渾堅皆先代
規制古木蒼鬱祠祀嚴肅三百年來無改每祭日
鄉人羣觀禮焉其東北數武即馬節婦葬夫處

寧誌備考卷四終

寧誌備攷卷五



官制五之一

縣官制西漢以前無可攷

東漢時大縣置令一人千石其次置長四百石小縣置長三百石鹽官是時其為縣大小與令長石數俱無攷

晉時大縣置令小縣置長令長之下有主簿錄事史主記室史門下書佐幹游徼議生循行功曹史



史趙維



廷掾功曹史小史書佐幹戶曹掾史法曹門幹金
倉賊曹掾史兵曹史吏曹史獄小史獄門亭長賊
曹掾等員名鹽官是時其大小令長等俱無攷
六朝自劉宋以下大約皆沿晉制鹽官於時亦無
可攷惟令丞簿尉之名實始於是唐宋仍之志見縣
唐世縣分上中下三等其官制上縣令一人從六
品上丞一人從八品下主簿一人正九品下尉二
人從九品上鹽官時為緊縣所置官從上縣制詳郡
志

宋制凡邑滿萬戶具令丞簿尉建隆元年天下諸
縣自赤畿外分望緊上中下五等令總治民政勸
課農桑有戍兵則兼兵馬都監或監押鹽官時為
上縣以並海有五巡檢寨八鹽監故令兼兵馬都
監及主管鹽監一曰縣分五等在太平興國四年○紹興初鹽官
升赤縣已定都臨安尋並外六縣並升畿縣所設
官令丞簿尉畧仿唐制而其屬又有買納催煎監
稅酒庫等雜員皆因事而設者○圖經考異云按
現存碑碣題識自天聖以來茲邑之令有以朝散

大夫試秘書省校書郎行縣令者有以文林郎行縣令勾管學事勸農公事兼監鹽監者迪功郎縣令不帶行字者有之脩職郎縣令兼監鹽監主管勸農公事不帶學事者有之其因革隨時亦非一律○熙寧間詔二萬戶以上始置丞一人下縣或不置大觀間不論邑大小皆得置丞○圖經考異云陳昱作丞廳記曰崇寧以來縣有令者悉補丞又曰縣有丞甫十年按昱作記在政和八年自崇寧五年至政和八年逆計之已十三年矣而云甫

何也蔡約國史補云昔大邑故有丞大觀間不論邑大小皆得置丞一人以大觀初年計之則正十年○主簿官不論上中下縣悉置亦或以尉兼領簿事今雙廟之介福堂東梁題云登仕郎行縣尉兼主簿江用晦重修事在天聖八年○建隆三年詔諸縣皆置尉一人今上縣或置二尉建炎初鹽官復添置武尉未幾裁革○邑有三稅務在縣者京選通差硤石則隸巡檢兼掌南路則由府中輪差使臣○鹽監肇自太平興國間有買納官一員

以出納諸場鹽課有催煎官三員以分掌諸場煎發有運鹽官一員以月運袋鹽輸於都鹽倉內上管煎官舊例鹽司委官措置歲或數易中間嘗以買納官兼之嘉定元年間部使者請始辟迪功郎新監常州戶部犒賞酒庫陳厚之為正官○邑有酒坊自隸殿帥以來所差提點檢察措置皆兵官元成宗元貞二年陞鹽官縣為州於上中下三等為中州官設達魯花赤一員正五品知州一員正五品同知二員從六品判官缺員正七品其幕職

有吏員提控案牘三等

按縣志無判官

○元世兩浙鹽場

凡三十四所而海寧居其二曰許村曰西路每所設司令一員從七品司丞一員從八品管勾一員從九品其他稅課等無攷

皇明吳元年時仍元舊設知州洪武二年改州為縣復縣官制詳縣志○崇禎二年詔汰冗員裁革清軍丞一員
縣官題名 五之二

附稅酒鹽諸名

有官制即有職官故以本縣各官題名係官制後而文學武衛別列者以衙門體敵特為縣貳非縣屬也三國以前無攷三國以下為補縣志談志所未備

漢建安八年陸遜為海昌都尉兼領縣事○按遜傳不言月日第以孫權傳攷之曰建安八年以韓當周泰呂蒙等為劇縣令意遜領海昌當在此時

南齊武帝永明三年蕭元尉任鹽官令

見沈文季傳

蕭梁劉某任鹽官令係曇淨之兄年次無攷

陳天嘉初庾持為鹽官令○按郡志持先以長城之功封子爵食邑三百戶拜封之日請令史為客受其賄遺世祖怒奪爵尋為始興王府諮議參軍除臨安令又坐杖殺縣民免遷給事黃門侍郎除積威將軍鹽官令

唐玄宗開元初袁天綱任鹽官令

宋自雍熙至祥符圖經脫簡無攷於郡志得十有二人

劉宗吉 魚承憲 謝懿文 成常吉

王世昌 裴名缺 鄭璨 柴樞

張昱 馬紹儒 李夢字 單招祐

以上十二人年次無攷按謝絳傳絳在真宗朝知制誥其祖懿文嘗任鹽官令陽夏人據此則懿文任鹽官令當在建隆間故次第三祥符六年以後於劉誠之圖經得四十四人詳後

邊秀 祥符六年三月到任七年七月致任

周簡 本縣尉 祥符七年七月權縣事八年四月

張維舟 祥符八年四月到任天禧二年六月

許咸得 天禧二年六月到任五年七月得代

李成象 天禧五年七月到任天聖元年正月

張廷驥 天聖元年二月到任五年四月得代

劉舜卿 天聖五年四月到任八年六月得代

張觀 仁和主簿 天聖八年六月權縣事九年

王可回 天聖九年二月到任明道二年八月

朱允昇 宣州觀察判官 明道二年八月到任

李緘 監安主簿 景祐元年十二月權縣二年

代下原有。

邵祥 景祐二年二月到任三年三月丁母憂

楊偕 長興主簿 景祐三年三月權縣 四年二月

朱公綽 景祐四年二月到任 寶元二年正月

元積中 南新縣令 寶元二年正月來權縣事

張伯玉 蘇州節度推官 某年八月來權縣事

祝程 閩州學書記 某年十二月來權縣事

黃晉 慶曆二年六月到任 五年八月得代

綦愿 慶曆五年八月到任 七年九月得代

吳穀 慶曆七年九月到任 皇祐二年九月得代

江相 皇祐二年九月到任 五年十月終得代

鄭民表 皇祐五年十一月到任 嘉祐元年十一月

潘除 禮嘉祐元年十一月終到任 五年四月

劉拱 嘉祐五年四月到任 八年十一月得代

王競 嘉祐八年十一月到任 治平四年二月

富臨 治平四年二月到任 熙寧三年二月得

代治 平四年二月到任 熙寧三年二月得

代治 平四年二月到任 熙寧三年二月得

代治 平四年二月到任 熙寧三年二月得

代治 平四年二月到任 熙寧三年二月得

代治 平四年二月到任 熙寧三年二月得

朱伯虎 熙寧三年二月到任六年三月得代

陳齊 熙寧六年三月到任九年四月得代

陳瓌 熙寧九年四月到任元豐二年五月得

何夢錫 元豐二年六月到任五年五月得代

戴士先 元豐五年十一月到任七年九月致

張彥輔 元豐七年十一月到任元祐三年正

陸伸 元祐三年二月到任當年十二月丁母

陳并 元祐四年正月到任當年五月移饒州

陳嘉言 元祐四年七月到任六年十月罷任

韓綬 元祐七年六月到任紹聖二年八月得

鄭又 紹聖二年八月到任四年十一月對移

王襄 元符元年六月到建中靖國元年七月

丁觀 建中靖國元年七月到任崇寧元年丁

陸遠 新南康軍通判崇寧元年十一月差權

缺宿 新開封府陽武縣監酒稅崇寧二年十

姓宿 一月來權縣事三年二月罷任

韋壽卿 新池州僉書判官崇寧三年四月來

俞授能 崇寧三年十二月十八日到任

以上四十四人圖經有題名記佚其半其半錄
在遺文按四十四人惟朱公綽一人載縣志而
不詳其年次○于胡執續題名得十四人詳後
朱容大觀元年二月任三年四月任滿
歐陽珣大觀四年二月任政和元年十二月
滿
圖經攷異云題名次序並從石本今按歐陽珣
作社壇記在政和二年十月今以題名攷之則
元年十二月任滿夫大觀四年二月距政和元
年十二月止一年零十月耳謂之任滿可乎借

曰有故而去去而作記銜上亦宜帶前事而記
中之語似非已去而作者是記錄題名之悞也
當以社壇記為政○今按社壇碑現存本學東
廡之南

關睿 政和二年三月任五年六月滿

王昞 政和五年六月任八年二月任滿

圖經攷異曰陳昱重修縣廳記云政和七年秋
王子華始來臨之此則曰五年到任及以交承
年月攷之則無舛記末云因其落成喜而為之

書則宣和二年也政和五年距宣和二年實六年王令不應在任六年若據記之年月則政和七年到任宣和二年作記無足疑者○按攷異則非獨王令之年次舛併下柳吳金三令年次亦皆舛今姑據題名存之以竢攷證

柳懋 政和八年二月任當年四月致任

吳棧 宣和元年十一月到任四年正月罷任

金譽 宣和四年三月任六年三月任滿

鮑慎好 宣和六年四月到任靖康元年罷任

鄭朴 靖康元年四月任建炎二年十二月滿

呂庭問 建炎二年十二月到任四年三月任滿

施堦 建炎四年八月到任當年十月避親離任

吳傲 建炎四年十一月到任紹興二年十一月任滿

白彥奎 紹興二年十二月到任五年二月滿

刁靡 紹興五年二月到任八年三月任滿

胡旣 紹興八年三月到任十一年三月任滿

按刁靡以上諸名所謂續增十四人續之者胡旣今併旣為十五張無垢有續題名記作于紹

原作堯

興九年蓋為堯作記載遺文○胡堯後又得四十九人詳後

田欽亮 紹興十一年三月到任十二年七月

李份 紹興十二年八月自新城移任十四年

趙伯堯 紹興十四年八月到任十七年十一

呂擢 紹興十七年十二月到任二十一年三

劉偉 紹興二十一年三月到任二十四年四

唐德裕 紹興二十四年四月到任二十六年

劉開士 紹興二十六年三月到任二十八年

胡堅常 紹興二十八年十月任三十一年十

邊維熊 紹興三十一年十月到任隆興二年

黃楊 隆興二年十月到任乾道二年三月任

朱宋卿 乾道二年三月到任五年三月任滿

盧嶼 乾道五年三月到任八年三月任滿

朱林 曰祖洽 乾道八年三月到任淳熙元年

李宗大 淳熙元年六月到任三年六月任滿

魏伯恂 淳熙三年六月到任五年六月任滿

趙彥駿 淳熙五年六月到任七年六月任滿

求承祖 淳熙七年六月到任十年七月任滿

陳申 淳熙十年七月任十三年閏七月任滿

葉之望 淳熙十三年閏七月到任十六年六月任滿

陳恕 淳熙八年十月八日到任紹熙三年八月任滿

魯誼 紹熙三年八月任慶元元年八月奉旨與六院差道十一月任滿除主管缺

施稔 慶元元年十一月到任四年十二月任滿

黃閻 慶元四年十二月到任嘉泰元年二月致仕

趙彥适 嘉泰元年三月到任 缺

翁謙 嘉泰元年十月任二年改主管建昌軍仙都觀

秦鎬 嘉泰二年十一月到任三年六月罷

沈紘 嘉泰三年九月到任開禧元年十二月奉旨再除大理評事二年九月滿赴寺供職

潘景夔 開禧二年十月到任賜章服嘉定二年某月滿

趙伯澧 嘉定二年某月到任 缺

魯興文 嘉定五年十月到任八年十月任滿

蔣惟曉 嘉定八年十月到任 缺

呂祖志 嘉定十年六月到任 缺

趙汝糕 嘉定十二年十月到任十五年十一月任滿

林申 嘉定十五年十一月到任 寶慶元年十

江泰之 寶慶元年十一月到任 紹定元年十

趙汝船 紹定元年十二月到任 四年十二月

楊天麟 紹定五年正月到任 端平二年正月

張琥 端平二年正月到任 三年二月丁父憂

毛諤 端平三年四月到任 嘉熙元年八月離

董子焱 嘉熙元年十一月到任 二年十一月

沈昌大 嘉熙二年十一月到任 淳祐元年七

范慶家 淳祐元年十二月到任 四年十二月

余愚 淳祐四年十二月到任 七年十月離任

王夢得 淳祐七年十一月到任 九年閏二月

周獻可 淳祐九年三月到任 十二年四月任

施漬 淳祐十二年四月到任 寶祐二年正月

胡寬 寶祐二年二月到任 五年九月離任

惠昌 寶祐五年十一月到任 六年七月磨勘

李嗣祖 差提督犒賞 所主管文字 開慶元年閏十一月任 景定二年三

按朱容以下六十四人 惟歐陽珣王昞刁靡胡

牂魯誼魏伯恂陳申陳恕施栢沈紘潘景夔施
漬十二人載縣志而不詳年次縣志載淳熙十
年縣令鍾必萬而圖經乃陳申查圖經主簿題
名有鍾必萬在淳熙十年則縣志訛也圖經作
于宋當以圖經為正○郡志自李嗣祖後尚有
八人錄于後

李彭老 章謨伯 鄧得遇 劉繹

吳由 劉紹遠 趙崇催宗室尤濤

按劉繹以上四人年次俱無攷吳由以下四人

則自度宗咸淳三年至宋末縣志載由于咸淳
三年任未詳

附縣令一人陳裒○裒見郡志別傳傳云裒江
州德安人陳宜都王叔明后其家十三世同居
裒嘗為鹽官令然攷前後題名皆無其為令或
唐或宋不可攷也姑附之末簡

元知州張夢擢解一曰○按縣志擢以至元十三年

任鹽官州知州查世祖滅宋在至元十三年時
鹽官尚稱縣改縣為州在成宗元貞二年則爾

時未應有知州也再查獬本傳獬本宋末進士
十三年乃其從鄉郡守將附元之始久之授婺
州路軍民人匠提舉息州知州改鹽官州則獬
任鹽官在息州後當是成宗時縣志誤
知州高原一曰愿○成宗大德間任
知州忽都○武宗至大間任
知州賈鏐○武宗至大間任
達魯花赤當住○元統十年任
知州張光祖○元統十年任

達魯花赤禿堅○元統十三年任

知州王輔公輔曰王元統十七年任

按以上諸名俱見郡志及元史其載縣志者惟
訂王輔一人餘不重列

皇明知州尹希善國初任按洪武未建元時海寧尚

仍元舊故有知州希善東平州人誠意伯劉基
有送尹知州之官海寧序而不書年月以此攷
之當是未改縣時也改縣在洪武二年劉序載
縣志

知縣何得舉○晉江人洪武間任年次無攷詳外志

知縣黃守政守一曰○洪武九年任

知縣盧質中○永樂十五年任

知縣伍服○正統三年任

按自洪武至天順知縣載縣志者凡十人今止補其未備者三人訂一人自成化起至嘉靖終知縣二十三人俱載縣志隆慶以後至今詳外志俱不重列

宋縣丞陳昱宣和九年任按紹興以前丞名之載圖經

者脫簡無攷今止照郡邑志所載錄昱一人自

紹興以後載圖經者凡五十九人並詳於後

王珏紹興四年四月到任六年六月任滿

王南夫紹興六年六月到任八年八月任滿

毛欽望紹興八年八月到任十年九月任滿

范德尚紹興十年九月到任十二年九月任

李邦光紹興十二年九月到任十四年十月

李處約紹興十四年十月到任十六年十一

柳大年 紹興十六年十一月到任十七年三月

楊蒂 紹興十七年四月到任十九年四月在

陳致一 紹興十九年四月到任二十一年閏

趙不吝 紹興二十二年閏四月到任二十三年

韓屏 紹興二十三年閏四月到任二十五年

韓愿 紹興二十五年閏四月到任二十八年

趙公邁 紹興二十八年閏四月到任三十年三

何傳 紹興三十年閏四月到任三十二年五月

梅忠彥 紹興三十二年五月到任隆興二年

盧孝孫 隆興二年六月到任乾道二年八月

李稷 乾道二年八月到任四年十一月任滿

周玘 乾道四年十一月到任五年八月尋醫

陳沈 乾道五年十月到任六年正月丁憂

李宗茂 乾道六年四月到任次年二月休致

趙汝諫 乾道七年六月到任當年九月丁憂

葉仲翔 乾道七年十二月到任八年十月丁

陳長源 乾道八年十二月到任淳熙元年十

歐陽克 淳熙二年三月到任四年 月任

葉輅 淳熙四年七月到任六年八月在滿

趙師滄 淳熙六年八月到任七年正月丁父憂

曾槩 淳熙七年四月到任八年五月兩易明州鄞縣丞

趙希曾 明州鄞縣丞淳熙八年五月兩易鹽官丞淳熙九年正月移富陽知縣八月對移鹽

虞師旦 富陽知縣淳熙八年八月對移鹽官丞淳熙九年八月任滿

周準 淳熙九年八月任滿

王淙 淳熙十一年八月在十三年十月滿

方誼 淳熙十三年十月任十五年十一月滿

沈安民 淳熙十五年十一月任紹熙元年十月任滿

齊礪 紹熙元年十二月任三年十二月滿

趙彥矩 紹熙三年十二月任五年五月丁母憂

趙伯昂 紹熙五年閏十月任慶元三年十二月

葉知柔 慶元三年十二月任五年十二月滿

趙善初 慶元五年十二月任嘉泰元年十二月

王思遠 嘉泰元年十二月任開禧元年正月

趙善毅 開禧元年正月任嘉定元年二月滿

徐宋卿 嘉定元年二月任四年閏二月滿

曾彛 嘉定四年閏二月任七年十月滿

余璠 嘉定七年十月任 九年十一月任 滿

錢紹誠 嘉定九年十一月任 十年二月了母

葛扶 嘉定十年四月任 缺

鄧天麟 嘉定十二年四月任 十五年四月滿

趙疇夫 嘉定十五年四月任 缺

竇石 嘉定十五年十二月任 寶慶二年八月

石孝該 寶慶二年八月任 紹定元年十一月

王堯 紹定元年十一月任 五年四月滿

趙汝暨 紹定五年四月任 端平元年三月除

鞏友說 端平元年四月任 缺

折思問 嘉熙元年四月任 四年六月滿

趙崇弁 嘉熙四年六月任 缺

林壽衍 淳祐元年三月任 三年某月以舉員

徐莘老 淳祐三年三月任 六年四月滿

趙汝樞 淳祐六年四月任 九年四月滿

盛天錫 淳祐九年五月任 十一年六月滿

趙必琦 淳祐十一年六月任 缺

按上五十九人 惟趙汝諲 歐陽克世 二人載郡

邑志而年次皆不詳郡志載歐陽於理宗之淳

祐四年尤悞當以圖經之淳熙二年為正

元同知趙復順帝元統二十三年任有同知故

皇明縣丞自洪武以後至隆慶初載縣志者凡五

十四人不重列茲但據郡志補其未備者四人

謝江吉水人隆慶三年任 崔穎吳江人隆慶五年任

吳清桐城人隆慶五年任 朱廷芳休寧人萬曆九年任

宋主簿之載在圖經者前後皆脫簡無攷錄其存者三十八人

胡浚明 陳之淵 陶汝楫 孫起卿

章祝 鄭烈 馮頎 汪瀆

周因 葛邠以上十人年俱無攷

竇思永紹興二十八年八月到任三十年四

葉亭中紹興三十一年二月到任隆興二年

季光弼隆興二年四月到任乾道三年四月

趙師文乾道三年四月任四年四月滿

魯術乾道四年四月任七年四月滿

邵大成乾道七年四月在淳熙元年七月滿

葉援 淳熙元年七月任四年七月滿

劉牧 淳熙四年八月任六年十二月滿

李棣 淳熙七年三月任十年四月滿

鍾必萬 淳熙十年四月任十三年五月滿

趙墮 淳熙十三年五月任十六年閏五月滿

濮澧 淳熙十六年閏五月任紹熙三年七月

蔡浩 紹熙三年七月任慶元元年四月滿

趙希楸 慶元元年七月任四年十月滿

留友賢 慶元四年十月任嘉泰元年十二月

趙汝克 嘉泰元年十二月任開禧元年二月

周謙之 開禧元年二月任嘉定元年三月滿

李賓 嘉定元年三月任四年四月滿

葉崧 嘉定四年四月任七年五月滿

趙崇暉 嘉定七年六月任十年七月滿

錢孝友 年次無攷

汪有開 年次無攷

王杲卿 年次無攷

袁惟寅 年次無攷

張光祖

寶慶二年二月任紹定二年二月滿

趙崇忍

紹定二年二月任五年二月滿

林夢龍

紹定五年二月任 缺

趙禳夫

年次缺

王垣

嘉熙二年七月任淳祐元年十月滿

葉瀾孫

淳祐元年十月任四年十二月滿

按上三十八人郡志載者止鍾必萬一人縣志

則悞列必萬於縣令

元判官任惟勤順帝元統三年任

判官魯忽都答兒一曰呂忽元統七年任

判官玉章元統十七年任

判官褚真元統二十三年任

皇明主簿載縣志者二十人不重列補其未備者

二人

羅鉉

英德人隆慶二年任

黃鍋

沅州人隆慶六年任

宋縣尉二十一人載圖經者十九人載郡志者二

人詳後

趙師誼

執事道元年四月任該運

賈循

陳士良

淳熙三年十二月任五年八月叔父

張諤

淳熙五年十一月任八年十二月滿

李直剛

淳熙八年十二月任十年九月得代

劉陋

淳熙十年十二月到任十三年六月通

徐東卿

淳熙十三年六月到任遇登極恩循

胡修

淳熙十六年七月任紹熙三年七月滿

莫先朝

紹熙三年七月任在任遇覃恩循修

李黜

慶元元年八月十三日任四年九月滿

傅益

慶元四年九月任嘉泰元年十月滿

顏叔夜

嘉泰元年十月任三年七月丁母憂

趙師羽

嘉泰二年十二月任開禧二年四月

楊鑄

開禧二年四月任三年三月罷

林輅

開禧三年七月任嘉定元年十一月丁

趙崇謨

嘉定二年二月任缺

王熊

嘉定四年十二月任七年三月滿

方澄

嘉定七年十月任十年十月滿

李琰

嘉定十年十二月任

缺

葉天錫

嘉定十一年三月任

缺

以上十九人俱見圖經

夏侯

缺仁宗景祐四年任

婁機

孝宗乾道二年任

上二人見郡志

按上尉二十一人縣志止載傅益一人

皇明典史十五人俱載縣志不重列

附宋監稅酒庫官題名

宋監稅官三十二人郡邑志皆不載余得其題名

於圖經題名有記若惟恐名之湮沒者為識於後

遺記
文載

郭知微

右承務郎紹興四年任

汪思正

吳思感

衛仲傑

柳頊

葉林

錢作霖

趙沅

謝暉

李洪

章馬

李宗元

劉大亮

張壽叔

承務郎

楊

適

迪功郎

曾

寧

承務郎

凌相

承奉郎

韓杲

卿

承奉郎

汪德

承務郎

陳士貴

承務郎

翟

耕

承務郎

汪端

承務郎

巫聿修承務郎潘昌簡宣義郎謝晉卿承奉郎

朱芾從事郎高渭迪功郎李欽止承奉郎

周珙從事郎宋洙承務郎陸子坦承務郎

朱鏐迪功郎記者姑蘇人即作

宋碓石庫酒正郡邑志皆不載余於圖經得十人

經云碓石庫酒正舊無題名有之自陳迺功始則

合迺功當是十一人識於後

李公戩保義郎陳淇兼義郎田明承節郎

董衍成忠郎華猷迪功郎沈瑋迪功郎

吳純一迪功郎蕭蒙承事郎張棟承節郎

陳九奩迪功郎陳迺功

附宋鹽監官題名

宋鹽監買納官凡二十一人郡邑志皆不載余得

其名於圖經有題名記王墀作遺文載

魏彥悅宣義郎紹興二十一年十月任二十

潘湧承議郎紹興二十四年十一月任二十

周階迪功郎紹興二十七年十二月任三十

末多譽迪功郎紹興三十一年二月任隆興

二年四月滿

寧志

胡公邁

從政郎隆興二年四月任乾道三年

黃直向

修職郎乾道三年四月任五年十一

錢端誠

乾道六年四月任九年四月滿

劉環

功郎乾道九年四月任淳熙三年六

高得全

承務郎淳熙三年六月任六年六月

李知言

承務郎淳熙六年六月任缺

樓鉄

承務郎淳熙九年六月任缺

劉敏修

從政郎淳熙十一年七月任缺

蔣蘭

文林郎淳熙十四年六月任紹熙元年

龐師偃

文林郎紹熙元年七月任缺

郭棐

從政郎紹熙二年十月任四年十月以

唐仲義

承直郎紹熙五年五月任缺

王墀

修職郎紹熙五年五月任當年七月該

辦

應辦孝宗梓宮賞循文林郎三年七月該

吳澤

承奉郎慶元三年七月任五年十一月

汪熙

承務郎慶元六年八月任嘉泰四年正

陳璫

承事郎嘉泰四年正月任開禧三年正

尤燭 承務郎開禧三年正月任缺

宋蜀山場催煎官二十六人郡邑志俱不載余得

其名於圖經題名有記記談鑰作鑰聞人盡識其

名於後遺文錄

沈次名無缺年

曾懷無次

賈次名無缺年

袁廷孺郎功

胡傳郎功

沈誼郎功

黃汝楫郎從政

魏楫右從政郎紹興二十二年二月任二十五年四月滿

章稟功郎迪

孫亶功郎迪

王以寧 右從事郎該登極恩循文林郎

范延祚 功右郎迪 曹綽 功右郎迪

陳之深 功右郎迪 史尚志 功右郎迪

司馬逸 功右郎迪 淳熙八年八月滿 沈寅 功右郎迪 淳熙十一年三月滿

邵夔 功右郎迪 淳熙十一年三月任十四年四月

談鑰 功右郎迪 淳熙十四年四月任十五年五月滿 該

按鑰自作記云龍渡以來得十九人今鑰後

復有七人當止併鑰為十九人今鑰後

趙積謙 是後人續入 紹熙元年五月任四年七月

葛探 文林郎 紹熙四年七月任 該登極恩循

朱元衡 迪功郎 慶元二年八月滿 任五年十月

趙綸 迪功郎 慶元五年十月任 嘉泰二年十

徐崑 迪功郎 嘉泰二年十一月任 開禧二年

丘乘 迪功郎 開禧二年三月任 嘉定二年四

冷泳 迪功郎 嘉定二年四月在 缺

嘉定二年以後已無可攷自十五年以後余又

於圖經得南路場催煎官十八人題名有記記

陳桂作桂亦聞人有別作傳世余因總籍其名

於後遺記文錄

吳淇 文林郎 荆湖安撫司 準遣特改差本場

程憲 文林郎 寶慶二年四月任 請入幕權官

喬通 孫 從事郎 紹定二年七月任 三年十二

尹煥 文林郎 紹定四年四月任 請入幕權官

葉勝 之 從事郎 紹定六年三月任 端平二年

趙希 訥 文林郎 端平二年十月任 請入幕權

張 埜 迪功郎 嘉熙元年九月任 四年十月代

何應龍

從事郎嘉熙四年十月任淳祐元年三月移監下沙場權官儒林郎梁煥

陳桂

迪

功郎淳祐二年八月任五年十月代課起溢祖額舉員及格八年七月離任

李燧

迪

功郎淳祐六年六月任八年七月離任

湯桂孫

從事郎淳祐九年六月任十二年四月

高槐

承

直即淳祐十二年四月任寶祐三年三月離任

陸垧

代

從事郎寶祐二年四月任三年閏四月

趙崇壽

修職郎寶祐四年閏四月任景定元年四月

楊維祥

迪功郎景定元年四月任三年正月以尋醫離任

劉端仁

儒林郎景定三年四月任戶部公檄咸淳元年四月成三考

樊汝舟

迪功郎咸淳元年四月任三年辟監淮東總領所招信大軍倉四月離任

余璨

迪功郎咸淳三年七月任缺

按陳桂記云英文林而下數任則當自何應龍

止併桂止九人耳桂以下又當自後人續入

趙子曰余讀宋題名有二善焉催煎酒正即

本朝之倉廩驛泊類也要非科目士攻經術者不

得任善一舊任甫離新任即代權攝者十一二

耳官無曠而不肖者不得生心善二

猾

本朝廢交代為權攝黃上剝下弊皆由此倉巡驛泊一以滑胥積蠹充之彼枵腹來飽則颺去已矣斗筲之人庸足筭乎余故於宋題名獨詳使志復古者得有攷焉

牧政 五之三

縣志司牧政績皆詳名宦其不列名宦者一切列之題名余參稽往事名宦亦有不足憑者請以牧政統之令聲援寡弱不入宦祠者皆得自以政績見若朱公綽王昞魯誼王公輔李芳郭

郊諸公則其績已盡於舊志他無所見不重列特據歷史及郡志補其未備云

漢陸遜字伯言吳人獻帝建安八年以海昌都尉兼領縣事出倉穀以賑饑民○按三國志遜年二十一始仕幕府歷東西曹令史出為海昌屯田都尉併領縣事縣連年旱遜開倉賑饑勸督農桑又率部兵討會稽鄱陽諸賊所向皆克民賴之歐陽珣字全美吉之廬陵人一曰永和人舉進士政和中為鹽官令有惠政以薦召入官京師靖康初朝

議割三鎮以和虜珣爭之力曰祖宗地尺寸不可割忤時相旨命使河朔至深州虜執送燕殺之一曰焚死

刁廩丹陽人紹興五年任鹽官令治尚簡靜察吏不苛獄訟衰止民咸信化嘗重建學宮邑人張九成屬晉陵胡珵為之記珵九成同官也識者謂其言非溢美祀名宦記載縣志

胡執字與立無為人紹興中任鹽官令崇寧以後縣令題名未備執輯為一編以續圖經張九成為

之記記畧曰紹興戊午胡君與立以學行承天子命來宰是邑下車之明日出條教數章告吏若民行之期年百廢具舉頌聲載塗郡太守部刺史交章論薦邑中士君子至交袂相賀蓋喜斯道之復見也云云九成不輕許可而重與執其人可知魯齷構李之海鹽人祀鹽官名宦詳邑志

陳恕會稽人縣志云恕任鹽官令重修學校鼓樓浚二十五里塘多善政太宗題其柱曰真鹽鐵使又云紹興元年恕重修縣治

按縣志所載陳恕如此余以宋史攷之陳恕字仲言洪州南昌人太平興國元年第進士釋褐大理評事凡十遷而拜鹽鐵使太宗深器之親題殿柱曰真鹽鐵陳恕卒於真宗朝此則真鹽鐵陳恕本末也今據志謂恕以淳熙十六年任鹽官令淳熙孝宗乾道之改元也上遡興國百五十三年矣其志重修縣治又在紹興五年紹興高宗建炎之改元也下迨淳熙十六年亦五十有九年矣作令在五十九年之後而修縣治

乃在五十九年之前無是理也况百五十年之前乎蓋前後有兩陳恕真鹽鐵則洪州之陳恕非會稽之陳恕也孝宗以淳熙十六年崩光宗嗣位改元紹熙恕修縣治當在是年圖經題名云恕以淳熙十六年八月任紹熙二年八月滿此是確據

潘景夔括倉人開禧四年任鹽官令其治慈祥臨民儒雅飾吏政成暇日撫臨安志全書增考故牒與秀士相訂政之蓋胡猷續圖經之後景夔又為

之續其詳在四明樓漳序序載遺文

吳由宋末咸淳間任鹽官令其政績他無可攷獨與邑人楊均重輯圖經作先賢錄表章晉唐以來諸名賢之產於寧者其祭許太守文畧曰由幼讀書而知有睢陽戰守之烈茲試令而獲武原忠義之鄉私竊自幸因與楊君訂之舊史質之通鑑參之長曆夫然後知睢陽云云讀其文知非俗吏劉誠之大梁人任鹽官令圖經有一脫簡題名記云誠之以文章登進士第以器能被當塗薦試刃

茲邑希踪前哲以恩撫甓與春同熙以威肅奸與秋同烈刮磨弊病修舉廢缺有一未及歉然於中云

按記畧則誠之亦良吏也然考前後縣令題名在崇寧前則有劉舜卿劉拱崇寧後則有劉偉劉開士最後則有劉繹而絕無誠之名得非諸劉中有以字行者邪姑識之以俟博雅婁機字彥發嘉興人孝宗乾道二年進士任鹽官尉通達敏辨七攝鄰邑篆具以治績聞丁艱去已

調於潛丞仕終禮部尚書同知樞密院叅知政事
初登第釋褐除尉其父壽戒之曰得官誠可喜然
為官正自不易以是敷歷中外多建豎載宋史全
傳

王墀山陰人慶元間任鹽官買納鹽監其所轄曰
上管曰下管曰蜀山曰岳門曰南路曰袁化曰黃
灣曰新興凡八場歲合八場之額以石計者凡十
三萬九千有奇於臨安四場中為最大事務繁劇
墀拮据其間遊刃有餘而以其暇寄情翰墨彙本

監前政為題名自撰記勒之石

記錄遺文

談鑰吳興人任鹽官蜀山場催煎官其行事無可
攷獨彙輯催煎其地者十有八人勒諸石而自為
記其畧曰鑰叨第赴調授任於此承乏三越月竭
慮補鑄事稍就緒會邑大旱使者以朝命差稽察
賑濟督課之外賦廩勸分為日不給既又被檄監
仁和納場又易押黃姚袋兼本司主管文字今年
二月以溢額犒格得錢三萬又得石於邑長因詢
訪前政得龍渡以來若干人命工鑄石云云讀此

知非俗吏

遺記文錄

陳桂永嘉人任鹽官南路場催煎官廉勤有吏幹躬課督亭民咸樂歸業課額日增浚河築倉具有成績事詳應繇所撰碑記記載縣志桂又嘗以課督之暇彙輯前政諸名勒諸石而自書數語記之

遺記文錄

元知州臧夢獬

縣志曰

慶元人宋末進士至元十

三年宋亡以薦授息州知州尋改知海寧州其人廉慎剛直而學術淵奧居官門無私謁吏畏民安

戶口繁殖桑麻交蔭於境內按察王慶之入其境見而異之遂與御史臺並以才德兼備薦既滿秩會江陰飢行省委獬往賑活者四萬五千餘人未幾擢浙江肅政廉訪使大德九年以老納祿退居杭州自號魯山大夫故士稱之者亦不以官而曰魯山先生

今祀名宦

順帝至正四年李懋知海寧州修瓦石堰重設車注之具民皆利之見郡志

明楊挺高金鄉人嘉靖中由進士任海寧令廉貞

絕俗甫暮丁艱歸士民追送者如歸市服除當補
平湖士紳之官於京者稔其海寧政請補平湖公
蒞湖三年即服食細品必衙中紡績藝圃以自給
入覲時遂有天下清官楊挺高之以任至方伯致
政歸今祀平湖名宦
嚴寬不知何許人以嘉靖十二年任時因修塘乏
費建議預儲役銀以備修築自後寧徭役中設有
海塘夫一百五十名年儲役銀三百兩著為令自
寬始也蓋寬之經畧見於水利議載邑志他政績

無攷

許天贈黟縣人由進士任海寧令隆慶元年奉檄
丈田始於丁卯正月訖於戊辰二月計里三百五
十五計圩三千四百五十七計田地山蕩九十三
萬二千七百六畝於是田準稅以稅乘田斟酌
派徵多寡恰適民至今便之見郡志

蘇湖滇南人萬曆四年九月任海寧令時海鹽海
嘯波及寧塘盡圯漂廬舍殺人無算巡撫徐栻議
修築而難其人湖適至徐即委之湖輒定議擇本

縣官民之廉幹者令各認丈尺編字號酌難易為
裒益尅期興作懸賞格以課督之於是五年之
二月中興工至四月而役竣先是縣官估計塘二
千三百七十八丈應工料價五千二百二十八兩
及是會計費纔一千九百七十六兩事半功倍寧
至今傳誦焉

李維蒙城人治尚清肅苞苴不行一勢家兒餽午
節儀先問吏胥得其衙中急需物為一一具進候
覺之正色謝曰吾輩相與豈宜以窺探為精神其

人汗頰退他事方嚴多此類

朱少梅記

陳楚產麻城人萬曆中任寧令以晚年登第洞悉
民隱禮諸生必於賓館談說文藝一語及私即正
色謝之其御胥吏嚴督無錯貸以是嘖有怨言及
俟丁艱去會歲大祲上發帑賑饑者鮮得食而當
事乾沒不貲於是向怨侯者皆相顧竊嘆曰陳翁
在當不至是蓋公論自此定云

朱少梅記

夏懋學東粵人萬曆晚年任寧令礪米藥之操遇
事沉細不露鋒穎無何以艱去不能治裝至鬻二

冰

婢以行然徑考殿是歲一孝廉計偕抵京謁考功
蘇公偶談及鬻婢事蘇悵然曰幾埋沒伊一段苦
節惜也已晚蓋外疏之采風未核此亦一證也朱
梅記

閔乾江西浮梁人正統元年舉賢良方正任海寧
縣丞御事簡捷職司清軍甚有方畧秩滿陞漳浦

縣知縣

志見郡

盧珂穎上人少為諸生即以耿介著晚年貢入太
學授海寧丞任職九年伏膺不能給裘葛釜盎屢

空依然諸生也嘉靖九年遷山西河曲知縣父老
難其去作歌以贈更繪像尸祝之珂亦不以屑意
詞色恬然邑人許相卿素重許可特為文贈行畧
曰盧君之得民非一端也而端於廉強而廉人共
難焉廉而恆又加難焉廉而恆貧而不悔而又歎
若弗有將天下難焉若盧公者所謂廉而安者耶

志見郡

陳嘉者福建長樂人宣德七年任海寧主簿縣與
千戶所雜處軍縱官馬戕民稼又夜巡擾民嘉請

於上官乞以夜巡事檄有司專其職官馬害稼者
民戮傷勿論上咸報可自是民庶安堵秩滿老幼
遮道乞留嘉不顧竟乞致仕去見郡志
流績五之四

流績者流官所著之績非顯官於寧而實有德
於寧或有事於寧似亦不容湮滅無傳也蓋衍
人物紀流寓之意云

蕭齊永明三年冬十月富陽民唐寓之作亂分兵
四出剽掠漸及鹽官時鹽官令蕭元蔚逃去杭郡

太守沈文季檄發鹽官海鹽諸民丁授以方畧力
為捍禦民乃安堵

唐僖宗時黃巢倡亂乘輿播遷羣盜所在結聚時
周寶為浙江鎮海軍節度使練兵固守判杭州為
八都各發兵戍之而鹽官居其一時主戍鹽官都
者徐及也寶字上珪盧龍人

宋宣和中盧秉權提舉兩浙鹽政秉權於諸場皆
定分數自六分至十分止而鹽官場則為八分蓋
約得鹽多寡為分數之次第云秉權言鹽官場煎

用鐵盤故鹽色白他場俱塗石灰故色黃
朱蹕湖州吉安人也建炎三年金人犯餘杭杭守
臣康允之退保赭山蹕乃白允之請率弓兵土軍
前路拒敵使民得為逃死計尋中流矢死赭山
毛漸字正仲江山人舉進士嘗為兩浙轉運使會
浙部水溢詔發緡錢二十萬議賑漸言錢不可繼
宜治水乃按錢氏有國時故事起長安至鹽官徹
清水浦為決其水入於海漸治水之功在處皆著
茲紀其在鹽官者

林琦閩人也德祐二年元兵逼臨安琦於赭山結
集忠義數千人捍禦海道以功補督府主管機宜
文字已從文天祥與天祥同被執死
元至元十三年正月己巳伯顏師次嘉興乙亥宋
宰臣陳宜中遣御史劉忠奉宋主稱臣表文副本
因致書伯顏約會於長安鎮辛巳軍至崇德壬午
次長安宜中不至尋進兵臨平甲申次皋亭山時
元宗室相威及其將唆都阿荅海忒木台兒等皆
以兵由長安入會伯顏於皋亭山

元兵之伐宋也分三道入臨安時董文炳領左軍沿江入海循海而南由華亭澈浦次於鹽官鹽官臨安劇縣也守者待援招之不下將佐請屠之文炳曰縣去臨安僅伯里聲勢相及臨安約降已有成言吾輕殺一人即害大計况屠一城乎於是遣人入城諭以大意守者遂降尋會伯顏於臯亭山世祖時高睿為浙西肅政廉訪使時鹽官民有結黨持郡邑短長者其目曰十老長吏莫敢問睿廉得其實悉按以法闔境快之拜江浙行臺侍御史

成宗元貞中潮嚙鹽官州患日劇時張與材奉詔至以術治之投符籙於海一夕天大雷電以震詰旦視之見有物魚首龜身者磔於水面潮患遂息與材正一天師張道陵三十八代孫慶童江浙行省平章也順帝至正十六年苗帥楊完者守杭州恣橫無忌童避之為移鎮海寧州州地瀕海磽瘠民貧慶童治以寬大招徠撫循居二年盜息民阜寧人德之童字明德本康里氏世為大官

戴文璧字君章沂州瑯琊人為兩浙轉運判官嘗分職巡鹽官場法飭弊釐國課足而民不擾時徐一清陸居仁為記其德政勒之石

皇明洪武十八年國公湯和奉命巡行海上相度地勢改創衛所巡司築險要以禦海寇今海寧城和所增築也比舊加高五尺又移硤石巡檢司於石墩築石墩城和字鼎臣直隸之鳳陽人成化間陳讓知杭州府其人英爽高邁剛正不阿海寧建治南瀕海海內徙潮水直逼城下居民慄

慄讓建議去城一里許開支河築內隄延袤十餘里於以洩水捍衝水勢乃漸殺寧人德之為立生祠卒以疾惡太嚴為豪右所構罷都御史楊繼宗上章論救不報讓字德光直隸大河衛人天順甲申進士

嘉靖三十二年四月倭寇赭山杭州前衛指揮陳善道奉督撫檄率民兵數百直抵赭山與賊對壘時承平久人不知兵烏合之眾一鼓駭散善道遂戰歿報至其父問曰創在背乎抑前也曰前曰若

是則得死矣奚憾

嘉靖三十三年四月倭復寇袁花鎮前都指揮周應楨者時方以被劾奪職耻功名不立乃盡散家貲募北兵五千人赴援學憲阮鶚貽之書勉以忠義楨答書言兵法十圍五攻今賊勢甚盛急攻未得良策若有可乘當盡死力書至二日而楨以戰死蓋不食其言云

楨未詳何處人

寧自戊辰海嘯已已再溢塘隨築隨圯寧民號於上於是三臺咸臨相視推郡丞劉元瀚來董其役

椿

劉以庚午四月受事就諸屬吏中擇強幹敏辦者五六人度丈尺計難易而分督之時時躬巡海上課勤惰為殿最工乃稍稍就緒其法以木櫃盛鉅石鱗次櫛比而復用木椿夾其內外七月初潮復溢過塘不大為民害則劉力也獨錢糧不繼尋復以署府去役猶未竣云劉起賢書籍黔之新貴

寧誌備攷卷五終

寧誌備攷卷五

寧誌備考卷六



儒學六之一

學宮者造就人才之所關係最鉅舊誌獨列學校為一門良是顧畧而弗詳合之今制頗多遷改余按郡誌錄之前而以今制載其後最後則以宋圖經所識附之使摹古右文者得有攷焉

海寧儒學舊在縣治東南半里一曰三百步後遷於縣西當宋南渡遭虜患邦人毀撤其材作州署而學



史趙維



以廢南渡時鹽官猶紹興五年縣令刁靡撤老氏

葆真宮材重建於東南故址時則胡埕為之記載

邑淳熙四年令魏伯珣拓而廣之鑿泮池建橋其

上又即學東序建三先生祠肖像祀之時則程大

昌為之記邑志載嘉泰四年定縣志嘉令沈紘重建廟

學取舊名明倫揭之堂時則鍾必萬為之記邑志載

碑在戟門左淳祐中令范慶重脩邑志佚寶祐二年令

施濟建藏書室○元元貞二年陞縣為州改州學

大德初知州高源七年知州張珪忽都賈諤源諤

皆相繼改作之時則訓導陳登為之記傳記不至大

三年陳登建學倉四間至正六年知州何蒙重脩

廟學建倉事邑志佚併陳教授王景順為構高明

軒十二年教授朱鸞又脩廟學十九年邑人賈用

中捐私田伯畝為學贍時則有夏泰亨之記舊志

軒併入大德七年而朱鸞重脩及賈用中捐田事

俱佚惟夏記半存半削按記學田非始於賈用中

先是張子韶先生後裔國朝洪武二年改州為

縣於是仍為縣學三年知縣王忠闡射圃七年知

縣朱恪大脩廟學為建觀射亭九年知縣王守正

重建齋舍永樂十五年知縣盧質中重脩廟學時
守禦千戶湯玉實克勦之訓導顧孟時為之記不記
傳正統三年知縣伍服重脩正德三年教諭朱泰
為拓泮池於學宮之前四面甃以石十二年教諭
侯泰請於督學使者劉瑞建名宦鄉賢二祠時則
仁和邵銳撰名宦祠記邑人許相卿撰鄉賢祠記
二記皆載邑志侯泰建祠事邑志不載嘉靖十年知縣胡堯時建啓
聖祠尊經閣饌堂四十二年知縣殷登瀛置學田
四百九十畝以贍士時則邑人董鯤為之記石記大

門左四十四年知縣許天贈以歲久不葺出官帑重
脩自殿堂齋舍以及門廡復次第改觀焉亦董鯤
為之記二記勒石大門右自四十年○總記學宮之制
中為先師廟東西兩廡前為戟門外為櫺星門啓
聖祠在先師廟後神器庫神厨並在戟門外東神
即祭器神厨即宰牲所在戟門外西學在廟之左
所以貯器者
方中為明倫堂東西二齋曰尊德曰樂道庭鑿泮
池跨以石梁堂之東南為名宦鄉賢二祠祠後為
土神祠堂之右為饌堂庖湍廩在饌堂東堂後

宣誌備五
為敬一亭又後為尊經閣教諭解在經閣之左
訓導廨一在明倫堂東一在啓聖祠右射圃舊在
學之南洪武二十年築城其地徙惠康橋北○附
社學二一在泮池左一在泮池右以上俱錄郡志
其詳邑志者不重列

按郡志脩自陳先生善先生脩志在萬曆初去
今又幾六十年矣據余所見多不合為詳今制
於左

學基正東正北俱偏民居西通官道三方皆以墻
為界南偏城墻畝數具縣冊正北墻半圯宜亟脩
築非獨防盜亦可杜侵越之漸

先師廟及兩廡規制仍前但諸賢牌位上下左右
悉倒置至有議黜而猶祀有應祀而無主者余至
始按會典及孔林志一一釐正次第之○殿前露
臺有橙樹二東西丹墀有栢樹四颺拔其一余補
以桂東廡之南有石碑一則宋社壇記也碑式上
鐫圖下鐫記頗精細第不知何以移至此○戟門
仍前門外左方向所謂貯神器神櫺者不知何年

從出為別塑一梓潼像而祀土神於宰牲所余至始以左道黜梓潼移土神祠其中祠左西向有鍾必萬及某二碑右南面有某一碑其戟門右向所謂宰牲所者則虛之以復宰牲之舊此事改制頗得獨面前隙地各役栽桑其上時有糞穢澆灌之瀆余屢議伐去而未果西南隅牆下有杏樹二株春月放花儘可鼓諸士看花之興云戟門前東角路低窪每夏五雨潦謁廟者殊艱步涉余集泮池中廢石為築高尺許○櫺星門面泮池隔池有照

墻一亦偉觀兼可蔽輿行者○啓聖祠在先師殿後制仍舊

明倫堂在廟左規制仍前堂上公座三堂之東北壁置卧碑卧碑左右列碑十有五為脩學記者三為題名者二乃其為去思遺愛者凡十則皆前此博士先生所謀不朽者也然已有仆者矣堂之上有題名扁五東三西二堂之東南隅設鼓一西南隅懸鐘一公座舊無壇塌余始置縱八尺橫倍之公座之北有白屏六書大學序其上屏後有長榻

六今不存止存一檻復朽移置地恐有取為爨具者堂之兩旁各列長椽一基本下濕其上復久不葺每逢夏五淫霖浸漬幾可產蛙余市瓦增蓋之○堂之東西序向所謂尊德樂道及三先生祠者今皆門役佔住博士先生且召賃而收其直沿襲既久莫覺其非余止能自克不能禁也諸役並沿杭俗人死不葬停之家有一家積至二三柩者聖賢神位幾雜叢塚中丙寅秋余乍聞驚愕為限十日內卜葬不則以暴露申罪自是垢穢始清○自

學祖飽貪吏之腹而學倉併失其處惟西序直北空二間一為西衙便門一以貯祭器而列板榜二座於壁下角道左右則植栢各四株○堂前為儀門門外左右各豎碑一左去思其東南隅為名宦鄉賢二祠祠之後向所謂土神祠者今亦居胥役儀門之西南隅故有井一頗足贍一方之汲○儀門前數武為大門門漸圯而北二木支之門左右有碑前見大門前數武有石坊曰聚奎頗雄壯不知建自何年何人東西有兩石臺以豎旗杆今並廢

明倫堂後入紅門為敬一亭屋式非亭式也列碑五中一南面為御製敬一箴兩旁矮碑各二則四箴在焉○由亭而進為尊經閣閣頗高爽最上一層以望海觀濤竒覺中層置書櫺二有藏書目見典籍其下北壁大書一魁字方幅丈許亦竒筆也東北有石碑一所以紀建閣之勞勩者此閣於學宮中可稱傑構顧工未竣而中罷閣上牕榻幾失其半矣每遇飄風狂雨水從閣上注若建瓴然且中層塑三像為尸祝尤不典余曾具申請外徙業

得請而縣官難之余謂宋之三先生故祀於學宮今請為位其中不亦可乎○教諭解前在明倫堂右疑即志所謂饌堂也余至虞其崩壓避棲經閣下者踰年又苦風雨侵剝乃就故址盡撤其舊而新之規制頗倍於昔詳見重建衙齋記訓導齋一在明倫堂東北或曰即舊教諭齋也一在啓聖祠西○泮池在學宮前濶與學宮等方幅可六畝許東西偏兩社學南偏城寧邑城中鮮活水此池頗通泉脉雖盛夏水不惡學之地靈疑在此獨諸役

因以為利畜魚其中余嘗議栽荷先是魏仲雪署
寧亦栽桃李於四圍皆以害於魚侵剝不能成殊
可憾○射圃見前

社學二○一在泮池左坐東面西南偏城北偏街
東偏門役蔡鸞住房傳言鸞造屋時頗侵越二三
尺學有屋染間俱各役住○一在泮池右坐西面
東南偏城西偏民居北偏朱氏照牆舊有屋如左
以居人不馴前令拆之今為空地

按圖經海昌學在縣東二建學記云學舊在縣東
紹興虜退有司建官府輦取其材以為州堂嶽廟
記云紹興初邑人毀學為廟令刁靡得廢老子祠
號葆真宮者籍其材就故學基營焉前剏大門中
為大成殿翼以兩廡繪從祀諸賢於壁殿後有堂
曰明倫齋曰脩身曰博文攷古制度以造祭器藏
於戟門西廡之室淳熙四年令魏伯珣易民產以
鑿泮池復建橋名曰思泮戟門之東廡為三先生
祠十年令陳申重建戟門增蓋明倫堂其後為缺
舍堂之東西分處長諭縣丞王淙建櫺星門嘉

秦四年令沈紉從而新之禮部鍾公必萬為記必
時為邑例以邑官主教導課試以時生員食廩不
主簿繼則縣捐粟補之別有贍學錢四百壹拾貳貫叁
百文○圖經考異云按建學記紹興初毀為州堂
嶽廟記紹興初毀為廟豈因毀為州堂以其餘材
創為廟耶建學記又云舊在縣治西脩學記亦云
舊在縣治西乃舊圖經所載則在縣東脩學記又
云紹興初始徙於東偏則今之學也乃今在縣治
東南嶽廟記又云紹興初邑人毀學為廟弦誦之

地鞠為茂草者十年自刁公繼白公為政始經營
之數月而學成今以學記攷之刁君建學在紹興
五年耳皆未詳
學田六之二

寧學有學田自宋張子韶先生後裔捐追贈賜田
贍學始入元邑人賈用中募誼亦捐私田百畝為
學贍入明張賈舊物雖無從覓而義民良牧右
文恤士者亦時有之故田數比宋元頗增今現在
徵冊者凡七百三十五畝有奇視他學稍裕然年

久蠹生其田半為豪佃佔種若世業然而縣胥作
奸復與豪佃相表裡至有以磽瘠抵換膏腴者余
以田名學田事關職掌為屢爭之縣官不得僅得
其四至號段及佃人姓名一冊今籍之後已半非
其故矣姑存之猶足動後人饑羊之感云
有學田即有學租每田一畝輸租一石例也查舊
誌本學原有學倉四間則租之出納自應本學掌
之不知何年盡歸於縣自豪佃與猾胥相表裡告
改本色為折色每畝多者折銀四五錢至有二三

錢者然合之猶得三百餘金錢糧以贍學故極輕
合銀米止貳拾餘金耳本學年申助貧百人舊額
極貧壹兩次貧捌錢助婚喪各式兩自謝令議減
額而壹兩者捌錢捌錢者伍錢式兩者壹兩伍錢
矣蓋合完糧歲助兩項動支總不及百十金每年
所餘尚可二百金也詰之則曰此學道錢糧義民
良牧之美意自是湮滅盡矣

附田之都園及租數
一原額田地五百三十一畝九分零丈量後實共

五百壹拾肆畝壹分零實徵稅銀貳伯貳兩捌錢陸分有奇

一義民張滂捐助田地漚壹伯畝丈實九十六畝七分零徵租銀叁拾陸兩四錢九分零坐十九都廿一圖

一張滂又助田貳拾畝丈實十九畝九分零租銀捌兩貳錢貳分坐三十一都十五圖

一監生徐思曾義助田四十畝丈實四十畝三分租銀壹拾伍兩伍錢零坐廿一都十三圖

一州判徐思顏義助田壹伯畝丈實九十八畝九分零租銀叁拾捌兩肆錢坐十七都十四圖

一義民張輦輔捐助田壹拾貳畝肆分丈實十二畝五分租銀四兩七錢四分坐廿二都十五圖

一犯民張明入官田柒拾陸畝貳分丈實陸拾肆畝捌分租銀貳拾伍兩捌錢捌分坐廿一都十五圖

一犯民顏榆入官田四畝九分七厘丈實四畝七分九厘租銀九錢四分六厘坐二十九都九圖

一犯民潘儀入官田貳拾畝丈實貳拾畝貳分租銀四兩叁錢坐十七都一圖

一價買密觀海田捌畝丈實拾畝陸分租銀叁兩叁錢貳分坐二十都十圖

一價買密觀潞田陸拾伍畝伍分丈實陸拾畝陸分租銀貳拾陸兩九錢四分坐二十等都

十等圖

一價買王繼田陸拾九畝三分丈實陸拾捌畝四分租銀貳拾九兩八錢四分坐貳拾伍都十六圖

一價買凌金田壹拾五畝五分丈實十六畝一

分租銀陸兩捌錢坐三十一都二十五圖

以上皆原額田不知始自何時疑即郡誌所謂嘉靖四十二年邑令殷登瀛所置者但誌言四伯九十與前數差異

萬曆二十六年續增援例納監捐入田共貳伯壹

拾畝

一生員祝守範輸田壹拾畝租米拾石坐二十

七都一圖

一生員查允先輸田壹拾畝租米拾石坐三十

一都一圖

一生員查允亮輸田壹拾畝租米拾石坐三十

都五圖

一民生沈煥輸田貳拾畝租米貳拾石坐十三

都十四圖

一生員楊明經輸田四十畝租米四十石每石

折銀參錢伍分坐硤石鎮都四圖

一生員陳玄鼎輸田四十畝租米四十石每石

折銀參錢伍分坐二十四都七圖

一生員沈明遠沈明功輸田捌拾畝租米捌拾

石每石折銀參錢伍分坐十三都二十圖

以上田貳伯壹拾畝租貳伯壹拾石內本色

五十石折色壹伯陸拾石每石折銀參錢伍

分共銀伍拾陸兩學道洪批貳拾柒年分起徵

萬曆參拾陸年又續增田共壹拾貳畝

一民陸椿獻地九畝五分租銀參兩捌錢佃陸吉蔡洲三十七年起徵

一民梁學明獻田貳畝五分租銀壹兩貳錢五分佃梁才三十七年分起徵

以上田壹拾貳畝租銀共五兩零五分查萬曆廿六年續增田內有本色米五十石後佃

戶楊佩等告將米五十石亦要改納折色時學道王批允准每石折價四錢計五十石該折銀貳拾貳兩伍錢後又加前田佃戶金環等租銀共壹拾陸兩通共新舊實田柒伯參拾陸畝壹分實徵銀自萬曆四十年起共參伯兩參錢柒分五厘先是廿五年以前係庫吏收後奉明文點僉糧長櫃頭經收貯庫其每年漕糧併米銀共貳拾捌兩參錢壹分有時貳拾九兩捌錢柒分南糧折銀陸兩壹錢共完糧不出參拾陸兩外其田之號

段四至及佃戶姓名本縣自有印信冊貳本存
學今入本學交盤冊

余按學田一事自改本色為折色而學倉廢自
折色入縣庫而一切蚕食其中者殆不可問矣
諸狐鼠無足責獨惜堂堂令長擁三百六十里
之富笞敲所督何欲不厭而復舉諸貧士之勺
粒扼吭而奪之即不畏清議獨不愧方寸乎計
初建議者必曰租貯學倉則廣文與學霸專其
利而諸貧士不蒙實惠也余則曰不然毋論廣

煞

文品格不同難聚抹斂即盡不肖而烏鳶食與
螻蟻食有以異乎憶余在事五年有奇給發止
二次而所給多不踰八十金少則六七十金耳
合計所餘已千二百金許不曰佃戶拖欠則曰學
道取用夫徵收在學則本學威令不足以懾之
拖欠或不免既屬之縣則與錢糧一體比徵矣
誰敢衡命者學道衙門與各司道同其所取用
自當於通縣正賦中設處如必取之學贍不知
各司道之無贍田者於何取給也且田名學田

非朝廷額設之田明甚食祿於公而復侵諸貧士之私學道職司風紀斷不出此即間有刻書公費取用不止一學極多二三十金止耳他所餘尚多其誰欺欺天乎余每思復置田初意為勒條議三款上之當道當道未嘗不稱善然卒莫肯任怨見之行事蓋當今吏治上下相蒙大較若此姑附錄三議於後以俟賢令長之右文恤士者

一議清學糧以肅官守
錢糧職掌即師生俸廩不過仰給縣官隨到隨

發曉然易白也惟官有遷罷等缺廩生有停降等缺於是糧當解縣外惟缺糧銀則舊皆儲之除缺膳銀當解縣外惟缺糧銀則舊皆儲之本學以需吏糧香燭等項雜給之而餘亦本學收貯以俟異時蓋例所從來久矣卑職自啓五年六月幾以到任交盤過缺糧銀計四兩有奇守之數曰此本學無礙官銀可借也職始大該書答曰此本學無礙官銀可借也職始大駭既屬錢糧便絲毫不得染指而乃言借香燭無為侵沒之漸乎隨即查算吏糧應給若干燭應給若干則不分糧發訖若到任後自秋季始以至於今則不侵分糧發訖若到任後自秋季始以一附卷杜侵沒也再照此項錢糧在本學誼應解縣而在縣收之竟飽此項鼠腹似亦有妨覺察者竊計本學衙門亦有閏月俸給司行獎及到任離任會課等費應縣出者動推無處經年守候應學辨者輒派諸生名益坵著則何不以本學之物原貯為本學公用自今

猾

必每包磽何與零沿者生朝皆一可如與即為
無年租瘠處聞不募後廷議兩是學與定
因學包抵佃竟為於誼裔額來清肅似各估
及租稅換係令不今亦以設名學也伏合費
今全影膏何滑多代輟追之賢田以候于互
不早清支者無從核也今於道習久蠹生
查乾者謂田已盜賣若千而實証第觀
恐沒雖風聞未實有實証第觀
再過風聞未實有實証第觀
更半聞未實有實証第觀
數則未有實証第觀
年撥之實証第觀
田必與籍未觀

俱去名賢遺澤歷數百年而竟斬於狐鼠之輩
殊可惜也事關學政合無特委風力甲科官一
員行縣查勘督令會同師一生親至
丈另立方冊一様四本一存布政司一存本府
一存本縣一存某都某圖某甲某四至又倫堂開
干坐某都某圖某甲某四至又倫堂開
使本學師荒歉之故則此田庶乎可存也按籍
稽其存亡荒歉之故則此田庶乎可存也按籍
謂有主也守祖宗遺業即零星數畝而莫之取
與知是猶先世重寶不妄子孫而委之使毫
有力者皆可負走而况大盜乎伏候
一議清學租租以釐奸蠹竊照儒學有義田
有義租此租專以賑助貧士而其餘則與學道
刻書籍問取租專以賑助貧士而其餘則與學道
學義田七取租專以賑助貧士而其餘則與學道
每石折銀四錢五分其餘計其起科不納米租
佃所侵沒已明矣然合計之猶得租銀三百餘

兩而學田糧甚輕完糧不及三十兩則餘租尚
可二百九十兩及查本學每年申報貧士極貧
次貧及助喪婚合之一未出百八十錢外者又查
賑助原額極貧止一兩次貧止八錢外者止二
兩一年動支又從未有逾一百四十金外者其
間侵沒之弊則難悉數矣自天啓四年至今崇
禎三年沒之弊尤最異者但遇按院查盤學租
一年分毫無給也尤最異者但遇按院查盤學租
一事未嘗不督本學冊造冊而該房輒認年代造
全無也如五年分一減額也如開報如四六年分
六年七年如五年果能一尚可餘二百金積之射
即照原額賑發每年尚餘二百金積之射
已不下二千金許而况又有減額侵沒之射等
弊諸生所得幾何顧名思義租曰學租謂之何
也伏讀所欽條憲約每語及此未嘗不曰務令
諸生各沽實惠其意蓋懼本學經手人有所侵
牟耳如五年元等歲助俱係卑職經手有侵

親兌親封面領面給舉向來一切無救於潤勉
減諸陋規亦既湔剔盡矣如勺水無救於潤勉
何自今以後合無立為定額以人則極貧
六十人則貧極定五兩婚喪以人則極貧
額也定以銀兩除發賑一百九十金外尚餘
喪限定四兩除發賑一百九十金外尚餘
以聽學道公用無減額也以期則每年
月初具申十用無減額也以期則每年
責令縣報學支學報縣給懸之公堂送院研對
毋通同報學支學報縣給懸之公堂送院研對
生庶幾徵實惠仍勤之板榜懸之公堂送院研對
乎伏候徵實惠仍勤之板榜懸之公堂送院研對
學職官制體統題名宦績併○六之三

有學官即有學職所謂宣化育才儲國家名世
之用者于是乎在顧其官制唐以前莫可攷求

則府學職秩之幕僚猶有專任而縣特以令攝之且因革隨時無定本朝特設諭導等官以司教頗為得體迺前志題名至列之丞簿尉史之下蓋責之極重而視之極輕豈所為操豚祝禳者耶余待罪此官不能使官重姑撫宋制及我皇祖重學之意而別為題名署之學宮之後令吾黨同調者思克自振焉

宋制府官自知府以下有簽判一員推官一員判官一員參軍四員教授一員皆幕職見宋縣學

無專官有以文林郎行縣令勾管學事勸農公事兼鹽監者有脩職郎縣令兼鹽監主管勸農公事不帶學事者其因革隨時亦非一律見圖經○余按府學教授與簽判推官同為幕職則簽判推官重教授應不獨輕帶銜縣令系勾管學事於勸農監鹽之上其重學意亦猶可想見也獨不帶銜者爾時學事不知誰屬

皇明官制於縣官外別設教諭一員訓導二員專主學事其衙署置在學宮公座三亦設在本學

明倫堂而絕不與丞簿尉史雜處縣署之內重
師道也其體蓋與縣令相頡頏矣

洪武十六年令學官見上司一遵憲綱行禮如
有出郭迎接及妄行跪禮過為稱呼者聽巡按
御史按察司官依律究問○洪武二十四年令
凡官員公聚坐立學官班次位列諸雜職之上
上二款見會典○趙子曰余讀會典竊嘆

聖祖睿慮之宏遠也依律究問功令峻激豈逆知
後世必有夷師帥於奴隸者而預為是嚴防耶

下迨今世廣文初任謁令必屈膝遞職銜居恆
稱謂必奉令曰堂尊已其與簿尉伍而未也余
親見昌化一訓導面稱縣令曰大爺令亦明經
也令以是暱訓甚力推之而直指廌剌有訓名
矣吾友俞中白嘗令蜀之溫江余問以彼中稱
謂中白不忍言叩之急亦云云蓋余所見亦蜀
人而令則崑山人云嗚呼明經令藉是為榮施
無足異獨異夫甲科令異時將秉憲節肅吏者
而不能面折以禮會典不云巡按御史不得故

違憲綱作威挫辱乎余嘗有振師範條議一款

附錄於後

一議正體統以振師範竊照一邑之中令長
固士民父母而儒學官則父母家塾中之賓師
所托重以教子弟者也是初到則行疏禮下
仰鼻息於縣官而於奉令曰堂尊夫賓師而
稱謂則自稱晚生而義方者亦羞以為師矣
屈膝主人恐愛子而義方者亦羞以為師矣
即不得比甲顧倫自為一進稱晚則可為賓
尊將置本堂於何禮止行於上司而妄跪過
明會典學官憲網禮止行於上司而妄跪過
者且不免於法司究問則學職正當之體昭
言外矣早職蒞任以來誼不取妄自菲薄亦
以是議申詳學道蒙周宗師之樊批允著為
而積習良久卒置若罔聞總之縣官高識決
大

祖
以得其過禮為榮惟此輩希恩望澤之念既切
而又別無所將以獻媚宮墻體面遂有所弗暇
顧耳合無申明後如有仍蹈前轍妄跪過稱者
制嚴勅各學自後如是有仍蹈前轍妄跪過稱者
訪確定依會典律究如是而體統庶幾可正師
範庶幾可振乎伏候元公曰師道立而善人
曰師道嚴而後道尊周元公曰師道立而善人
今日道嚴而後道尊周元公曰師道立而善人
振師範其到任速職銜一節舊有行稱呼本道
作令時約不非此禮重賓師也若夫稱呼自
定體師尹本非同堂豈得與此銜官共稱謂哉
學自重其道甚嘉與之此欵即著為例仰
通詳司道府
縣遵行繳

學職題名載在縣志者自正統迄隆慶初元合之
僅得五十一人若洪永間幾全缺矣余核郡志

得元以來及國初三四人為參錄之以補其未備

元教授

王景順 以至正六年任寧學授

朱鸞 以至正十二年在寧學授

明教諭

袁伯善 洪武間任年次籍貫俱無攷

曾昶 邵武人永樂十六年任外志入之訓導

羅能 吉安人正統九年任

李淳 天順間任年籍俱無攷

彭顯烈 一日永烈成化初任年籍俱無攷

上五人出身舉貢俱不可攷

朱泰 蒲田人舉人成化十五年任一日弘治

林琚 晉江人舉人弘治十八年任

蔡祐 晉江人舉人正德四年任

侯泰 嘉定人舉人正德十年任

袁章 通州人歲貢正德十六年任

車裴 進賢人歲貢嘉靖三年任

侯

張聚 侯官人舉人嘉靖十一年任

林謹 揭陽人舉人嘉靖十三年任

吳以旃 蒲田人歲貢嘉靖十九年任

謝德聰 安福人舉人嘉靖二十年任

卓士元 茂名人歲貢嘉靖二十六年任

張志 江寧人歲貢嘉靖三十一年任

蔡維孝 羅田人歲貢嘉靖三十六年任

張維嘉 博羅人歲貢嘉靖三十七年任

周德崇 金谿人舉人嘉靖四十一年任

周整 吉水人舉人嘉靖四十四年任

楊湖 上津人歲貢隆慶元年任

潘斗 鹽城人隆慶四年任舉貢未詳

張學易 華亭人萬曆元年任舉貢未詳

陳邦訓 鄞縣人舉人萬曆 年任

包汝楫 嘉興人舉人萬曆四十八年任

元訓導

陳登 至大二年任

明訓導

珩

江中龍

廬陵人 洪武間任 年次 科貢未詳

顧孟時

永樂十五年在籍 貫科貢未詳

孫瞻

天順間任 年籍 科貢未詳

戴琰

浮梁人 成化間任 年籍 科貢俱未詳

達穎

丹徒人 成化五年任 科貢未詳

孫黻

黃縣人 歲貢 弘治間任

蔡元福

龍溪人 歲貢 弘治十八年任

陳衍

蒲田人 歲貢 弘治十八年任

朱祖元

豐城人 舉人 正德元年任

汪乾

歙縣人 歲貢 正德五年任

王鸞

博野人 歲貢 正德五年任

王亨

宣城人 歲貢 正德七年任

歐涇

巢縣人 歲貢 正德十二年任

閻章

江都人 歲貢 正德十四年任

歐溥

蒲田人 舉人 嘉靖五年任

蔡麟

南康人 歲貢 嘉靖六年任

鄺仲學

南海人 監生 嘉靖十三年任

李完

德化人 監生 嘉靖十三年任

謝梓 奉新人 監生 嘉靖二十年任

殷遷 南京留守衛人 監生 嘉靖二十年任

王儒 羅山人 監生 嘉靖二十四年任

葉壽春 太倉州人 監生 嘉靖二十六年任

張志 江寧人 歲貢 嘉靖二十六年任 陞本學諭

周龍 江都人 嘉靖三十二年任 歲貢

蔡維孝 羅田人 嘉靖三十二年任 陞本學諭

李玉潤 建平人 歲貢 嘉靖三十五年任

蔣文僖 全州人 歲貢 嘉靖三十六年任

李陽春 襄陽人 歲貢 嘉靖三十七年任

楊衢 太倉人 歲貢 嘉靖三十八年任

吳集 宜興人 歲貢 嘉靖四十一年任

章祿 常熟人 歲貢 嘉靖四十二年任

凌梓 通州人 歲貢 嘉靖四十五年任

夏賓 當塗人 歲貢 隆慶元年任

路文通 鄒縣人 隆慶三年任 科貢未詳

趙勗 衡州人 隆慶五年任 科貢未詳

孟希臯 永定衛人 隆慶五年任 科貢未詳

李培 嘉興人 萬曆 年任 歲貢

劉文元 平湖人 歲貢 萬曆 年任

陳上理 歸安人 萬曆 四十八年任 歲貢

錢汝俸 慈谿人 歲貢 天啓 七年任

或問曰教諭中有歲貢訓導中有舉人科貢皆正塗參差無礙也乃訓導中雜以監生六人得無非類乎余曰此必歲貢之坐監者今會試錄坐監舉人皆稱監生例推之可見若夫以銅臭溷黌序近頗有之嘉靖間無是矣

寧學教職之祀名宦者三人其不崇祀而有功於

黌序者六人併列其實於後

元陳登 登不知何許人以至大二年任寧訓

導為建學倉四間先是知州高源張珪忽都賈

鏐相繼改作州學登實為之記

王景順 順不知何許人以至正六年任寧學

教授為學構高明軒今以失故處其名不可

泯也一日高明亭縣志以構軒事併入大德

朱鸞 鸞亦不知何許人以至正十二年任寧

已

學教授重脩廟學

縣志不載

明曾昶○昶以永樂間任寧諭為纂輯寧邑志寧

志自宋圖經以後其脩之本朝者自昶始

羅能○能以正統甲子任寧諭教分三等鷄鳴而起夜分不倦至今猶傳之祀名宦

朱泰○泰以正德三年任寧諭為拓泮池於學宮之前四面甃以石疑即今制也寧學地靈此為最勝厥功偉矣頃丙寅秋颶風拔樹因決石岸余募工修砌始復舊觀

蔡祐○祐以正德六年任寧諭其人忠誠公謹正直光明端師儒之範峻禮法之防陞湖州教授去祀名宦

侯泰○泰以正德十二年任寧諭先是寧學無名宦鄉賢二祠自泰建議請於督學使者劉瑞而二祠自是始創時仁和邵鏡撰宦祠記邑人許相卿撰賢祠記

李完○完由太學生以嘉靖十三年任寧訓導究心聖賢之學其課士不專從事舉業於是士

辦

民有玉淵金井之號遠近播春澤秋陽之稱陞
青縣教諭去謝德聰為之撰去思碑祀名宦
張名缺號小泉人任寧學頗留意風教董
羅石議祀鄉賢其孫虬祥貧不能舉張呼集諸
士諭以大義呈請當道一切費悉為代辦不十
日奉主入祠一時人士競高其誼朱少梅記
或謂趙子曰子作備攷凡載舊志者皆弗錄而
於崇祀三廣文多錄舊文何也曰余讀至是蓋
有重悲焉歷二百六十年而崇祀者寥寥三人

三人所傳又寥寥數言耳大都入是局者已無
復見世之志而秉筆是局者亦無復憐才之思
脫余復置不錄一綫不遽斬乎余故併撫郡邑
誌數條而特表章之俾後來者或有所感發思
自振云或又曰然則子於去思諸碑而意復
似不屑何也曰凡今之碑去思者皆未去而先
為地者也崇祀大都在論定後固自不同

禮樂 六之四

聖賢為禮樂所自出故學校之後即以是繼之

禮樂無二用故樂即附見於禮

朝覲○國初外官歲一朝洪武二十九年始定三
歲一朝先三月設祭開局造朝覲冊臨行帶首
領官一人吏一人有他故則以佐貳代

慶賀○凡遇正旦冬至

萬壽縣令率僚屬先期習儀於安國寺畢即迎龍
亭設置縣堂詰旦五鼓行禮禮十二拜嵩呼舞
蹈搢笏出笏問候升降等儀一如會典是日文
武官畢集列班文東武西其導迎龍亭儀仗則

充

四十有二香亭一龍幄一龍頭張鈎二龍包柱
四金椅一金踏欖一金盆一金罐一龍袱二傘
二扇四戟二戟斃戈斃班劍梧杖立瓜卧瓜骨
朶蹬杖斧鉞響節令旗並如戟之數天丁四十
有八免報克徭役冠袍帶之數如之鞞六十翰鞋三
十有六俱擡亭及執儀仗人用其樂用鼓吹二各一民細樂
一郡邑俱同○按國初儀仗之制森嚴整肅如
此乃今所為前導者十不得二三不足當丞尉
之擁護矣當事者能無惕乎

開讀○凡遇詔到縣令即率僚屬具儀仗出迎於
津亭朝服行禮畢即乘馬前導至縣治前下馬
肅立大門外候龍亭至即隨之入其禮一如慶
賀儒學正官有讀詔事於初行四拜後詣龍亭
前受詔於賚詔者詣開讀案讀訖乃繳詔復位
儀仗樂制俱如前諸武弁迎詔則於本所
護日月○凡遇日食縣令率僚屬具朝服行救護
禮月食則止具素服其行禮同但護日則所官
咸集縣堂護月則縣官咸集千戶所此惟海寧

為然他邑皆在縣○按寧邑故事護日則縣官
設飯於東司護月則所官開宴於本所余謂飯
可也若開宴而梨園酣鬯長夜流連似非恐懼
脩省意愛禮者當自酌之

祀先師○國初詔正諸神封爵位號惟孔子特仍
其舊每歲以仲春秋上丁日傳制遣官祭於國
學洪武十五年始詔天下郡邑學皆祀孔子頒
釋奠儀二十九年黜楊雄進董仲舒從祀永樂
八年正文廟聖賢塑繪衣冠令合古式正統元

年刊定從祀諸賢名爵位次頒行天下二年進
胡安國蔡沈真德秀從祀三年禁天下祀孔子
於釋老宮八年進吳澄從祀弘治九年進楊時
從祀嘉靖九年從輔臣張孚敬議改正祀典易
像以主改大成文宣王曰至聖先師孔子改大
成殿曰先師廟殿門曰廟門四配稱復聖顏子
宗聖曾子述聖子思子亞聖孟子十哲以下皆
稱先賢某子左丘明以下稱先儒某子申黨
即申棖去黨存棖黜公伯寮秦冉顏何荀況戴

聖劉向賈逵馮融何休王肅王弼杜預吳澄等
十三人俱罷祀進后蒼王通歐陽脩胡瑗陸九
淵五人從祀而林放蘧瑗鄭衆盧植鄭玄服虔
范甯等七人則令祀於其鄉孔籩豆樂舞之數
皆更定焉其內臣降香亦罷隆慶五年進本朝
薛瑄從祀萬曆十二年進本朝王守仁陳獻章
胡居仁從祀於是從祀諸賢自四配下則閔子
騫冉子雍端木子賜仲子由卜子商冉子耕宰
子予冉子求言子偃顓孫子師楫十哲其東廡

四十七人則澹臺滅明原憲南宮适商瞿漆雕
開司馬耕有若巫馬施顏辛曹邱公孫龍秦商
顏高壤駟赤石作蜀公夏首后虔奚容蒧顏祖
句井疆秦祖縣成公祖句茲公孫曰燕伋樂欬狄
黑孔忠公西歲顏之僕施之常秦非申棖顏澮
穀梁赤高堂生毛萇后蒼杜子春韓愈程顥邵
雍司馬光胡安國楊時張栻陸九淵許衡西廡
四十八人則宓不齊公冶長公皙哀高柴樊須
公西赤梁鱣冉孺伯虔冉季漆雕徒父漆雕哆

商澤任不齊公良孺公肩定鄒單罕父黑榮旂
左人郢鄭國原亢廉潔叔仲會公西輿如邾巽
陳亢琴張步叔乘左丘明公羊高伏勝孔安國
董仲舒王通周敦頤歐陽脩張載程頤胡
瑗朱熹呂祖謙蔡沈真德秀薛瑄王守仁陳獻
章胡居仁○祭器九百四十有五祝版一獻爵
一百有九小爵一百有一登五釗二十簋三十
有九簋如之遵一百六十有四豆如之篚九牲
俎二牲盤一百有九酒尊五杓五幕布如之祝

案一酒尊案一爵帛案如之盥盆二架如之帨
巾三香案九香爐四十有一燭臺如其數而兩
之毛血盆九瘞毛血盤七鑊九洪武四年定各
置高案遵豆簋登鉶悉用瓦器成化十二年
增定遵豆各十有二嘉靖九年定國學祭用十
遵十豆天下府州縣學俱八遵八豆○祭品洪
武四年定丁祭牲皆用熟景泰六年以兩廡祭
品儉薄增豕四棗栗黍稷形鹽各有差於是諸
所陳設先師帛一篚酒三爵大羹一登和羹二

鉶黍稷二簋稻稌二簋形鹽鳧魚棗栗榛菱芡
鹿脯八遵韭菹菁菹芹菹笋菹醢醢鹿醢兔醢
魚醢八豆羊一俎豕一豆香一炷燭三對四配
則每位帛一篚酒三爵大羹一登和羹二鉶黍
一簋稷一簋形鹽棗栗鹿脯菱鳧魚六遵菁俎
芹菹笋菹鹿醢兔醢魚醢六豆羊一豕一香一
炷燭二對十哲則東五人共帛一篚酒各一爵
香一炷燭一對和羹一鉶黍一簋稷一簋形鹽
棗栗鹿脯四遵菁菹芹菹鹿醢兔醢四豆豕一

分為五西五人亦如之東廡四十七人四人為一壇分十二壇舊共承一今三共帛一篚每壇酒四爵簋簋黍稷各一棗栗鹽脯菹醢之類各四籩四豆香一炷燭一對西廡四十八人亦如之按諸所陳設會典與郡志所載亦多○其執事則讀祝一人通贊二人引贊十人拂拭七人陳設十有一人撤饌十有一人監宰二人瘞毛血七人奉帛九人執爵九人接帛九人接爵九人司盥洗三人司尊一人司樂一人司班次二人

人司大榜一人司香燭六人司飲福二人司受胙二人司搗二人集禧一人司滌祭器二人凡一百一十一人○其樂制則洪武十七年詔議大成樂二十六年頒大成樂器於天下令天下府州縣學各如式製造成化十二年增樂舞為八佾嘉靖九年定樂用六佾其樂器凡七十麾幡一祝一敔一琴六瑟二鍾一十六磬一十六壎二篪二排簫二管簫六笛笙如之搏拊鼓二應鼓一舞器七十有四節二籥三十有六翟如

之其樂生則四十人麾幡一人祝一人敎一人
琴六人瑟二人鍾一人磬一人塤箎排簫各二
人管簫笛笙各六人搏拊鼓二人應鼓一人工
歌六人舞生則三十有八人○其樂章迎神則
曰大哉孔聖道德尊崇維持王化斯民是宗典
祀有常精純益隆神其來格於昭聖容奠帛則
曰自生民來誰底其盛維師神明度越前聖染
帛具成禮容斯稱黍稷非馨惟神之聽初獻則
曰大哉聖師實天生德作樂以崇時祀無斁清

酏維馨嘉牲孔碩薦脩神明庶幾昭格亞獻終
獻則曰百王宗師生民物軌瞻之洋洋神其寧
止酌彼金罍惟清且旨登獻於三再於嘻成禮徹
饌則曰犧象在前豆籩在列以享以薦既芬既
潔禮成樂備人和神悅祭則受福率遵無越送
神則曰有嚴學宮四方來宗恪恭祀事威儀雍
雍歆格惟馨神馭還復明禋斯畢成膺百福○
其祝文則曰惟師德配天地道冠古今刪述六
經垂憲萬世謹以牲帛醴齊粢盛庶品祗奉舊

章式陳明薦以復聖顏子宗聖曾子述聖子思子亞聖孟子配享尚享○凡祭則縣正官必預戒群有司散齋二日致齋一日先期習儀省牲視祭品宿於祭所及期陳祭品設庭燎堂廡楹間俱懸方燈墀列燎盤梨燈各官皆祭服行事分獻官惟教諭訓導他官不與見會典諸興伏跪拜等儀俱照會典○按樂舞惟先師用韶樂餘祀俱用鼓吹

祀啓聖祠○嘉靖九年詔兩京及天下學校各建

啓聖公祠中祀叔梁紇題其主曰啓聖公孔氏之位而以顏無繇曾點孔鯉孟孫氏為四配俱稱先賢某氏之位又以程珦朱松蔡元定從祀俱稱先儒某氏之位每歲於祭先師日縣令率僚屬具祭服先時行禮其陳設祭品正位則羊豕各一籩豆各八簋簋各二釗三爵三帛一筐一東配豕一爵三帛一筐一位簋簋各一籩豆各四西配同東西從祀亦同諸儀節一視先師樂則用鼓吹其祝文曰惟公誕生至聖為萬

世王者之師功德顯著茲以先賢顏氏曾氏孔氏孟氏配享云云

余按國初所頒祭器祭品樂器諸式惟兩太學小異而天下府州縣學固無以異也今志所載寧學樂器止四十有二視所謂樂器七十舞器七十有四者僅存四之一耳且琴瑟無弦鼓無革羽流執事僅十許人有不知祝教為何物者所志祭器於所謂九伯有奇者頗不甚遠顧歲久湮廢殘缺過半憶丁卯秋

余以計偕交盤先期一為查核如銅簠簋有有底無蓋者有底蓋全缺者詰其故則該書歷賚前任交盤冊以進曰從來已久不知缺自何年何人邈不可詰矣惟錫器頗全而大小輕重多不合冊有以小易大輕易重者余窮詰之則方令在事時禮房書記某借脩治為名因而易之也余召至今如原式補造器乃與冊合若一切竹木器則廢者大半矣祭品有豕羊而無鹿余議復鹿祀謀之縣官不

問

原亦誤問

得為具申司府得請於是寧之丁祀用鹿自丙寅秋丁始然細甚不當巨羝也其他物一切苟簡余懼為肉之嫌置不問引嫌箴禮余安所逃罪乎

陳善曰余觀先師之祀而知王道之易易也然不能無慨焉夫去像立主崇正也舍爵稱師重道也禮兼四代備制也樂舞六佾貞度也削濫進賢公議也推本逮親廣孝也知其說者之於天下也語不虛哉乃至今日而作者

精意寢不可睹矣子入太廟每事問今執事者舉禮樂之器詢之十不得四五而莫之問也取血以告殺今未祀而飲鹿血者有之何以為告也攘竊神祇之犧牲牲大罪也今初獻甫行而竊脯醢於籩豆者接踵是將食無災也兩廡祭品向嘗以太簡議增今乃併虛器置之槩不陳列是令諸賢枵腹也鍾磬各十有六今乃間懸一二蓋倦於檢收也香以尚馨燭以尚明今僅藝片香望瘞未畢而燭

已滅何以為馨且明也胙之錫也以均惠也
今輿臺胥史咸飽其腹而諸生自執事外鮮
嘗一嚮其弊豈直無肉也夫是數者之不軌
於禮彰明較著而當事者莫之非也聖人精
誠與義又安望其能明乎余故詳之以俟夫
愛禮者

祀社稷壇○洪武十一年定社稷合壇同祭禮祭
之日其入由北門先時埋石主於壇南正中臨
祭則別設二木主於素而祭之其稱曰海寧縣社

稷之神歲以春秋二仲月上戊日致祭執事禮
生減先師廟之五洪武初以品官高者行初獻
次亞獻次終獻十四年詔一切祀事自旗幟外
皆文官行禮而武臣不與焉仿古刑官不與祭
意也禮器八十有一祭品社帛一筐酒三爵和
羹一鉶黍稷二簋稻稌二簋棗栗鹽薨魚四籩
韭菹菁菹醢醢鹿醢四豆羊一俎豕一俎稷如
之凡祭亦預戒群有司散齋二日致齋一日臨
時省牲宿於齋所具祭服行事樂用鼓吹○按

今祭惟具帛爵羊豕餘俱無

祀風雲雷雨山川暨城隍○洪武初禮制未定八年始詔以風雲雷雨山川合一壇於春秋二仲上旬擇祭日寧邑以祭社稷次日祭之日則奉遷城隍主於壇合祭之壇制午向定其號曰風雲雷雨之神海寧縣境內山川之神海寧縣城隍之神風雲雷雨位於中山川左城隍右禮器每位與社稷同祭品風雲雷雨帛四同籩山川帛二同籩城隍帛一自籩餘俱同社稷執事無瘞毛血

終望燎樂用鼓吹

名宦○歲以春秋二仲月上丁日祭先師禮畢即易服致祭於祠諸儀節俱如群祀

祀鄉賢○祭期儀節與名宦同○按鄉賢一祀與名宦不同諸賢後裔有列在子衿者自宜趨蹌執事相率羅拜其下諸郡邑皆然而寧獨否無論高卧不出間有出者亦立視不為禮諸賢有靈能無恫乎

祀旗纛○洪武元年今天下守禦官俱於公廨後

設壇立旗纛廟中設軍牙六纛神位歲以驚蟄
霜降二日守禦長官武服行服今春祭已革歲
惟霜降一祭祭之先一日出諸旗纛迎之謂之
揚威至日子夜行事縣官不與

祭厲○洪武三年六月詔天下郡邑各設壇於城
北郊以祭無祀鬼神邑曰邑厲鄉曰鄉厲歲以
清明日中元日十月朔日舉祀事先三日縣正
官詣本縣城隍廟預發告文請城隍主其祀至
日則設位於壇上南面具羊一豕一其下左右

則設無祀鬼神位具羊三豕三解置於器飯用
三石米羹與飯稱酒與香燭亦稱之縣官乃率
其僚屬於暮夜詣壇所致祭焉祝文甚長其先
期牒請城隍亦有祝文俱載會典

祀雙忠○舊祭唐睢陽太守許遠兼祭張中丞廵

及南霽雲雷萬春姚閻共五公洪武四年詔獨
祀許公以所生地故今仍兼祀五公歲以拾
月十六日致祭其期定自宋鹽官令吳由蓋許
公盡節之日也正德十六年增春祭縣正官率

屬行禮

祀雙仁○祠之初止祀唐顏真卿而後以杲卿配之因名雙仁祀舉於中秋日其禮一如雙忠祈禱○凡遇旱潦縣令率屬禱於城隍又甚則徧禱羣神其禮與諸郡邑同

新官上任○國初禮制凡新官上任必先備祭禮謁告本縣諸神畢始入城上任宣德十年令先期入城齊宿城隍廟屆期會請諸神於公所以羊一豕一同祭祭畢乃詣治所易公服於露臺

行謝恩禮禮畢升公座尋易常服各屬參見禮畢乃署文移乃饗官屬父老今惟入縣時祭儀門祭衙而謁告各神皆在到任之後官屬有公堂宴無饗父老者○按縣官到任有公堂宴此為同堂諸寮設也若儒學官與縣官其不同堂明矣今縣有公堂宴必設本學席非禮也余自乙丑至甯值謝令到任不赴宴自後一切衙官新任立春等宴並不赴從來堂尊之尊其悞皆起於此余不敢不正

朔望謁廟○國初禮凡朔望日縣官俱於本治先謁土地祠畢隨謁

先師次及城隍廟今禮必先謁聖次城隍次土地其次第似為近之縣令升堂講書惟初蒞任時一行亦有不行者本學與令居恆相見迭為賓

主

鞭春○每歲立春節有司預造土牛芒神先一日縣正官與其僚屬俱常服具鼓吹或用伶人扮雜劇前導出城迎春於東郊至縣儀門外置土

牛南向芒神則坐東朝西各官肅揖而退是日縣官設宴於縣堂故事本學必赴宴是謂春酒余絕不往以坐次難定也

鄉飲○洪武初詔行鄉飲酒禮以每歲孟春孟冬有司與學官率士大夫之老者行於學校十六年始定制歲以正月望十月朔舉行其禮先時預推本境士大夫之齒德並茂者肅啓敬延屆期昧爽執事者宰牲具饌布席賓位西北東南面介位西南東北面主位東南西北面僕位西

北東南面三賓在賓之右稍後位北南面眾賓
在三賓之前稍右位西東面三僕在僕之左稍
後位北南面司正在主之右稍後位南北面僚
屬在僕之前稍左位東西面人一席賓以下序
齒主以下序爵凡在西者皆為賓東皆為主而
僕則鄉人士大夫助主人樂賓者也席既定主
及僚屬司正先詣學遣人率賓以下比至執事
者報賓至主率僚屬出迎於庠門之外三揖三
讓而後升堂再拜就位司正行揚觶禮執事者

斟酒於觶以授司正司正舉酒曰恭惟朝廷率
由舊章敦崇禮教舉行鄉飲非為飲食凡我長
幼各相勸勉為臣盡忠為子盡孝長幼有序兄
友弟恭內睦宗族外和鄉里無或廢墜以忝所
生讀畢司正復位乃唱讀律令執事者舉索引
讀律令者至案前北向立賓僕以下皆拱立聽
聽畢各揖就位執事者唱獻酬獻酬畢交拜就
位執事乃唱飲酒或三行或五行或七行乃起
執事唱撤饌主東賓西贊兩拜訖至露臺行謝

恩禮於是賓主揖而出主仍送賓出庠門○按此據郡誌參會典而錄之然誌典多有參差不合者而寧庠所行更多廢缺如司正戒諭之詞惟嚴賓在坐間或一讀若講讀律令則絕不聞矣其他儀節減削者過半此雖禮生之故然亦司教者責也余何能追馬其各鄉鄉飲酒已以廢置不錄

鄉射○洪武三年令生員日講畢習射府縣官治事畢亦與學官習射朔望如式行射禮八年四月改每月上下旬各習射三日二十五年重定

射式朔望以提調官主射事永樂三年復申勅習行後寢廢或督學使者間一舉行亦具文也禮部所定圖式儀注甚詳載會典○以上皆官府所行

冠禮○大明集禮士庶冠儀凡男子年十五至二十皆可冠將冠先期筮日筮賓戒家人陳設至日賓至迎賓入行三加禮乃醮乃字乃見祠堂及父母尊長乃禮賓此禮今惟宦家或行民間鮮有行者

婚禮○大明集禮士庶納婦凡男年十六女年十四以上並聽婚娶既擇配筮得吉先遣媒氏通言女氏許則命媒氏行問名納采納幣請期等禮至期婿盛服親迎明日婦見祖禰次見姑舅婿則往見婦之父母今民間此禮不甚合亦不甚悖乃徃徃有論財者則去禮遠矣

喪禮○大明集禮所載士庶喪儀自疾革殯殮吊賻奠葬以及明器誌石祥禫祔祭服制月日類其說甚備大要不出家禮今盛俗所行雖

盡合亦不甚悖惟尚浮屠溺風水則殊不典○

余按寧民沿杭之俗人死不葬多停之家至有一家停三四柩者又有浮厝棄地聊編竹為蔽者戊辰海嘯遂至漂浮順流而下徃徃數十柩聚一處子若孫求之不能認遂多棄不復求風俗薄惡至此為民上者能無惻然動念乎

祭禮○大明集禮庶人得奉四世考妣之祀以四時仲月享之於寢先三日齋戒先一日陳設省饌詰朝行事禮畢而餞其祝文載教民榜中文

曰昔我祖考相繼鞠育子孫懷抱提攜劬勞萬
狀每逢四時交代隨其寒暑增減衣服樽節飲
食或憂近於水火或懼囿於疾病百計調護惟
恐不安此心懸懸未嘗暫息使子孫成立得有
今日皆祖宗之恩也雖欲報之莫知所為報茲
者節屆春夏秋冬追感昔時不勝永慕謹備酒
餼羹飯率闔門眷屬以獻云云此文久廢不讀
雖號為士大夫者亦未必盡知為詳錄以告世
墓祭○此祭大槩在新年清明十月朔三時而前

宣誌備攷卷七



典籍 七之一

學校者典籍之所自出故既志禮樂即志本學
 所藏諸籍而以宣邑諸前輩著述附載其後
 宣學藏書載在縣志者凡八種余丁卯交盤查核
 則亡其六止存二而二復散佚大半與不存同獨
 他書增置未入縣志者頗富茲並列其目於後
 五經大全各一部舊有今亡



趙惟寰輯



大狩龍飛錄二本 舊有今亡

孝順事實一本 舊有今亡

鄉射禮書一本 舊有今亡

醫方選要二十本 舊有今亡

外科集驗方二本 舊有今亡

五倫書 舊六十二本 今止存十二本

勸善書 舊一十四本 今止存九本

以上皆嘉靖丁巳以前藏書散佚已莫可攷其
丁巳後藏書目凡十有四

詩

四書六本

易經六本

書經四本

書經六本

春秋十本

禮記八本

以上六籍俱綿紙每縣令試士輒取以命題或

經月不還恐後不免缺佚

性理十五本 全 為善陰陽書二本 全

資治通鑑八十八本 全 史記二十四本 全

綱目六十本 全 大學衍義四十本 全

文獻通考八十本 全 吾學編二十三本 全

以上諸籍今俱在經閣貯以二櫥鎖鑰具備但所謂全亦止據交盤冊本數或有缺於本數之外者須再核

宣邑名公著述其存與不存雖無可攷而書目猶存為據郡志併所睹記識之

周禮註十二卷

答孫畧周禮駁難五卷

七廟議一卷

禮記雜議五卷

後養議一卷

晉書二十三卷

搜神記三十卷

搜神總記十五卷

司徒儀註五卷

千子立言十卷

千子正言十卷

千子十八卷

百志詩九卷

蘭亭詩集 卷

文集五卷

以上俱
于寶撰

尚書百問一卷

毛詩解序義一卷

老子義綱一卷

道德經義疏四卷

夷夏論一卷

文義三十卷

集三十卷

上俱顧歡撰

毛詩義疏二十卷

喪禮義疏 卷

孝經義疏 卷

論語義疏 卷

老子義疏一卷

集二卷 上俱顧越撰

三禮義記四十卷

禮記義疏四十卷 上俱戚

帝王紀錄三卷

翼善記 卷 上俱褚無

禮樂集十卷

歷古創制儀五卷

韻海十六卷

韻海鏡源三百六十卷

筆法一卷

文集十五卷

廬陵集十卷

臨川集十卷 上俱顏真

畫評 卷

顧况集二十卷 上俱顧

非熊集一卷

妙女傳一卷 上俱顧非

尚書閏義一卷

尚書述義二十卷

古文尚書義疏二十卷

書文外義一卷

古文尚書音義五卷

今文尚書音義一卷

大傳音義一卷 上俱顧

尚書詳說五十卷

咸有一德論一卷

大學說二卷

中庸說六卷

少儀解 卷

孝經說一卷

論語解二十卷

鄉黨說一卷

孟子義解十四卷

孟子拾遺一卷

四書解六十五卷

無垢心傳錄十二卷 橫浦語錄十四卷

春秋講義一卷上俱張 二經雅言二卷

孟子錄四卷 大學中庸孝經說各卷一

唐書列傳辯證二十卷 西漢書刊誤一卷

翰林詞章五卷上俱汪 言行編遺文一卷于恕

橫浦日新錄卷郎曄 猥稿四十卷郭知

大悲閣記一卷蘇軾 鹽官圖經潘景

重修鹽官圖經吳由 海昌先賢錄卷楊均

玩齋集卷 修西湖書院記上貢師

華庚記卷 袁肅記卷上俱陳

菩提山靈泉記陳逸 廣福院記李肩

天台院記葛纘 南路場僉帥陳君記陳日

雙廟記錢惟 惠力寺捨利象善說

瑞應觀音院記 崇福寺記上俱聞

安國寺轉輪藏經記 重建東嶽行祠記上俱傳

三皇廟記黃潛 胡令公廟記徐圓

廣福廟記康存 重修長安橋記陳廣

重修城隍廟記李貞 海潮圖賦一卷盧肇

海濤志一卷竇叔蒙撰

海潮圖說二篇燕肅撰

海潮圖序余安道撰

潮論一卷丘光庭撰

太虛潮論一卷錢樞撰

海潮圖論三卷謝順撰

潮說會最一卷張君房撰

海潮圖說余清撰

海潮論一卷趙昌嗣撰

松園集僧守璋撰

海寧舊志曾昶撰

海寧志補朱迪撰

螺城集孫子良撰

靜庵集朱氏撰

醉桃詩集徐寬撰

天竺觀音旃檀像記

雪溪漁唱二集

雲壑集上俱蘇平撰

禮經私錄 卷

宋元史詳節 卷

古文集成 卷上俱祝萃撰

雲邨集許相卿撰

窮居集張涑撰

菊花晚香集 卷

碧里四存前稿

海寧志九卷上俱董澂撰

史雋許應元撰

天人合脉 卷

五簋約一卷

詒美堂集 卷上俱祝以幽撰

選舉附貶封七之二

古來選舉設科不一而邑志及談子外志止括以薦辟制舉二科似於闢門籲俊之指未合今

以郡志為主而參之圖經分科類列錄名於左
其名已載二志者不重列若本朝鄉會二科
則不嫌詳備以今世俗艷誦士子畢生死心者
全騎重此法不得畧也

薦辟科十人

晉○干寶 以才器薦授著作郎

宋○楊由義 以孝薦任刑部侍郎

元○朱圭 以才薦任教授

皇明○胡奎 洪武初以人才薦任教授

陳景宏 洪武中以儒士舉任辰州府通判

夏子謙 永樂中以吏才薦任大理寺左評事

王賓 永樂中以楷書薦任禮部郎中

朱祚 永樂中以詞賦薦任尚寶卿

許性 中以楷書薦任刑部郎中

宋徽 正統中以精麻法薦任保章正

明經科一人 唐以前後俱無攷

唐○褚無量 有傳

特奏名科十五人 宋以前後俱無攷

宋 ○ 章嘉

蘇友宜

管煥

聞人藻

四人見圖經
年次無攷

于恕 淳熙二年

徐禹績

淳熙八年

游之奇

淳熙十一年

郎暉

一日

朱黻

沈璿

朱待聘

鍾振

上五人俱淳熙十四年

章之光

慶元二年

倪嗣宗

張寅

上二人俱慶元五年

王鵬遠

圖經姓缺今但據郡志嘉泰三年

按于恕以下十二人郡邑志俱列進士科而郡

志於倪嗣宗張寅又云舊志無宣志收蓋舊志

即圖經也圖經載二人於特奏名故不列進士

特奏名亦進士故十二人總列進士科○又按

郡志云特奏名一科咸淳志不載成化志雖載

而係年俱差故今志是科俱不係年余謂圖經

作於宋其係年必有所攷據當以圖經為正

賢良方正科

本朝以前無攷

皇明蘇平

孫璋

俱詳邑志

懷才抱德科

本朝以前無攷

皇明朱禋

詳邑志

稅戶人才科 本朝以前無攷

皇明許懋

陳公壽

沈伯祥

俞辰 俱詳邑志

進士科 此科惟六朝以前無攷自唐至今相沿不廢其得人為獨盛

唐顏真卿 開元十三年 顧况 至德二載

顧非熊 長慶中勅賜及第

宋吳瓘 按圖經一載熙寧九年丙辰科徐鐸榜第五甲一載元豐五年壬戌科黃裳榜

第四甲今郡志無瓘名邑志止載瓘於

朱登 崇寧三年甲申科以幸學賜第累官權管南京留守司御史臺公事見圖經

凌景夏 咸淳志收海寧一日餘杭人

趙公遷 紹興二十一年趙達榜二十七年又列王十朋榜郡志並收邑志止載趙

達榜

木待問 宣志收舊圖經止載木待問榜王恕一人而不列待問於鹽官恐當以圖

經為正

趙用龍 郡志曰戴用龍圖經曰趙當以圖經為正

錢昌言 昌言以上舍登第見圖經

按吳瓘以下七人俱列名郡邑志獨其間有與圖經參差不同及未備者故據圖經訂補

之餘尚可四十餘人已載邑志○又按郡志自唐開元迨元至正杭之屬縣登名選舉者凡七百三十餘人其間註海鹽人者止七十人耳不註某縣者可三百許宜於其中或尚有人焉惜無明徵不敢漫錄

皇明陸子孟郡志云洪武十八年丁丑顯榜成化志無據登科錄收一云乙丑會榜仕至

刑部侍郎邑志不載

沈升永樂甲申曾祭榜二甲館選仕終太僕卿賜祭葬祀鄉賢
曹彥昌與沈升同榜三甲仕終漢府教授

俞禮沈升同榜三甲

曹景暉沈升同榜仕終蘇州府通判

孫子良沈升同榜三甲仕終兵部郎中祀鄉賢或曰沈升以下五人皆館選未詳

杜海永樂九年蕭時中榜仕江西道御史郡志云攷登科錄無杜海或曰登科攷止載鄉舉

陳資茂永樂乙未三甲廷試于北京自是年始郡邑志皆不載資茂

姚哲字文明正統十年乙丑商輅榜廷試三甲累官陝西按察副使祀鄉賢

徐海成化乙未謝遷榜廷試三甲仕終按察司僉事

徐寬字栗夫成化辛丑王華榜廷試二甲仕終禮部主事祀鄉賢

祝萃 字惟貞 號虛齋 成化甲辰李旻榜 會魁
賈時 三甲祝萃同榜

查煥 字文獻 號東谷 弘治庚戌登錢福榜 二
孫武卿 庚戌會魁 二甲仕益都知縣

許元奎 字文華 號一齋 壬戌康海榜 二甲八
查約 字必齋 壬戌三甲一百十九名 累官右

郭楫 弘治乙丑顧鼎臣榜 二甲八十九名

許相卿 字伯台 號杞山 正德十二年丁丑舒
吳鵬 號嘿泉 嘉靖癸未姚涑榜 二甲累官吏

祝繼臯 癸未三甲仕終兵部車駕司主事

王道 癸未三甲縣志遺

許穡卿 字舟仲 丙戌龔用卿榜 三甲官寺丞

沈友儒 字南泉 嘉靖戊戌茅瓚榜 二甲官楊

朱執中 戊戌二甲刑部主事

孫喬 字世南 戊戌三甲官御史終山東叅議

查秉彛 字性甫 嘉靖戊戌會魁 三甲仕文選
鄉賢 司郎中累官順天府尹通議大夫祀

徐鶴齡 字蓉石 戊戌三甲仕陝西道御史終

朱瑞登 字禾仲嘉靖辛丑沈坤榜三甲官山

馮觀 號小海錢塘籍嘉靖甲辰秦鳴雷榜二

唐禹 號新洲甲辰會魁二甲累官福建按察

朱有孚 字薇山甲辰三甲任終徽州知府

陸州 字賓海甲辰三甲官戶部郎中終兵備

蔡用 又錦衣衛籍嘉靖丁未李春芳榜二甲

吳遵 丁未三甲官御史提督南畿學政任終

孫塘 字惺齋杭州右衛籍庚戌唐汝楫榜二

周用 卿錦衣衛籍庚戌廷對三甲

沈志言 字慎齋嘉靖三十二年陳謹榜二甲

祝世廉 字存溪嘉靖癸丑會魁官刑部員外

徐炳 字改亭癸丑二甲官南刑部郎中累山

董鯤 字化卿癸丑三甲官山東道御史按兩

沈澗 字孟湖癸丑三甲官建寧府推官擢吏

查志立 號敬峯丙辰諸大綬榜二甲官刑部

董學 字希顏號愚齋丙辰三甲任行人擢湖

吳紹 字汝復秀水籍嘉靖三十八年會二百

查志隆 字鳴治 號紹庭 己未會試二百十六名 廷對三甲 對三名 累官安慶知

府山東 參政 嘉靖四十四年 范應期榜 河南南陽籍

楊松 任終山西 參議 志不收 見郡志 蘇州

居守 字省心 乙丑 范應期榜 三甲 累官蘇州

周啟祥 字南鶴 隆慶戊辰會試三十七名 羅

祝世喬 字槐門 戊辰會試一百十四名 廷對

郭子直 字汾源 辛未張元忭榜三甲 授行人

孫星 字仰薇 萬曆甲戌 孫繼臯榜二甲

陳與郊 字廣野 甲戌會試四名 廷對三甲 仕

陳與相 字卜野 丁丑沈懋學榜三甲 仕終貴

查允元 號虞臯 癸未會試丙戌 唐文獻榜二

葛孔明 字冰壺 癸未會試丙戌 二甲

祝以幽 字耳劉 丙戌 廷對二甲 累官工部侍

黃如金 字汝礪 一字奇南 己丑會試二百五

祝以庭 字聞徵 己丑會試二百三十三名 廷

朱與翹 字楚伯 壬辰 翁正春榜三甲 累官廣

興州知州 興州知州 興州知州

字汝礪 一字奇南 己丑會試二百五

字聞徵 己丑會試二百三十三名 廷

字楚伯 壬辰 翁正春榜三甲 累官廣

褚繼良 嘉興籍海甯人乙未會試一百三十一名朱之蕃榜二甲二十六名官南刑部主事

徐紹曾 號陽華乙未廷對三甲

祝以岱 字南華甲辰會試五十四名楊守勤榜三甲二百三十九名

曹振陽 字穉春丁未會試二百三十名廷對黃上俊榜二甲十六名累官巡撫僉都御史

許令典 字穉則丁未會試五十四名廷對三甲六十八名累官淮陽太守

徐從治 字仲華海鹽學易丁未會試一百三十一名三甲廿一名

陳玄暉 字無象癸丑會試二百五十一名廷對周延儒榜二甲四十九名館選左

遷藩叅

周鏘 字子宣癸丑會試一百四十三名廷對三甲五名

許士奇 雍正癸丑會試一百三十八名廷對三甲二十名

陳祖苞 字爾翔癸丑會試二百七十一名廷對三甲七名

董志稷 字配公丙辰會試一百廿二名廷對三甲廿二名

陸一騏 字伯襄本餘姚人丙辰會試一百十七名廷對三甲七名

徐伯徵 字吉臣己未會試一百二十七名廷對三甲八十五名官揚州府知府

史起英 字醇甫海甯籍本餘姚人初授建德諭己未會試三十五名廷對三甲一

百九十七名

潘陳忠 字盡父 天啓壬戌會試文震孟榜三甲

曹履泰 字大來 海鹽人 乙丑會試俞煌榜三甲

葛徵奇 字初任 同安知縣 徵崇禎戊辰劉若辛三甲

按上本朝進士七十七名皆本郡邑志而參

以徐生而薦歷朝進士攷視志稍備焉

鄉舉科 元以前無攷

元賈祥麟

賈祥鳳 二人見郡志 馬振

馬徊

馬秩 三人見談子外志

按郡志云成化志自唐宋迄元皆有進士無鄉貢今以他書攷之得元貢士約十人而海寧有其二若唐宋則竟不可攷矣余按郡志所謂二人即二賈是也外志三馬當別有所據

皇明○按洪武三年至景泰四年鄉科舉額皆隨

時增減非有定數余故於題名外每科併載

其增減之畧以備叅攷再讀徐一夔送舉子

趙惟一計偕序畧則自宋元迄國初其解額

引

之槩亦畧可睹云○序曰洪武五年秋八月
浙省鄉貢既撤棘杭士預貢者五其第三人
則錢塘趙惟一執中也執中將上春官予告
之曰科目之設在隋唐者余弗暇遠行宋以
方州貢士謂之鄉貢元暨國朝以行省選貢
士亦通謂之鄉貢杭為方州時貢士之額自
淳熙至景定增至二十二人元置行省於浙
領郡三十二杭隸焉貢士之額僅二十八人
是時杭之士不加少也三年或不能貢一人

今領郡九杭亦隸焉增額至四十人矣杭之
士不加多也三年一貢有至六七人者猶慮
未足以盡士也復比年一貢焉執中蓋比年
所貢士也元有科目名存而實不副以二十
八人之額收三十二郡之士幾何其不遺乎
方今首建科目以廣取士之塗如杭之士預

貢者無虛歲宣復有皓首窮經之嘆哉見郡志

陸子孟郡志云子孟洪武間中式談子外志

則直載之甲子科徐子題名攷則又
云甲子乙丑連
捷見登科攷

按郡志云洪武三年五年八年十七年鄉榜海寧皆無人然攷洪武十八年進士有陸子孟子孟宣士也則十七年以前當列鄉榜而舊志不載試錄亦散佚無攷余殆不能無憾及讀新城志所載王順德以歲貢登甲第而孤樹哀談亦著送中書姓名入禮闈填榜之語則不由鄉試成進士者國初疑亦有之第不盡然耳然則列進士而不列鄉舉者以意逆之可也○余按郡志云則子孟蓋歲貢

生即前徐一夔序所謂比年一貢者是也趙惟一以比年貢士而亦云計偕則歲貢入會場明矣今邑志載子孟於貢生題名而不列鄉舉良是余特因郡志而存其名若談子之直列於甲子科與徐子之所謂子且連捷皆未有確據余未敢信謂然也

杜遠

洪武丁卯科官山東濟南教授一日錢塘籍海寧人

平秩

洪武二十九年丙子科官五經博士由杭州府學生

洪武三十四年浙省解額六十四人

見郡志按三十四年當是建文末

沈升 永樂癸未鄉試中式第二名

曹彥昌 永樂癸未鄉試二十九名

俞禮 永樂癸未鄉試四十五名郡志云成化志不收宣志收係永樂元年

曹景暉 永樂癸未鄉試一百二名

孫子良 永樂癸未科。徐子題名考云子良係洪武三十三年貢生

按郡志云永樂二年進士有沈升曹景暉曹

彥昌孫子良四人而以前鄉科俱不載不知

何故今縣志則列五人於癸未科而進士題

名則曰永樂二年查二年歲次甲申則癸未

固永樂元年也談子悞甲申為甲戌不可不

證又按郡志云成化志通志俱以洪武三十

五年永樂元年分兩科今攷各縣志但有永

樂元年並無洪武三十五年獨錢塘學題名

記有洪武三十五年而永樂元年則不書且

所載三十五年之人半屬元年之人則其故

亦可見矣嘗聞長老言三十五年正靖難兵

革倥偬時無暇鎖棘故需至元年此其說近

是○余按郡志載洪武三十四年科額六十

四人其載永樂六年曰六十七人大致不甚相遠而徐子題名攷於曹景暉則曰癸未一百二名何溢額甚也豈建元之始特開科邪徐考於孫子良又云洪武三十三年貢生甲申庶吉士查三十三年歲在庚辰而亦載之癸未縣志亦載之癸未何也徐子或別有據姑並存之以備攷

永樂六年戊子科解額六十七人

錢克諧 戊子中式四十三名見徐子題名攷郡志云是科題名無

永樂九年辛卯科解額一百二十二人

倪端 辛卯中式七十三名任深澤學訓導

杜海 辛卯中式一百六名海進士題名亦曰永樂九年鄉會同科必悞

永樂十二年甲午科解額一百六十九人

顧凱 論一日愷學生書中十八名任寶應學教

陳資茂 學生易中一百六十六名郡邑志俱不載徐攷收

永樂十五年丁酉科解額一百八十五人

沈寧 中八十三名官國子助教

沈振 中九十五名仕綿竹教諭

楊瓛 中一百名仕圻州學正

永樂二十一年癸卯科解額一百八十九人

郭勝

中七十二名學生禮記仕國子監學錄郡志云成化志無勝名

宣德元年丙午科解額四十五人是科以後四年

已酉七年壬子十年乙卯正統三年戊午解

額俱同六年辛酉額無攷題名亦無

正統九年甲子科解額無攷

姚哲

學生易中甲子三十名郡志云宣志收通志成化志無哲名

正統十二年丁卯科解額六十人是科題名無

景泰元年庚午科解額一百五十二人

陳紀

學生易中庚午一百四十五名官鹽課司提舉

景泰四年癸酉科解額一百十人

褚靖

學生易中癸酉三十三名仕太平府通判

景泰七年丙子科解額九十人浙額之定九十自

是年始○萬厯以後額復漸益是科題名無

郭誠

學生詩中天順三年己卯科二十七名

徐海

儒士詩中天順六年壬午科五十七名

聞璇

學生詩中成化十年甲午科四十九名仕永安知縣郡志云成化志無名

孫武卿 府學增生中成化甲午五十九名

祝萃 學生禮記中成化十三年丁酉科十七名

徐寬 學生易中成化十六年庚子十三名 郡志云通志無寬名 寧志收

查煥 學生易中成化庚子十八名 郡志云通志收煥于二十二年丙午 悞當以縣志為正

周廂 學生禮記中成化十九年癸卯科三十名 任撫州府通判 郡志云通志無廂名

賈時 學生詩河南歸德衛籍中成化癸卯科名次無攷 甲辰連第

王天民 學生詩中成化二十二年丙午科四十五名

王珏 學生詩中弘治二年己酉科四十一名

郭楫 崇德籍學生詩中弘治五年壬子科十九名

查約 儒士詩中弘治八年乙卯科四十名

葉鸞 學生禮記中弘治八年乙卯科六十名

姚章 學生易中弘治乙卯科七十一名 官永安知縣

許元奎 學生易中弘治十四年辛酉科七名

陸大有 學生易中弘治辛酉八十九名

許楫卿 學生易中弘治十七年甲子科四十六名

聞師孟 學生詩中弘治甲子七十八名

祝鰲 字東田 學生禮記中弘治甲子八十四名 正德間任崇仁知縣

董銓 學生易中弘治甲子八十八名

許相卿 學生詩中正德二年丁卯科四十一

沈永年 學生禮記中正德五年庚午科二十

唐世卿 州學生易中正德庚午五十一名官

祝繼龍 字樂有學生易中正德八年癸酉科

寺寺丞

陳中孚 學生易中正德癸酉二十二名

祝繼臯 字龍山學生春秋中正德十一年丙

董穀 字寔甫學生詩中正德丙子十八名官

漢陽知縣

蔡福 府學生中正德丙子科名次無考

陸宗俊 郡志載府學仁和中正德十一年

鄉試名次無致遠志無名但考貶封

則宗俊當是寧人姑錄以備攷 周雲 名學生易中正德十四年己卯科五十九

祝繼英 字西湖中正德己卯順天鄉試名次

無攷仕繁昌知縣調石城尋致仕 祝繼倫 號染溪學生禮記嘉靖元年壬午科

五十名官弋陽知縣 吳鵬 邑志不載嘉興籍中嘉靖壬午五十二名

聞嘉言 州學生詩中嘉靖壬午六十二名官毫

陳中節 縣學生易中壬午科九十一名官霍邱知

王道 詩 涿鹿衛籍中壬午順天鄉試名次無

查秉燹 附生詩中嘉靖四年乙酉科二十一

許穡卿 學生詩中乙酉五十一名

徐澤 學生易中嘉靖七年戊子八十五名

張淶 府學生書中嘉靖十年辛卯科十三名

吳遵 字初泉增生易中辛卯六十三名

朱執中 字純齋學生易中辛卯七十一名

顧鏞 府學生易中辛卯七十七名

查秉鉞 字肥鄉見薇學生詩中嘉靖甲午七名官

唐禹 增生易中甲午十六名

馮覲 府學生詩中甲午二十七名

朱有孚 學生易中甲午七十三名

蔡用父 易中甲午順天鄉試

沈友儒 學生書中嘉靖十六年丁酉科三名

陸州 附生易中丁酉科三十三名

徐奎 錢塘增生易中丁酉十四名任高淳縣

孫喬 學生易中丁酉四十一名

徐鶴齡 府學增生易中丁酉五十九名

王懷愚 學生詩中丁酉六十四名 邑志不收

濮樟 易乙未貢入太學中丁酉應天鄉試名

徐禾 易中丁酉應天鄉試官茶陵知縣

朱瑞登 學生詩中嘉靖十九年庚子二十七

周國卿 監易中庚子順天經魁

徐輅 號鳳橋 易中庚子應天鄉試名次無攷

周儒 監書中庚子應天鄉試名次無攷 郡志云通志無周儒名

祝世廉 學生禮記二十二年癸卯科中九名

褚相 號元泉 學生書中癸卯科十二名 官霍州知州

朱瑞明 號聚槐 附生詩中癸卯二十名

徐炳 儒士 易中癸卯三十六名

沈瀄 附生 易中癸卯四十二名

孫塘 仁和 學生 易中癸卯六十五名 邑志不收

查秉直 字九一 監詩中癸卯應天鄉試名次 無攷 任南刑部郎中

朱衣 附生 易中二十五年丙午科六十三名

沈志言 學生書中二十八年己酉科七十六

董鯤 學生書中三十一年壬子科四十八名

孫星 增生 易中壬子科六十六名

董學海鹽學生易中三十四年乙卯科十四名

查志立 學生詩中乙卯科四十名

祝以庠 號果峯增生易中乙卯科八十一名

楊松 易中乙卯科河南鄉試

屠守 附生易中三十七年戊午科三十三名

查志隆 附生詩中戊午科四十三名

吳紹 嘉興縣監書中戊午科順天鄉試三名

查志宏 號友峯監詩中戊午科順天鄉試名
次無攷官都察院都事

祝世紳 增生易中四十年辛酉科五十四名

祝世喬 學生易中四十三年甲子科五十二名

陳與郊 府學附生春秋中隆慶元年丁卯科
六十一名

周啟祥 增生易中丁卯科七十七名

沈志文 監書中丁卯科順天鄉試名次無攷

查志文 號岐峯監詩中丁卯應天鄉試名次
無攷

蔡與芳 增生易中隆慶四年庚午科六十二
名

郭子直 貢生易中庚午順天鄉試名次無攷

周國賢 監生易中庚午順天鄉試名次無攷

張潘 崇德籍附生詩中萬曆元年癸酉科二
名

陳與相 府學增生春秋中癸酉三十六名

董成龍 字希翔附生詩中癸酉科八十八名

查允元 錢塘增生詩中萬曆四年丙子科十

祝以庭 增生春秋中丙子科三十六名

許聞造 號星石監書中丙子科應天鄉試名

徐壽朋 監生易中丙子科應天鄉試名次無

葉霑 號仁宇學生易中萬曆七年己卯科八

查謙亨 一名允成號巽泓監詩中己卯順天

胡廉伯 監詩中己卯科應天鄉試名次無攷

祝以忠 字文新學生詩中萬曆十年壬午科

祝以幽 學生易中壬午科九名

徐維揚 號纘庭府學附春秋中壬午科十

董成允 字希中附生易中壬午二十名仕揚

葛孔明 府學增生易中壬午六十六名

馬劼武 字勳懋學生易中壬午七十二名官

查志洽 號瑞陽附詩中壬午科八十四名

潘愈 監易中壬午順天鄉試名次無攷

朱履儀 字叔度學生詩中十三年乙酉科二

沈啓綱

號環洲學生春秋中乙酉科二十九

朱炳文

號麟陽附生易中乙酉科四十四名

董志舜

字以立府學附生易中乙酉科四十

楊明綬

字紫垣府學附生詩中乙酉科四十

吳世治

湖州府學附生詩歸安籍海鹽人中

姚應鳳

字來廷海鹽學易中乙酉科五十五

祝以崗

字南阜監易中乙酉科應天鄉試名

盧伯元

字養初生中十六年戊子科二

黃如金

附生易中戊子科三十八名

徐文治

字君綸海鹽學易中戊子科七十七

徐紹曾

名官廣東德慶州知州十九年辛卯科三十名

沈啟綰

後名中復字帶州學生春秋中辛卯

董明吉

字夢徵學生易中辛卯四十六名

朱與翹

學生易中辛卯六十七名

曹嘉謨

府學附易中辛卯八十二名

吳臺

字象立府學附易中辛卯八十九名

馮贄

監詩中辛卯順天鄉試名次無攷

裴紹中

字二航府學生易中二十二年甲午

陳祖訓 號昭華附生春秋中甲午五十五名

褚繼良 嘉興府學生中甲午八十四名

陳懋才 字一我附生禮記中甲午七十八名

許有覺 監易中甲午順天鄉試名次無攷

曹震陽 學生易中二十五年丁酉科二十七名

吳大英 字六常府學附生易中丁酉五十九名

許士奇 海鹽學生易中二十八年庚子科三十三名

史啓英 附生易中庚子科四十六名

鍾繼祖 海鹽學生中庚子科十名

祝以岱 附生易中三十一年癸卯科八名

茅寵昭 字存周增生易中癸卯科二十二名

陸一騏 官湖廣知縣府學附生易中癸卯科三十三名餘

徐從治 海鹽學生易中癸卯科五十一名

許令典 學生易中癸卯科六十三名

朱國初 學生易中三十四年丙午科二十二名

曹履泰 名官南康府同知附生易中丙午科四十七名海鹽人

孫天祥 字印旋府學附生易中丙午科六十四名

周鏘 錦衣衛籍學生易中丙午科順天六十七名

蔣遵道

附生易中三十七年己酉科十二名

陳祖苞

海鹽學生詩中己酉科三十名

董志稷

學生易中己酉科六十八名

陳玄暉

海鹽學生監春秋中己酉科順天鄉試二名

徐若在

監禮記中己酉科順天鄉試七十三名

陸鼎鏞

字叔銘嘉興附生易中四十年壬子科二十名

陳元良

字首明附生易中四十年壬子科五十四名

郭士亨

字會嘉附生易中壬子科七十七名崇德人

查大觀

字伯寵學生監詩中壬子順天三十五名

裴應暘

字曦馭附生易中四十三年乙卯科二十一名

徐伯徵

學生易中乙卯科六十名

朱履和

字叔至號節若府學生易中乙卯六十七名

朱道行

字鼎枚貢入太學易中乙卯順天五十七名即履和父一時父子同科官江

徐繪觀

字衷白一字長白監易中乙卯應天知縣西高安

祝以真

字玄岳學生監易中萬曆四十六年戊午科應天六十八名

陳鼎新

字仲因附易中戊午科三十名

潘陳忠

增生禮記中戊午科三十一名

中

陸鈺 字爾式附易中戊午科四十七名

羊世道 字道行附生易中戊午科八十二名

陳甫伸 字伸父附生春秋中天啓元年辛酉科四十四名

許令瑜 字元忠附生易中辛酉科四十四名

張鴻羽 字越萬附生易中辛酉五十七名

張次仲 字元岵學生易中辛酉六十四名

鍾鴻穎 字彙孫學生易中天啓四年甲子科

陳之遴 字彥升嘉興府學附生詩中甲子科

黃金鼎 字調元學生易中甲子科七十一名

郭凝之 字大來增生監易中甲子順天二十

朱大典 字從五附生易中丁卯科八名

葛徵奇 字無奇學生易中丁卯科二十九名

嚴端 字子餘附書中丁卯科六十六名

許全吉 府學附生易中丁卯科七十三名海

俞懋儼 山西威遠衛籍監春秋中丁卯科順

查大韶 字仲雅附生詩中崇禎庚午科十名

朱朝瑛 字天石學生詩中庚午科三十八名

徐孟遠 字君發附生易中庚午科四十四名

郭濬 字彥深府學附生海寧籍崇德人中庚午五十九名

按上所載鄉舉其在正統景泰以後者已無遺悞自元及國初郡志有止書府學不書某縣者又有併學不書者寧于其中未必無人惜無確據不敢漫述

鄉貢科

本朝貢科即唐所謂明經但唐之明經比于進士而本朝則在鄉舉之下姚一夔所謂比年一貢者是也寧志所載貢生凡二百三十

有竒而總括以貢生例生二款及查年次例生乃有在洪景間者夫入粟之例起自成化以後前此無是也不深攷例之本末而猥以入粟之例槩洪景間之例豈不寬哉郡志分歲選例恩四款而粟生一切不入得體裁矣余故一以郡志為正而姑補其所未備與訂其姓名之參錯不一者若餘名已詳縣志不重列

歲貢補遺二十人訂訛五人

陸子孟。○縣志云洪武十七年貢生其詳已載鄉舉。

孫子良。○按縣志載子良于鄉舉曰永樂癸未科徐而薦題名攷則云子良係洪武三十三年貢生甲申庶吉士查三十三年歲次庚辰非癸未也徐子必有所據余亦姑兩存之。
史直 丁彥 萬鍾
上三人俱永樂中貢然縣志既列之貢生又重見之例生郡志獨列歲貢則以例生有確

證也今仍郡志

金鑑 談茂 縣志鑑為鑑茂為懋未詳孰是

聞璞 周濟 周鉉

楊安 鄭璿 以上五人俱成化年貢縣志收成化志俱無名

章能 姚升 朱玘

李光先 金應麟 上五人亦成化年貢成化志既修之後縣志始收

唐璘 弘治年間貢見郡志而縣志則佚其名乃鄉賢則列璘于毛鵬之次當以郡志

徐國恩 徐一卿 陳公陞

潘一鶚 上四人皆嘉靖年貢郡志收之海寧

陸世文 隆慶年貢郡志收宣志無名

胡廉伯 張鏡 上二人皆萬曆年貢談子外

選貢 訂訛一人餘名皆列縣志

曾以德 以德名一而姓二郡志曰曾縣志曰

例貢 自宣德年起其人無攷錄正統天順間十五

鄔璿 一日張庸 一日顧諒 一日金惠 一日

金聲 許訖 何熙 周員

鄔圩 郎清 戴俊 倪鼎

王珏 俞祚 陳珉

按郡志云成化志載宣德九年正統十年天
順六年俱有例貢宣德止臨安二人其義無
攷查正統天順間特頒新例令天下廩生年
四十五以上者例得貢上京師故成化志謂
之例貢其實與歲選恩貢同也今各縣志不
加詳攷而猥與輪粟並列失當日賓賢意矣

恩貢

郭子直 吳默成 上二人俱隆慶戊辰以

龍飛推恩其法與選貢

等是年兩浙貢者九十人一時放榜迎
宴之典悉仿鄉舉戊辰以後俱載談子
外志

武科

余攷宋特設武科名為右科進士 本朝亦
仿其意三年一舉乃今郡志題名者可數十
人皆不註籍貫即寧邑有人亦莫可攷也夫
寧邑瀕海嘉靖間島夷內訌頗憊其毒韜鈴
之事豈得置之不講况邑有千戶所而詎無
孫吳韓白之傳起其地乎則是科不宜獨缺

編搜一二以風其後是在留心邊計者

附地封

贈吏部尚書二人

吳昭 以孫鵬
貴贈

吳方 以子鵬
貴贈

贈大理寺少卿一人

查繪 以子秉
彝貴贈

贈大理寺副一人

許清 以子稽
卿貴封

贈吏科給事中一人

陳中漸 以子與

封禮科給事中二人

查繪 以子秉

封兵科給事中一人

許滋 以子相

封監察御史二人

朱裡 以子瑞

贈監察御史二人

董載 以子鯤

封原亦誤

沈世榮 以子淳

吳璧 以子遵

董翼 以子學

贈刑部員外二人

沈美 以子志

徐翰 以子禾

贈禮部主事一人

郭鼎 以子子

贈兵部主事一人

馮謙 以子觀

封刑部主事二人

祝淇 以子萃

孫通 以子星

贈刑部主事五人

蓋志備文

祝繼倫以子廉貴贈世

唐世卿以子貴贈禹

周甸以子祥貴贈

封工部主事三人

許天澤以子奎貴封元

陸萱以子貴封州

封中書舍人一人

朱以子孚貴封

晉階通議大夫一人

沈涇以子儒貴贈友

祝繼弘以子喬貴贈世

徐義以子貴封寬

祝萃以子貴晉階

贈布政司叅議一人

孫子華以子良貴贈

贈按察司僉事一人

查益以子貴贈約

封知府一人

陸萱以子貴加封州

贈行太僕少卿一人

沈明遠以子貴贈升

贈同知一人

居賢

以子守
貴贈

封推官一人

郭皜

以子鼎貴封查鄉會
有四郭而並無郭鼎

贈知州一人

褚錦

以子相
貴贈

贈知縣三人

陸廷玉

以子宗
俊貴贈

朱鸞

以子執
中貴贈

周宗

以子雲
貴贈

按上地封諸人皆萬厯初年以前者其後未
備有地封即宜有任子而郡志于寧止載地
封一歛抑諸君子澤未足以延世與吳太宰
有任子而不書當是寄籍故

宣誌備攷卷七

寧誌備攷卷八



人物類 八之一

邑志載人物其目十有三曰鄉賢曰流寓曰隱逸
 曰高尚曰忠烈曰孝子曰節婦曰義士曰良民曰
 僊釋曰方伎曰閨秀曰人瑞外志載人物其目亦
 十有三曰理學曰儒碩曰忠烈曰文苑曰才品曰
 獨行曰寓賢曰隱逸曰孝友曰義槩曰方伎曰淑
 媛曰僊釋余竊綜其槩而尚論之全節大才而與



當湖趙維寰輯



忠

局守自好者並稱曰賢恐高賢之削色也慷慨從容百鍊不折而與計無復之一往絕脰者並稱忠烈恐純臣之短氣也醅脩粹詣屋漏盟心而與詩酒自豪形骸放浪者並稱隱逸恐通執之不同趣也叱馭批鱗彪炳中外而與幕僚閒局循默養恬者並稱才品恐纖鉅之不同量也造化在手千秋自豎而與執藝成名顯門作活者並稱方伎恐道器之不同術也諸如此類未易殫舉即人具兼長不妨類分縷析而一人而前後復見彼此借光不

乃彰寧邑之乏才乎余不揣迂拙妄擬為七目曰名賢曰名臣曰名儒曰逸民曰獨行曰俠槩曰流寓曰方伎大要人各標其一生所得力而品格差次者附焉總令讀者每舉一人即盡得其人之本末而無復零碎駁雜之憾云爾

名賢 附後賢

六朝顧歡○歡字景怡自幼嗜學膏不繼則然松節或然糠以照讀或倚聽鄰人讀默而識之聞吳郡邵元之能傳五經往受業焉同郡顧顛之臨縣

見歡異之遣諸子與游年二十許更從豫章雷次宗學家貧躬耕養母母亡水漿不入口者六七日廬於墓側絕意仕進後開館於剡之天台山聚徒嘗百許見郡誌○齊太祖踐祚迎歡歡自稱山谷臣表曰道德綱也物勢目也湯武得勢師道則祚延秦項忽道任勢則身僂願稽古百王斟酌時用則率土之賜臣志盡幽深無與勞勢請辭帝賜麈尾素琴見嘉興誌○歡蚤孤每讀詩至哀哀父母輒執書慟哭同學者為之廢蓼莪篇蕭齊武帝之永明元

年以處士被徵命為太學博士辭不就召入見則自稱山谷臣有文義三十卷行於世見南史○圖經云歡吳郡鹽官人隱居不仕好黃老解陰陽書為數術多奇驗以佛老二家教異互相非毀著夷夏論辯將終自剋死日擇葬時既葬墓生連理縣令江山表其事以聞

按外志列歡於隱逸謂其絕意仕進也余謂蕭齊受命以篡弒得之士當其時無可仕之誼歡之辭辟得出處之正焉亦其平日之講求於學

問者精非一意石隱為高者邦無道則卷而懷
之君子哉隱逸曷足以盡之

唐褚無量○無量字弘度杭州鹽官人幼受經于
沈子正趙福刻意墳典家濱臨平湖湖有龍出人
皆走觀無量讀書若不聞也長精三禮司馬史記
擢明經第累除國子博士遷司業兼脩文館學士
中宗南郊議以皇后行亞獻禮無量辟其非說甚
辯上不悅遂以母老解官玄宗為太子復拜國子
司業兼侍讀為撰翼善記以進太子釋奠國學令

舉

講經進銀青光祿大夫及即位遷左散騎常侍兼
國子祭酒封舒國公母喪詔州刺史薛瑩弔祭賜
物加等既葬廬於墓左喪除召復故官以耆老隨
仗德徐行又為設腰舉許乘入殿無量感知遇頻
上書言得失開元五年帝將幸東都而太廟忽壞
姚崇言廟本符堅時故殿材夙朽不宜罷行無量
鄙其言以為不足聽乃上言國家陰盛陽微則先
祖見變今后宮非御幸者宜悉出之舉俊良樽奢
靡輕賦慎刑納諫諍察諛諛繼絕世以應災異則

天人相會災異可弭帝卒是宗議駕遂東無量復
上言昔虞帝之狩秩山川徧羣神願陛下所過名
山大川古帝王賢聖之在祀典者並詔致祭自古
受命之君必興滅繼絕願至東都收叙唐初迄今
功臣之絕世者帝納其言即詔無量祀堯於平陽
餘各分遣參獻又求武德以來勲臣苗裔詔續其
封已復用其言令校書於東都乾元殿東廂及西
還詔徙書於麗正殿讐校如故未卒業而無量卒
年七十五帝聞悼痛詔宰相曰無量朕師今其永

逝宜用優典於是贈禮部尚書謚曰文葬事官給
生平著述甚富沒後有得其史記至言二十篇以
獻者帝嘆息久之為賜其家絹五百疋

右見唐書本傳其已

載外志者俱刪不入

許遠○遠杭州鹽官人天寶十四載冬安祿山反
於范陽明年僭大號朝廷始召前高要尉許遠為
睢陽太守兼防禦使是年七月肅宗改元遠時與
城父令姚閻同守睢陽而張巡守雍邱巡糧盡援
絕拔衆東守宣陵遂與遠相見于睢陽明年正月

尹子奇引兵十三萬趣睢陽遠告急於巡巡引兵
三千入睢陽與遠合遠時位本在巡上及巡至即
授之柄而處其下無所疑忌謂巡曰遠懦不習兵
公智勇兼濟遠請為公守公請為遠戰自是戰鬪
籌畫一出於巡而調軍糧脩戰具居中應接悉遠
任之先是遠將李滔叛入賊大將秀榮潛與通或
以告遠遠即告巡召登城斬以示賊子奇乃益徵
兵攻圍益力先是遠于城中積糧至六萬石可支
一年而號王巨發其半給濮陽濟陰遠固爭不得

俟

自是乏食士日賦米一合雜以茶紙木皮食之
救絕無至者於是士卒消耗始合兵六千八百今
僅存一千六百又皆饑病不堪鬪兩人乃並脩守
具應機立辦久之士纔六百人矣兩人乃分城守
巡守東北遠守西南日與士卒同食茶紙不復下
城城勢日促巡使南霽雲突圍出請援於賀蘭進
明進明不應閏八月賊知援絕圍益急有議棄城
東走者巡遠謀以為睢陽江淮之保障若棄去賊
乘勢長驅是無江淮也且我衆饑疲走必不達不

如堅守以待于是茶紙盡則食馬馬盡羅雀掘鼠
雀鼠又盡巡乃出愛妾殺之以食士遠亦殺僮奴
佐之然後括食城中婦人繼以男子之老弱者當
是時人皆知必死而莫肯叛也十月癸丑賊登城
將士病不能禦城遂陷巡遠俱被執巡遂與姚閻
等三十六人同遇害而子奇議生致一人於慶緒
所慶緒祿山子時祿山已被弒慶緒嗣乃送遠洛陽慶緒時遠遂與
哥舒翰程千里俱囚於客省未幾郭子儀大破賊
賊衆奔告慶緒慶緒以是月庚申夜北走使其將

嚴莊害之遠遂死則十月十六日云遠寬厚長者
貌如其心與巡同年生月日後於巡呼巡為兄死
時年四十九事聞天子下詔贈遠荊州大都督官
其子玟代宗大曆二年勅立廟睢陽號雙廟宋真
宗東封過其廟駐駕徘徊咨其雄挺盡節為金石
刻以旌其忠徽宗大觀二年詔建廟於鹽官縣西
半里合祀姚南雷為五公賜廟額協忠亦號雙廟
高宗紹興八年以邑人張九成令胡熈請詔賜上
公爵十三年令李份特致祭咸淳三年令吳由始

敬

率同官暨邑庠諸生以十月己巳十六祀公於廟
蓋公盡節之日也其侑祭樂章祝文俱錄在遺文
○楊均考異云按舊傳遠杭州鹽官人世仕江左
曾祖高陽公徽宗龍朔中宰相遠初從軍河西為
磧西度支判官章仇兼瓊鎮劔南又辟為從事慕
其門欲以女妻之遠辭兼瓊鎮劔南又辟為從事
慕其門欲以女妻之遠辭兼瓊怒積他事中傷貶
高要尉後遇赦得還祿山之亂將相得不次拔或
薦遠於玄宗召見拜睢陽太守按敬宗乃善心之

原亦
衍此
三字

子善心則亨之子茂

一日

之孫也本傳云魏鎮北

將軍許允九世孫善心隋散騎常侍傳在北史亨
陳衛尉卿茂梁中庶子由茂而上曰勇慧齊太子
家今日珪宋著作郎曰詢晉徵士傳皆在南史此
與唐舊傳世仕江左之說合惟並著其鄉里曰高
陽新城人一日北新城舊屬涿州皆河北道方南
北分裂仕於江左者其家安得復在河北知許氏
此時已為江左人矣善心以下雖仕於北而新唐
書以敬宗為杭州新城人遠為鹽官人仍曰其先

自高陽南渡信哉又按古今姓氏辨證允三子殷勤猛孫式式生皎皎生詢至茂為八世又云敬宗生昂昂生彥伯彥伯生望望生遠於敬宗為高祖與梁唐史世數稍差遠之死也新傳云遠至偃師亦不屈死通鑑云庚申夜慶緒率其黨自苑門出殺所獲唐將哥舒翰等三十餘人而去許遠死于偃師舊傳云遠死客省新傳遠死偃師通鑑則合新舊二傳而更詳之按舊史乃後唐明宗朝宰相劉某監脩去張許時差近今從舊傳遠死時年四

十九新傳云遠與張巡同年生而巡長呼巡為兄此與韓愈作張中丞傳後序之說不同按愈得之張籍籍得之嵩嵩得之親見宜從韓愈又按是年歲在丁酉逆而數之遠當以中宗景龍三年己酉歲生 見海昌先賢錄

顏真卿○真卿字清臣秘書監師古五世從孫其先籍襄陽之瑯琊祖昌仕鹽官州判卒官父必靈遂家焉真卿少孤母殷躬親訓督既長博學工文開元十三年乙丑舉進士又擢制科調醴泉尉遷

監察御史使河隴辨五原冤獄遷殿中侍御史楊
國忠惡之出為平原太守時安祿山陰謀逆真卿
度必反密脩捍禦具甚備己祿山反河朔諸郡盡
陷平原獨全事聞天子異之肅宗即位靈武真卿
數以蠟丸裹書陳事拜工部尚書兼御史大夫復
為河北招討使時祿山乘虛急攻河北諸郡復陷
獨平原博平清河固守然人心危不復振真卿謀
於衆委命辱國非計乃徑詣行在為御史唐旻所
糺貶饒州刺史乾元二年拜浙西節度使劉展將

反真卿預飭戰備都統李岷以為生事短之召為
刑部侍郎屢卒舉兵而岷走江西李輔國遷上皇
於西內真卿率百官問起居輔國怒貶蓬州刺史
代宗立以吏部侍郎召尋改尚書右丞帝還自陝
真卿請先謁陵廟後即宮宰相元載以為迂因建
言羣臣白事須先白宰相真卿抗疏詆其壅蔽且
面詰曰朝廷事豈堪公再破壞載銜之出為朔方
行營宣慰使仍留知省事封魯郡公會攝祀太廟
言祭器不飭載以為誹謗貶峽州別駕改吉州司

馬遷刺史載誅以楊綰薦擢刑部尚書進吏部帝崩揚炎當國以直忤炎漸落職及盧杞相益不喜改太子太師謀出之會李希烈反汝州杞乃建議遣真卿往諭詔可舉朝失色李勉以為失一元老表固留不許至河南河南尹鄭叔則上希烈反狀勸勿行真卿不顧既見希烈宣詔旨希烈養子拔劍爭進將殺之真卿不為動已乃就館每與諸子書但戒嚴奉家廟恤諸孤無他語希烈遣李元平來說真卿叱曰爾受國委任不能致命恨我無兵戮

汝尚說我耶他日希烈大會召真卿使倡優斥侮朝廷真卿正色曰公人臣奈何若是拂衣出時朱滔王武俊田悅李納使者皆在坐謂希烈曰聞太師名德久矣公將建大號而太師至求宰相孰先太師者真卿叱曰若等聞顏常山否吾兄也吾年且八十官太師吾守吾節死而後已豈受若等脅諸賊失色希烈乃拘送真卿於蔡州真卿知必死為作遺表墓誌希烈僭稱帝乃遣人縊殺之年七十六曹王臯聞之泣下三軍皆慟因表其大節後

淮蔡平子顏碩護喪還帝為廢朝五日贈司徒謚
文忠真卿正色立朝剛而有禮天下不以姓名稱
而尊曰魯公如李正己田神功董秦侯希逸王玄
志皆真卿所薦拔也善正草書筆力道古為世傳
寶貞元六年官其子顏開成初復官其子碩錢氏
有國遣官立廟於邑治之南賜金額曰雙仁宋興
國間燬復建于安化始繪像子孫世襲衣巾奉祀
二公衣冠則合葬于縣治東十五里原吉卿二十
都八圖扇面橋楊慶湖唐書全傳已載談子外
志茲特補其未備者

鄉

史評畧曰死事之臣何代無之即顏氏一門駢
首遇害者三十餘人然皆激於一時之義未有
凌頓挫折至久而不貳如公者公於虜營露刃
以前坎庭以待積薪以脅濱死者百而卒以從
容就義其所處更有難于杲卿者曾子固有言
唐世名臣忤時且起且仆至七八死而不悔者
惟公一人嗚呼其何以易斯言哉○郡人陳善
曰魯公始見惡於楊國忠繼見擯于李輔國遇
元載則貶遇楊炎則貶遇盧杞李希烈而死此

足以知公生平矣

或謂趙子曰許顏二公皆以忠死故邑志外志皆載之忠烈而子獨賢之得無不倫乎余曰不然魯論有言未知焉得仁未仁可得賢乎士固有忠而未必仁未有賢而不忠者也試詳核二公本末若許之位在巡上也輒授之柄而甘處其下了無疑忌顏所歷者國忠輔國炎載盧杞諸奸非必遇希烈而始見節也非其平日於守死善道之旨確有實證能若是乎余故特表之

名賢以別於一死塞責者○余按傳言公祖顏昌任鹽官州判未及一年卒遺子必寧幼孤遂寓籍鹽官生真卿此余得之守祠生顏某抄本顧編攷鹽官沿革改州在元之元貞初其在隋唐間未嘗為州也昌何因為之判豈武德中鹽官屬東武州誤東武州為鹽官州耶未詳

宋張九成○九成字子韶其先開封之祥符人親

史本

傳大父某嘗遊錢塘樂其湖山之勝因挈家徙

焉後遂占籍鹽官

見郡志

九成年十四貢入辟雍即

從老先生遊力學好古不專攻舉子業篤於孝友
內行純備時人皆以大器目之高廟中興將策士
顧謂宰相曰凡士之鯁亮切直者必端方可用自
崇寧來朝廷惡聞直言士氣不振朕此舉冀得直
臣宿弊不可不革因手詔考官其以直言者置上
第時九成對策萬言其畧曰前代中興之主大要
以剛德為尚去讒節慾遠佞防奸皆中興之本也
又云今閭巷之人皆知有父母妻子之樂陛下貴
為天子而冬不得溫夏不得清昏無所定晨無所

省感時觸物悽惋於心可不思所以還二帝之轍
乎又云閭寺聞名國之不祥今此曹名字往往有
聞臣之所大懼也當使之安掃除之役凡結交往
來者有禁干預政事者必誅云云全篇大致多類
此策上上親擢第一授鎮東軍簽判吏不能欺民
有冒齟禁者提刑張宗臣欲逮捕數十人九成爭
之宗臣曰此事左相封來九成曰主上屢下恤刑
之詔公不仰體德意而觀望宰相耶宗臣怒九成
即投劾歸從學者日衆出其門者皆為聞人趙鼎

薦於朝遂以太常博士召既至遷著作郎上言我
宋家法仁而已矣仁之發見尤在于刑陛下以省
刑為急而理官不以恤刑為念請詔理官活幾人
者與減磨勘從之除浙東提刑力辭與祠歸未幾
召除宗正卿權禮部侍郎兼侍講兼權刑部侍郎
金人議和九成謂趙鼎曰金實厭兵而張虛聲以
撼中國莫若以十事要之彼能從我則與和當使
權在朝廷鼎既罷秦檜誘之曰且成檜此事對曰
九成何敢異議特不可輕易苟安耳檜曰立朝須

優游委曲九成曰未有枉己而能直人者他日上
問以和議九成曰虜情多詐不可不察因在經筵
言西漢定異事檜深惡之謫守邵州中丞何鑄言
其傾附趙鼎落職丁父憂既免喪秦檜取旨上曰
自古朋黨皆畏人主知此人獨無所畏可與宮觀
先是徑山僧宗杲善談禪理九成時與游檜慮其
議已令司諫詹大方論其與宗杲謗訕朝政謫居
南安軍在南安十四年每執書就明倚立庭磚歲
久雙趺隱然廣帥致籛金却不受檜死起知溫州

戶部遣吏督軍糧九成移書為民請命戶部持之
九成即乞祠歸紹興己卯卒于家九成研思經學
多有訓解理宗踐祚以為有中興明道之功賜謚
文忠學者稱無垢先生或稱橫浦先生。按成化
志云橫浦學本龜山得濂洛不傳之旨真足以
立懦廉頑至倡明心學續千載不傳之緒功何
偉也然一傳而為金谿之學或者謂其先力行
後致知與紫陽稍異夫先哲芳軌殊塗同歸豈
後學所宜輕議哉陳善曰一時名儒若楊璿李

元綱施德操趙汝談皆能講明性學然難以槩
子韶也中興明道孰有如先生者
按外志特別先生于理學尊先生也余謂理學
二字近世有因之賈禍者亦有借以藏奸者以
先生之才之養立三不朽彪炳如日何施不可
而必以二字重乎聖門四科總命曰賢其勿以
尊先生者溷先生也

附後賢

龔瑾元末海鹽人曾任知州死元節葬安國寺後

其死節事無可攷獨其題蒼雪軒詩云月浸蒼龍
骨雲分翡翠釵九疑愁正斷清夢到書齋讀其言
可想見其人也志云平生秉義慷慨嗜吟稿佚不
傳蓋士之有學術而尚氣節者

呂忠字守誠世襲海寧所副千戶忠性慷慨任事
正德八年江西姚源盜王浩八作亂流劫浙東檄
忠勦之忠奉檄即與母妻訣吾不復能顧家矣行
至開化守華埠賊衆突至部卒勸且退避其鋒忠
怒提刀斫其背曰朝廷養兵百年報効正在今日

若見賊而退安所用之遂直前搏賊殺賊殺十人
孤軍援絕竟為賊攢刺墜馬死事聞陞其子官一
級

姜楫海寧所世襲百戶嘉靖三十二年奉檄征倭
戰死海鹽城外事聞進其子副千戶

或謂趙子曰龔呂姜三人之死未必能與顏許
爭烈而子亦賢之殺身成仁固若是易乎余曰
似也不猶愈於求生害仁者乎岳武穆有言文
官不愛錢武官不惜死天下太平矣彼死之不

惜而何錢之愛即附之顏許諸賢後可也

名臣 附良臣八之二

王沆字元廣建炎四年高宗駐驛臨安以沆大父稟死節太原由青州銅川召詣行在襲封安化郡王賜第鹽官名其里為安化坊配張氏即無垢先生女弟封安國夫人子恕登隆興元年進士沆居王位恂恂醕謹絕苞苴杜佞倖屏聲色奇玩不御日延集儒生研討墳典比入覲即策蹇行惟一二蒼頭自隨不以郵給煩縣官費裳烏不蔽甚不易所

得賜賚甚渥悉貯以給軍需時丁播遷矢志恢復嘗因召見問政事對曰民惟邦本治民須寬寬則民悅而本固兵乃征伐具治兵須嚴嚴則兵肅有備無患中興之要不出此 吳夢非記圖經云沆祖

祖王稟當靖康之危以孤軍守太原虜九攻而九拒之自春初迨秋杪援兵莫至矢盡糧絕虜招之卒不屈城且陷與其子荀入告原廟抱太宗皇帝御容抗詞罵賊父子同赴火死○按圖經言稟之死甚烈而今其子孫刻先錄乃云投汾水死未知

孰是圖經又云沆家鹽官高宗有旨沆家屬所居處州縣長吏加意存卹以為捍禦死節者勸其後遂有登儒科者今邑志俱不備

余按邑志列沆于流寓謂沆非生鹽官也夫自建炎迄今垂五百年王氏子姓蕃衍彬彬膠序者不乏則沆實鹽官王氏開家之始祖安得別之流寓乎

郭知運字次張刻意墳典弱冠登進士第時相強姻不就歷官荆門守以倦遊乞歸自號息庵老人

著集四十卷名曰猥稿其題雙廟及光華亭詩錄遺詠類一曰知運所居在雙廟西與今魏伯珣同時○余按諸志皆言知運弱冠登進士甲科郡志既載其事又註云右公之子大壯所記然攷圖經進士題名竟無知運名不知何故

許懋字國器生長元季值歲饑發家儲賑貸復以萬戶長督海運抵大都授杭州路治中不就紅巾盜起懋倡子弟義勇力戰却之事聞復授以前職終辭不授入明高皇帝下詔求賢懋被薦以賢

良起家授海州同知在官六載著循績焉○按懋
之宦達似不甚顯顧其誼不仕元辭爵至再而
獨慨然委質于真主彼出處大節有確乎不可
奪者此與郭知運之時相強姻不就其過人皆
在品識夫名臣豈以名位崇卑軒輊哉
李貞字大亨洪武中補邑諸生建文初揣知國必
有內難為赴京條上用兵方畧上義之賜宴光祿
授監察御史靖難兵起歸隱臨平山永樂初謫佃
玉田宣宗立召為揚州守特與勅旌其直服官三

載章累百上民被其澤已乞歸謝繳勅諭上曰知
府例無勅獨與爾其以示爾子孫蓋異數云

孫子良字

其先本錢塘人祖子華移家海寧

遂為海寧人洪武中貢入太學登永樂甲申進士
選庶吉士與脩永樂大典書成晉武選郎中上北
狩以尚書方賓從命子良攝部事時兵政繁劇子
良悉敏辦本以曹郎領部乃鈐制屬吏侃侃持正
同列滋不平尋中讒謫交趾布政司吏目交俗故
獷悍子良教之學誣濡既久遂有成者洪熙初擢

交趾參議尋轉山東督理河道上章乞休卒年七十八所著有螺城集四卷

沈升字志行登永樂甲申進士選庶吉士與修五經四書性理大全等書授刑部主事累官太僕少卿嘗參贊薊州軍務會太監劉通不法抗章發其狀上特賜金幣旌其敢言尤喜獎拔善類凡同年同官有文武才能者悉疏薦之後皆不負所舉人多其掄鑒已卒官遣禮部主事林璧諭祭葬橫塘姚哲字文明正統中進士官監察御史出按湖湘

藩臣之不職者彈治不少貸廷議躋之時稱名御史然卒以直取忌左遷按察副使

孫暉字景章即子良子景泰中以賢良方正薦授秦和丞邑多豪右暉能以強項聞嘗親定徭役人指為鐵榜言不可易也韓襄毅征大藤峽暉時為博白令以習兵從行間多著勞績超守潯州為改立郡學作興士類郡僻在西鄙暉宣布威德民夷懷畏邊陲宴然擢山東右參政致仕卒
祝萃字惟貞成化甲辰進士授刑部主事改工部

治水吳中著績立朝敢言嘗上疏請親禮儒臣以
資啟沃不報再疏又不報遂乞歸養正德壬申起
督學陝西尋晉廣東參政輒解官歸性至孝侍親
能以色養尤博綜羣籍一切象緯星麻山經地志
醫卜諸書無所不研討當其里居也聚徒講學一
時人士陶鑄頗多所著有禮經私錄古文集成宋
元史詳節等書行於世

查約字厚博弘治壬戌進士初仕南比部歷福建
參議所至問民疾苦悉力拊循屬歲旱大疫約躬

勤禳禱清狂狷釋無辜天乃大雨疫良已會延平
邵武福州軍相繼煽亂約皆單車申諭士伍咸戢
擢山東臬憲以憂去補江西持廉秉公進福建參
政事晉左伯亡何侯官獄反羣吏皆散走約以前
三郡亂兵皆身為諭解威德素著乃銳身出冀賊
可化誨而賊竟狃突前出不意猝遇害方約之參
閩也以舊有德於閩閩人咸悅其來故一切便宜
事悉為振舉修緝學舍躋馬端肅劉忠宣于祀典
又專祠祀羅文節章文懿以風士節朝議正將大

寧誌傳 卷八
用之而難忽作閩人痛惜為立祠祀焉所著有閩齋集

許相卿字台仲正德丁丑進士擢兵科給事中清介絕俗侃直不避權貴世宗初大璫張銳張忠坐不法擬辟內降當以贖金李賢以璫張欽義子票錦衣世襲直臣林俊被誣相卿皆連章抗疏力諍其非至訾上為氣驕志怠當是時許給諫直聲震天下未幾致政歸築室紫雲山中息機匿影時乘黃犢與田畯野老雞黍相酌泊如也縣官高其誼

為豎坊辭不獲則五鼓伺門入向邑治再拜而出及令卧起追則去遠矣夏少師言勸之出絕不答少師貽之詩有九杞山人不出山更無一字落人間之句嘉靖己亥召補禮科堅不起卒時自誌其墓清風勁節老而彌壯云所著有革朝志雲邨集若干卷又貽謀四則並行于世邑志比之無垢先生

查秉彛字性甫嘉靖戊戌進士司禮黃州擢禮科給事中楚世子弒父有司未能正法秉彛為覈其

其報訃日月之訛獄遂定轉戶科左給事會大察
疏請斥酷吏禁贖鍰及緩征捐賦等事忤旨廷杖
幾濱死謫雲南定遠尉尋起司理建寧遷刑部主
事改吏部歷選郎盡取諸條例去其疎舛裁為畫
一吏不得乘之為奸歷太常大理卒官大京兆其
廷杖事有紀夢詩讀者多其勞而不怨得人臣之
體云

馮覲字晉叔嘉靖甲辰進士授兵部職方郎庚戌
之變覲守西直門當虜之衝意氣詳雅撫軍詰奸

威令整肅虜解去上嘉其功賜金幣尋轉武選以
艱去服除補舊銜陞楚臬憲歷左參東粵分部嶺
南行部樂昌猝遇徭賊橫掠扈從者皆走覲獨冠
蓋端坐責以大義賊乃輿之入巢求犒覲正色謂
曰若不知馮叅政耶飲水任職安得犒賊乃復輿
覲出駐韶州顧賊虛實覲於入巢時已窺其要領
尋集勁卒千人出不意間道襲之遂獲其大酋更
俘其黨百餘以出事聞擢按察使卒于官覲好藏
書嘗欲卜隙地於湖上讀書吟嘯以適其志而未

及竟所著有存稿八卷

郭子直字舜舉隆慶辛未進士初任禮部主事以
裁冗費忤中貴謫懷仁尉能拔馮太史琢吾于諸
生中累遷嶺南督學使者甄拔皆名士已攝篆南
韶虔寇王子龍餘黨嘯聚朝議用兵公力主撫全
活以萬計功上受欽賞再遷閩憲副時同安奸民
妄稱日本移文將入寇民情洶洶公畫戰守示鎮
定民藉以安未幾以病乞罷兩臺留之不得里居
二十年屏跡公府獨嗜書苦吟有三游二京中林

諸集行世卒年七十九高風峻節人以比許杞山
云子直以丙午第一名入學中庚午鄉試今其孫
濬亦以丙午第一名入學中庚午鄉試數之巧合
如此

許聞造字長孺舉萬厯丙子鄉試席帽而見令君
令戲之曰帽價幾何曰亡價令君悚然久之司李
河間聲甚籍以艱去後補東昌治如河間擢監察
御史時平酋蹂踐朝鮮東援未捷聞造憤發抗章
謫石大司馬條上兵餉七事又兩上書政府責以

大義見者咋舌出按甘肅以礦使橫再疏極諫已
疏劾張侍郎養蒙忤旨謫判岢嵐入見魏中丞允
貞允貞語謂之造厲聲曰吾擊君側小人不勝至
此固宜公之摧辱之也尋拂袖歸一日無疾而卒
所著詩文奏疏家乘地理纂要蠶譜等書凡若干
卷

查允元字 癸未捷南宮丙戌廷對時年尚少
敷歷兵禮二部有聲郎署間值關酋為難屬國大
司馬主封貢議公抗言其非東朝未定又力言當

蚤建人服其識循資僉憲江右督學政豫章故理
學淵藪公以公嚴帥之出其門者皆為聞人轉廣
西副使艱歸已復起參藩江右尋致政日與清泉
白石為侶而好行德其大者捐腴田四百畝有奇
以贍族建宗祠以惇一本學者稱虞臯先生
附良臣

史徽字洵美鹽官人宋崇寧五年進士嘗以戶部
郎出判西京轉運時徽宗下詔罪已罷西城所督
逋賦徽遂取逋籍悉焚之尋致政高宗即位復起

司農少卿建炎三年扈駕至京口與黃鶚同遇害
贈右文殿修撰子三人龜年均年岑年

按邑志言徽盡節而亡列之忠烈非也播遷之
禍實奸相黃潛善致之駕至江千衆憤激甘心
潛善倉卒間悞認黃鶚為潛善羣殺鶚徽時與
鶚俱死亂軍中是時乘輿無恙無節可盡獨其
焚逋籍一事有良牧之風云

徐寬字粟夫成化辛丑進士歷工部禮部主政能
以清節自砥年未四十即挂冠歸家居孝友惇睦

好行德於鄉里其發家粟賑饑及嫁鄰女之貧者
頗傳誦焉所著有醉陶集子海登進士邑父子登
第自寬始祀鄉賢

陳珉字起家明經仕河南藩幕理問位卑祿

薄而屹以廉自砥時有一甲科令以墨敗臺使者
檄公訊之公嘆息曲為解而旁輒有居功者陰食
報于令公絕不知也久之得其實遂抗章自劾以
歸絕其人終身不與見其嚴介如此祀鄉賢○按
邑誌有戒子以貪語余心疑之叩其裔孫兆勳

兆勲為言狀甚晰所謂其人蓋毛裏戚云
許元奎字文華家貧攻苦力學大母督之尤峻日
不第不汝娶也久之登弘治壬戌進士時年壯矣
始得娶推關荊州自課額外絕無沾染荆人廉之
祀鄉賢

毛鵬字 起家明經歷官袁州別駕清苦自勵
一如諸生時其端醕之品始終一節允有先民之
範祀鄉賢

唐琳字 諸生時攻苦力學已薦明經官訓導

持身端肅孝友無間嘗道拾遺金而不私士論多
之祀鄉賢

祝繼英字思堯起家孝廉任繁昌令不以家累自
隨惟携二三蒼頭蕭然邳舍一切服食皆于家取
給絕不以煩民也秩滿調石城輒挂冠歸性嗜飲
日舉亡算然未嘗病醒

陸州字汝行嘉靖甲辰進士起家南昌教授歷守
常德累官臬憲治兵九江所至俱有循績而其於
常德也築石堤捍水置循環二簿以徵賦民尤便

之語詳談子外志

徐炳字仲孚性穎敏自童子試迄得雋未嘗有廢牘第嘉靖癸丑進士先是庚戌捷南宮矣以少時父命出嗣伯氏而近例仕籍不得書本生父遂罷廷對歸此其至性有過人者始仕曹郎累臬憲備兵大名卒官山西參政宦績于大名尤著魏人深德之詳談子外志

查志文字鳴周中隆慶丁卯鄉試官廬州別駕以河工成遷秩知無為州尋加同知銜仍治州事其

以便宜督河工以去就爭苛稅政皆足術語詳外志

徐紹曾字 諸生時以春秋家言聲籍士林第

萬曆乙未進士歷山西臬憲性簡率不問家人產居官廉約迄于宦成田舍織芥無所益

朱與翹字 萬曆壬辰進士起家江陰令調長

葛歷部曹出守南昌其治一務簡靜吏民安之卒官廣西臬憲與人交溫然和煦人稱長者

宣誌備攷卷八

宣誌備攷卷九




名儒九之一

于寶字令升鹽官人一日臨安人一日其先上蔡人父瑩為丹陽丞因徙家鹽官寶起家著作郎累官散騎常侍其生平建整鮮所攷鏡而獨富于著撰自搜神記以外著晉紀二十卷尤留意京房夏侯等傳有左氏春秋左氏義外傳又註周易周官凡數十篇蓋其學雖博而尤精于經術云餘詳談

當湖錢氏

趙維寰



子外志○嘉興志云寶海鹽人父曰于瑩吳散騎常侍墓在海鹽治西南四十里○按外志有干慶曰寶之兄干朴干元顯曰寶之後皆無事實宜附見干寶傳不特書

吳夢非曰楊萬里偶談晉于寶一吏取禮部韻書干字下註晉有干寶以進曰乃干寶非于也楊大喜以為一字師然攷宋板晉書文選俱作干及搜神記周禮註亦著^レ作干無稱干者胡承之以為字畫相沿之悞而取干子書為證按春

俱

秋有干𠦒後漢有干吉寶豈其後耶然漢亦有干定國焉知寶非其後也陸法玄廣韻止引干𠦒而不及寶何法成晉書稱寶撰晉紀而不及干子恐未可據○余謂魯魚亥豕自昔為然即漢干吉今本有鐫于吉者又安知于定國之非干定國也干而干之于而于之存而不論可爾

戚衮字公文鹽官人大建末年卒

見圖經

按談子外

志衮少受三禮起家秀茂以周禮禮記顓門對策高第歷事梁武帝簡文又從國子博士宋懷芳質

儀禮懷芳沒盡得其遺書仕太學博士累官江州長史他建豎無所見而獨以著述行世所著禮記義凡四十卷或亦古高堂伏生之流云○按邑志齊有戚顯梁有戚霸註云霸顯之子袞霸之子皆有其名而無事實宜附見袞傳

顧越字允南一曰思南鹽官人所居新坂黃崗家世業儒並顯門教授有鄉校經見圖○越仕陳以官

僚未盡時彥宣帝有奪嫡之意疏言太子天下本宜養善春宮而輔弼凝承未極其選如文宗學府

廉潔正人當使晨遊夕論則非僻無從而入廢帝

立晉黃門侍郎

見嘉興志

○按邑志越幼承家學于書

無書不讀外志亦云越編綜經旨尤精毛詩善莊老歷事梁陳間領五經博士卒官太常掌儀禮所著喪禮毛詩孝經論語老子等義疏凡四十餘卷蓋威袞一流人也邑志有顧道望曰越之祖有顧仲成曰越之父但存其名而無事實宜附見越傳施德操字彥執鹽官人學有淵源其說主孟子力排釋氏嘗謂孟子有大功四道性善明浩然之氣

寧誌傳列 卷九
闢揚墨黜五霸而尊三王與張子韶同時交善學者稱持正先生語詳郡邑志外志

楊璿字子平鹽官人與施德操同時以講明道學相唱和其學主謹獨學者稱為謹獨先生語詳郡邑志外志○按子平彥執蓋皆聞子韶之風而興起者邑令魏伯珣並祠之學宮刑部尚書程大昌作祠記稱曰三先生意二人當日聲望幾與子韶相侔伯宜鄉人士之至今景行也

董澧字復宗一字子濤隱居好古初嗜吟與海內

詩人諸名家如吳下沈啟南關西孫太初閩人鄭繼之輩相賡和流連山水至終日長嘯而忘返年六十七忽銳心聖學聞王伯安先生講道稽山輒徒步往從之游盡棄其學學焉遂號從吾道人志所好也臨沒自吟曰我非汙世中者傳偶來七十七春秋自知此去無些染一道天泉月自流郡志載澧有割產贍貧兄燔券惠貧友鄔魯事○澧子穀舉正德丙子鄉試以仕不遂拂袖歸嘗從其父游王新建之門稱高弟穀每喜陶靖節形影神釋

之句悟蘇文忠水月不變之旨所著有碧里四存
前後集其性論一篇幾入新建之室云澧穀俱詳
邑志外志

董淞字子壬博學嗜古薄制義不蓄弘治中嘗以
薦詣闕上書萬言敷陳王道天子命試禮部罷歸
或勸之倖塗意殊不屑作書謝之有浮雲自去來
難應鴻都詔語以好行德家日落室人交謫夷如
所著有聖學全書真儒蓋語紫陽正脉等書若干
卷藏於家

文人

閩秀附○九之二

顧況字逋翁鹽官人性超曠不以仕宦屑意在至
德時詩文擅名與白居易皇甫湜諸人相唱和有
集二十卷語詳邑志及外志○嘉興志云况海鹽
人居橫山善屬文工畫至德二載進士與柳渾遊
秉政不舉况又與李泌善泌相亦不舉久之稍遷
著作郎為有司所排貶饒州司戶累歲脫縻無復
北意結廬茅山號華陽真逸壽九十卒有集十五
卷皇甫湜序之此與外志所載微異

顧非熊況子也性穎敏一覽成誦好辯說以氣焰
凌轢人故為時所抑久不第而名愈籍朝野重之
長慶中放榜仍下第穆宗素聞非熊名怪問所司
詔進所試文親覽乃追榜勅賜及第大中中歷盱
眙尉慕父風隱茅山其所著有妙女傳記宣州崔
氏婢女得仙事而語多幻怪見唐人小說或傳飛
熊得長生術云○按志于況曰至德二載進士于
非熊曰追榜賜及第則况父子皆進士矣乃郡志
進士科于唐止載顏真卿而不及况父子外志亦

非原亦誤

止載况而不及非熊豈偶佚其名與抑別有說耶
姑存其疑以俟論世者

楊均宋咸淳間人工文詞令吳由修海昌圖經均
實秉筆書成十卷又為著先賢錄以表彰邑先輩
之名蹟雙廟侑祭樂章亦均所作也詞載圖經不
具錄

郎曄字晦之游張子韶先生之門稱高足其所撰
著有橫浦心傳日新錄諸書或謂曄曰君係與侍
郎郎簡同譜曄曰吾家世白屋豈得妄扳華胄其

貞正如此淳熙十四年以特奏名起家郭一曰

胡奎字虛白洪武初奎嘗以薦為府教授其學博極羣籍而尤長于五七言今讀其望湖亭北上行諸篇大有奇致雖仕不顯非風塵中人也詩詳邑志外志不具錄錄其未備者于遺咏一日奎遇異人稱丰南先生

朱祚字永年晚號默齋先在洪武中有神童之目起家楷書科試事詹事府歷永熙宣三朝皆以詞賦被賞累官翰林修撰尚寶少卿有雪崖集行于

世子裡嘗隨父謁宣宗于南城齋宮因命從學文

華殿博極羣書被薦官中書舍人餘詳邑志

蘇平字秉衡號雪溪其弟正字秉直號雲壑兄弟皆以詩文著時吳下有十才子平生成與焉平在

正

永樂間以賢良方正薦不就放情山水所著有雪溪集正所著有雲壑集海鹽張宣為作碑記住郭

店今郭店蘇氏即其裔云餘詳邑志

周敬字尚敬醇謹有學行嘗與孫大參璋同薦賢良方正辭不赴酷嗜吟詠所著澹齋迂叟稿唐詩

選脉藏于家

此下四條皆談仲木記

沈祐字天用築室紫破山下藥欄花塢頗有幽勝時為古衣冠相羊其間與同社陳勾溪朱西村董蘿石輩杖笠相從嘲弄風月致瀟如也所著有純樸園稿藏于家

朱象衡字朗初侍御有孚之子僑居樵李為郡諸生厭時習好吟詠聞歷下瑯琊之學盛行于世心殊好之自秦漢以下諸體俱備一時詞人如歐禎伯殷無美屠長卿王百谷輩皆極推許所著有春

雨編行世

沈一鳴字平叔家甚貧少失學私從里師口熟之長而教授里中以介特聞人勿善也鄉貴人有所造請時為規之游道遂不振性喜繪事里塾之暇輒解衣磅礴或為聲詩所著有秋吟草○春閨○夢斷愁難斷春歸人未歸去年雙燕子依舊入簾飛○田家女○自分田家女來歸游冶郎欲隨郎意好新學畫眉長○山中○日日在中山中山路應熟長吟無賞音題滿山中竹○山寒易搖落一

日雨聲中雜取塔前葉聽來自不同。○紅芍藥。○牡丹開盡見紅粧。晝倚迴欄日正長。疑似漢宮春宴罷。美人三五醉瑤床。

附閨秀

朱氏靜庵光澤教諭周汝航濟之妻也。尚寶卿雪巖公次女。太僕丞淡庵公女弟。自幼聰慧博覽羣籍。尤精五七言。有靜庵集行于世。識者謂其學識純正。詞氣和平。得風人溫厚之體。享年八袞。以壽考終。真女中文儒。閨門全福云。其游仙懷古諸作。

載邑志外志

逸民

附先民。○九之三

顧黯字長孺。鹽官人。先嘗為散騎郎。已與同郡顧歡並堅隱。操齊武帝永明中。與歡同被徵。俱不就。朱世卿。鹽官人。其隱蹟無可攷。獨武林山有別墅。題云隱士鹽官朱世卿之別墅。

張天雨字伯雨。宋文忠公九成裔。早棄妻子。隱于黃冠。丰神秀挺。見者知為方外高士。工書善詩文。益奇古。與吳興趙孟頫。浦城楊載。蜀郡虞集。豫章

揭溪斯清江范椈金華黃潛諸人游互相賡唱晚年屏居修茅山志自號句曲外史葬武林西山成化間人有坎其土者腦破復合疑為仙蛻云董鎮字仲貞博通經術有用世之志本家海鹽值元亂隱于寧之錢山錢一曰泉每夜靜月明輒登山劃然長嘯或悲歌慷慨歸即閉戶高臥有慕其名者扣戶謁之相對危坐終日不出一語人以為不可測○按邑志列天雨于方伎列鎮于流寓夫天雨以上詩文善書而局之方伎是松雪虞揭諸公

皆伎流也寧本出自海鹽錢山與鹽接壤且志云鎮遺業尚在而謂流寓可乎外志皆列隱逸似為得之而方伎猶存天雨至併魯公橫浦逋翁而伎之益愈不倫矣

朱景仁字居家孝友特聞更為德于里元季之亂四方衣冠之士避地至者景仁悉延納之推衣食與同甘苦屢徵不就自號貞白道人

許淪字達夫性拓落不喜拘檢童子時以穎敏能文為觀察楊公繼宗所賞因脫父子庀長補諸生

貢入太學判永州非其好也未幾輒棄官歸買山
結廬日縱酒耽詩以樂死
張淦字文東幼有異質日誦數千言詞彩絢爛嘉
靖辛卯舉於鄉時尚未冠藩臬大臣皆禮其廬然
介介自守絕不肯干一牘至廢著償負以是家益
落初為諸生時與童漢臣方九敘交善已二人皆
顯仕憫淦窶處時有餉饋辭不獲即治具召其人
至與共盡之不盡不止抗志守高灑然塵外竟以
阮窮卒世所著有窮居集漢臣鐫行之

唐俞字聖言博雅工詩翰多深湛之思阮中丞鶚
督浙學時檄曰海寧唐俞不求聞達人也而學精
博操履淡泊與明月清風高山大川相游行因大
書逸士表其間所著有審山樵漫草門人郭舜舉
為之序

談仲
木記

附先民

陳景宏洪武中以儒士薦官辰州府通判
陳公壽洪武中以人才薦官西安府知府
沈伯祥洪武中以人才薦官安慶府同知

俞辰永樂初以人才薦官廣州府同知

夏子謙永樂初起家邑椽官大理寺左評事

祝淇字汝淵性醇謹不苟取予喜吟詠其舉動一

稟于渾樸以子萃貴封刑部主事祀鄉賢

查益博學多聞不苟言笑設教鄉閭多所成就焉

以子約貴封奉政大夫祀鄉賢

查繪生有至性事繼母能得其懽撫訓仲弟庭幃

無間庶幾一鄉之善士祀鄉賢

陳中漸郡諸生也性倜倘不為曲謹豪飲好施與

宗戚處頗無忤吝以子貴貶贈祀鄉賢

董載雅志樂善平生率物居恒義方訓子嘗仕藩

府王以嚴見憚歸老清溪足不履城市鄉評重之

曹方履繩蹈矩好禮輕財邑志列之良民邑有旌

善亭所鐫榜方與名焉

潘茂賢字希聖身本庶生而事嫡母孝養尤篤凡

可悅母意者不惜盡力致之博學能詩然謙抑甚

空空如也邑志與曹方同傳並稱良民

孫節字時儉叅政璋之元孫也確守門風清白無

玷雖近城市而足跡不入公府壽滿百歲屢舉鄉
飲一切辭不赴稱人瑞云士大夫贈詩文甚夥因
彙為期頤集

或曰自陳辰州以下暨諸封公皆哀然軒冕而
子槩之以民得無不倫乎余曰不然民一耳而
先民異凡士之敦古誼越流俗者始得稱先民
吾正虞諸君子以軒冕故溷時趨急欲得其生
平證焉而不少概見方惴惴諛墓是懼奈何薄
先民也

獨行 附懿行。九之四

獨行者不藉扶掖不緣慙慙孤立一意以直行
其是即鬼神猶避銳焉而外志所載似以尋常
飲食之事當之溺其旨矣余故首列天性篤摯
者十人而稍差次其餘以為之附或曰丈夫女
子彙為一傳非古也余曰女子而丈夫則丈夫
之余先列朱靜庵于文人矣

周阿二周小三周阿九三人兄弟也未嘗學問惟
共竭力耕田養母母俞氏適病甚計無復之二與

厚亦作美疑
彙字之誤

三各剖肝調美以進九則通體鈎燈以禱于神母
疾遂瘳時稱一門三孝子○按三子皆宋時人惜
其年次無攷

葉文榮海寧所軍餘也性勇而戇孝友天植弟文
龍醉毆殺人官司訊服其母日悲泣不食文榮痛
弟復慮母之以弟故病也一日辭其母日見年長
幸有後願代弟死遂詣官暴殺人狀皆由己官遂
釋弟文榮坐法此與坡公所傳狄武襄事殆無異
云年次亦無攷

吳烈女慶真靈泉鄉吳初女也甫笄許字何謙謙
故邑令何得舉孫女未歸而謙卒遂不御膏鉛介
然有終身意父母憐其少覬奪之慶真號慟求死
議遂寢父母繼歿慶真益哀毀敝服垢容絕跡戶
外兄嫂欲易其志密令宗姻曲諭慶真即破鏡自
矢兄嫂無如何則拆居別食以恐之慶真遂依幼
弟景輝紡績自度八年如一日弘治丁巳冬謙且
葬舅姑先期報聞慶真乃具牲醴偕兄若弟往哭
奠決計且殉一日自盡者三姑覺嚴防止之晨即

遣返既至輒闔寢室自縊時年二十有八舅為殮
尸合葬焉縣令易秦為之贊載邑志

事疑在永宣間

居氏貞娥呂詢妻也詢自幼病風癩疾不省生人
事娥歸詢未幾而詢死姑迫之他圖語氣甚激貞
娥不為動乃出之北鄉田舍蓋難之也娥即奉詢
柩如田間日夜紡織以自給里母憐之謂曰寒餓
稿死荒野泐寥誰知之者娥泣失聲曰吾命則然
義不走第二條路終殉呂生地下耳自是煢煢枯
守歷困悴三十年而卒許杞山先生為之傳曰書

呂詢妻而復曰居貞娥者何有家妻道也業有家
矣猶處室焉娥之貞云爾蓋呂生故癡迷名夫婦
而無其事故云

諶氏宋建炎時楊由義母也由義父奉直以軍前
正將扈駕南渡留杭未幾虜寇杭由義攜母及幼
妹避鹽官虜騎踵至諶謂由義曰汝父必死國我
當死夫遂乘間抱女投運河死

陳氏貢士徐睠妻也嘉靖丙辰島夷入境陳謂睠
曰事急矣吾誼不辱若若急携兒走時季女三妹

年未及笄亦悟遽起投河氏拂眦袖絕裾抱女並
沈河死越三日眦得其尸時方盛夏神色不變眦
藁葬之是日晴空皎烈而陰雲覆葬所者幾半日
抵家復有庭蘇變竹嚴盍化水之異識者謂為陳
氏母子之應云事聞督學郡邑為旌其節
董涓妻虞氏名源源少慧知書年十六歸涓裁兩
月而涓得暴疾強死源慟幾絕至刻木為涓像事
之茹荼苦者幾五十年而卒許杞山為之傳云仲
由結纓王蠋伏劍概之虜廷十九年不屈之臣等

臣節耳而子卿險艱倍什伯節婦亦云悲夫源善
詩有諸題詠載外志

十香亭馬節婦庠士馬鍾英妻許氏也歸鍾英五
年舉一子裁二十日而鍾英以病革節婦攀號欲
絕者屢聞呱呱聲強拄淚已復哭母哭舅姑旦暮
頂禮西方課兒于成立蓋茹荼苦者凡三十三年
而卒節婦弟令典為上其事于朝疏言氏手書十
香誦一香一祝手書思親記一字一淚行道聞之
無不心惻蓋言言實錄云節婦嘗構斗室于閣名

十香亭每拈香為十祝一天二地三日月水土四
君王五父母六公姑七八亡夫九孤兒十后胤故
學士先生俱稱十香亭馬節婦

外史氏曰余纂獨行傳至節婦虞源借題咏見
志未嘗不悲其志之苦而嘉其才之雋也及讀
十香誦覺切實肫懇裨益閨教殆有進乎菊竹
諸篇者也是足以風矣馬生源孝靜重悖嚴不
妄言笑其得于母教者深乎○按上十人或起
農家或由軍伍或生閨閣非有詩書講解之資

師友切劘之助也乃其信心獨往直可以砥柱
乾坤激揚千古此之謂真獨行

附懿行

褚文奎

里人頗解書義嘗應童子試不售訓

蒙里中以養母母得疾勢劇莫可救文奎乃避妻
子夜禱于天潛操刀割左股為羹以進母啜而少
間然已不可為矣談子悲其志作詩紀之見外志

朱俊妻董氏歸朱三載而俊歿水漿不入口者久
之宗戚苦勸動以存孤乃強起飲食然晝夜哭聲

不絕行道哀之編修戴大賓作長短句以悲其志
當俊沒時兒鑑裁踰歲董能撫之成立鑑卒能上
母節于當道旌其間編修題句載外志
范福貞邑人朱銓妻也銓亡福貞截髮自誓冰霜
凜然弘治十七年以節旌吳門王渙為作剪髮賦
賦見外志

董氏淑真士人朱士廉妻也年裁二十四而士廉
卒氏守節不二以撫藐孤洪武中被旌

孫氏農家女生元季適同邑杜保二生子方晬而

保二卒矢志不二至正十九年旌其間○按郡志

宮室門室有杜節婦孫氏者元迄 國朝兩被旌

表士大夫為顏其堂曰貞節堂吉水解縉撰記堂
記今皆無攷

郭彥昭妻孫氏孫敏女也彥昭以名醫赴召氏偕
往而彥昭歿于京氏走三千里扶柩歸氏年二十
七耳姑欲奪其志為截髮自矢終身不易正統十
三年旌 敏宣十三都人

李氏毛穎妻嘉靖十三年穎故李時年二十三生

子鳳章甫週歲李號慟不欲生姑曲諭少解遂絕去華飾足不越戶晝撫嬰兒夜紡績以供姑舅其教子卓有成立守志四十餘年而終事聞臺院累被旌揚 見郡志

孫經農家子父早歿與其弟緯躬耕養母母有一疾甚怪非藥餌能療但思食一物隨得隨起稍遲即劇二子乃竭力營辦備諸品以俟一日病作思蝦羹二子即輟田事徧求諸市不得正跼躄忽于水際見水動二子競解衣入水求之徑得巨蝦數

尾急調羹以進而母病已人咸異之

鄴氏沈鉉妻年二十八而鉉沒父憫其年少欲更之氏義不二守之終其身洪武十七年旌

金氏楊宗文妻也年二十九而宗文歿氏守志不易茹苦終其身宣德間被旌

周氏祝守昇妻也少孤養於外家及笄歸守昇故壁立授經糊口亡何守昇卒蓋歸祝才四閱月聚首不終月氏矢志靡他手織衽以撫遺子茹苦終其身 談仲木記

賈氏庠生祝湍妻也歸祝甫三年而湍以攻苦得疾不起婦矢志不二成化二十三年旌

查模妻王氏模亡守節不二弘治十七年旌

郁成妻施氏成亡砥節自誓以沒世正德元年旌
朱璋妻章氏生子裁八月而璋死氏慟將以身殉姑曲諭以存孤乃忍死守志茹苦四十年而卒子孝廉衣仕為湘潭令章所教也

朱氏朱小渠女祝以旃妻也旃力學而貧以試不售感情沉河死朱年纔二十一翁姑促嫁之矢志

不奪因迫令歸母家茹荼苦甘焉每挈壺餐哭夫于墓如是者四十年而卒宗人少司空時在南都傳其事一時名流皆作詩詠之 朱少梅記

諸生周東妻吳氏生子裁踰歲而東卒吳氏年裁十八矢志自守奉舅姑以禮即人子弗如人稱節孝 見談子外志

談輔妻徐氏談擁厚貲尋夭徐血誠守志莊肅持家家以不替隆慶時許令天贈旌其閭 談子外志
諸生俞履禎妻朱氏年十八而履禎歿無子氏隻

影自憐矢志四十年如一日談子外志

孫率祖妻馬氏率祖天氏裁十七撫遺孤復天又
撫其孫克成立亢節五十餘年而卒輿論難之華亭
董太史其昌為之贊贊云珩璜為飾幽蘭為佩玉
之潔不可涅蘭之馨不可絕斯與古今之卓婦壽
母垂嬪則而稱女宗者同根而共節雖君王築臺
猶非其所屑又何有于官司之棹楔蓋貞婦未亡
時有議上其事于有司者貞婦正色謝絕故云錢生汝俸記

嚴缺妻缺勵志守節萬麻間豎坊以旌曰冰

清玉潔見談子外志

董謙故素封也親喪廬墓以孝聞成化中旌其門
余按廬墓事孝子所侈談自有生子隊道中為
名賢所詬黜者而其事始不足重謙故素封空
山寥寂抑有所為自適者與余故傳懿行而以
是終焉

義俠九之五

賈銘字文鼎元季以貲雄海上為萬戶長性好客

能振人之急有劇孟郭解之風一時名士如胡隆成鮑恂輩咸歸之劉伯溫未遇時亦客其家蓋有意于銘也久之知其無成乃為擇葬地于尖山之麓曰令汝家世橫金與國終始後銘二子果以汗馬功並襲世指揮于河南臨山二衛銘壽百有六歲一日晝寢夢更緋衣策雄騎而西道逢一女子輿飾侍從甚盛出拜曰妾自月宮來送彭祖殯前新塚即彭墓也語畢驚寤而伯溫適緘壽山福海圖為銘壽門者持入銘讀其題詞有商郊葬彭祖

嫦娥寄消息等句銘喟然曰夢與詩符吾將逝矣越三日卒其事詞詳外志

賈用中黃岡里人也富而好施負俠氣先是邑有學田以贍貧士蓋張橫浦先生後裔所捐追贈賜田也然未裕有夏泰亨者與用中語用中欣然割私田百畝籍之學無吝色邑自入元士未有與計偕者及是至正己亥賓興用中二子祥麟祥鳳俱中式人以為尚義之報云見夏泰亨新田記董慧字如魯富好行德景泰甲戌歲饑輸穀四百

石成化癸巳海決民流又輸六百石丁酉大饑又輸千石有司例授以承事郎力辭強之冠帶乃又輸千石以為荒備其他置義田葺文廟掩骼建橋諸事未易枚舉章楓山先生為表其墓

徐義字彥宜性精敏能積能散成化十三年海決歲祲死徙載道義為作糜舖之日給數百人如是者八閱月是秋大獲乃止全活不可勝計子寬後登進士楊文懿公守趾為志其事于墓銘

周輦字尚行善治生讀陶朱公傳三致千金而散

之為之慨慕晚年積貲數千每出以周族黨賑鄰戚人有貸假者無所吝或厚負之一笑而已嘗自言吾生平養身無縱欲之疾作家無越分之費與人無求勝之忤處世無自作之孽及大耄營高敞地為生壙許雲邨先生志之壽幾百歲徐軒字叔明性任俠不問家人生產喜賓客流連觴咏竟日怡如入太學傾動一時名士尤喜賑貸有厚負者置之若忘絕不色忤也嘗宿武林湖上聞一丐者日夜號不輟乃獨身蚤起持一金予之

不令人知其陰行德都類是子維揚繪觀俱領鄉
薦人以為冥報云 談仲木記

流寓 九十六

楊由義字宜之家世開封建炎初由義父以軍前
正將扈駕南渡未幾虜寇杭由義奉母妹避地鹽
官虜騎踵至母妹俱以節死由義被執事燒褐主
郎君郎君解衣衣之日見四太子兀术夫婦由義
私念母妹既死父捍敵于外未知存亡何惜一死
不為天下復仇乃裂小紙數十書某官子某藏之

柱隙將懷刃以刺四首惟求一七首不得從所親
小番借用番令畫地為樣詰欲何為由義詭對次
日隨至轅門則不得入矣虜縱火自餘杭銜舟以
東道經秀州義遂宵遁尋復為他虜所得詰由義
所從來義以實對因俾義行前大呼燒褐山人舟
已無及則置義他舟是夜復逃得脫既抵抗則其
父適以督軍還自富陽父子大慟為母妹成葬禮
遂家于鹽官由義幼時頗從事學問久之遂與漕
薦丰度俊偉詞翰典麗館于賢士大夫之門者凡

二十年晦庵朱熹亦其弟子也後調臨安酒正以課羨轉修武郎特差犒賞兩浙酒庫隆興和好成虜求唐鄧海泗之地時盧仲賢使北辱命由義請行至虜營元帥強之拜由義曰本朝見宰相無拜禮此膝詎易屈虜怒械系之月餘守節益堅竟完璧歸孝宗嘉嘆以義嘗試春官特易文階累遷太府卿兼刑部侍郎卒于宣

見圖經註云此由義子蘄春太守所記餘

詳邑志及談子外志

凌景夏本餘杭人政和中以從無垢先生學徒步

鹽官紹興癸丑即登先生榜第二累官吏部尚書今亞魁坊即其寓處也生平載餘杭志

汪應辰字聖錫本信州玉山人少受知於喻樛知張九成賢問之樛得其詳乃至宣從九成學學益進登紹興五年進士第一秦檜力主和議應辰疏爭之云和議不諧非所患諧矣而因循無備之可畏異議不息非所患息矣而上下相蒙之可畏檜惡之遂乞祠歸時九辰謫邵州交游皆絕應辰獨時時通問九成喪父言者方交攻而應辰獨千里

赴吊人皆危之浩然弗顧也有全傳載宋史餘詳
邑志

趙汝諲其先開封人太宗皇帝漢王元佐下節度
使仲邁之子名士隆者即汝諲祖也士隆死李成
之難甚烈子六人死于難者三事聞高宗嘆悼官
其孫二人而汝諲以孝宗乾道七年來丞鹽官因
家焉○按圖經載王沆而獨詳王稟事載汝諲而
獨詳士隆事蓋皆因孫而及其祖識沆諲所自來
也士隆圖經曰士開邑志曰士龍皆悞隆字景瞻

廷

景瞻名士隆見宋史

木待問字蘊之本永嘉人隆興元年延對第一以
宦游嘗息于宣後卜居城南遂名其里曰仁賢里
餘詳外志

鄒世聞本登之黃縣人以世襲百世調戍海宣與

管民官共理鹽灶有德于宣灶語詳邑志會張氏
陷浙西元官多從逆者公切齒後遂屏居峽石元
亡不食死其妻李氏亦以知禮聞

貢師泰字道甫本宣城人初舉茂才累國史院編

原亦作世疑
尸字之誤

修會修宋遼金史忤當時出為嘉興府治中上下
憚其廉明歷官兩浙運使戶部尚書轉運南北會
海上多警遂留寧寓湖塘村之朱鏞家為鏞子講
學謝肅胡奎皆其友也所居里命曰小桃源卒葬
湖塘村南其族子友初嘗從師秦僑寓錢塘詩才
清麗有送戴伯貞還廣西一律為時稱賞師秦履
歷詳邑志外志

劉伯溫名基本處之青田人未遇時嘗來遊寧寓
黃灣賈氏語載賈銘傳其自黃灣返于杭道經鹽

官許村皆有詩詩載邑志外志其縱遊西湖見紫
雲起西北識真主受命已當為之輔疑即此時云
何得舉閩之晉江人洪武初登進士任海寧令已
政成乞休致遂卜居雙仁巷終焉墓在西門外孫
謙即所聘吳烈女者事詳外志邑志

林文貴台黃巖之騎兵也從千戶呂忠征姚源賊
于開化賊猝至忠既力戰死衆遂奔潰文貴厲聲
曰奈何負主將遂大呼直前挺鎗刺賊賊擁衆擒
之脅使降貴怒罵曰我是朝廷命軍豈肯從賊賊

怒甚縛之樹罵不絕口剖腹刳腸而死邑人董溧
作古風一章以吊之詳外志○按邑志外志俱列
文貴于寧與龔瑾呂忠並余謂忠生長黃巖其死
也又在開化獨一時徵發屬忠部下耳于寧固風
馬牛不相及也獨其死事之烈不減雖陽常山有
必不容埋沒者列之流寓庶為得之

方伎

九之七

魯之茂海寧人號雪村善畫梅竹宋寧宗朝仕為
郎一日之茂海鹽人

宋鎮海寧人洪武三十年以明天文召入欽天監
授博士遷挈壺正

郭昭乾宋南渡時人嘗遇異僧畫一牡丹遺之初
不甚珍藏既久發視之花瓣中隱隱有字讀之皆
古醫方也大異之遂按方試以療疾無不奇驗後
又聚藥煉為丹俄見爐上有花若牡丹狀丹成如
黍珠用以活人即濱死者皆起自是郭氏醫傾郡
邑傳三世有仲敬者能以方起宋宗篤疾御賜
葬地二十畝在靈隱寺之陰併賜國姓遂有趙郭

里之號 郭濬記

王賓生員善楷書永樂六年以楷書被徵授中書舍人遷禮部郎中

許性生員善楷書永樂六年與王賓同被徵授贛州府同知遷刑部郎中

宋徽即挈壺正宋鎮子明天文五行之學正統間蔭欽天監保章正纂掇法素書以便後進奏休咎屢驗賞賚特優

周熒邑諸生不知何時人能畫竹石尤工蒲萄氣

熒

宣誌備攷卷九

軍額○海寧所原額軍旗一千三百五十一名今
事故者六百二十三名僅存七百二十八名運船
三十四隻每船旗甲一名軍十名○按軍戶耗損
之故與運船之所自來其說皆載在邑志

屯糧○海寧守禦所無屯田其軍餉俱於本縣民
糧內支給本所原額總旗十名小旗二十一名軍
六百九十七名其支給之制總旗月支本折一石
五斗本色米八斗折色七斗小旗月支本折一石
二斗本色米八斗折色四斗充發軍士正軍月支

本折一石本色米八斗折色二斗老疾軍人月支
本折一石本色米三斗折色七斗其支放本折每
年本色米六個月約該二千九百三十餘石折色
米六個月約該二千九百三十餘石該銀一千四
百六十餘兩

民兵○隆慶初各縣所編民壯海寧三百六十名
四年巡撫谷中虛仍取寧三百三十二名充餉五
年巡撫郭朝賓議操練仍復寧七十二名萬厯三
年仍以防禦不足加復海寧百名然實未嘗操練

也操練自萬厯六年始其法歲以春二月初一日
開操五月初六日止秋八月初一日開操十一月
十六日止自景泰五年以來正軍皆充漕運更選
餘丁操備戰守若石墩赭山巡檢司弓兵各於其
本城操練巡海官監督之

營砦○盜之為寨者二為烽燧者十一俱詳縣志
關隘○凡地方要害處各設巡檢司所以譏察奸
慝緝捕私販鹽徒及逃亡軍民罪囚盜邑邊海視
內地尤劇故獨設巡司二一曰石墩巡司一曰赭

山巡司二巡司為海鹽仁和交界地規制見邑志公署類

正千戶三

呂錠其先本舒城人始祖聚以靖難功授海鹽千戶所世副千戶聚傳能能傳熊熊傳忠忠傳繼臣繼臣以父忠陣亡陞本所正千戶繼臣傳相相傳津津傳錠錠以運速功陞署指揮僉事○按縣志呂聚以洪武三十四年由百戶陞副千戶呂能宣德十年襲呂熊成化十年襲呂忠弘治五年襲以陣亡贈正千戶其子繼臣以正德十六年襲正千

戶呂律嘉靖二十一年襲呂錠優給繼臣下缺一傳

揚師震其先本西華人始祖名累靖難功授武

衛中左所正千戶名傳原調海鹽所原傳武武傳

瑞瑞傳鳳調建寧右衛左所尋復海鹽鳳傳繼隆

隆傳勲勲傳師震納指揮僉事○按縣志名以洪

武三十五年由百戶陞原以正統五年襲武以夫

順七年襲瑞以弘治十一年襲鳳以正德七年襲

繼龍以嘉靖十六年襲勲震二名未入原源隆龍二名互異未知孰是

湯應龍其先本通城人始祖成累征進功授建寧

天

降

衛世百戶成傳友敬友敬傳玉調湖州守禦千戶
 所以捕奸功陞調海寧守禦所世正千戶又以隨
 駕勦賊等功陞調處州衛指揮僉事玉傳輔仍隆
 本所正千戶輔傳盛盛傳家霖家霖傳執中執中
 傳應龍納指揮僉事○按縣志湯玉洪武間由百
 戶陞後陞指揮僉事盛以成化十九年襲霖以正
 德八年襲執中以嘉靖二十六年襲敬玉以上缺成
下缺輔一傳應龍未入余謂成敬再
傳而及玉則玉不應在洪武間疑悞
 副千戶五補一

蔡允恭其先本懷遠人始祖志累開國暨征進功
 授驍騎衛流百戶志傳得陞海寧守禦所世副千
 戶得傳勝勝傳政政傳英英傳春春傳齡齡傳寅
 寅傳允恭納指揮僉事○按縣志蔡得洪武二十
 八年由百戶陞蔡勝洪武三十五年襲蔡政永樂
 十一年襲蔡英天順七年襲蔡春成化十六年襲
 蔡齡正德元年襲蔡寅嘉靖四年襲蔡天寵優給
 得以上缺志一傳寅以下有天寵無允恭蔡春郡
 志云一日眷余謂蔡氏由志始則洪武二十八
 當是志授流百戶時非得也由百戶陞或在三
 五年其為得未可知耳允恭天寵是一是二未詳

金鉉其先本泰州人始祖智以首奸功授水軍左衛世副千戶智傳讓調海盜守禦所讓傳彤彤傳輝輝傳燁燁傳堂堂傳印印傳鉉○按縣志金權洪武三十年由百戶陞金讓永樂十年襲金彤正統五年襲金輝成化十九年襲金堂正德十二年襲金印嘉靖三十年襲讓以前有權無智彤以孫允武其先本六合人始祖興累開國暨征進功授汀州衛副千戶興傳貴調海盜守禦所貴傳容容傳玉玉傳雲雲傳寶寶傳熙熙載傳允武○

按縣志孫貴揚州人洪武二十年任孫富洪武三十五年襲孫容宣德八年襲孫玉景泰元年襲孫雲弘治四年襲孫寶正德三年襲孫熙載嘉靖四十年襲孫允武嘉靖二十八年襲貴以上無興名容
傳揚州與六合亦互異

朱繩武其先本江都人始祖真以靖難功授海盜守禦所世副千戶真傳洪洪傳勇勇傳循循傳奎奎傳光光傳璧璧傳繩武○按縣志朱真正統元年授朱洪正統三年襲朱勇成化四年襲朱循弘

治九年襲朱奎正德十二年襲朱光嘉靖十五年

襲朱璧嘉靖三十五年襲靖繩武名未入余謂真以

樂初不宜越洪宣二帝隔三十餘年而始叙

也正統元年疑悞或是永樂元年耳未詳姜望其先本湘潭人始祖泰以征進功授旗手衛

右所世百戶累調海盜守禦所泰傳忠忠傳兆兆

傳震震傳需需傳頌頌傳源源傳揖揖以陣亡贈

副千戶揖傳望襲世副千戶○按縣志姜泰洪武

二十二年授姜源正德十年襲姜揖嘉靖二十年

襲三十二年陣亡贈副千戶姜望嘉靖三十五年

襲泰以下忠兆震需頌五傳皆不載

補○許隆六合人洪武十八年由百戶陞許城洪

武二十年襲許敏正統三年襲許敬正統九年襲

許瑛成化六年襲許權弘治十一年襲許琨嘉靖

十五年襲按許氏七傳郡志皆不載余據縣志補

鎮撫一

潘國良其先本山陰人始祖諒以守城功授錦衣

衛左所世鎮撫諒傳儼儼傳俊俊調海甯守禦所

俊傳瑛瑛傳澄澄傳繼榮繼榮傳國良○按縣志

潘諒山陽人洪武三年由軍士陞潘儼永樂
十九年襲潘俊正統元年襲○潘瑛景泰七年襲
潘澄弘治七年襲潘繼榮嘉靖十年襲
尚未列名山陽山陰未詳孰是

戶

周應熊其先本定遠人始祖定真一日以征進功授
海盜所世百尺定傳順順傳綱綱傳全全傳經經
傳相相傳應熊○按縣志周定洪武二十七年由
總旗陞周順洪武三十三年襲周綱永樂二十二
年襲周全成化二年襲周經弘治八年襲周相嘉
靖十八年襲應熊名

鄭一魁其先本鳳陽人始祖福以父得眾征進功
授府軍右衛世百戶福傳全調海盜守禦所全傳
翊翊傳冲冲傳弼弼傳應賜應賜傳一魁○按縣
志鄭福洪武三十一年由總鎮陞鄭琬正統十三
年襲鄭翊成化二年襲鄭冲成化二十二年襲鄭
弼正德三年襲鄭應賜嘉靖二十九年襲未入郡
志翊上缺

琬一傳

只應奎其先本狄道人始祖納以征進功授權百
戶傳理火牙授臨洮衛世百戶調甘肅衛理火牙

傳忠調海盜守禦所忠傳政政傳勇勇傳能能傳
琪琪傳師卿師卿傳應奎優給○按縣志只理火
歹洪武九年授只忠洪武三十四年襲只政正統
十一年襲只勇成化二年襲只能弘治三年襲只
琪正德十五年襲只師卿嘉靖十九年襲應奎尚
未列名
理火反
上缺納
莊繼仕其先即錢塘人始祖貴成以征進功授江
州衛流百戶貴成傳敬調海盜守禦所世百戶敬
傳稟稟傳椿椿傳乾乾傳泰泰傳繼仕○按縣志

貴成以洪武十五年授敬以洪武三十四年襲與
以正德十二年襲春以成化五年襲乾以正德五
年襲繼仕以嘉靖二十八年襲乾下缺泰一傳稟
作與未知孰是

李韜其先本溧水人始祖勝以征進功授海盜守
禦所世百戶勝傳恭恭傳斌斌傳震震傳綱綱傳
霖霖傳深深傳韜○按縣志勝以洪武二十九年
授恭以永樂六年襲斌以正統十一年襲震以成
化元年襲綱以成十五年襲霖以成化十九年襲
深以正德十二年襲韜以嘉靖二十二年襲

陸科其先本泰興人始祖達以征進功授海盜守
禦所世百戶達傳政政傳昂昂傳魁魁傳照照傳
雲雲傳科科以運速陞副千戶○按縣志達以洪
武三十年授政以宣德四年襲昂以景泰六年襲
魁以成化五年襲昭以弘治二年襲雲以嘉靖元
年襲科以嘉靖二十八年襲昭照未
知就是
盛綱其先本樂平人始祖仁以征進功授府軍右
衛世百戶仁傳斌歷調海盜守禦所斌傳文文傳
玉玉傳鑑鑑傳昂昂傳山山傳綱○按縣志仁以

洪武十八年授斌以洪武二十年襲文以宣德三
年襲玉以正統十一年襲鑑以景泰二年襲昂以
成化十八年襲山以嘉靖五年襲綱未
列名

吳朝相其先本臨淮人始祖成以征進功授海盜
守禦所世百戶成傳勝勝傳龍龍傳榮榮傳斌斌
傳震震傳鸞鸞傳鑑鑑傳朝相○按縣志成以洪
武二十三年授勝以洪武二十九年襲龍以永樂
四年襲榮以正統八年襲斌以景泰三年襲震以
成化十年襲鸞以正德八年襲鑑以嘉靖二十八

年襲時朝相尚

吳翰其先本合肥人始祖忠以征進功授海寧守
禦所世百戶忠傳懋懋傳俊俊傳傑傑傳雄雄傳
綱綱傳誠誠傳翰○按縣志忠以洪武二十九年
授懋以永樂十九年襲俊以景泰六年襲傑以天
順八年襲雄以弘治五年襲綱以正德元年襲誠
以嘉靖十七年襲翰未
多餘百戶一

徐世卿其先本句容人始祖福慶以征進功授山

東寧海衛前所世百戶福慶傳禎調海寧守禦所
禎傳端端傳昱昱傳肩肩傳齡齡傳隆隆傳寶寶
傳世卿○縣志無多餘名亦無徐氏
幕職吏目一員係流官不載

余按諸弁之名載在郡邑志者其參差脫佚在
百戶猶十之二在千兵幾十之五夫縣志修於
縣諸弁咸在焉可面質也而反不若郡志猶能
攷其立功之所自更調之所歷至前列武職謂
百戶十員而列名止九姓尤不得其解矣多餘

之名郡志有之而縣志無似當以縣志為正而合之所謂十員者又非無說余故並存其疑以俟夫生斯地官斯職者

嘉靖中年以後余皆不敢問蓋有所畏云

附見

錢佩盜之長安鎮人嘉靖間倭寇浙閩從戚總戎督兵援興化仙遊等處以功授海盜所百戶後練兵薊鎮晉秩千戶佩弟某復從征兩廣以勦羅旁奏捷欽授海盜所鎮撫佩長子夢祥仲子應祥皆以邊功著

見吳夢非誌餘

杭州右衛世試百戶一人曰蔡文龍文龍本海盜人其始祖春以沙尤功授杭之右衛後所世試百戶尋寶授春傳霖霖傳恩仍試恩傳惠惠傳文龍按此二條錢佩查非寶授海盜蔡文龍亦系職杭州右衛俱與海盜所無與獨以其為盜人姑附之末以彰盜邑武功云

陳善議曰國朝官制武視文銜並崇一階所以重虎臣也乃世胄子弟往往玩國恩而不務學上官每賤之以是議者欲立武學夫武學亦未

忠

易立矣宜仿京衛武學規條凡應襲年十六以上者皆令入府學簡三學校職之有才畧者教以文事又簡武舉之諳韜鈴者教以武事平日講誦自孝經小學外如武經七書百將傳之類雖未能使一一精解而亦必令知悉孝大節與夫攻圍戰守之要指若騎射劍槊則每月按試之不中程者罰無貸至其入官後則又必以便宜從事凡遇考選年舉全浙衛所伍官更相推調使不得倚世官威望以凌虐本管股削培尅

如是而積弊可祛庶得其實用乎

附唐宋時兵制

唐會昌三年置鹽官鎮在縣西一百步名建盜鎮大中十四年遷於縣西北二百步朱梁開平四年改為鹽官鎮

唐天寶五載置烏山戍在縣東七十里烏山上以

山為名

今無烏山當即是烏龍泉山

宋高宗建炎後置砦兵于臨安凡十三其在鹽官者五

上管巡檢司在縣東南五里舊有青村二字為寨額置寨軍一百二十人
黃灣巡檢司在縣東六十里置寨軍一百二十人
硤石巡檢司在縣東北六十里置寨軍一百人
許村巡檢司在縣西北四十五里置寨軍一百人
赭山巡檢司在縣西南五十里置寨軍一百二十人
凡此皆土軍充之
尉司弓手一百七十二人
長安閘兵五人
七里鋪兵六人
長安六人
俞墓鋪兵八人

許村鋪兵六人以上俱見圖經
方外十之二

桑原亦誤業

自山川民物禮樂兵刑以及米鹹絲粟近取眉睫綿及今古而域中之事盡矣雖然滄業變易陵谷遷改大地百年咸歸幻泡夫巋然靈光其惟彼太空乎為誌方外○寺觀已詳縣志茲特據郡志及圖經畧訂其一二參差者而獨詳於歸併則縣志所未及也末即以禪玄兩家附之太平廣福寺其所歸併者二曰慶壽永寧寺曰南

觀音院

崇教寺郡志言五代成夫人捨園為寺邑志又言漢成夫人而皆引圖經為證云余攷圖經則漢戚夫人也盜邑水利有窺制亦始自戚夫人不知夫人何以至此寺所歸併者二曰圓明庵曰東林庵

真如寺相傳晉干寶宅其所歸併者十二曰寶嚴寺曰接濟院曰延聖妙智院曰闔濟院曰北永盜院曰上方延壽院曰接待朱何庵曰積寶庵

曰西觀音庵曰雪峯雙桂庵曰慧照庵曰正覺庵

真相寺其所歸併者二曰雪峯廣福院曰淨信院崇惠寺郡志云元至正年建縣志則云至大其所歸併者三曰四果華嚴院曰勝果院曰圓覺庵西山廣福寺在硤石紫薇山頂宋天禧五年邑人

宋坦捨宅建熙寧元年賜額壽聖隆興元年改是額兵燬元大德間重建其所歸併者六曰崇福寺曰瑞應觀音院曰東山廣福院曰黃坡庵

日永平庵曰興福庵○按圖經云東山西山各有廣福院楊璿二詩首題西山次題東山則郡志以前詩為章孝標題後詩為揚題崇惠寺非也縣志云併入西山近是

永隆廣福寺其所歸併者二曰水陸院曰出塵院金佛寺宋紹興間名上乘院其所歸併者四曰超王院曰淨居院曰惠明院曰戒壇院

永寧寺一曰縣西二十里一曰西北五十里其所歸併者一曰壽昌院

薦福寺唐會昌五年廢大中十三年重建元末燬洪武初重建其所歸併者二曰開福寺曰聖果寺

安國寺本寺別有志其所歸併者一曰興福寺延明寺宋延祐四年賜額縣志曰延恩寺其所歸併者六曰慶善寺曰常樂寺曰佛牙寺曰淨明院曰正法壽寧院曰觀音庵

東崗廣福寺晉德法師開山其所歸併者一曰圓明院

覺王寺元末兵燬洪武初重建其所歸併者三曰
定香寺曰南禪廣嚴院曰真如庵

紗淨寺洪武初重建其所歸併者六曰旌忠寺曰
雲龍寺曰惠泉院曰吉慶庵曰常樂庵曰雙林
庵

興福寺宋開寶二年建三年賜額縣志云熙寧元
年賜額其所歸併者二曰彌陀院曰惠明庵○
按嘉興志海鹽有禪寂院舊名興福院在治西
南十七里橫山下宋治平元年改賜今額祠顧

况為伽藍神以况舊居在寺側故今查盛志山
水類有橫山寺觀類有興福而獨無禪寂名不
知何故

資勝寺資一日聖晉天福七年名資壽宋治平二年改
今額其所歸併者三曰報國寺曰資福院曰海

雲庵

吉祥寺其所歸併者一曰普安寺

惠力寺唐季兵燬宋乾德中重建宋季又兵燬元
至正中重建僧宏道有遐觀樓詩錄別

淨信者晉天福中建其所歸併者九曰定惠寺曰寶林寺曰瑞像院曰白蓮花院曰普信院曰玉晨道院曰尹墅廣福院曰西庵曰大通庵奉真道院其所歸併者三曰長春庵曰真聖堂曰東山亭

葆真觀洪武初重建其所歸併者四曰玉虛道院曰延生道院曰全真道院曰玄真道院○按以上歸併俱據郡志郡志原據成化志○余按嘉興志海鹽有金粟寺在治西南三十六里金粟

山下吳赤烏中建今屬海鹽今查鹽志無金粟

寺

按鹽有夾山註云以其居金粟金牛之間故名豈牛屬鹽而粟屬鹽耶未詳

陳善曰今之黜二氏者皆執韓子之說為律令乃我

聖祖詔旨祇令歸併叢林而不盡撤毀何也毋繁盛以惑眾而第令焚誦以祝釐談冥報以化導愚昧所謂以吾道用二氏睿謨宏遠矣

附○圖經考異云慶善寺之兩廡有天台教院大理評事葛縈作記治平間令王競作圓照堂詩

刻在馬寺門外有石經幢唐大中間所立今志
不載○延恩寺建炎六年移額重建今志云元
祐四年賜額○普信院在縣北二里建炎三年
建係移府城外廢寺額因以之接待遊僧故邑
人止稱接待院今志佚○常樂寺在縣南一里
蕭梁大同二年建名永興本朝治平二年改賜
今額今志亦有常樂寺常樂庵而紀年殊不同
○南禪福嚴尼院在縣東南蕭齊建元四年尼
僧猛捨宅建五代漢乾祐中改名護國報恩禪

院大中祥符元年改賜今額今志云宋建炎四
年僧猛捨基建在縣西北世數方隅相去遼絕
矣○淨明院臨安志云舊名法明後改淨信尼
院治平二年改今名緣無尼僧慶元四年移額
於縣西南八十步仁賢坊鄔庵為甲乙僧院今
志但云在縣西南而不詳所自始○圓明院在
縣西南五十里唐元和七年建今志云西北二
十五里宋元和云云○淨居院兒童塔在馬係
移府城廢寺額按章瑋兒童塔記云直邑南隅

宮

有佛祠曰靈塔今廢近歲西南郊夜每有光訪之得一壞浮圖里老云昔此地有佛官里之兒童累瓦礫為小塔後壞於兵火所餘止此耳然則此非靈塔之遺跡與後共率力復建此塔寶元祐三年也又按橫浦先生記塔曾壞為道士居者二十年紹興七年重建並未嘗云在淨居院以為非淨居邪而今實在焉今淨居院竹園有元祐四年關景仁作周府君墓銘石刻末云葬於縣西靈塔院之東正合墓記所謂靈塔遺

跡之說意靈塔乃淨居之舊名也然章作記在前而尚以靈塔疑何耶抑關因章記而遽謂之靈塔邪是未可知也○四果禪院唐咸通元年建名羅漢本朝大中祥符元年改賜今額按章瑋兒童塔記縣西南有四佛祠曰羅漢曰文殊曰光明曰靈塔今所存者獨光明一刹世傳以為唐季黃巢焚掠無復尋證其說如此今以臨安志攷之開福舊名文殊四果舊名羅漢二院改額皆在本朝祥符元年而章作記在元祐三

年時改額久矣乃謂無復尋證何也記謂四佛祠在縣南隅今開福則在縣西四果則在縣東北大相遼絕疑是臨安志所載舛悞皆當以記為正○真如禪院按陳逸靈泉記云本晉千寶宅山上有靈泉井般若臺張橫浦先生有詩併書今志名真如寺不言橫浦先生有詩而張無垢讀書臺在菩提山載於古蹟則菩提真如之舊名也○極樂尼陀在縣東北四十步舊名常樂今志有極樂寺在東北又有常樂寺在西北

十五里又有常樂寺在西南三里○葆真庵舊在縣西南三里乃馬自然得道之所自然既羽化邑人陳乞立宮觀宣和二年賜葆真額紹興二十三年令劉偉移於縣東二里與嶽廟並今志不載劉偉名亦不著宣和二年而並收之紹興

禪宗

神

齊安國師海門郡人也生時辰光照室長依雲宗禪師落髮受具密契正法後宴坐無疾示滅謚悟

空禪師志

見郡志

○圖經云師能識宣宗於潛邸將示

寂之前竹栢盡枯及寂復生葬安國寺敕謚悟空

宣宗親製詩悼之今安國寺西廡有會昌間盧簡

求所撰鎮國海昌院禪門大師塔銘云禪師名齊

安則知鎮國海昌乃安國之舊名而師亦嘗有禪

門之號

餘詳縣志

鑒宗禪師湖州錢氏子依本州開化寺大德高間

出家學通淨名思益經後來鹽官決疑釋義唐咸

通三年往徑山有小師洪諲以講論自矜師謂之

曰佛祖正法直截無詮汝筭海沙於理何益但能

莫存知見泯絕外緣離切一心即是真性諲聞為

之茫然師後遊方至瀉山悟玄旨咸通七年示滅

謚無上大師

見郡志

守璋鹽官人七歲度為僧天資介特凜不可犯尤

工詩有柿園集行于世

見郡志

○圖經云師工詩有

松園集紹熙二年春孝宗皇帝幸圓覺寺因觀其

集親灑宸翰書其晚春一絕及邑士王恕和璋詩

一絕一賜僧德信一賜僧惟仰

了

德朋鹽官人守璋弟子紹興十八年入徑山禮真歌子禪師先一夕宿山下真歌夢雙月入寺詰朝方以語眾而朋適至心異之相與問答機鋒密峻講禪教四年二十三年有旨住崇先顯孝寺二十五年兩宣入慈寧殿陞座說般若義高宗奇之賜法衣給牒度其徒一人朋念璋老力丐退休久之復得旨住崇先又二年力辭歸乾道三年無疾示寂有澹堂竹筒和尚語錄詳見縣志志餘○圖經云德朋縣郭人其自崇先乞歸也侍守璋於松園復一

年已再出朝廷欲易住靈隱力控辭歸按此郡則志悞松園為柿園縣志悞德朋為德明皆非是惟尚鹽官人少苦腹疾百藥不治父母憐之七歲即祈佛出家於慶善寺及長行脚四方徧參古德已退歸墓廬與世隔絕久之郡邑嚮慕請住壽聖禪院院本雪峯師結庵故地圯廢之後荆蓁蛇虺集焉人莫敢居師住其中八年為剏殿宇遂成叢林尋謝歸舊隱已又住薦福因病復還舊隱未幾示寂壽聖諸僧為迎葬於院之西徧不忘本也張

無垢先生為之作記詳見圖經餘

玄宗

馬自然鹽官人一日錢塘人徧遊方外頗著奇蹟居恒嗜酒每賒酒於白塔巷之酒肆竟日沉湎一日謂其主人曰吾今得仙矣所逋酒債當重酬遂出橐中藥化其賣酒鐵器為紫金以大中祥符九年卒本朝嘉靖戊午武進薛公方山修浙省通志將置仙釋不錄七月二十四日有神降箕書曰丹陽道人馬自然幸大夫毋捨我公曰若欲入志乎

曰然遂不敢置

見郡志

○余按圖經自然卒在唐大
中十年而郡志乃云宋大中祥符九年悞甚自然
諸奇蹟詳縣志

貝國器鹽官郭店人嘗寓烏鵲橋事詳麗邑志以

其多異術列之方伎○余按國器與鐵冠道人
俱遊白下一事彼能通天人參造化之秘而方
伎中能有是人乎即據志言謂為左慈之流血

而
左慈可以方伎目否斷當與馬自然同傳

按寧邑禪院二宗據志尚有慧稜慧目智標普

智克諧宋解全琮諸人顧其事俱詳邑志無別見者故不重列

佚事 十之三

顏真卿少時嘗卧疾百餘日醫不能療有道士過其家自稱北山君出丹砂粟許救之頃刻即愈真卿自是吟誦之餘頗留心仙道其死于希烈也以興元元年八月三日時年七十七矣將縊時解金帶以遺賊使者謂曰吾嘗修道以形全為貴吾死之日但割五指血為吾吮血以給之則死無憾使

櫛

原亦誤
亦旁

者如其言已賊平真卿家遷喪上京啓殯視之尸形儼然如生手足柔軟髭髮青黑握拳不開爪透手背遠近驚異馬行及中路旅櫛漸輕達葬所空棺而已後十餘年顏氏之家自雍遣家僕往鄭州徵庄租回及洛京此僕偶到同缺寺見公衣長白衫張蓋在佛殿上坐此僕遽欲前覲公遂轉身仰觀佛壁僕左右隨之終不僕見其面乃下佛殿出寺門僕亦步隨之徑到城東北隅荒菜園中有破屋兩間門上懸僕子公使揭箔入僕隨隔箔子唱

箔

兒

啗公曰何人僕對以名公曰入來僕入拜輒作哭
聲公遽止之畧問一二見^レ侄手探囊中出金十兩
曰持歸救家費仍遣速去勿與人說僕還雍其家
大驚貨其金乃真金也顏氏子即市鞍馬與向僕
疾來省覲復至前處則滿眼蓁蕪而已絕無所睹
見太上隱者仙吏傳

勸

鄭薰侍郎主文衡得顏標卷謂為魯公後也時徐
方未寔意在激切^レ忠烈即以標為狀元及入謝問
及家廟標對以起家寒畯未嘗有鄭始知其悞時

有作詩嘲之者詩云主師頭惱太冬烘錯認顏標
作魯公士為傳笑見王保定撫言

馬自然嘗遊常州會宰相馬植謫官常州刺史聞
自然名邀相見因謂曰城中鼠奈何自然遂
書一符令人貼南壁下以筋擊盤長嘯鼠輒成群
來俯伏令^レ下自然乃呼一大者近堦前曰汝徵物

符
徵

何得穿墻穴屋晝夜擾相公且未盡殺宜便相率
離此大鼠乃迴率郡鼠于堦前作叩頭謝罪狀尋
作隊莫知其數出城門去自後城內絕鼠植一日

入

謂曰幸與道兄同姓請通譜為兄弟冀師道術可
乎自然曰相公何望曰扶風曰相公扶風馬湘則
風馬牛但見相知無徵同姓植乃益敬之
自然常與弟子王知微王延叟南遊霍桐山人長
溪縣界夜投旅舍主人戲曰舍已盡無宿處道士
能于壁上睡則可自然曰此易耳遂令二弟子睡
俗旅中而已則躍身梁上以一脚掛梁倒睡主人
見大驚俄復入壁久之不出主人相謝乃移二弟
子入內淨處宿及旦主人留連忽失所在二弟子

幻

前行數里則自然已在道傍矣自霍桐回永康縣
駐天寶觀觀有大枯松自然指之曰此松已三千
年當即化石俄松果化石他奇幼皆類此自然所
遊行處多題詩句見蔣防
幻戲志

馬自然湘貌醜臚鼻禿鬚大口飲酒石餘醉卧即
以拳入口人有疾病告之即折薪草呵之與食病
即立差嘗自吟曰昔日曾隨魏伯陽無端醉卧紫
金牀東君謂我無情賴罰向人間作酒狂後往梓

州上昇

見于
奇錄

顧况在洛乘春與二三詩友遊玩中偶坐流水上見一梧葉漂來取視之上題句云一入深宮裏年年不見春聊題一片月寄與有情人况明日亦于上流題一葉放之波中詩云花落深宮鶯亦悲上陽宮女斷腸時帝城不禁東流水葉上題詩欲寄誰後十餘日有人于苑中尋春復得詩以示况詩云一葉題詩出禁城誰人酬和獨含情自嗟不及波中葉蕩漾乘春取次行見孟答本事詩白尚書居易初應舉玉京以詩謁顧著作况况睹

姓名熟視白曰京師米價甚貴居亦弗易及披卷首篇咸有陽原上草一歲一枯榮野火燒不盡春風吹又生之句乃大嗟賞曰道得箇語居亦易耳因為之延譽聲名遂振

顧况志尚疎逸近于方外有時宰曾招致將以好官命之况答詩曰四海如今已太平相公何用喚狂生此身還似籠中鶴東望滄洲叫一聲後吳中人皆言况得道解化去

至德中顧况子年十七而殤游魂不離况所况悲

苦

啼不已作詩哭之曰老人若喪子日暮泣成血老人年七十不作多時別其子應之曰若得輪迴當復為顧家子况果復生一子七歲不能語其兄戲批之忽曰我爾兄也何敢批我因叙數年前事無一不合蓋即非熊也見李綽尚書故實

吳郡有通玄寺孫權吳夫人捨宅置也晉建興二年有漁人夜見二石神像浮于水面光明燭天郡人因迎入郡奉之通玄寺梁簡文帝為制石佛碑則天時改通玄寺為重雲寺開元五年賜重雲金

魚字額而舊通玄寺則移置鹽官縣東四十里鮑郎市其後二像失一里人補造以並之見吳地記

張子韶謫大庾時得目疾後為永嘉守中風辭祿還鹽官紹興二十九年三月望夜夢人引至一寺見懸已像其中駭曰何以得此人曰公異日當主此地然待公見了玉帶即來今尚未也及寤召門人即擘語其事皆謂玉帶吉徵疾愈且大拜也至六月二日疾頓除即日拜謁先墓既往所親家宴集居五日與諸生讀江少虞所集事實類至章聖

東封丁晉公取玉帶事怒曰丁謂真奸邪雖人主御物亦以術取因廢卷不憚而入是晚疾乃復作遂不能言翼日紫玉帶之夢蓋如是驗云見郡志查覺庵先生在世宗朝以抗疏忤旨詔廷杖瀕死謫尉定邊後乃復起累官大京兆先是二十年前先生一夕夢遊天帝所觸譴瀕危俄見一石室光明如晝室中扁春回二大字則其事蓋前定矣先生因是作紀夢詩有九重天上回春日二十年前夢裡身之句

祝主事某家有牧羊兒年十餘歲一日牽羊歸就午食庖婦故不與兒去泣於田間一道士過見之問曰汝何哭告以饑甚道士出懷中黑丸大如龍眼授之曰食此當得飽勿嚼碎兒吞之覺腹中充然道人戒曰勿語人也遂去兒暮歸不求食明日亦不饑如是者五六日庖婦疑其盜他食白主人主人窮詰之兒乃吐實主人異之乃令他兒與俱仍往前處囑曰若道士復來則一人力挽其衣一人歸報二兒如言往則道士又至矣語兒曰何故

洩吾語兒曰畏主責耳道士以一手支其頷一手擊其項前黑丸自喉躍出復藏諸懷兒問此何物曰此所謂交黎火棗也時主人聞報急趣將及百步則見道士雙足陷入土中稍近益下僅露其首既至則窅然滅跡矣視地絕無隙穴及回首而道人已在隔岸拱手欲從末由也自是牧兒食如故吾鄉載區人蘇盤時為祝塾師親見其事庚見陸編紹興辛巳冬虜人南侵朝廷遣大軍東屯以遏其衝時主將每遣小校四出偵探有何兼資者領眾

至六合西忽見一軍自西北來其行甚疾號令下寨兼資與所部隱廬荻中須臾聞傳令曰蘆林中有人否一人曰彼生人與我無涉兼資知其為鬼兵也乃向寨門請見曰某宋劉太尉下踏白軍也頃之召入見中一人坐有如天神而四人分坐左右兼資拜問神兵何事西向者曰此天蓬神司主事我四人則張巡許遠雷萬春南霽雲也兼資曰唐書言大王守城凡食三萬餘人信乎情曰有之而實不然所食皆已死非生人也兼資曰張大王殺

巡

雷

愛妾許大王殺愛奴皆以享士信乎曰非殺也妾見孤城危効死自刎許奴亦緣憂怖死因烹以享士蓋以堅眾心耳兼資顧當面上一癥問曰何故雷曰當時實着六箭而五着兜鍪賊傳吾面中六矢不動吾亦當之亦借此以威虜耳須臾行酒惟天神不食良久巡謂兼資曰歸語汝主將吾奉天符助兵此虜狂悖尋當取其首以報上帝語訖命引兼資出及至舊所無復人矣不半月有皂林角之捷未幾逆亮有龜山之禍皆如其言見雜說撫青

張子韶云庾嶺舊傳有梅詩人往往借此為江南春信余到此數年曾登嶺上徧覓不得一枝成一絕云詩人嘗說嶺頭梅往往春風自此來我到嶺頭都不見空將春夢又空回

張子韶謫南安居寶戒寺寺依城址多大蛇一夕登廁足若衝門楔身幾倒躍然一物其聲如鷲急以燭索之乃一大蛇也兩頰時時弛張怒則烟焰噴人齒如棘刺搓牙於外子韶平日不殺特令人殺之而為之偈曰含怒蓄怨幻形至此反汝真性

易生以死

卷十

三

子韶在南安有一老兵長在左右子韶恒子夜時與子侄說文字或至二鼓老兵不去因謂曰汝老自去眠老兵云每聽侍郎說書某便喜眠不着但恐諸小官人欲睡耳子韶為引至燭下見其兩目熒熒口叻噏噏欲語喜色滿面子韶大笑曰不意到此乃見知于此老

子韶居南安時堂之東廡有二燕巢一巢子燕已出且空其一巢尚有數子待哺一日母燕出竟不

歸諸雛悲鳴不已子韶憐之為移置空巢冀其同類或飼之也已燕至遽驚視不入輒去須臾復來啣一物至如乳哺狀子韶心喜更一二日復往視則見諸雛皆挺足張口死矣細視之口中一一皆有荆棘梗其喉舌子韶為嘆息久之曰物之妬尚如此世有妬人當艱難險阻之際而欲其相恤得乎

張子韶兒時嘗夜行通衢脚下若隱一物取視之乃庚釵也即仍納脚下久立不去家人問之亦不

言已一婦倉惶來若有所失者急問之婦人以其
小兒也置不答因又呼之云汝不失物否婦輒回
云云乃使自取脚下物婦感謝子韶不顧而去時
同行者群聚嘆息已既宦達有舉此事問其有意
無意者子韶曰爾時吾年甚幼但知他人物應還
他人理自如此豈論有意無意

張子韶讀史至鄧攸遭賊追迫止携弟子以逃而
懼已子之戀戀也輒縛之樹不顧去攸後竟無嗣
謝太傅曰天道無知使鄧伯道無兒子韶曰天道

不遠人情爾時即勢不能俱不得已而遺之路猶
顧盼而幸其及乃至縛之樹使欲逸不得人情滅
盡矣奈何咎天道已渡江得一妾甚寵問之乃即
其外甥女遂終身不娶蓋天亦惡其不情而故以
此愧之也

張子韶一日餉客令庖人作鼎羊救致修潔庖人
遂去故釜創於庭樹之陰火鼎方殷芬香暢達微
見庖人以手加額作默禱狀須臾忽見一鷹俯首
長鳴鼎味四出流液於地肉皆狼籍群鷹翻飛上

下攫搏不已其狀甚怪時庖人色甚怒口若誚罵者子韶因叩之庖云此間有一窮神某方禱之旋即致害意蓋欲先薦也子韶因笑曰吾聞人之鄙者目為窮鬼神亦有窮者乎予十日不食肉今因餉客而思一食亦既窮矣而又有神之窮者以勝乎鬼其說不得不書

張子韶曰余少年處鄉校看書必達旦一夕寒甚將四鼓偶爾得意看之尤力忽見燈側有類吾者危坐於前意以為鬼物也更增膏燈爍爍然有光

神驚愈醒瞪目視之其形不易須臾定目靜觀乃不復見矣已而就睡朝起以語同舍生同舍生同云此公之元神為公所役故離形別處亦鬼物也後乃稍至四鼓即寢蓋理或然云

張子韶解尚書兼弱攻昧取亂侮亡二句謂蔡傳甚悞聖人之心豈忍乘人之弱而兼之亡而侮之仲虺此語乃戒湯也虺既歷言桀之惡湯之德謂桀當代而又恐湯恃兵之可用將有不戰自焚之災故又戒之曰兼人者必自弱攻人者必自昧取

人者必自亂侮人者必自亡蓋戒之之辭也後世如秦併六國便是弱昧亂亡之明證

于恕者張子韶甥也恕一日侍舅于新淦因會杲老和尚子韶令恕拜之恕云素不拜僧子韶云汝姑叩之恕遂舉中庸首節三句以問杲老曰凡人既不知本命元辰下落處又要牽他好人入火坑如何聖賢於行頭一着不鑿破恕云師能為聖賢鑿破否杲曰天命之謂性便是清淨法身率性之謂道便是圓滿報身修道之謂教是百億化身恕

打

得以告舅子韶曰汝拜何辭恕曰拜固不辭不知杲公于父母不拜何故子韶笑曰那得此法來恕曰恕拜杲公何法子韶因大笑曰子莫是禹聞善言否恕笑而揖之此橫浦集條

顏真卿十八九時卧疾遇異人出丹粟許救之既

以愈因謂曰子有清簡名已誌金臺可已度世上

補仙官不宜自沈名宦之海若不能擺脫塵網去世之日可以爾之形煉神陰景然後得道乃復出丹一粒授之戒曰抗節輔主勤儉致身百年外吾

期爾于伊洛之間矣

以下俱見吳夢非志餘

唐宣宗龍潛時在鹽官師座下為沙彌時黃蘗運禪師為首座一日黃蘗在殿上禮佛宣宗問曰不着佛求不着法求不着僧求長老禮拜當何所求黃蘗曰常禮如是事宣宗曰用禮何為黃蘗便掌宣宗曰太麓生黃蘗曰這裡是甚麼所在說麓說細隨後又掌

無垢先生未貶南安時一日寓鹽官小蘭若忽夢水行陸步遠至一所城郭山川風俗人物的的在

目已亦寓一蘭若似悒悒不樂者覺而記之不數日有南安之命及近南安城舉目所見宛如夢中舊遊也入城其人物風俗亦然入所寓僧舍亦復如是不覺嘆息事固有前定者

無垢先生居恒每懸本朝諸名公畫像晨起則盥手焚香拜之且曰胸中微有愧怍見諸公有何面目一夕風雨大至多所漂毀懸像狼籍滿地先生起見終日不樂或解之曰諸公以先生禮意太勤假風雨去耳先生曰豈有此理諸像則韓魏公司

馬溫公趙清獻蘇長公諸公也

先生謫南安十四年談經自若手不停披每執書就明倚立庭磚歲久雙趺隱然嘗手執一扇過數夏破即補之一皮履污敝闕裂亦不易頭上烏巾用疏布漬以墨汁溽暑致墨汁流面亦不問也書用秃筆故紙衣食一切無揀擇其麤惡皆人所不堪云

或曰張無垢家舊畜犂帶一胯文里縝密中有一月影遇望則見蓋犂牛望月之久故感其形于角

理或有然

張天雨九成六世孫悟揚許遺書於茅山其師亦莫能測趙孟頫揚維禎謂在陶貞白上其為文學韓愈詩宗大冢諸子書逼李邕畫水石似蘇軾時虞集楊孟載劉基姚公受諸名流交口推重馬施德操與張無垢友善一日賦楊柳有春風兩岸客往來紅日一川鶯去留之句無垢見之曰此吾友彥執詩也不見柳而柳自在其中詩之工美未有過於斯者

州

焦中山千一承事世居鹽官周西隅雍熙四年三月夜夢一將軍威勇絕倫自稱許遠旦起即塑其像於家奉祀歷西_北十五年至天聖九年遂捨地立祠思張巡同時報國並塑其像時王可回曰中山一邑之義士為立坊於本巷號忠義坊其里即名忠義里孫焦貴字天爵中浙試甲子解元餘杭宋某家有妖術子孫世其傳恒剪紙作人馬衣甲驅之作祟萬厯初年鹽城喧傳有妖魔每乘夜入人家凡睡牀上者便有物壓之悶眩欲絕是

為黑青一時門額俱貼符呪及天師神將夜則各畜水鳴鑼以待亡何忽滅咸謂宋相公家收歸去也

庚申七月旱米價騰貴諸素封皆珍米俟高直於是萬姓嗷嗷奔糴無所一二雄黠者遂率眾撞大戶之門乘機搶掠時別駕胡公署縣眾拽之出跟踉市里至推跌折其指丞簿悉逃竄如是者十餘日居民震恐適練兵把總季常知烏合之眾易於驅散乃密令武士數十各持兵器忽由安戍門突

入詭云督府遣兵剿亂賊喊咆四起一時亂者煙
消雲舉而去至今人多季常之知云
永樂間曹景暉以癸未進士與館選稱五鳳齊飛
之一值大駕謁陵上指石問何物奏云仲翁科臣
劾之遂調外時好事者為占一絕云翁仲如何作
仲翁皆因書讀欠夫工才拙豈宜林翰苑只好蘇
州作通判

藍邑絕少名筆獨玄武宮奉真道院四字筆法適
勁的係顏魯公書而縣衙帥正字二亦為趙松雪
筆安國寺宋理宗御書碑名妙智之閣字法雄渾
入神惜寺僧不韻埋没于金剛墻壁間耳

僧真宗守藏院一日晒經龍風陡作飛去三函兩
函落橫塘民家其一飛至蕭山縣界一人得之檢
視有海昌藏院印記乃渡海送還遂成完璧
菊花燈為藍邑三絕之一然大即不能圓美惟雙
忠廟一架大如五石瓠小亦如三斗盎精美絕倫
真二百年物也一縣令載去風濤大作仍遺祭還
後乃燬於回祿併鐵梨檻一具長三大餘者亦煨

遣

燼馬

麻衣和尚不知何許人長九尺魁岸絕倫冬夏但以一蓆衣蔽體赤脚露頂每食可三四升饑亦可數日行則群小兒涕隨之或施以錢即散與群兒有厚施之金帛者不受也亦好言人家禍福間用符水療人疾

寧之縣衙門傳有一女妖為崇螫首蛾眉艷冶絕世其去來往往自古井蒲陽林侯在事時女嘗游戲來親狎或退公默坐女輒為之和墨薙掃侯亦

不以屑意人以此服侯之膽云侯名恭章

進士

雙忠廟協祀五公其籤每公各占二十祈者先期齋沐及往路遇人勿與揖亦勿言笑則籤必有奇驗不則得罵籤蓋中有數籤多著譴語名曰罵籤所以徵不恪也相傳籤句為張子韶先生撰撰成擲潮水而祝之曰逆流而上則用言未已果逆流

上遂送之廟云廟籤頗多奇驗但語甚

萬曆十六年亢旱禾盡稿百計求雨不得邑令陳

公所敏乃仗劍斬龍王廟之龍首須臾怒潮奔湧
殿中柱礎皆沒官吏望海拜讖罪有頃潮乃退
許睢陽祭鬻文為世所稱有太乙先鋒蚩尤後殿
蒼龍持弓白虎捧箭語其祭城隍文有胥井鳩翔
老堞龍攫其與張巡真文武全材也

寧誌備攷卷十一

遺文

綠遶堂記

余至海昌之二年既葺故庭而新之榜曰仰高矣直亭而南不十步有堂巋然上漏旁穿左右之柱苟勿壞前楹僅有存者三之一就其中增崇之為室方丈今亡矣不知廢於何年追尋遺址尚可想見詢之里人張似之云綠遶之名得自張橫浦先

陳申謨邑令



當湖趙維寰輯



皆

生蓋取王荆公一水護田之句諷在職者使知農
田為重務意也余特加脩緝以著遺範堂環向背
牕戶無所恃為固易傾圮稍於其西立壁俾無頽
陽橫雨之窘移植醱醱於後即廢址為架敷條舒
蔓其下可坐十人餘則盡循其故春夏之交雲隴
收黃雪縹堆白稻田桑野葱蒨彌望主人休其心
於觀相彈琴不下坐見穎粟堅好之寶邑民相與
飽食而嬉里胥足不及門賦輸告辨吏責塞矣若
乃春月流天惠風飄香燦朱之韋紅爛花燭之

流光合楮促坐酣歌醉舞委治課於亡何有之鄉
則非先生命名之意余恐有耽斯堂之勝而以民
事為緩者故併書以記

仰高亭記

陳申謨邑令

海昌邑治凡為遊憇之所五茲亭表出木末下瞰
河兼盡登臨之勝他莫及也屋大敞日益甚客來
不旋踵去之懼將壓焉予初至官歲仍饑終日理
訟牒局束凡案上無暇絃歌之適足跡不至亭者
累月明年春一雨涉兩旬椽撓瓦墜向之循者今

傾凡

涼

且仆又竄計亭之有無失今不葺異時者或訪故址於荒榛草棘中間所從壞必謂余始也余故因其傾而正之易其撓者而新之前除有古桂參立如拱揖然主人立亭上笑語聲落亭下市之東西行者必舉首駢肩以望亭故有名不雅馴乃取杜子美句更以今名顧余方折腰五斗負弩矢役事上官走吏持一紙文書至庭占報小緩則出不孫語低頭愧見野人其為卑辱莫甚每一登亭窺月窟之清華挹玉宇之源颺使人心開目明飄飄然若凌青雲而上層霄直將挾飛仙以遨遊也豈不亦甚可樂哉後之覽者能勿誚余以卑之無甚高論幸矣時在淳熙十有一年九月既望三山陳申記

丞廳記

陳昱謨邑丞

縣之吏長曰令貳曰丞丞之品卑而於縣無不當治實贊令者也官稱疑丞已見於古自秦漢後又有丞相之號逮今宰輔之屬御史之副卿監之佐皆置丞焉雖小大之治貴賤之位邈然不同其為

貳以贊其長則均矣且百里以為縣付之一令政
無巨細事無緩急是非予奪悉聽裁決有簿以謹
籍有尉以職警惟丞無所專凡令之治皆得而可
否之丞之事豈不重與令賢若才則拱手坐觀其
成否則必責於贊佐詎可虛丞也顧勢偏位等丞
多犯權令不少貸則令與丞或不相容而儒者畏
此至不事事特充其員焉耳昌黎公記藍田壁曰
勢反出簿尉下意正謂此國家脩明百度董政治
官自崇寧來縣有令者悉補丞鹽官為抗支邑負

山帶海戶三萬布穀饒衍商賈阜通賦多訟煩加
於諸邑吏不勝其治分於丞者良亦不簡乃縣之
有丞也甫十年設官之初每事草具廨舍隘陋而
又枝梧補苴殆不堪處政和六年余來為丞偶值
賢令繼治得以委蛇退食顧所居圯壞意一新之
明年乞厥費於常平使者得錢十有五萬又
遺利稱是孟冬始作增故易新為楹四十閱八十
有五曰而成夫詔令簿書廬舍皆治具也可廢其
一乎為治者獨奉詔令嚴簿書至廬舍則不以經

意謂奉養之私疑於嫌至不易一瓦木以博寧靜
名蓋不思之甚也又奚奉詔令嚴簿書之足云因
記以告來者政和八年正月朔旦建安陳昱記
丞廳後記

張少良撰 邑人

廬陵歐陽公克世丞鹽官之明年歲大稔民輸無
逋迺財餘於縣庀材募工因故宇之敝而葺新
之由寢至堂貫以大屋傍設窗檻內自庖廩前及
門廡增新易舊各當其所於是丞之居遂甲於邑
寮邑人張少良因其請而為之記曰官有舍居者

治之職也人情為己亦然便安是適卑庠是恥其
習於窮陋頹圯不振以苟贏其身者非窘於財則
憚於役非鹵莽於奉職則忌不以利遺後人賢與
能弗為也然官有閒要則役有難易丞邑佐也束
手令下不得擅舉必咨可於令文墨奔走之吏不
足使令於他司則丞乃往往獲用平居庭可設雀
羅一旦興役孰與共事者公之為是舉也嬛嬛乎
其勞且難哉舊宇改建於政和之八年迄今五十
餘載公之前歷政不利七年之中以家難若病且

不祿不及終更者凡六人其懷章而不至者又幾年用是廢益甚公至則有壓馬之虞徙客浮屠舍及瓜纔數月耳工既集終其去不一日居馬原其用心秋毫不顧已而厯若是非才足以副其志弗能也昔魯有叔孫子所館必葺去之日如始至左氏書之君子以為忠公今葺而弗居賢於叔孫子矣述其事以諭來者少良所不敢辭也公字似之文忠公之曾孫云時在淳熙四年正月日
宋縣令舊題名記 佚其半 無名氏

天下之職惟縣令於民為最近古以為教化之本今以為仕進之漸古之秩優而任簡故教化溘而風俗一今之勢輕而責重故仕進急而賢愚混古得之於擇才今失之於限考故雖有慈惠強果通敏端潔之士跼於位卑權小而欲設施事業振起功利安可得哉以是及期而來任滿而去苟逃瘵官馴至美爵者比比然其間能期會簿書督責賦稅使民不敢越郡而訴吏不能肆已之巧者亦足為善令矣大梁劉君誠之以文章登進士第以器

恩撫

能被當塗薦試刃茲邑希蹤往哲以因授棨與春
同熙以威肅奸與秋同列刮磨病弊脩舉廢闕有
一未及歎然於中嘗欲以下脫簡按查題名在

天聖中有劉舜卿在嘉祐中有劉拱在紹興中
則有劉偉劉開士敘中所謂劉君誠之未知其
謂誰也按張無垢作續題名記云縣舊有題名
自雍熙至崇寧止查崇寧以前止有劉拱拱在
嘉祐五年去崇寧已歷英神哲徽帝諸亦幾五十
年矣其在拱後者又不知誰為記也姑存其疑

以竢

宋縣令續題名記

張九成撰 邑人

無為胡旣與立紹興戊午三月以學行承天子命
來宰是邑下車之明日出條教數章告吏若民行
之期年百廢具舉頌聲載塗郡太守郡刺史文章論
薦邑中士君子至交袂相賀蓋喜斯道之復見
縣舊有題名悉書前令名銜自雍熙至崇寧止

恪
慨然曰盤盂有銘几杖有戒所以警不明而懲
不慘也令賢不肖指其名以詢於眾雖百年如前

日事使人恐懼歆慕其可廢也哉乃考諸圖牒稽諸父老得十有四人刊於碑陰且求余為記余辭不獲命因為之說曰昔公琰非百里之才淵明有束帶之嘆後世動以藉口是皆聖門罪人昔吾夫子為委吏則曰會計當為乘田則曰牛羊茁壯長使推而宰天下即伊周事業也百里之地有民人有社稷足以行吾所學又何蔣陶二子之足法哉後之君子毋惑於邪說毋忘胡君恐懼忻慕之意庶幾見吾夫子用心而不為聖門罪人紹興九年

三月二十五日左奉議郎充秘閣脩撰提舉江州

太平觀賜紫金魚袋張九成撰併書

宋監稅廳題名記

朱鐔監稅官

姑蘇朱鐔司征海昌之一年訪諸故老得中興以來居是官者凡三十人嗟歲月之邁邁恐姓名之湮沒謹書而刊於廳事之棟間庶後之君子因有攷焉開禧丁卯良月中瀚識

宋買納廳題名記

王墀買納官

聽有記所以記居官者姓氏去來之月日也其人

已

賢固將因姓氏月日而得之其不賢亦將因而得之是則聽之有記非徒姓氏月日之謂勸戒之道實寓焉是烏可以鹽官有監肇自太平興國所以總納諸場之鹽課如上管下管蜀山巖門南路袁花黃灣新興皆隸於此其廳治在縣南一里許考之圖經舊曰臨平監而後改今名總催煎場十而今止存八至其所以更廢之故則缺焉不書歲合八場之合以石計者凡十三萬九千有奇在臨安四場中為最大宜其體存事備乃問之廳記則闕

額

如也豈歲月之久其間或有所湮廢耶抑亦事務叢委不暇顧也余竊念之因求諸故實則紹興以前已無得而攷紹興以後名氏僅存而大畧亦可睹矣則其為不暇顧與或有所湮廢也固宜有如此年海鹽之郭公棐金華之唐公仲義皆自是更秩人多稱之而亦於是不足及豈其不屑也或曰不然彼二公者近不及半歲遠纔越歲餘或承前人廢弛之後或當好事紛更之始補苴罅漏因事制宜如錢弊於混淆則為之名分件別而使籍有所

寧誌備攷 卷十一
攷如鹽患於耗折則為之抱欠還剩而使責有所歸上下始安詞訴乃息鹽場至於今不廢繫誰之力也且子三年於此不有彼之勞安有子之逸不有彼之始安有子之終然則非彼責而實子責也余曰然於是以其得諸故籍者紹興以來凡十有六人悉刊諸石使來者有攷云慶元三年閏六月初吉文林郎監臨安府鹽官縣買納鹽場山陰王墀記併書

催煎廳題名記

談鑰撰催煎

漢會稽郡海鹽故武原有鹽官唐代宗時推鹽杭有場臨平有監今之鹽官縣即武原之舊鹽官買納鹽場即臨平監之舊而蜀山諸場即杭場之舊也蜀山名見隋志在縣西南二十七里瀕海斥鹵催煎官寓治焉又西南十餘里有巖門山亭夔相接總曰巖門蜀山鹽場紹興初海岸傾圯乃移治於邑南百許步兼下管催煎淳熙中又兼上管今所統之場四俗稱西四場者是也鑰叨第赴調授任於此及缺聞鄉先達言父祖為是官時事簡課

辨自初宦至秩滿率用賞極選階私竊慰幸謂賞非所覲得優暇習故書足也暨至眎事按籍則職務叢委課或虧負文移呵問時時有之與所聞弗稱豈時與事異耶抑因仍以至是也載念古昔廳有壁記所以識名氏為勸戒聲叟營道刺史之作最為直筆今邑官諸廳悉有之此獨虛闕嘗有意焉承乏之三月竭慮補罅事稍就緒會邑甚早使者以朝命差稽察賑濟督課之外賦廩勸分為日不給既又被鹽使檄監仁和納場又易押黃姚袋

兼本司主管文字今年二月始力請得還以溢額犒格得錢三萬又得石於邑長因詢訪前政得龍渡以來十八人命工鐫刻疑者闕之若其人之如何鑰疎戇無能測識稽諸既驗則已有持節衣繡者把麾凝香者乘二車而五子蟬聯挂籍者階陞朝列而後嗣登瀛握蘭今為本道憲使者其間蹭蹬不偶者亦不少去此未遠而未躋膺仕者亦有焉雖福善之應間有未盡而天定之際或不可知使繼此者觀之庶幾有攷且得以屢書貽後云瀆

熙十六年十二月朔吳興談鑰記併書

南路鹽場題名記

陳桂 催煎官

官所居有題名所以紀去來之年月使後人有攷也催煎卑職越在海濱不與邑官等去來若不足計然此場課額以石計者歲六萬五千有奇較他場差重彼皆有壁記而此獨闕至創始更革之因亦無所質訂豈舊皆武臣克此不以是事為急耶抑廢弊久因仍不暇及也今撥隸帥府場事一新又更端之大者是烏可無記因詢前政嘉定前姓

氏湮沒已茫無可據自壬午改用文臣得吳文林而下數任請刻之石間以示後其攝職者去來非一莫記月日姑隨所傳繫於正仕之下庶併有攷云時淳祐五年仲秋朔日監臨安府鹽官縣南路鹽場兼浙西安撫使司僉廳永嘉陳桂識

放生池記

傅益 撰 邑尉

宋有天下餘二百年列聖相承專以仁覆宇內郡縣之官惟思所以奉行上意雖動植至微之物各得遂其生養之宜故於震索之日守若令必率官

吏致高呼之祝且集羽毛鱗介之屬為亭以臨縱
之盡臣子報上之義也鹽官放生池舊在安國寺
左歲月滋久亭圯不治地復隘陋無所容不足以
推大好生之德然邑通天府令多疲精神於簿書
獄訟欲更創而新之未遑也聖上嗣位之四年沛
澤洪深浹洽萬類朝奉郎知縣事臣施柏考書三
上人安以舒百物順成乃經理縣之北郊面湖為
亭三間基址宏敞波流洋洋延袤通達即放生之
名以揭於榜克廣帝心虔祝皇壽俾曰飛曰潛翔

借

舞懽躍極天淵之樂獲與斯民借躋仁壽之域顧
不偉與是役也不勞民不侈費始於七月之初以
八月晦日落成邑人聚觀嘉賢令之愛君也為刻
堅珉以傳永久時在慶元四年

顏魯公碑記

米黻撰

魯公為盧杞所忌李希烈反杞首議遣公往諭諫
者甚眾德宗問杞對曰真卿朝廷重臣忠義聞天
下誰不憎服臣常父事之今遣使不為賊憚則辱
國紛紛之言何足聽陛下當自斷之毋惑眾意德

宗不能奪遂遣之人知公不還矣親族餞於長樂坡公既飲乃躍上梁跳躑謂餞者曰吾前江南遇道士陶八八得刀圭碧霞餌之自此不衰嘗云七十後有大厄當會我於羅浮山此行幾是與次汜水恍遇陶笑謂曰吉吉指嵩少而去後公死於賊賊平家人啟瘞狀有金色爪髮皆長如生人歸葬偃師北山先生塋後有賈人至羅浮山遇二道士奕即而觀之道士問曰子何來曰洛陽其一笑謂曰幸托書達吾家許諾即扎書付之其題曰至洛都

偃師縣北小顏家及往訪之則塋也守塚蒼頭識公書大驚問狀皆公也因與至其家白之家人大哭卜日開壙發棺則已空矣嗚呼杞欲害公之人而不能害公之仙也烈杞等賊耳賊之殺人有常刑公之死且不朽又況不死耶元祐三年適睹郡人新公之祠因得謁拜公像其英氣仙骨凜然如在嘗閱洛中紀異戴公前事考史所載杞拜公於中書與對德宗之言姦人表裏無迂則公之仙復奚疑公之大節紀載甚多而論次於林公之文為

備固已激忠義之頽風沮陰邪之羞魄至仙真事
吾又以刻於碑陰為貽續仙傳者襄陽漫士米黻
記

魯公祠記畧

曾子固撰

畧曰公初以忤揚國忠黜守平原知祿山必反預
為備祿山既舉兵公與常山守杲卿乘其後賊之
不敢直窺潼關公與杲卿撓其勢也公在肅宗朝
數正言宰相不競斥之已為御史唐旻所搆輒斥
李輔國遷太上皇於西宮公首率百官請問起居

說

又輒斥代宗時元載欲有所壅蔽公極論之又輒
斥德宗時楊炎盧杞相益惡公所為連斥之會李
希烈陷汝州杞即請以公使希烈而公遂死余觀
唐之朝臣多畏怯觀望有能一忤于世失所而不
悔者蓋寡至於厯忤大奸顛跌頓撼經七八死而
始終不以秋毫動念者惟公一人非篤於道能如
是乎此足以觀公之大也夫世之治亂不同而士
之去就亦異若伯夷之清伊尹之任彼固各有義
焉夫既自比於古之任者矣乃猶睠顧徘徊隱忍

汙世其可乎故孔子惡鄙夫不可與事君而多殺
身以成仁者若公非孔子所謂仁者歟

一經堂記

貢師泰撰 尚書

一經堂者海昌朱肅齋氏名之以訓其子叅政周
公伯溫所書也肅齋之子鎡從余遊間致其父言
請余為記余謂六經並載聖人之道何獨取一經
豈不以漢章賢有一經教子之說耶不然將先明
一經而他經從可明也夫經之目有六為說不同
而道則未嘗不貫於一三五以降歷世益遠於其

章

垂訓立教不過數十言而止至吾夫子贊序刪正
更加述作可謂極盛實亦不過數百卷而止耳以
數百卷之書明數十言之旨簡易精潔如天地運
行如日月照臨其道未嘗不廓然而公燦然而明
也及秦漢諸儒各出已見務為專門論議詆訾朱
紫混淆於是簡冊之後棟克牛汗既以湮塞聖道
磔裂經旨不可究極而近世科目之設則又餌之
以著述誘之以詞章蠱之以記誦假之以經術遂
使海內之士疲精竭力靡然向風恣為新奇之言

巧飾頗辟之見一切逢迎苟合以邀進取而六經始為釣功名利祿之具矣嗚呼大道之晦一至於此可勝嘆哉向非周程張邵朱呂數君子者出孰能發微言於既昧之中尋墜緒於不傳之後乎而今之學士大夫執其全書因以潛觀默識旁通曲造則亦幸矣然亦有讀書萬卷而實無一言之得者有深一言之要而終身守之不失者其故何也道之明與不明而已是故明經所以明道道明則經無不明而錄也又文公諸孫強志善學庶其幾

有得於此與不然雖日誦六經無益况一經哉

謁雙仁祠記畧
沈友儒撰 邑人

配

余作協忠廟記既成忽夢有二神者謁余而請曰吾烈不減張許盍為我記余曰諾寤意必兩顏公也蓋寧自錢武肅王立廟祀唐平原太守顏真卿而以其從兄常山太守杲卿為之記扁曰雙仁蓋取殺身成仁之意 皇明正德九年建祠安化坊迨嘉靖己酉參伯玉公暨邑侯高公重修之時崇德呂納言東滙已有記而神復見夢於余余曷敢

辭乃齋沐瞻禮而為之言曰唐自天寶之末祿山兵起河北二十四郡望風奔潰常山陽順而陰謀之斬其假子李欽湊首挫賊鋒至糧竭矢盡而城陷見執卒罵賊以死其忠肝義胆嚴霜皎日不啻也其弟犄角平原克清土門同日歸者十七郡四方義旅遂爭奮而起使賊不得直窺潼關唐室再造視控扼睢陽保障江淮者寧有異乎平原策祿山必反預為守具首發逆謀且慨從李萇乞師之請斬首百萬功何偉也歷事四朝正色危言卒為

國忠輔國元載炎杞諸奸所搆而殞於賊臣李希烈之手曾南豐謂公顛跌頓撼至七八而卒無秋毫顧慮誠知公之大矣嗟乎玄宗不蔽於國忠而任瞻臣以展其才未必滋逆胡之亂使德宗不惑於盧杞而相清臣以行其學未必激希烈之叛奈何內信讒邪坐觀忠義之俎醢天下幾何而不解體乎夫哀揚忠義所以砥世風弭不軌也今而後廟貌傾頽將必有繼王高二公以鼎新之者豈惟慰在天精爽將千古奸人之魄於是乎褫其於世

綱人紀永有賴哉

安化王祠碑記

沈友儒饌邑人

王之先山東青人也。在宋初家世以將顯。迨徽宗朝有諱稟者以統都屢立戰功。靖康間鎮守太原。粘沒喝攻圍竭力捍禦。久之糧盡援絕。城遂陷。乃與子閻門祗候荀入告原廟。抱太宗御容抗辭罵賊。俱赴汾水死。事聞追封安化郡王。謚忠肅。子荀贈右武大夫恩州刺史。建炎四年高宗駐蹕臨安。褒錄死節。特與故太傅安化王賜謚忠壯。召其孫

沆請行在襄封前爵。恩賚甚渥。賜第鹽官。邑治之西北。安化坊有旨。家屬所居。處州縣長吏加意撫存。以為堅守死節者。勸沆居是邑。鑿河洩潮。亦有功於民焉。沆子三忠恕。謙忠襲武官都督。恕登隆興元年進士。判維揚。謙登慶元五年進士。任三江鹽監。主管恕生玘。玘生輝。紹熙四年進士。仕朝奉大夫。十一傳元季。避兵有勝一之弟勝二。遷居海鹽。橫山勝三。遷北門後。徙蕭山。勝四以嫡裔承祖祀。隨兄勝一。遷居靈泉里。生子二。明賓。賓於洪武間

宣

以楷書薦繇中書舍人遷理部郎中明生禧宜德
間以稅殷薦知河間府禧生本本生雄正統間以
賢良薦經歷後軍督府土木之難扈征有功弘治
間雄子端從孫梅以邑庠生呈董學吳公即三管
墩剏祠祀之嘉靖壬子祠燬於兵火隆慶元年復
剏復被燬三年十月朔府陳公復議剏五年夏五
月而祠成余按宋史金人犯中國其所下城率以
虛聲脅降惟太原堅守踰二年為賊所憚則知安
化王者不徒以身殉國而震懾強虜保障晉陽厥

功不在巡遠下也云云

移建安化王祠記畧

鮑觀光撰 邑令

有宋安化王王公忠烈貫日星父子一轍余承乏
茲土因脩祀典得王遺事讀之使人毛髮欲豎非
所謂青魂血化千年為碧者耶祠在三管墩去邑
治五十里年久圯壞碑仆像毀殊不稱崇祀意查
得縣西有安化橋橋東安化巷有安化坊則王之
舊第當在此然王謝燕泥墮百姓家令人歎歎弔
遺烈耳余視縣之東偏有隙地謂足安王之靈乃

出官帑肖王像其中歲時致祭以昭報也查王之
支裔可二千餘指而祭田僅六畝余因為規料每
人月出銀一分不能者半鏹一文亦足致孝思殷
饒者什伯惟聽則一歲所積足當中之產再歲
可知矣三年五年又可知矣即增飾殿宇焜耀河
漢不亦可乎然後以宋書所載王事鐫之貞珉與
天壤同敝王氏子孫其有意乎慎毋惜阿堵俾前
烈之不光也
重建衙齋記
趙維寰

舊

宣學之教諭齋書在明倫堂西方幅畝許為屋三
層層三間旁有側披以褊甚簷外幾不容武室中
黜黜處室者如處井底云且不知建自何年余以
天啟乙丑抵宣則敗堵頽垣中外相望洞如矣視
其樑柱朽者半蠹者半每風雨至左堂右殿若張
兩腋護之以是得不傾然不傾於飄搖不能不傾
於蠹朽其積漸也余怵然省曰吾道之窮至是乎
朝不食夕不食而為此免死仕也不死於饑餓乃
死巖墻耶戒行李勿入徘徊東北顧得經閣之下

侍

棲焉蓋余自辛酉鼓盆隨時惟一二諸孫暨蒼頭四五輩原無所須曲房邃室也顧閣最高爽其上八牕玲瓏以望海觀濤奇絕而集風雨亦奇惡丙寅秋孟之朔狂颶猝發剝牕紙盡水從閣上注留榻欲浮傳言龍戰岌岌乎殆哉不勝性命之憂矣自是乃屢撤乘之慮還就倚齋謀盡撤其舊而新之或謂余曰脩緝學舍有司事也何自苦余曰不然今天下事大半廢於諉卸余竊鄙之當事者方以非身履其地也故秦越視而余又誰諉乎則又

微

曰緝舊易耳圖新難子祿入幾何能堪此余曰凡今仕塗之蹙額官貧者皆欺人也余祿誠敬佐以羔雉為子孫庀田舍則不足為戶牖計綢繆則有餘矣或又曰子非家於是而安用是長慮為余曰人生在處蘧廬誰為我家者必以我家也營之非我家也置之子能必瓊臺瑤宇之不為荒烟墟墓乎且吾非家於是而繼吾至者皆吾徒也莫長於傳舍而家為逆旅子何見之跼也於是八月朔鳩工歷九月杪竣役而余遂以十月朔徙行李宅其

中蓋寧學教諭齋之重建始此不可無記記其址
齋後故有蔬圃余併入之廣其址可二畝記其屋
屋仍三層層廣為五間其前一層中三間為講堂
東側一貯文卷西側一虛以寓客其第二層中一
間為便坐東二為書房臥室西二貯書籍一為庖
庖宜從後側披余鮮家累聊取便耳後五間以居
僮僕記門徑則最前為墻門門外有照墻墻之前
後有甬路皆砌以磚避泥淖也記屋壁內壁編竹
塗墍而粉白其外壁則盡用並方磚夾砌之其址

盡實以石惧易圯也記外護則自後一層以及前
兩層之周圍皆累土築墻墻必斷椽覆以瓦惧易
墮也記簷前天井凡三縱三大或二丈一丈橫數
如其間數夏可以納涼冬可以就日其在余書室
前者結竹屏隔之植薔薇木香以蔽外脩竹數竿
以藉蔭而猶餘隙地可埒雜卉則有意焉而未逮
也記榜額講堂題曰嚴尊門則題曰桃李勿忘其
所有事也總記工費百二十金有奇先是總憲陸
公衷虛檄縣助工二十金而謝侯劍緒亦割贖錢

約三十金凡官錢之給自縣者屬局大使鄒某司
出納而余所自捐別有籍要即以監士所入用之
監庠非有損於余也時在丙寅冬仲陽生之旦當
湖鈍叟趙維寰記

安化王喬紀畧

許令典 邑人

吾邑自日角以來若張若許若顏以奇節衛社稷
俎豆千秋者何其多也迄宋之季靖康之厄則有
抗辭罵賊赴汾水死之王稟若繼三忠而起又何
烈也自宋至今其登進士者四徵入尚書郎二千

衿

石督府參軍者三土木之難則又有參軍雄踵前
武焉又何纍纍若若之不替也嘉隆以來學使者
至無不錄其後以青其矜レ其在於今則王某是繼
其後者將為纍若乎將為芹藻乎羸史曰張許顏
三先生之功烈如彼其高也尸祝如彼其久也而
後之附梁公者紛紛也乃登進士赴弓旌者不少
概見何與水有原木有本食其報於俎豆衿紳自
有不爽者所從來遠且正矣余故因安化之派以
迪世之混淆疑似者淮陽太守許令典書

圖經舊序

樓漳撰

國志之設尚矣自元和郡國

缺

寰宇九域等書

皆受命於朝

缺

之內一無所遺卷帙至繁

缺

其大綱而已歟後郡各有書

缺

則登載已詳

足以備史家之采擇開卷而知其人之才否然搜

討貴博而簡別不能精紀務實述而去取或不當

叙祥異則易失之怪書人物則多失之努^L列守宰

善政而載筆者亦與焉龔黃復生人且不信乃併

與其可傳者掩之皆圖誌之疵也海昌為經畿縣

今

夸

令尹古括潘侯景夔下車以來慈祥臨民儒雅飾

吏政成暇日撫臨安志全書增攷故牘命秀士相

與訂正之歷代之沿革山川之向背風俗人物賦

役土產凡一邑之所當問者會稗蒲編而以碑^碣

紀咏次之將與斯人仰許睢陽之餘烈挹張無垢

之遺風以庶幾於起敬起慕垂受代而書成將鉸

之木邑尉玉牒崇謨漳外弟也介以請家君叙其

事於編首機務鮮暇乃命小子書之敢誦所聞以

塞嘉命先祖^缺岐公頃歲由工部郎知處州作

盛詩備列 卷十一
括蒼志繪郡境為圖以便觀覽遂不失圖經之旨
後有作者雖或加詳實本諸此云時在嘉定二年
立冬之日

顧况集序

皇甫湜

狀
吳中山泉氣壯レ英淑恠麗太湖異石洞庭朱寶華
亭清唳與虎邱天竺諸佛寺鈎錦繡絕君出其中
間翕輕清以為性結冷淡以為質煦鮮榮以為詞
偏於逸歌長句駿發踔厲往往若穿天心出月脇
意外驚人語非尋常所能及最為快也李白杜甫

類

考

已死非君將誰與哉君字逋翁諱况以文入仕其
為人數レ其詞章嘗從韓晉公於江南為判官驟成
磊落以績入仕著作不能慕甚為眾所非為江南
郡丞類歲脫縻無復北意起屋於茅山意飄然若
將續古三仙以九十壽卒湜以童子見君揚州李レ
感寺君披黃移白絹鞞頭眸子瞭然炯炯清立望
之真白圭振鷺也既接歡然以我為揚雄孟軻顧
恨不及見三十年於茲矣知音之厚曷嘗忘諸去
年從丞相涼公襄陽有曰顧非熊者在門訊之即

君子也出君之詩集二十卷泣請予發之涼公適
移蒞宣武軍余裝歸洛陽諾而未副今又稔矣生
來速文乃題其集之首為序

平夷頌序

董穀 邑人

洪惟我太祖高皇帝奄有九有今上皇

帝君臨萬邦太平二百年三代以下全盛之治無
有過者乃今東夷兇黠狡戾至為反側我叛人通
竄沙嶼誘至亡命利動貪商始於辛壬延於癸甲
東南幾省橫罹兵燹皇天厭亂默後哲人俾我卒

授哲

辛字疑誤

革
兵胡公文武全才代巡浙水出奇制勝克當聖心
爰委重寄超遷中丞提督軍務陞總制大展經畧
延攬獨斷與神為謀勦撫隨宜機變莫測丙辰徐
海授首丁巳王直華面元惡就虜群醜咸歸乃肅
清瀚海之風濤洗滌邱山之腥穢上以舒九重之

膚
宵旰下以措萬姓於衽席偉哉績乎是宜寵頒新
命位絕留都以奏虜功惠此南服昔勒石燕然徒
誇兵力樹碑淮蔡示侈武功豈若今不殺之威行

於徼外折衝之妙荒彼大東頌聲曷可已乎遺頌載

從吾道人說

王守仁撰

海盜董蘿石者年六十有八矣以能詩聞江湖間
與其鄉之業詩者十數輩為詩社旦夕操紙吟鳴
相與求句字之工至廢寢食遺生業時俗共笑之
不顧以是為天下之至樂也嘉靖甲申春蘿石來
遊會稽聞陽明子方與其徒講學山中以杖肩其
瓢笠詩卷有訪入門長揖上坐陽明子異其氣貌
且年老禮敬之又詢知其為董蘿石也與之語連
日夜蘿石辭彌謙禮彌下不覺其席之彌側也曰

相

吾見世之儒者支離瑣碎脩飾邊幅為偶人之狀
嘗不屑其所為以為世豈真有所謂聖賢之學直
假道於是以求濟其私耳故遂篤志於詩而放浪
於山水今吾聞夫子言忽若大寐之得醒吾非至
於夫子之門則幾虛此生矣將北面夫子而終身
焉陽明子曰有是哉吾未或見此翁也今之後生
晚進稍知執筆為文詞記誦訓詁則已侈然自大
不復知有從師學問之事間有從師學問者則典
然共非笑之指黜若惟物翁以能詩訓後進從之

哄

遊者徧江湖蓋居然先輩矣一旦聞予言而棄去其數十年之成業如敝屣求北面而屈體焉豈獨今之時未見吾人將古記載所傳亦未多數也夫君子之學求以變其氣質氣質之難變者以客氣為患不能屈下於人遂至自是自欺飾非長傲卒歸於兇頑鄙俗故凡世之為子而不能孝為弟而不能敬為臣而不能忠者其始皆起於不能屈下而客氣之為患耳苟惟禮是從而難於屈下則客氣消而天理行非天下之大勇不足以與於此

倍

理

尋

作

則如蘿石者固吾之師也而吾豈足以師蘿石乎與之探禹穴登壚峰陟秦望尊蘭亭之遺跡徜徉於雲門若耶鑑湖剡曲蘿石日有所聞益克然有得欣然而忘歸也其鄉黨之子弟親友與其平日之為社者或笑而非之或曰詩招之反且曰翁老矣何自苦若是蘿石笑曰吾方幸逃於苦海揚鬢振羽雲霄之上安能復投網罟而入樊籠乎去矣吾將從吾所好遂自號曰從吾道人陽明子聞之嘆曰卓哉蘿石血氣既衰孰能挺持奮發若少年

英銳者之為乎真可謂之能從吾好矣夫世人從其名之好也而競以相高從其利之好也而貪以相取從其心意耳目之好也而詐以相欺亦皆自謂從吾所好矣抑知吾之所謂真吾者乎夫父慈子孝忠信篤敬真吾之好也天下之所同好也將富貴貧賤患難夷狄無入而不自得焉斯之謂能從吾所好也矣夫子嘗曰吾十有五而志於學是從吾之始也七十而從心所欲不踰矩則從吾而化矣籬石踰耳順而始知從吾學毋自以為既晚

也克蘿石之勇其進於化也何有

魯公史評

宋史臣

史評畧曰語云慷慨就死易從容就義難夫死事之臣何代無之即顏氏一門駢首遇害者三十餘人然皆激於一時之義未有凌頓挫久折而彌厲如公者方公在虜營虜露刃以前坎庭以待積薪以脇濱於死者百矣而卒引義自決至遺書訓子自為志銘其從容就義不更有難於杲卿之死乎曾子固有言唐之名臣忤時者不乏乃且起且休

歷七八死而不悔者惟魯公一人余以何易斯言哉

鄉賢議

陳善

夫鄉賢之祀所以表前懿勵後來蓋朝廷風世令典顧近代所進舍有未盡協於至當之議者在昔賢固不系之為寵辱而非所進而進焉為黷祀非所舍而舍焉為失人於風世初指則悖謬甚矣即如海昌賢祠所列六朝迄今共計二十有九人而產自昭代者過半豈不斌斌稱盛乃以查公約之

舉

賢不得與俎豆之列何哉夫論定於棗梓而禮樂於黌序今鄉評皆知仰止閔齋先生而黌校不為追發奉常之議以請於主者詎為不闕典乎余於是不能無嘆按陳先生議以閔齋先生未入

賢祠為黌校咎似也余則以公論出自黌校此

第可許於百年前耳今之黌校師生所聚族而

謀者大校皆阿堵事其有議及士品風勵云云

者必以為迂且怪尚可厚望之古道乎如余鄉

馬廓庵孫雲衢兩先生清風介氣真足廉立顏

俗而其子孫貧且弱曾無為之表章者乃以過
侍御片言鳴之當道兩先生始得與於俎豆之
列則夫閔齋先生事當有任其責者似未可為
翼校咎也雖然雲間陸平泉先生為鄉國鼎臣
當道亦既採輿論登之俎豆而其孫彥楨有所
感憤至抱其主以出若將挽馬然則閔齋而果
賢也亦安在其必祠余蓋感余邑賢祠之濫溢
而於海昌之四十年來不入一人也竊有取焉
問病劄與許杞山
孫一元

得書知台仲抱病然為眾生生病為己身病
日用動息篤敬以涵養之久則粹面盎背眾生之
病亦化矣此道沉溺已久獨吾台仲可以語此暑
益蒸幸宜勉幸宜勉
賀入諫垣劄與杞山
王守仁

榮入諫垣聞之喜而不寐非為台仲喜得此官為
朝廷喜得台仲也孟子云人不足與適政不足與
間惟大人為能格君心之非一正君而國定碌碌
之士未論其言之若何苟言焉亦足尚矣吾夫君

子之志於道者則不然必時然後言又不專以取
言為貴也去惡先其甚者顛倒是非固已得罪於
名教若搜譎瑣屑亦君子之所恥也向時格致之
說近來用功有得力處否若於此見得真切則所
謂一以貫之如前所云亦覺瑣瑣矣
慰唁疏與許山杞

王守仁

吾子累然憂服之中顧勞垂念至勤賢郎書幣遠
及其何以當道不可須臾間居喪亦學也而喪者
以荒迷自居言不能無荒迷耳學則不至於荒迷

也故曰喪事不敢不勉蓋戚之說為流俗忘本者
言喜怒哀樂發皆中節之謂和故哀亦有和焉發
於至誠而無所乖戾之謂也夫過情非和也動氣
非和也有意必於其間非和也孺子終日啼而不
嗌和之至也知此則知居喪之學固無異於平居
之學矣聞吾子近日有過毀之憂輒敢以是奉告
幸圖其所為大孝者可也賢郎氣質甚美適當冗
結不及與之一言殊負遠來不久便還林麓後會
尚有可期草草佈謝不盡

論學劄與許杞山

徐愛

邇聞希顏守中誦吾兄德業日新篤志聖賢之學時與陽明先生言之未嘗不喜動顏色蓋當吾道孤子之秋而得如吾兄挺然特立之資為之先鋒則凡疲兵弱卒未有不知感奮者如是復何憂不濟耶學力易盡聖道無涯更望益新舊業遂登聖域恃知愛何敢以己所未能乃遂不以告也

論學劄與許杞山

鄒守益

長安之別歲律八改宦轍參差坐缺動定之敬頌

會從吾道人備知習靜養高超然邱壑某為多所困弗獲乘棹款門以奉新得懷如之何良知之教精瑩明澈如明目中一塵不可伏就使金屑玉屑一或入之病與塵等高明深造自得當有以發師門之蘊何以垂教鞭其不逮

論學劄與許杞山

邵銳

銳多病廢業入秋體力漸佳又苦俗累縈擾不能凝靜讀書可嘆可嘆竊謂吾人須有溝壑喪元之志始可以自立必有省察克治切己功夫始可以

畢

有成不然徒恃意氣撐駕一時畢竟何益而僕躬自蹈之日益狼狽吾兄千萬終教幸甚

邵銳

論時事劄與杞山
國是漸搖黨事且起吾人忍自敗壞一至於此遠臣過計寢食靡寧奈何奈何子材德業日新真是豪傑相觀之益尤有深望

春回卷跋

為查給諫

陳繼儒

劉禹錫云官不前定何名真宰王鏊云緣業先定吉凶乃來此皆為數所縛也余不心肯此言夫定

為

數之說不過為躁人下一清涼散耳若忠臣孝子孤憤激烈爾時成敗生死已置度外有鬼神無從把握者從來真忠孝決馬上帝所憐春回枯木自是定理若查先生之抗疏觸譴業瀕死而卒賜環回思二十年前夢象若持之券也此豈數之所能制乎語云造化本無心眾生自造化蓋先生造化在手夢先告之耳

唐吳府君墓誌

君台州刺史

羅隱撰

黃巢之叛天下騷動抗之豪傑橫戈執挺以衛鄉

里者八人時立八都之號太傅渤海府君居其一
焉君諱公約字處仁姬周盛族全吳胄裔今為杭
之餘杭人時鹽官地始以勇膽智畧為郡邑推以
禦巢功晉御史中丞奏改硤石為訓齊所摧鋒破
銳日著聲績累官秋曹民部二尚書自始及末為
將三十年家無長物斯亦名將之高節也乾盛四
年六月二十一日啓手足於硤石之私第享年五
十有八以明年正月卜宅於錢塘之新亭鄉桐扣
山之原禮也君娶樂陵石氏生男一重裕河間邢

氏夫人繼焉生男二曰重禮曰重禋女二人未笄
將葬君嗣子以隱鄉里之舊既請銘其墓矣而復
以詩一章文其美於道之隅詩曰吳山蒼蒼吳水
泱泱降生英靈為公為王以嚴缺旅以奠對疆派
而別者我亦鷹揚取直之功捍巢之績雖從本軍
寶展良畫乃自西佳遷於硤石主君東伐諸將西
征賈以餘勇資其銳兵稽山霧廓京口波清耳從
貂冕始拜冬卿吳會紛紜淮夷奔競驅其凍餒犯
我疆境躬勵精卒恭承上命雪霽松貞風中草勁

元戎承制聖主酬勞優游渥澤司元望高所謂鷄
省全資豹韜乃頒異寵乃正華資大國綱紀雄藩
羽儀牀間牛鬪抔裡蛇疑天胡可測神亦難知有
仁於時有功於物一代殊勲二品清秩不謂不達
何獲何失瑞馬神羊金箱玉室守秘書省著作
郎賜緋魚袋羅隱撰文

唐舒論墓誌銘

名佚

論望出天水郡公諱墩父平論平之第二子時年
廿有四貫杭州鹽官縣靈泉鄉以元和九年甲午

歲十月十四日終於天長鄉之私舍以其月三十
日窆葬於當縣西南四里買裴氏地論未婚父平
併其兄弟恐陵谷變遷桑田改易勒為誌記詞
曰青青松柏落落澗石蓬蒿裏中長歛魂魄缺閉
泉門千秋永隔

唐梅府君墓誌銘

有序

名佚

梅氏之地望在汝南府君之世業居海昌祖諱羅
父諱慶皆遨遊時世遁迹邱園府君慶嗣子也未
及弱冠即蒞嵯職遞歷眾局至於首統遊刃其間

廿餘載自後頓懷高尚杳思退休缺○千家倏遷
十稔乃迫知已薦缺赭山未越月而政聞缺司差
劾浙東鹽盜不踰年而盜伏法自是姦人懼反訟
於公公自夏初雪濫於越會廉察滎陽公鑒其冤
尋與申白上命未回而公邁疾奄然長逝春秋五
十有四娶廬江何氏夫人君無賢嗣有女一纔及
笄以咸通 年十二月廿五日歸窆於鹽官縣之
昌亭鄉新建營禮也爰勒貞珉永期不泯銘曰缺
之缺兮必摧玉之堅兮必缺魂之往也不回缺之

逝也永訣缺之缺兮缺 隙之光兮電掣嘆兮悼

兮泉扃是缺

唐萬府君墓誌銘

名佚

君諱仁泰字國盜其先扶風郡人祖翽父清君清
次子也招隱不仕里仁于居性翫琴書情欽義友
豈謂泰山其頽梁木斯折以元和二年二月廿七
日邁疾終於私第春秋五十有四以其年十月十
九日窆於杭州鹽官縣蘭陵鄉 硤石市東一里
娶彭城劉氏生男某次楊次璵次通二女各適它

喪

姓摧巒缺棘悲消響震恐後桑田變海故勒貞珉
為誌銘曰玄宮冥冥兮曉不開魂魄蕭蕭兮啼方
哀愁雲靄靄兮雨添淚松栢颼颼兮風缺

唐鄔府君墓誌銘

名佚

鄔君諱某厥先太原人晉既卒亂遷於江南府君

即有唐故侍御史元某之次孫也性好古以書籍

耕鑿缺

出處不撓於時待鄉親交友以缺固未

嘗失之矣夫人顧氏少負邑里之譽賢德節行缺

於府君和若宮徵生三子長曰頌次曰某季曰昇

並聞詩禮君甫耳順而諸子尚未成人但可終於

溫清何違仕宦也居喪之情殆至毀滅貞元中時

艱賦煩故頌為運漕之使星行晨驅號泣之誠傷

感路人十五年春正月北自維揚旋於海昌乃謂

二弟曰宗墓眾廣塋隴擲比乃相與卜地得海昌

里之一墟南去古墟三十步欲報之恩缺

更病迭起缺生墳鄉人助之無取也孝矣哉銘

曰海昌之里馬牧之墟孤墳歸如歸生之餘送終

伊何家有孝子卜兆伊何青鳥是缺千歲蒿里百

年邁已

雲邨老人墓記銘

自撰

雲邨老人伯台氏名相卿許故族居抗之海寧靈
泉里晚徙紫雲自稱雲邨老人云老人生世七十
九年嘉靖三十六年秋寢疾知不起且慮子若孫
狗俗飾終將乞葬文誣我蒙羞入地無絕已時已
恐來世有稽無徵也則手書于墓石曰雲邨老人
平生行業無可紀撰先古系緒載于湛若水志皇
考封給事中府君葬語中老人以成化十五年九

月十六日生于外皇父俞氏三歲失哺少長善病
弱冠始為學甫壯仕于朝給事中歲餘自免歸
久之以中外諸司薦詔補原秩辭疾乞致仕以
竄籍鮑郎鹽課司奏聞報可於是結屋紫雲山
中水石幽勝處食力詠志讀書彈琴無一跡抵親
交城市四十許年而終嘉靖三十四年四月島夷
突犯海防老人走折左股一捫之頓踊呼號曰人
同有生之樂而吾獨不免殷憂畢此生哉夫天人
賦我者學未克見于道父母之生我也老乃更殘

其遺忘親不子負天非人奈何尚猶立覆載戴面目名人也乎痛恨不終食輟也老人長子聞過先老人死晚舉少子聞造過子敦儉敦儲儲質美而殤儉子令己令甲令丙嘉靖三十六年八月初九日雞始號老人夢指畫太極圖動靜交處已而吸清露三巨觥味爽而寤遂病日彌留銘曰嗟夫子乎冥驚畏途冒襲慙譽一真旋隙眾患攸萃室嗜辛螫巷聒群吠物匪胥戕事有必至聞之先民知我希而我貴吾乃不得與此吾徒生死而

已爾

雲邨老人像贊

自撰

少也英英長也稜稜壯也錚錚衰以耄也蟄坯戲哺遺身世兮瞢騰惟進而昧夫時之不可挽也幾難免乎世則退而遊於物之所不能役也聊復得此生已夫

又

昂七尺而中空空酣群籍而理夢夢志將身挽一世風還前古而力莫之從若夫攘攘沾沾費辭喜

兮

事與餘子較身後之名也厚靳全慵生而進如讓
退如蟄尚剡薦乎何有没而碑不文墓不封况社
祝分矣庸士論安所物色畫史若為形容於穆一
元吾其大同

祭臯蘇將軍廟文

宋高宗

畧曰胡馬來此緣逐金牛牛没尾棹空回可羞拔
劍自刎曾無恐尤至今父老能道所由云云

祭張橫浦文

方

乾道三年十一月乙丑朔敷文閣直學士方滋遣

嗣孫靖昭祭於張公子韶尊兄之墓嗚呼海內知
己如公幾人梁壞山頽晚缺安仰日月遠矣聲容
隱然永懷平生方寸屢折造官荆渚寄徑近郊王
事有程汎掃無路姑馳一介致敬九原云云

祭張橫浦文

史浩

紹熙元年歲庚戌八月癸未朔太師保寧軍節度
使致仕魏國公史浩委姪婿知鹽官縣事陳恕敬
祭於無垢先生待制侍郎張公之墓惟公學承正
宗文肩前輩卓行珠玉淨無瑕類射策廣庭英俊

如蝟公以萬言奉當大對臚唱哀然名喧海內持
橐從班表帥在位退食私室門多旌旆一世人龍
孰不愛畏浩掌郡庠時適相值傾蓋忘年雅推聲
氣端笏趨隅薦牘見舉公之舉詞深有旨味識超
幾先意傳經外惟此八字三宵不寐思而得之寶
錄無愧予婿宰邑近公墓隊命掃松楸嘗加葺治
追念知己臨風墮淚云云

雙廟祝文

吳由撰 邑令

咸淳三年令吳由率同官寓公邑庠諸生以十月

十六日己巳祭許公於廟蓋公盡節之日也曰由
幼讀書而知有睢陽戰守之烈茲試令而獲武原
忠義之鄉私竊為幸因與邑寓楊君均訂之舊史
質之通鑑參之長麻夫然後知睢陽陷於孟冬之
九日後七日而公竟以不屈死爰於是日載舉祀
事於廟庭之下以補舊典之缺以慰邦人之思云
云楊均撰侑祭樂章載圖經不具錄

雙仁祠祝文

辛自脩撰 邑令

李唐不競胡虜遂猖河北諸郡倒旗迎降惟公兄

弟鼓車堂堂誓死僇力江淮之防賊下矢石披襟
以當罵不虛口烈日秋霜生以忠進死以忠亡二
難抗節千古流芳某忝職茲土祀典孔彰尚冀靈
爽福爾鄉邦

雙仁祠祝文

吳堯時撰 邑令

嗟哉二公赫赫精忠遭時不造羯胡肆兇漁陽鼙
鼓雲擾京東關中失守河北望風二公倡義盡瘁
鞠躬起兵討賊期建茂功夫何天欲畀公以完節
遽爾糧盡而失竭城陷被執怒激奸雄比死而罵

不虛口臨難而抗節致忠難兄難弟今古誰同某
職司是土敬仰高風屆值秋仲聊備樽俎以報厥
功尚祈昭格錫祉無窮

安化王祠祝文

鮑觀光 邑令

惟神忠貫星日勇撼天山始為都統茂績班班太
原鎮守砥柱狂瀾死殉國難氣湧江湍父子一轍
忠孝兩全天子駐蹕錄後臨安褒忠錫爵賜第鹽
官百世之下餘風可觀某等宦轍雲窩瞻仰英肝
報功崇德脩此豆籩神其歆格薰蒿曖然

寧誌備攷卷十二



趙維



遺詠

東湖望山歌

顧况



浴鮮積翠棲靈異石洞花宮橫半空夜光潭上明
星啟風雨壇邊樹如洗水淹徐孺宅恒乾月墜洪
崖井無底主人載酒東湖陰遙望西山三四岑有况

咏橫山之硤石崇福寺

送姚杭州詩

顧非熊

瀟江江上郡揚柳到時春
塹起背城鴈帆分向海
人嶠雲侵寺壯汀月隔樓
新靜裡更何事還應咏
白蘋

被執示程千里

許遠

鼎烹且不避桎梏任相欺
一死人臣事孤心天地
知楚囚休對泣漢將欲何施
萬古綱常地男兒正
此時

其二

漢道本全盛神州何陸沉
妖氣欺白日燐火照丹

深

心蘇武節還在包胥恨
自身從容就容就歸路先
拜獻陵陰

死別吟

許遠

睢陽睢陽兵力疲噫朔雲慘慘妖氛吹噫吾徒死
節真男男噫緩我死分將安為噫屍我東兮骨我
西噫泉臺妙筭能無施噫左為風兮右為雨噫滌
盪腥羶萬餘里噫死別死別斷腸兮噫臨風泣血
天還知噫此恨綿綿無絕期噫

題雙廟

王安石

兩公天下駿無地與驕驤就死得處所至今猶耿
光中原擅兵革昔日幾侯王此獨身如在誰令國
不亡北風吹樹急西日照牕涼志士千年淚泠泠
落奠觴

安國寺浴

蘇武

老來百事懶身垢猶念浴衰髮不到耳尚煩一月
沐山城足薪炭烟霧蒙暘谷塵垢能幾何脩然脫
羈梏披衣坐小閣散髮臨身竹心困萬緣空身安
一牀足豈惟忘清淨兼以洗滌辱默坐無多談此

理觀要熟

題僧爽白雄鷄

蘇軾

斷尾雄鷄本畏烹年來聽法伴脩行還應却置蓮
花漏老怯風霜恐不鳴

次施彥執韻

張九成

新詩宛見故人面思入江山氣象雄幾歲不堪青
草瘴今朝還喜鯉魚風高秋木落雁為伴久雨江
深吾欲東他日樽前如把臂莫驚我已白頭翁

聞彥執有辣螺詩聊復為作

張九成

乾坤中空繞滄溟千奇百恠鬪露形鯨鯢鼃鼉突
相撐蚶蜃蚌蛤角介猛是中有物入眼生羊腸蟻
蛭分縱橫入口小辛美且清薦酒百盞壺亦傾有
如汲直官漢京諫諍誰切心原平肩吾作詩翻手
成士龍筆力敵相勅嗟我才短誰歌賡欲往俯坐
愁頡美句澁音搜君莫輕雄豪猶勝蒼蠅鳴

夏日即事

張九成

拂袖歸來好親朋笑語真山高多爽氣溪迥只清
簾幕深無暑琴樽靜照人短衫吳縠細團扇越

羅新翠竹書千卷滄波釣一輪身間人自遠心淨
世無塵月出千峰外風生萬壑濱庾公樓上興曾
點舞雩春高論傾今古長歌動鬼神勲名吾已判
朝市任紛綸

偶成

張九成

庭院無端作許寒好花無處壓欄杆東君今歲知
何意勒住群花不得看

雨中海棠

張九成

玉脆紅輕不耐寒無端風雨苦相干曉來試捲珠

簾看菽菽飛香滿畫欄

懷汪聖錫

張九成

美玉藏精璞明珠媚深淵天清氣缺明光景露涓
涓或者輒按劍奇才歎難全之子英傑人聲名何
軒軒妙齡魁四海終始皆稱賢過眼不再讀悟心
非口傳文真翻手成識超餘子先森森列五岳浩
浩朝百川謂年未三十當握造化權陶甄到唐虞
脩潔偕淵騫誰云一戢翅沉滯十二年眾論殊未
諧子心方藐然磨礪盡箭鏃刮洗成混圓上造義

軒外下極宣政前討論分本末鈎頤窮繇緣遙遙
數千載恍然落眼邊斯文天其興子能常蹈顛試
看桃李花三春何鮮妍未及瞬息間飄零墮風烟
青青高松枝霜雪彌貞堅子如識此理聊卧白雲
巔

寓館黃灣

楊璿

望望人烟市行商日滿塗四邊山勢合渾似蜀川
圖

題廣濟橋

楊璿

控扼金牛勢青山面面扶居人投足易功百鄭乘
輿

題知監廳

楊璿

鹽課書常息民情政事醅公庭無一事花柳醉娛
人

題浦上

楊璿

舊日寒潮浦如今但有名人烟一帶盡古岸酒旗
橫

題浦口

楊璿

市浦樓船滿南商上落頻晨昏二潮水衣食一方
人

題硤石山

施德操

何處登臨眼最明雪峰住處一川平潮隨海月生
時上峰在雲天靜處橫幢蓋神扶喬木影風雷井
閉古泉聲靈蹤鑿盡翻惆悵何日山報道成

悼嶽祠効白氏諷諫體

施德操

薨

巍樓掙空勢嶒嶸神靈之宇宜高明雕欄疏綺煥
丹青上有碧瓦聯缺薨薨當時何繇有此屋邑人輸

成欲求福捐金倒廩不計資工師伐盡南山木宮
祠落成今幾年帝君來兮從群仙開陽閉陰宣化
權雲車風馬何翩翩邇來荒涼廢脩葺香錢歲被
宮拘入社會不來香火寒塵埃撲面靈官泣人間
萬事有廢興祇今白晝門常扃山祇海若擁空缺
粉黛剝落無威靈虛亭無人春寂寂細艸沿堦土
花碧荒池廢井綠生衣燕雀群飛聲唧唧古人理
財生諸民今人理財取之神神人之寃無所訴上
帝居高弗下顧

題許公

王綸

親將已柄授巡兄却向軍中稟令行此事便應千
載祀兒曹休向問功名

題南將軍

王綸

一死於心果不難曹柯心在炳如丹空留矢缺浮
圖上誰不教渠滅賀蘭

弔王忠肅祠忠肅王稟謚

楊由義

太原城下屹行宮雲樹籠葱掩碧空鐵馬無聲汾
水急滿天風雨泣英雄

思雲操

汪應辰

自我去家兮越歲踰年心搖搖兮如旌之懸為子
為臣兮忠孝曷全我將全歸兮繫綬與組我因乘
高兮獲見親所悲兮悲兮彼雲之駐兮此雲之逝兮

御書邑人王恕詩

宋孝宗賜僧惟仰

天與清才壓孟郊品題光景到秋毫春工十絕搜
尋盡從此詩名日更高

御書僧守璋詩

宋孝宗賜僧德言

草深烟景重林茂夕陽微不雨花猶落無風絮自

飛

題讀書林

首絕已載邑志不重錄

鍾必萬

其二

歲寒誰是最相親鶴骨龍髯兩故人更約梅花作
三友不妨清澹過今春

其

客來屐齒謾留痕坐見春回笑語溫他日摩娑訪
遺跡料松生子竹生孫

題仰高亭

邑志雖載不全

鍾必萬

上

長安去天一尺五天高不知高幾許仰觀黃道轉
星辰俯覺青山滿塵土憶昔廣寒平步止二十年
間勞夢想孤亭盤薄醉魂醒岩桂婆婆詩技痒眼
前雖感杜陵句誰識胷中高妙處雙鳧既是從天
來五斗端非折腰具萬物矯首待春膏百里化風
歸一陶勿使下民或啼號仰官長天樣高

仰題高亭

邑志雖載不全

俞允成

我聞陶彭澤折腰顏忸怩又聞汲滎陽耻之弗屑
為二公固高節可敬不可師君亭曰仰高同趣而
異宜既能了官事不墮官事癡弦歌有餘閒登覽
無遐遺盡洗簿書塵吟哦少陵詩壯氣干層霄幽
懷挹芳枝但覺心地寬無問吏役卑本來天姿高
更以高自期碧落看橫翔大書豈吾欺

其二

誰着危亭

缺

閒月華挂影傍攔杆一同盡覆花

陰底四顧還

缺

境界寬獨有壯懷凌廣莫更無纖

翳高寒此名便是君清節只許時人矯首看

缺

題仰高亭

張少良

危亭駐崇崗漣漪浸飛影登臨何所見翼翼參萬
井中有老與稚柔金雜頑礪所以亭中人俯仰要
三省陳侯諫諍姿鐵面霜花冷臨民氣藹然陽春
回淑景初來拊吾民驚此膚骨瘠正色振頽綱讒
口不得逞期會非吾事吾方務綏靖符移急星雷
缺一笑領更縛狐兔空民安雞犬靜聲和天地
應一飽周四境回首念焦熬令人發深傲城南去
天幾有位不敢請平生江湖憂布衾寒耿耿侯今

缺政成著身必禁省披心翊明聖苦言同骨鯁察
吏攷本原百度隨手整坐致補衮功貴富非天幸

缺風高遺芳歲年永

題仰高亭

田質

危亭芟薙出蓬蒿底事標名曰仰高擬待垂天鼓
鵬翼仰恢餘地試牛刀舉頭見日知尤近引手捫
星益自豪從此青雲可平步豈應州縣尚徒勞

題仰高亭

姜缺

陳侯大雅姿要是社稷器詞源瀉河漢胷次極涇

斷

渭平生運斤手不斷
郢人鼻補袞曾未施
割雞聊小試
二年來拊摩一意用
慈惠夜村無吠犬
朝畦有馴雉
河陽滿縣花紅紫
不入背西風
落殘夢獨憶
小山桂後圃
僅如掌乘間
洗荒穢築亭寄
幽爽解危愜
素志如延古
仙伯凜凜千餘輩
披服翠雲裘
紹以黃金珮
寒香得朝領
客時一醉不學靖
節翁把菊嘆
憔悴高風端
可仰反語無
乃戲清霄况
咫尺平步可
睥睨行看玉
堂上薇藥對
軒砌但恐說
此花勞君發
清涕

題仰高亭

曾伋

岩堯帝闕非人世
九虎守關人莫至

黃魯直送秦少游守餘杭

有欲攀天闕君曾奏諫入明光
軒陛峩峩夢遊企

自言平生燈火讀
肯為一官心便足
聖賢事業在

簡編仰止高山繼
英躅竭來海縣勞
施設撫字恩

深吏民悅求欲求
惠澤湔瘡痍
矯首旻蒼向誰說

當年惟有杜林老
愛國憂民鬢如
眼看叢桂憶

斯人哦詩名亭寄
幽抱名亭之意
自有尚此心豈

為供吟賞興來舉
酒揖明月環視
八荒天一掌君

陵

今未用恨幽獨且將秋芳嗅清馥會看九萬穩扶
搖四海蒼生成矚目

題光華亭

魏伯恂

亭高爽塏聳牙簷萬種森羅共一川坐使江山歸
舊觀欣看童稚望郵船柳烟烘日塵迷渚麥浪降
風翠拍天民物熙熙樂康阜可無詩酒與君傳

題光華亭

葉亨中

郊原極目如平掌華館飛缺瞰碧川砌草漸嘶征
客馬岸揚行舫督郵船春光駘蕩烟花渚山色依

稀鴈鷺天自是規模壯今昔清名留與後人傳

題光華亭

陳士良

無訟深嚴畫下簾光華新制挽雲川尊前醉客堪
投轄遊柳外^遊人趁畫船積翠迷烟芳艸渡輕陰潤
雨養花天令君仁政饒和氣流入都城萬古傳

題光華亭

郭知運

仁政頻書大有年瓶新亭宇俯平川軒楹擺掇連
雲稻門廡夷猶盡鷁船聊向琴堂消暇日每逢刺
史自開天便膺帝簡分符竹畿甸歌謠處處傳

又題

倦客東來路幾千
歸心長在舊山川
欲依花縣不欺政
先艤春江下水船
洗拂空隨洗缺雨
落成遙想落花天
眼前新識翬飛字
海邑真成永遠傳

題光華亭

耿弇

客

風軟香塵撲帽簷
竹春小隊照前川
築亭已卜持金節
領畧須操載酒船
藍尾正逢寒日雨
鰲頭直過落花天
蘭亭高會今重見
還作江山勝事傳

其二

晝靜棠陰覆畫簾
主人才思若增川
治同蜀郡先興學
仁比親挽船
且趁鳴絃閒暇日
不妨把酒艷陽天
河陽春色知多少
總入詩人好句傳

題光華亭

竇思永

幾點飛紅亂撲簷
半篙新綠浩盈川
旋栽官道千株柳
少駐星臺萬斛船
邱壑盡從方寸地
姓名已上九重天
沙堤便築朝京路
留得新詩句句傳

其二

東風醉帽整高簷
鯨量懸如海納川
珮印豈無金

作斗行觴應有玉為船紅燒臘炬三春夜寸碧浮
空一兩天赤縣使華新奏課刻章爭入置驛傳

題光華亭

張少良

候館荒夷四十年忽驚華宇俯長川臨流遠拂隋
堤柳鑿沼新移玉井泉瀟灑頓忘身外累寬平自
適性中天脫簡

送劉少府之鹽官

梅堯臣

我祖南昌尉時危隱去仙劉郎從宦日天子治平
年燥茗山中火熬波海上烟吳民不為盜惟此撓

君權

次前韻

馬用

自古鹽官邑人呼尉作仙及瓜稽吉日枉駕省衰
年時秦銷兵地春和煮海天徒勞不足嘆前路好
加鞭

題雙廟

曾伋

天寶承平四十秋當時玉食幾王侯漁陽兵起乘
輿出死節如公更有否

其二

國憑節義壯鴻基激厲頽風屬聖時曾屈帝尊親
降輦可因祈福幸公祠

其三

獨守孤城抗祿山疾風勁草見艱難應知苟簡事
君者到此誰云不厚顏

其四

篇釋留題盡昔賢讀之英氣凜然寒時人不曉推
崇意却與叢祠一例看

六州歌 題雙廟

劉過

睢陽舊事說着淚先流男兒漢曾百戰肯俘囚死
未休行闕知何處胡塵暗猶拜望臣力盡孤城陷
賊誰收飲恨捐軀血染荒原草地慘天愁憤當時
有劍不斬賀蘭頭 缺 路隔神非 缺 問何人
為有遺策 缺 十一字 如彷彿見

貌貅香火城西道神馳整齏戈矛風悉宰吹寒葉
響颼颼千古人民祈賽中興後還有人否喚南豐
老子傍柳系吾舟酌酒同遊

重題雙廟

郭知運

唐祚中不振孽胡恣奸驕君德弗克終治亂在一
朝渠魁睥神器四海俱動搖向來為厲階其迹亦
冰消中興功孰盛張許冠百僚堂堂二公烈千古
名不凋義膽及華嶽忠肝齊斗杓平生慕節義卜
居祠匪遙丹青就湮鬱古屋風蕭蕭英靈如可問
激懦討僭妖

雙廟迎神歌

揚均

月維良兮日既望雁淒淒兮靡草黃潔滯俎兮桂
觴迎生氣兮睢之陽龍媒蹠蹠兮玄雲翔佇想

裳
五公兮下瑤堂儼如在今曠祀舉肅雍列兮羅簪

送神歌

揚均

裸獻終禮紀具靈禋禋迴霄馭人祇分福祉聚

題雙廟

文天祥

起師哭玄元義氣震天地百戰奮雄姿鬻妾士揮
淚睢陽水東流雙廟垂百世當日令狐潮乃為賊
遊說

題清遠樓

文天祥

高閣晴空上登臨憶舊遊竹床虛卧月松戶半倚
秋山截鳥飛處江流天盡頭相留惟少憇玄思得
冥搜

過平原有感

文天祥

平原太守顏真卿長安天子不知名一朝漁陽動
鞶鼓大河以北無堅城君家兄弟奮戈起二十七
郡連城盟賊聞失色分軍還不敢長驅入咸京明
皇父子得西狩由是靈武起義兵唐家再造李郭
力賊人牽制公威靈哀哉常山賊鈎舌公歸朝廷

草

氣不折崎嶇坎坷不得去出入四朝老忠節當年
幸脫安祿山白首竟陷李希烈希烈安能遽殺公
宰相盧杞頓日月亂臣賊子歸河所茫茫烟莫中
原土公視於今六百年精忠赫赫雷行天
飲西湖 貢師泰

十年不到西湖上此日重來意倍親尊酒暫陪天
上使畫船猶待水邊人題詩香積箋花舊度曲聲
傳玉樹新歸醉小樓明月曙開元鍾鼓正朝真
送有亨姪還錢塘 貢師泰

嗣宗諸姪仲容賢客路飄零雪滿顛曾為頌椒留
子美却思蠟愛僧虔十年江海三杯酒百里谿
山一鈎船何日兵戈得休息敬亭風雨共歸田

海歌

貢師泰

黑面小郎掉三板載取官人來大船日正中時先
轉柁一齊舉手拜神天

又

出得蛟門纔是海虎蹲山下待平潮敲帆轉艙齊
着力不見前船正過焦

又

大星煌煌天欲明黃旗上寫總漕名願得順風三
四日早催春運到燕京

又

隻嶼山前放大洋霧氣昏昏海上黃聽得柁樓人
笑道半天紅日掛帆檣

又

四山合處一門開雪浪掀天不盡來船過此間都
賀喜明朝便可到南臺

又
千戶火長好家主事事苦辛不辭難明年載糧直
沽去便着綠衫歸作官

又
大工駕拖如駕馬數人左右拽長牽萬鈞氣力在
我手任渠雪浪來滔天

又
碇手在船功最多一人唱聲百人和何事淺深偏
記得慣曾海上看風波

又
亞班輕捷如猿猴手把長繩飛上高你每道險我
不險只要竿頭着脚牢

又
上蓬起柁氣力强花布纏頭袴兩襠說與眾人莫
相笑喫酒著衣還阿郎

敬翁築居退隱

薩天錫

新築軒楹遠市城小庭幽寂勝蓬瀛
窗含海月瑤琴靜簾捲溪門石榻清
黃菊尊前常細詠綠楊絲

虛獨閒行松闕盡日無人到耳畔那聞月旦許

題般若臺

次橫浦先生韻

黃伯劑

寺古僧應少地偏心自扁憑高通楚望懷遠眇胥

靈深蟄虬藏翠斜飛鷺界青休文今已去佛像寄

誰銘先生嘗與邑令刁文叔來遊臺上

題真如怪石

董將

茲山翠成堆峭骨乃如許化工妙融結石罅走青

乳當年女媧氏煉此不及補岳岳至於今丈室枕

其股我來手摩娑松陰日亭午初疑道士羊亦類

將軍虎坐久饑腸鳴試作先生煮

城海盜謠

吳奎

隋有鹽官城漢無鹽官城唐有鹽官城宋無鹽官

城荒城蕪沒知何代惟有東流水常在蓬萊清淺

幾桑田精衛年年塞東海前年無城禦邊烽去年

無城機杼空今年長城高百尺誰其主者陳元龍

重門鐵鎖黃金鑰刁斗無聲夜停柝七星掛城明

月低萬戶千門慘清角何當四海車書同倉生樂

盲康衢中明年開城看歌舞城南城北春花紅

貞母阡

胡奎

石門山前箭如雨朝別良人暮為鬼石門山下百尺泉一日身死名千年至今石門山下路烈婦人稱禹家墓墓前斜日一僧歸即是當年十歲兒

題雙廟

朱祚

天寶落日昏四野胡塵起一朝漁陽城遂作單于壘潼關潰秋濤藩籬總頽靡倒戈競趨降恬然不知耻惟公挺忠節恨賊入骨髓江淮保障地其責歸於己醢妾食三軍捐軀輕六矢力窮援亦絕百

戰殊未已邊月冷烽烟陣雲昏睥睨城崩壯圖屈罵賊猶斷齒生兮為忠臣死兮為厲鬼死生誰所無君獨盡斯理孤忠露丹心千秋耀青史至今仰高節神像遺鄉里香雲護綺牕金碧輝丹宸我來請祠下歔歔獨垂淚再拜重咨嗟如公今有幾

題雙廟

高啓

維昔天寶末君王寵奸虜雄邊委強兵遺患同養虎叛聞遽西幸骨肉棄榛莽河北二十州義士誰禦侮兩公起誓眾慟哭告玄祖橫身過其衝江淮

保安土孤城無全堞百戰霜月苦力窮援不來
齒罵益怒殘兵日飢疲秋風仆旗鼓男兒不生降
一死冠今古故鄉有遺廟俗祭平屢舞丹青網塵
中爽氣猶可賭嗟今屬喪亂戎馬正旁午臨危肯
捐軀如公未多數獨立為悲傷斜陽下寒楚

歌行為雙廟

聶大年

睢陽城中箭如雨百戰兵疲食荼紙將軍力盡孤
城危三十六人同日死當時南八真男兒嚙指出
血空淋漓賀蘭擁兵坐不救肯與社稷同安危諸

貯響

原亦誤

君赤心思報國慷慨殺身全大節死為厲鬼亦何
雄誓欲復讐終滅賊堂堂廟貌海昌城歲時貯響
通精誠皇天后土鑒忠義萬古千年垂令名悲風
蕭蕭撼庭樹讀罷穹碑毛髮豎方今六合久清盜
不辨魚麗分守處

題雙廟

孫子良

國破君何在艱危寄此身孤城抗全虜一髮引千
鈞諸葛終憂漢包胥空入秦可憐忠義友亦作說
降人

題貢師泰墓

潘良

大元禮部中華士古墓殘陽草樹陰
出處一時誠自畧綱常千古竟誰任
冠裳天地分夷夏風景江山是古今
王氣東南排日月桃源始卜避秦心

題硤石

高季迪

硤石頗奇怪長江出連山絕壁兩峯開
行舟過其間高處難解登陰藤梟難攀
旁垂兩痕古仰露天光慳不知真宰意
隨地設陰艱一夫據蜀閣二世憑秦關
賴此非要區爭奪得少閒徘徊望久日

暮飛雲還

望海

楊仲弘

海門東望浩漫漫風颶無時縱惡湍
黑霧障天陰氣盛滄波涵日曉光寒
豈無方士求靈藥亦有幽人把釣竿
搖蕩星槎如可馭別離塵土亦何難

觀海二首

易履

長登江上臺海色揚潮時茫茫坤軸中
天水何淋漓東踰扶桑國西接玉母池
朝宗此禹域百粵來珍奇峩峩蓬萊山
飛仙渺難期我欲往從之蛟鼉

浩紛披寥寥乘槎意日暮徒興悲

其二

大化不可測崇卑分濁清滄溟會東南有泄亦有
盈周流始一氣蕩蕩漪難名秦嬴獨何愚駕石希
仙靈豈不念茲水而與天齊傾彼哉精衛魂何如
白鷗盟鯨波期弗沸中國有皇明

登海昌城樓望海

高季迪

百川浩皆東元氣流不息混茫自太古於此見容
德積陰漲玄濤萬里失空色鴻鵠去不窮魚龍變

難測朝登茲樓望動盪豁胸臆始知滄溟大外絡
九州域日出水底宮烟生島中國寬疑浸天濫怒
欲吹地曷常時風雨興海若不受職長堤此宵潰
頻勞負薪塞况今艱危際民若在墊溺有地不可
居傾洞風塵黑安得擊水游圖南附鵬翼

偶成

朱靜庵

異鄉久為客風雨阻歸程兩岸數峯碧孤舟一羽
輕蓬牕殘燭在烟樹蚤鴉鳴坐待東方曙依稀見
海城

送海昌沈志行之官永平

楊榮

憶昔先皇乘六龍網羅俊彥俱登庸當時簡拔入
中秘二十八宿迴蒼穹峇堯鳳闕五雲表育養群
才何濟濟文追韓柳唐代風字逼鍾王晉時體子
於是時方少年雲霄步武如飛仙胸中彪炳燦霞
起筆端變化生雲烟蹇予亦作金閨客出入鑿坡
最相得列班共遙駕鸞行振羽時騫鸞鳳翼坐來
倏忽三十春殘星落落如故人羨子受命佐薇省
愧我承恩居禁宸子歸泣血知幾載千里雲山隔

江海竭來官舍遂論心兩鬢蒼蒼顏未改 皇恩
威德加遠方尚資豪俊防邊疆子行正好畫籌策
撫綏士伍摠忠良方今四海昭文治不以成平忘
武備位看茂績著明時廊廟尚需膺重寄

遊金粟寺

張寧

金粟名山碧海邊上方樓閣近諸天人推轉藏闡
清楚自洗殘碑認往年南渡龍章千古在西來像
法一燈懸登臨不見懷人處回首孤雲思惘然

重遊

張寧

溪深容小艇山峻露層臺
林葉經霜盡河冰近午
開間雲僧出定暮雨客
曾來邈邈浮生路經過
知幾回

遊金粟山

王守仁

金粟峯頭縱遠觀山林不
動萬松寒飛崖瀉壁雨
初歇古澗流紅春欲闌
佛地移來龍窟小僧房
高借鶴巢寬飄然更覺
離塵世一笑天風振羽
翰

春日同王文美觀海

陳白沙

春草盈門綠未涯隔汀
人唱浪淘沙一春剛到
融

融處細雨初開澹澹花
僻地豈堪留客久連床
端合拜君家明朝愛向
醅醕別笑脫藤蓑付酒
家

望海

孫一元

絕頂天風吹鬢毛長風
東去望中遙沙邊烟浪
浮珠牡島上人家住翠
鰲萬里閒情窮海嶽百
年無事只漁樵聯翩盡
日歸來晚看到潮聲月
色高

贈董蘿石登爐峯絕頂

王守仁

道人不奈登山癖日暮
猶思絕棧雲巖底獨行
穿虎穴峯頭清嘯亂猿
群清溪月出時尋寺歸
棹城

隅已歎門可笑中郎無好興獨留僧坐共黃昏

中秋泛月湖

許相卿

喜君來值中秋日抱病同登漱墅山澤國夜濤悲
夜永海風天月破天慳撫時長劍虹光動寄興滄
浪鶴共閒良友百年能幾會清歌劇飲未須還

其二

一年好月是中秋向夕呼舟抱病遊大地清輝翻
白晝良宵幽興屬滄洲湖山夜色孤蓬遠天水寒
光兩鏡浮酣坐不知吟嘯永攔干北斗挂峯頭

送許杞山會試

孫一元

角巾快一識相對殘陽紅多路笑我拙收功與子
同山青去鳥外春滿片帆中憶恐釣竿手畫眉終
未工

與許杞山識別

王激

十載論心地浮生恨轉蓬夕陽驢背上孤燭雨聲
中握手風烟暮臨觴客淚空別情對江水無語共
流東

其二

客鬢風花外脩途夢未醒自憐遊子眼幾見故人
榮歸路逢寒食蓬窓復短檠浮生苦多事應為二
毛驚

烏

聞許台仲携友去田雪上
王守仁
見說相携雪上耕連蓑應已出為程荒畬初墾功
須倍秋熟雖微稅亦輕雨後湖舫兼學釣餉餘堤
樹合閒行山人久有歸農興猶向千峯夜渡兵
是
漳南
提兵

訪台仲九杞山中

孫一元

山水經年到尊壘十日留柴門沙月動木榻水雲
流同愛名山隱難忘
帝國憂何時解朱紱散髮
共滄洲

其二

夜

下榻山中異論交海上邛百年同意氣雙淚滴乾
坤木葉風江亂秋燈霧樹昏滄洲終自好白首釣
魚輪

黃鶴樓

許相卿

樓臺仙跡古城隅尊俎英僚勝會初全楚英雄圖歸

指顧清湘幽憤入躊躇江光蜿蜿晴虹迥沙渚娟
娟野日虛客子自多雲水意扁舟却羨洞庭漁

其二

一雨江城五月涼重樓危檻俯滄茫煙蕪七澤浮
元氣晴樹千村動夕陽後四句佚

和黃鶴樓韻

董澐

樓上逍遙生晚涼仙人黃鶴去茫茫曾城落日搖
南浦古渡寒烟繞漢陽疊嶂半空衡嶽近掛帆十
里楚天長勝遊本自緣王事亦有新詩寄漫郎

其二

鶴樓千尺壯江隅冠蓋登臨曉日初雲物臺高閒
徙倚江湖天遠重躊躇人歸杳靄孤帆遠鳥落平
蕪大野虛玉節丹梯凭畫檻嘯聲應徹楚江漁

留別許司諫

林俊

鶴袍元不戀漁簑精力曾如老去何混迹巢由能
自許諸君堯舜望應多直從聖學開天縱薄與
斯民乞歲和海上山靈驚往別閒身還屬素雲窩

送別許司諫同年

時送鄉幼子還

陳沂

空言備五
暫離青瑣乞還鄉
雨館寒燈戀別觴
我以故人心
繾綣君緣稊子色
淒涼孤鴻叫夜連
雲遠衰柳驚
風夾路長
世事多艱
須自慰聲名
休負在巖廊

送許司諫同年

趙漢

天涯送客望江鄉
去住何心共此觴
碧落雲間孤劍倚
早秋風急舊袍涼
祖行敢祝邱園便
報國寧論歲月長
並馬趨朝憶明發
曉星幾點殿西廊

過吳興寄懷許台仲

夏言

碧海東南望吾憐
九杞山美人隔烟水
長日掩雲